

ЭРНЕСТ ХЕМИНГУЭЙ

АЛВИДО, КУРОЛ!



Русчадан Иброҳим Ғафуров таржимаси

Тошкент
«Ёш гвардия»
1986

МУАЛЛИФ СҮЗ БОШИСИ¹

Бу китоб Парижда, Ки-Уэстда, Флоридада, Пиггота, Арканзас, Канзас-Сити, Миссури, Шеридан, Вайомингда ёзилди; 1929 йил кўкламида Парижда сўнгги таҳрирдан чиқарилди.

Биринчи вариантни ёзаётганимда Канзас-Ситида ўғлим Петрик туғилди, уни онасининг қорнини ёриб олдилар, мен Оук-Паркда, Иллинойсда, сўнгги вариант устида ишлаётганимда отам ўзини отиб қўйди. Бу китобни тутатганимда ҳали ўттизга кирмагандим, у биржада бухрон рўй берган кун дунё юзини кўрди. Мен доим отам шошди, деб ўйлайман, бироқ, балки унинг сабр косаси тўлиб кетгандир. Отамни ниҳоятда севардим, шунинг учун у ҳақда бир нарса деб мулоҳаза юритиш мендан лозиммас.

Мен барча ушбу воқеаларни ва ўзимиз яшаган жойларни, ўша или бўлган яхши-ёмон гапларнинг ҳаммасини эслайман. Лекин ҳаммасидан ҳам китобда яшаган ҳаётими, ўзим кун-бакун тўқиб чиқарган ҳаётни яхшироқ хотирлайман. Шу мамлакат, шу одамлар ва уларнинг бошдан кечиргандарини тўқир эканман, дунёда мендан ҳам баҳтироқ одам йўқ эди. Ҳар куни мен ёзилгандарни бир бошдан ўқиб чиқар ва шундан сўнг давом эттирад ва ҳар куни яхши ёзиб турганимда, бундан бу ёғига нима ёзишим мавълум бўлган бир пайтда ишни тұхтатар эдим.

Китоб фожия билан тугаётгани мени ранжитмасди, чунки, мен умуман ҳаёт — фожиадан иборат, унинг ҳамма кўчалари бир жойга олиб боради, деб билардим. Бироқ ёза олишингдан, ёзганда ҳам ҳақоний қилиб, кейин ўзинг ўқигандаганда ҳам лаззатланадиган қилиб ёза олишингдан ва ҳар кунингни мана шу ёқимли иш билан бошлашдан кувончироқ нарса йўқ бўлса керак. Бунинг олдида бошқа ҳамма нарса арзимас гаплардир.

1926 йилда бир романим чиқкан эди. Лекин уни ёзган пайтларим ҳали роман устида қандай ишлаш кераклигини мутлақо билмасдим: мен жуда ҳам тез ёзар ва айтадиган гапим қолмагандагина тұхтардим. Шунинг учун биринчи варианти жуда ҳам ёмон чиқди. Мен уни ярим йилда ёзив тутатдим, кейин мутлақо қайтадан кўчириб чиқдим. Лекин қайта ишлаётганды мен жуда кўп нарсаларни ўргандым.

Ноширим, Чарльз Скрибнер отларнинг яхши-ёмонини ажратишига уста, нашриёт ишлари ҳақида нимани билиш керак бўлса, барини, эҳтимол, билса ҳам керак, ўрганмаган қулоққа гарчи ғалати эшишилса-да, китобларни ҳам унчамунча тушунади, мендан безакларга қандай қарайсиз, китобингизни безакли қилиб чиқарсан, розимисиз, деб сўраб қолди. Агар рассом ёзувицидай ўз ишининг устаси бўлмаса, бунга жавоб бериш осон бўлади, чунки ёзуви ўзи жонли гувоҳ бўлиб кўрган-билган ҳодисаларни, мамлакатларни,

¹ Сўз боши 1948 йилда чиқкан безакли нашрга ёзилган.

нарсаларни булардан бехабар бир кимса томонидан билар-
билмас акс эттирилишига сира рози бўлолмайди.

Агар мен воқеаси Багам оролларида кечадиган роман
ёзганимда эди, мен унинг безакларини Уинслоу Хомер
ишлашини истаган бўлардим, бироқ шундаймундан бирон
нарсани безашни эмас, Багам оролларини ва у ерда кўр-
ганларини чизиши сўраган бўлардим. Агар мен Мопассан
бўлганимда (қани эди ундан бўлиш ўзикларга ҳам, тирик-
ларга ҳам насиб бўлса) мен ўз китобларимга безак сифа-
тида Тулуз-Лотрекнинг расм ва суратларини, Ренуар умри-
нинг ўртасида чизган айрим пленерларини олган бўлардим,
норманд табиати манзараларига эса ҳеч кимнинг кўлини
урдирмаган бўлардим, чунки ҳеч бир рассом бунда у бил-
лан тенглашолмасди.

Агар фалон ё пистон ёзувчи бўлганимда дейиладиган
бўлса, уларга муносиб рассомларни топса бўларди. Лекин
у ёзувчилар ҳозир бўлмаганларидай, у рассомлар ҳам ҳо-
зир ўлиб кетишган, Макс Перкинс ва яна бошқа кўплар ҳам
ўтган йили ўлиб кетишди. Бу йилнинг шуниси яхшики, ол-
динда бизни қандай вайриликлар кутаётган бўлмасин, у ўт-
ган йилдан кўра ёмонроқ бўлмайди, ёки 1944 йил, ёки 1945
йилнинг эрта қиши ва кўклам чоғларичалик ёмон бўлмас.
Булар вайриликларнинг мўл ҳосиллари кўтарилиган йиллар
эди.

Биз ушбу йилни ўртада пул йигиб шампан сотиб олиб
Сан-Вэллида, Айдахода, кутиб олганимизда, кимдир бир
ўйин таклиф қилди: тортилган арқон ёки ёғоч калтак таги-
дан елқада судралиб ўтиш керак эди, ўтаётганда ҳеч қа-
ерингиз арқон ёки таёққа тегиб кетмаслиги шарт қилинган-
ди. Мен бир бурчакда Ингрид Бергман билан калфана шам-
панни ичиб ўтирадим, унга дедим: «Қизим, бу йил йиллар-
нинг энг худо ургани бўлади» (Сифетлар түшириб қолдири-
лади).

Мисс Бергман, нега ундан деб ўйлайсиз, деди. Унга
ҳозирча ҳамма йиллар бир-биридан яхши бўлиб келган,
шунинг учун менинг фикримга қўшилиши қийин эди. Мен
сўзга бой эмасман, сўзнинг кифтики келтириб гапиролмай-
ман, шунинг учун бунинг сабабларини сизга батафсил ту-
шунтириб беролмайман, лекин қатор, бир-бирига боғланма-
ған аломатларга қараганда, яхшилик бўлишини кутиш қи-
йин, таёқнингми, арқоннингми тагидан ўрмалаб ўтавётган
бойваччаларнинг кўриниши ҳам яхшиликдан дарак бермайди,
дедим. Шу билан гапни тугатдик.

Шундай қилиб, бу китоб биринчи марта 1929 йилда,
Нью-Йорк биржасида талофат юз берган куни майдониға
чиқди. Безакли нашри бу йил кузда чиқиши керак. Бу вакт
ичида Скотт Фицжеральд ўлди, Том Вулф ўлди, Жим Жойс
ўлди (у биографлари томонидан ўйлаб ёзилган Жойсга си-
ра ўхшамайди, антиқа ўртоғимиз эди. Бир куни у ичиб
ўтирганимизда, менинг китобларим сизга жуда ҳам ибти-
дойи бўлиб кўринмайдими, деб сўраганди); Жон Бишоп ўл-
ди, Макс Перкинс ўлди. Улиши керак бўлган яна бир қан-
ча одамлар ўлиб кетиши; бир хиллари Милан бензоколон-
каларида оёқларидан осилдилар, бошқалари яхшими, ёмон-

ми бомбардимон қилинган немис шаҳарлерида осиб қўйилди. Қанчадан-қанча номаълум, номсиз, нишонсиз, бироқ қаётни жуда ҳам севган кишилар йўқ бўлиб кетишли.

Бу китоб «Алвидо, қуролі!» деб аталади, у ёзилгандан кейинги уч йилдан бу ёғига ер юзининг қаеридадир тўксовсиз уруш бўляпти. Кўплар ўшанда нега бу одам мунча уруш билан банд бўлиб кетди, деб ҳайрон бўлиб юришганди, лекин 1933 йилдан кейин эндиликда ҳаттоқи уларга ҳам ёзувчи одам сурбетларча қилинаётган муттасил қирғинларга, разил жиноятлар билан тўла урушларга ҳеч қачон бефарқ қараб туролмаслиги равшан бўлиб қолди. Мен кўп урушларда қатишдим, шунинг учун бу масалада ғаразим қаттиқ, ҳатто жуда ҳам қаттиқ. Бу китобнинг муаллифи онгли суратда шу фикрга келдики; урушларда жанг қиласётган одамлар дунёдаги энг ажойиб одамлардир, фронтнинг қизғин қисмларига кириб борганинг сари бундай ажойиб кишиларга кўпроқ дуч кела бошлайсан. Лекин урушни бошлагвилар, унинг оловига яна олов ташлаб турганлар иқтисодий рақобатдан, фойда ундиришдан бошқа нарсани ўйламайдиган тўнгизлардир. Мен урушда бойлик ортирганлар, уруш оловини ёққаилар урушнинг биринчи кунларидәёқ мамяқат гражданларининг мухтор вакиллари томонидан отиб ташланмоғи зарур, деб ҳисоблайман.

Бу китобнинг муаллифи, агар жангга кетаётганлар унга лутфан топширсалар, бунақанги отиб ташлаш бўладиган бўлса, уни ташкил этишини ўз зиммасига жон-жон деб олган бўлур эди ва бу ишнинг ҳаммаси имкони борича одамийлик ва ахлоқ-одеб доирасидан чиқмай адo этилишига (ахир отилаётганлар орасида ҳар хил одамлар бўлиши мумкин-да) ҳамда уларнинг жасадлари, шубҳасиз, дафн этилишига риоя қилган бўлурди. Ҳаттоқи, уларни цelloфанда ёки шунга ўхшаш бирор замонавий синтетик нарсада ўраб кўмилишига ҳам қаршилик қилмасди. Мабодо, охири бориб бошланган урушда менинг ҳам ҳиссам борлиги аниқлангудай бўлса, қанчалик қайғули бўлмасин, майли, мени ҳам ўша ўқчилар взводи отиб ташласин. Кейин мени ҳам истасалар цellofanга ўраб ёки ўрамасдан кўмсинлар, ёкуд менинг ўрён танимни тоғ ёнбағридан улоқтириб юбора қолсинлар. Розиман.

Шундай қилиб, орвдан йигирма йилча ўтди, бинобарин, мана сизга китоб ва мана унга сўз боши.

Финка-Вижия,
Сан-Франциско-де-Паула, Куба
30 июнь 1948 й.

БИРИНЧИ КИТОБ

Биринчи боб

Уша йили ёз охирларида биз қишлоқда, кулбада турардик. Кулбадан нарида дарё билан водий, улардан ҳам олисроқда тоғлар ёстаниб ётарди. Дарёниг ўзани офтобда оқарган, қуруқ қайрағочлар ва майды шағал билан қолланган, дарё шохобчаларида эса сув тип-тиниқ ва күм-күк бўлиб, шўх шалдираб оқиб борарди. Кулба олдидағи йўлдан қўшинлар ўтиб борар, уларнинг оғифидан кўтаришган тўзон оғочларнинг баргларига ўтиради. Оғочларнинг шохлари ҳам чангга бурканганди, уша йили япроқлар эрта тўкила бошлаганди, биз бўлсак, йўлдан қўшинларнинг ўтиб боришини, чанг-тўзоннинг кўкка ўрлашини, шамол япроқларни юлқиб-сулқиб учирив кетаётганини, солдатларнинг одимларини, сўнгра эса кимсасиз, бўм-бўш тупроқ йўлда ёлғиз япроқларгина тўкилиб ётишини томоша қиласадик.

Водий ерлари ҳосилдор эди, унда боғзорлар сероб эди, водий этагидаги тоғлар эса тақир қўниғир тоғлар эди. Тоғларда жанг кетмоқдайди, кечалари портлашлардан ёлқинлар кўтаришади. Қоронгида улар шафаққа ўхшаб кўринарди: фақат туилари этни жунжиктириб совуқ тураг, ҳаво қуруқ эди.

Баъзан қоронгида деразадан қўшинларнинг ўтиб боришини, тўп-тўпхоналар тортиб келаётганини эшишиб қолардик. Гунда йўлда қатнов зўраяр, иккала томонига яшик-яшик ўқ-дори ортган хачирлар, устига солдатлар тушган, юкларига брезент ташлаган кулранг машиналар шошилмай тўхтовсиз ўтиб туради. Кундузлари ҳам шатак машиналар оғир тўпларни судраб борар, тўпларнинг оғир стволларига кўм-кўк шох-шаббалар ташлаб қўйилган, шатакчилар ҳам қуюқ яшил шохлар ва ток занглари билан беркитилган эди. Биздан шимол ёқда водий, водийдан нарида каштанзор, каштанзордан ҳам нарида — дарёниг бу бетида баланд тепалик бор эди. Шу тепаликни эгаллашга бир неча мар-

та уриниб кўрилди, лекин бундан ҳеч нарса чиқмади. Куз кириб, ёмғир кетидан ёмғир қуийб бергач, каштанларнинг япроқлари дув тўкилдилар-да, шохлари қип-яланғоч бўлиб қолдилар, дараҳтлариниг тепалари ёмғирдан қорайиб кетди. Токзорларнинг ҳам ораси очилиб, қуруқ навдаларгина қолди, теварак-атроф қўнғир тусга кирди, ҳаммаёқ рутубат, кузги сўлғинликка чўмди. Дарё усти туман билан қопланган, тоғлар тепасида булатлар сузаб юради; юк машиналари йўллардан лой сачратиб борар, ёмғирпўш кийган солдатлар ҳам лойга беланган, ивиган ҳолда борардилар: уларнинг милтиқлари ҳам ҳўл эди; қайишларидағи иккита кулранг чарм патрон сумка 6,5 миллиметрли ингичка патронлар жойланган обоймалардан зил тортиб, ёмғирпўш тагидан қўтарилиб туар ва гўё йўлдан бораётган солдатларни олти ойлик ҳомиладордай қилиб кўрсатарди.

Кичкина оч тусли енгил машиналар ҳам ўтар, уларни тез ҳайдаб боришарди; кўпинча ҳайдовчининг ёнида офицер ўтирар, орқа томонда ҳам офицерлар бўларди. Булад юк машиналарга қараганда кўпроқ лой сачратиб кетарди. Агар офицерлардан бири жуда ҳам пакана бўлиб, орқа ўриндиқда икки генерал ўртасида ўтирган бўлсаю, азбаройи бўйи калталигидан юзи кўринмай, фақат шапкасининг тепасию, торгина елкасигина кўриниб турса ва бунинг устига машина ғоят тез кетаётган бўлса — ажабмаски, шу киши қирол эди. Унинг қароргоҳи Удинада бўлиб, деярли ҳар куни шу йўлдан аҳволни билиш учун ўтиб туар, аҳвол эса жуда ёмон эди. *

Қишиш бошланиши билан сурункасига ёмғир қуийб берди, ёмғир билан бирга вабо тарқалди. Лекин унинг олди олинди, вабо давомида қўшинда фақат етти минг кишигина ўлди, холос.

Иккинчи боб

Янги кирган йилда анча ғалаба қозонилди. Водий этагидаги баландлик ва каштанзорлар ишғол қилинди, водийнинг жануб томонидаги ерларда ҳам ғалаба қозонилди ва биз август ойида дарёдан ўтиб, Горицияда жойлашдик; биз турган уйнинг деворларига арғувон вистария чирмашиб кетган, баланд четан билан тўсилган боғда фонтан отилиб туар, қалин, сэрсоя дараҳтлар

кўп эди. Энди жанглар шу атрофдаги тоғларда, биздан бир чақирим ҳам келмайдиган жойларда борарди. Шаҳар жуда ажойиб, биз турган ўй эса жуда чирсийли эди. Дарё бизнинг ортимизда оқарди, шаҳарни ҳам осонгина қўлга кирийтдик, лекин нарироқдаги тоғларни ишғол қила олмадик; мен шунисига хурсанд эдимки, австрияликлар қачонлардир уруш тугаса, қайтиб борамиз-ку, деган ўй билан бўлса керак, шаҳарни айтарли бомбардимон қилишмас, йўлига пўписа қилиб қўярдилар, холос. Аҳоли кетмай, шаҳарда қолган эди, бу ерда госпиталлар ҳам, қаҳвахоналар ҳам, муюлишларда артиллерия ҳам, бири солдатларга, иккинчиси офицерларга мўлжалланган исловатхона ҳам бор эди; ёз охирлаб, тунлар совуқ бўлиб қолди, яқин тоғлардаги жанглар, снарядлар майиштириб, пачақланган кўприкларнинг темири, жанг бўлиб ўтган дарё бўйидаги бузилган туннель, майдон атрофидаги дараҳтлар ва майдонга чиқадиган кўчанинг икки бетидаги қўша-қўша оғочлар,— буларнинг бари ва яна шаҳарда ойимтилларнинг борлиги, қирол ўзининг оч рангли машинасида ўтиб-кетиб турганлиги, энди унинг башарасини ва дутор бўйин кичкина гавдасини, эчкиникига ўхшаш бир тутам оппоқ соқолини кўриш мумкин бўлиб қолгани,— буларнинг бари ва яна деворлари ўпирилган, ичи кўриниб ётган уйлар, боғларда, баъзан эса кўчаларда уюлиб ётган синган фишт уюмлари, тахта-ёғочлар, Карсада ишлар жўнашиб кетганлиги бу йилги мавсум биз қишлоқда турган пайтимиздаги бултурги кузакдан бутунлай бошқача эканлигини кўрсатиб турарди. Уруш ҳам бошқачароқ бўлиб қолганди.

Шаҳарнинг нариги томонидаги тоғдаги эманзор ўрмон хароб бўлди. Биз шаҳарга кирган маҳалда ёзда бу ўрмон кўм-кўк кўкариб турганди, эндиликда эса ўрмондан фақат тўнкалару, мажақланган урён таналаригина қолди; ер ҳам бутунлай ағдар-тўнтар қилиб юборилганди: куз охирлаган кезлар эди, бир куни мен илгариги эманзор ўрмон харобасида туриб, тоғ ортидан бостириб келаётган булатни кўрдим. Булат шитоб билан келдию, бир зумда офтоб хиралашиб, сарғайнib қолди, кейин ҳаммаёқдан нур ўчди, кўк юзи қоронги торти, тоғ устини булат ўради ва ҳаш-паш дегунча устимизга ёпирилди, қор келмоқда эди. У шамол билан бўралаб урди, ялангоч ер унинг тагида гойиб бўл-

ди, фақат түңгакларгина серрайиб қолдилар, түпларнинг усти ҳам қор билан қопланди. Хандақларнинг орқа томонидаги ҳожат жойларига излар тушди.

Кечқурун шаҳарга тушиб, мен офицерлар кирадиган исловатхонанинг деразаси олдида ўртоғим билан бир шиша асти ичиб ўтирадим. Ташқарида қор ёғар ва биз унинг оғир ва шошилмай ёғаётганига термилиб ўтириб, қор бу йилги ишларга ҳам ёғаётганлигини англардик. Дарёнинг юқори қисмидаги тоғлар қўлга киритилмади; дарё орқасидаги тоғларнинг ҳам биронтаси эгалланмади. Буларнинг бари келаси йилга қолади. Оғайним кўчада балчиқлардан оҳиста ўтиб бораётган полкимизнинг руҳонийсини кўриб қолди-да, деразани чертиб уни чақира бошлади. Руҳоний бошини кўтарди. У бизни кўргач, жилмайди. Оғайним уни бармоғи билан имлади. Руҳоний бошини лиқиллатиб, ўтиб кетди. Кечқурун офицерлар ошхонасида спагетти еб бўлингач,— спагеттини ҳамма жиддий қиёфада ўтириб, вилкага осилтириб илиб оларди-да, шоша-пиша дамини чиқармай ичига тортар, кейин эса кажава идишга солинган винодан ҳўпларди,— вино солинган кўза металл токча устида чайқалиб туарар, кимга керак бўлса, кўрсаткич бармоғи билан унинг бўғзини энгаштирас, шунда стакан тип-тиниқ, ўтқир ва ёқимли арғувоний май билан тўлиб чиқарди, спагетти еб бўлингач, капитан кашишнинг жигнига тега бошлади.

Қашиш ёш эди ва сал нарсага дарров қизариб кетарди, у ҳаммамиз қатори форма кийган, фақат кулранг френчининг сўл кўкрак чўнтағи устида тўқ қизил духобадан салб қадалган эди. Капитан мени назарда тутиб, италянчани бузиб-нетиб гапирав, чамаси, шундай қилсан, гапимни яхши англайди, деб ўйларди.

— Руҳоний бугун ойимчага борди,— деди капитан дам кашишга, дам менга қараб. Қашиш жилмайди ва қизариб кетди, бошини чайқаб қўйди. Капитан у билан ҳазил-мазах қилишни яхши кўрарди.

— Йўқ, денг-чи?— деди капитан.— Мен руҳонийни ойимчада кўрдим.

— Йўқ,— деди қашиш. Бошқа офицерлар капитаннинг майнабозчилигига қўшилиб ўтиришарди.

— Руҳоний ойимчага йўқ,— унамасди капитан.— Руҳоний ойимча билан ҳеч қачон,— тушунтирди у мен-

га. У стаканимни олиб мендан кўз узмай, айни чоқда кашишга ҳам қараб-қараб қўйиб, тўлдириб берди.

— Руҳоний ҳар кечаси ўзини ўзи.—Ҳамма кулиб юборди.—Сиз тушундингизми? Руҳоний ҳар кечаси ўзини ўзи.—Капитан қўли билан қилиб кўрсатди-да, хаҳолаб кулди. Кашиш буни ҳазилга йўйиб ўтиради.

— Папа урушда австрислар ютиб чиқишини хоҳлайди,—деди майор.—У Франц-Иосифни яхши кўради. Австрислар пулни кимдан олаётганликлари энди равшандир. Мен — худосизман.

— Сиз «Қора тўнғиз»ни ўқимаганмисиз?—сўради лейтенант.—Сизга топиб бераман. Шу китобни ўқиб, динга ишонқирамай қўйдим.

— У ифлос ва расво китоб,—деди кашиш.—У сизга чиндан ёққан бўлиши мумкин эмас.

— Жуда фойдали китоб,—деди лейтенант.—Унда нуқул руҳонийлар ҳақида ёзилган. Сизга маъқул бўлади,—деди у менга.

Мен кашишга қараб жилмайдим, у ҳам шам ортидан менга кулимсиради.

— Ўқиманг уни,—деди у.

— Сизга топиб бераман,—деди лейтенант.

— Қалласи бор одамларнинг ҳаммаси атеист бўлади,—деди майор.—Мен ҳатто масонликни¹ ҳам тан олмайман.

— Мен эса масонликни тан оламан,—деди лейтенант.—У жуда олижаноб ташкилот.

Аллаким ичкарига кирди, эшик очилганида ташқарида ҳамон қор ёғаётганини кўрдим.

— Энди ҳужумга ўтмасак керак, қор тушди,—дедим мен.

— Албатта-да,—деди майор.—Энди отпуска олсангиз соз бўларди. Римга борсангиз, Неаполга, Сицилияга...

— Қўйинглар, у Амалфига боради,—деди лейтенант.—Мен сизга Амалфида турувчи ота-онамга хат ёзид бераман. Улар сизни ўз ўғилларида қарши олишади.

— У Палермога бора қолсин.

— Капри ундан ҳам яхши.

— Сиз Аbruццага бориб, Капракоттада менинг қа-

¹ Чёрковга эркин муносабатда бўлувчилар (тарж).

риндошларимнида қўноқ бўлсангиз деб эдим,— деди кашиш.

— Абруццага бораман деб, кўзи учиб турибди. У ёқда қор бу ердагидан ҳам қалин. Деҳқоиларга анқайиб ўтирадими у ерда? Яхшиси, фан ва маданият марказларига борсин.

— Чиройли қизлар бор ерларга демоқчисиз-да. Мен сизга Неаполдаги адресларни бераман. Шундоқ ҳурилиқ қизлар — яна ҳаммалари оналари билан бирга. Ва-ха-хо-хо!

Капитан панжасини очди-да, бош бармоғини кўтариб, қолганларини деворга соя тушадиган қилиб йирди. Үнинг панжа сояси деворга тушди. У яна бузук талафузда сўзлай бошлади:

— Сиз кетганда мана бундай бўлиб кетасиз,— у бош бармоғини кўрсатди,— қайтганда эса мундоқ бўлиб қайтасиз,— у жимжилогини ушлаб қўйди. Ҳаммалари кулишди.

— Қаранглар,— деди капитан. У яна панжаларини йирди. Яна шам алангаси панжанинг соясини деворга туширди. У бош бармоқдан бошлаб, ҳамма бармоқларга бирма-бир ном бериб чиқди:— *sotto-tenente*¹ (бош бармоқ), *tenente*² (кўрсаткич), *capitano*³ (ўрта бармоқ), *maqqiote*⁴ (кичик бармоқ), *tenente-colonelio*⁵ (жимжилоқ).— Сиз *sotto-tenente* бўлиб кетасиз! Сиз *tente-colonello* бўлиб қайтасиз!

Ҳаммалари кулиб юборишди. Капитаннинг соя ўйини ҳаммага маъқул тушди. У кашишга қараб қичқирди:

— Руҳоний ҳар кечада ўзини ўзи!— ҳамма кулди.

— Дам олишни бир кунга ҳам кечиктирманг,— деди майор.

— Афсус, сиз билан бирга боролмайман, ҳаммасини ўзим кўрсатган бўлардим,— деди лейтенант.

— Қайтиб келаётганингизда граммафон ола келинг.

— Яхши опера пластинкаларидан обкелинг.

— Карузони обкелинг.

— Карузо керак эмас, увиллайди.

— Узингиз ўшанақа увиллаб кўринг-чи!

— Увиллайди. Увиллайди деялман сизга.

— Абруццага борсангиз деган эдим,— деди кашиш.

¹ Кичик лейтенант, ² Лейтенант, ³ Капитан, ⁴ Майор, ⁵ Подполковник (итал.).

Бошқалар ўз гаплари билан овора эди.— У ерда мазза қилиб ов қилиш мумкин. Одамлари жуда ҳам ажойиб, қиши совуқ бўлсаям, лекин ҳаво қуруқ ва очиқ бўлади. Сиз менинг ота-онамникода туришингиз мумкин. Отам овга муккасидан кетганлардан.

— Қани кетдик,— деди капитан.— Харобатхонага борайлик, яна ёниб қўйишмасин.

— Хайри тун,— дедим кашишга.

— Хайрли тун,— деди у.

Учинчи боб

Мен дам олиб қайтганимда, биз ҳамон ўша-ўша шаҳарда турадик. Теварак-атрофда тўплар анча кўпайиб қолганди, илк баҳор кирганди. Далалар кўм-кўк майса билан қопланган, узум новдалари найчакуртак отганди; йўл ёқасидаги дараҳтлар япроқчалар чиқарган, денгиз томондан шабада эсиб қолганди. Мен шаҳарни, тепаликни, тепаликдаги қалъани, улардан ҳам нарида тоғларни, ён бағирлари олачалпоқ кўкарган қўнғир тоғларни кўрдим. Шаҳар ичидан тўплар олдингидан кўпроқ эди, бир қанча янги госпиталлар очилган, кўчаларда инглизлар, аҳён-аҳёнда инглиз хотилилар ҳам учраб қоларди; тўп отишмасидан яна бирмунча уйлар вайрон бўлганди. Кун илиқ эди, кўклам ҳиди эсади, мен деворга қўёш нури тушиб турган, офтобда исиган қатор дараҳтзор кўчадан ўтиб бордим ва биз ҳамон ўша ўзимизнинг уйда турганлигимизни, шунча вақт ўтса-да, ҳамма нарса қандай бўлса шундай қолганлигини кўрдим. Эшик очиқ эди, девор олдиндаги «эшик»да ўзини офтобга солиб бир солдат ўтирибди, санитар машина уйнинг биқинидаги эшикда махтал туради, эшикдан ичкарига қадам қўйишим билан димогимга нам ғишт билан касалхона ҳиди урилди. Фақат ҳозир баҳор кирган, бошқа ҳамма нарса ўз эски ҳолича қолганди. Мен катта уйнинг эшигидан қарраб, стол ёнида майор ўтирганини, дераза очилиб, уй ичига офтоб тушиб турганини кўрдим. У мени кўрмасди, мен эса аввал унга кўринишими ҳам ёки олдин юқорига чиқиб, ювиниб-тараниб олишимни ҳам билмасдим. Мен аввал юқорига чиқа қолай деб ўйладим.

Мен лейтенант Ринальди билан турадиган уй ҳовлига қараган эди. Дераза ланг очиб юборилган, ме-

нинг каравотимга алёл тўшаб қўйилган, юмуш-яроқла-
рим эса деворда осиғлиқ турарди, противогаз узунчоқ
тунука филофда, пўлат қалпоқ ўша илгакда илиғилиги-
ча қолганди. Каравотнинг оёқ томонида сандиқчам,
сандиқча устида эса йилтиратиб мойлаб қўйилган қиш-
лик этигим турарди. Менинг саккиз қиррали, стволи
тим қора ва қулай, қўндоғи қорамтири ёнгоқдан чирой-
ли ишланган австрис милтиғим иккита каравотнинг
ўртасига осиб қўйилганди. Мен унинг нишонга оловчи
телескопини сандиқчага беркитиб қўйганимни эсладим.
Ринальди, лейтенант, иккинчи каравотда ухлаб ётарди.
Менинг қадам товушимни эшитиб, у ёстиқдан бошини
кўтарди.

— Ciao¹ — деди у.— Қалай, яхши ўйнаб келдин-
гизми?

— Зўр.

Қўл олишиб кўришдик, кейин у мени бўйнимдан қу-
чоқлаб, ўпди.

— Уф!— дедим мен.

— Кирлаб кетибсиз,— деди у,— ювиниб олинг. Қаер-
ларга бордингиз, нималар қилдингиз? Бир бошдан айт-
тиб беринг.

— Бормаган жойим қолмади. Милан, Флоренция,
Рим, Неаполь, Вилла-Сан-Жованни, Мессина, Таор-
мина...

— Нақ темир йўл справочникининг ўзи-я. Қизиқ
саргузаштлар ҳам бўлдими?

— Бўлди.

— Қайдা?

— Milano, Florenze, Кома, Napoli...

— Бўлди-е. Энг зўри қайси бирида бўлди?

— Миланда.

— Чунки биринчи учратганингиз шу-да. Уни қаер-
да учратдингиз? «Кова»дами? Қаёққа бординглар?
Қандай бўлди? Оқизмай-томизмай айтинг. Тунадинг-
ларми?

— Ҳа.

— Ол-а. Ҳозир бу ерда ҳам онаси ўпмаган ойим-
тиллалар бор. Попукдеккина, фронтни шу ерга келиб
кўриб турган қизлар.

— Қўйинг-е?

¹ Италянча салом.

— Ишонмайсизми? Бугун борайлик, ўзингиз кўра-сиз. Шаҳарда бўлса олмадеккина, ёш инглиз қизлар ҳам бор. Мен ҳозир мисс Барклига ошиқ бўлиб юрибман. Сизни таништириб қўяман. Мен эҳтимол мисс Барклига уйлансанам керак.

— Мен ювиниб, майорга кўриниш беришим керак. Нима, иш йўқми дейман?

— Сиз кетгандан бери бошимиз совуқ урганлардан, сариққа чалингандардан, сўзак бўлганлар, атай ўзини майб қилганлар, ўпкаси шамоллаганилар, ҳар турли чакмазакка йўлиққанлардан чиқмай қолди. Ўнда-мунда битта-яримтани қоядан тош учиб ийқитмаса. Бир нечта росмаиа ярадорлар бор. Келаси ҳафтадан яна уруш бошланади. Яъни демоқчиманки, бошланиб қолса ажабмас. Шунақа миш-мишлар бор. Нима дейсиз, мисс Барклига уйланаверсаммикин, албатта, уруш тугагач?

— Шубҳа бўлиши мумкинмас,— дедим мен тосга сув тўлдиарканман.

— Кечқурун менга оқизмай-томизмай ҳикоя қилиб берасиз,— деди Ринальди.— Ҳозир мен мисс Барклинииг ҳузурига чарақлаб чиройли бўлиб бориш учун ухлаб олишим керак.

Мен френч ва кўйлагимни ечиб, тосдаги муздек сувга ювиндим. Сочиқ билан артиарканман, атрофга разм солиб чиқдим, деразага, ўринда кўзларини юмиб ётган Ринальдига қарадим. У Амалфида туғилган, мен билан тенгдош, келишган йигит эди. Жарроҳ эди, касбига меҳр қўйгаиди, икковимиз қалин дўст тутингандик. Менинг қараб турганимни сезиб, у кўзини очди.

— Пулнингиз борми?

— Бор.

— Менга эллик лир бериб туринг.

Мен қўлимни артиб, деворда илиғлик турган френчимнинг ён чўнтағидан ҳамёничи қиқардим. Ринальди пулни олиб, буклади-да, ўрнидан қўзғалмай шимининг чўнтағига солди. У кулимсираб қўйди.

— Мисс Баркли мени давлатманд одам экан деб ўйлашини хоҳлайман. Сиз менинг меҳрибоц, садоқатли дўстим, молиявий ҳомийимсанз.

— Олиб қочдингиз-ку,— дедим мен.

Кечқурун офицерлар ошхонасида мен кашиш билан ёнма-ён ўтиридим, у кутилмаганда, Абруццага бормаганим учун, мендан қаттиқ хафа бўлиб қолди. У мен

түгримда отасига ёзиб юборган, боришимга ҳозирлик кўриб қўйишган экан. Ўзим ҳам бормаганимдан қаттиқ пушаймон эдим, нега бормаганим ўзимга ҳам қоронги эди. Мен боришга қатъий аҳд қилганим, лекин бир нарса кетидан бошқаси чиқиб, ўралашиб қолганимни тушунтиришга уриндим, у ҳам охирида менинг чиндан ҳам бораман, деб отланганимга ишонгандай бўлиб, кўнгли бирмунча таскин топди. Мен жуда кўп вино ичдим, ундан кейин қаҳва ичдим, кайфим тарақ, одам қандай қилиб ўзи кўнглига туғиб қўйган ишни кўнгилдагидай қила олмай қолишини гапирдим; ҳақиқатан ҳеч омадинг келмайди.

Бошқалар ғовур-ғувур қилиб, талашиб-тортишиш билан овора әкан, биз у билан ундан-бундан сўзлашиб ўтиридик. Мен Абруццага бормоқчи эдим. Лекин мен йўллари худди темирдай қаттиқ, қатқалоқ, совуғи қуруқ ва аччиқ, қори қуруқ ва майда, қуёнлар қорда из қолдириб кетадиган, деҳқонлари қалпоқларини қўлга олиб, сизни «дон» деб атайдиган, ов бароридан келадиган ерларга боролмадим. Шундоқ жойларга бормадиму тутунга тўлган қаҳвахоналар, тунлари уй ичи кўз ўнгингда чир айланадиган, айланishiни тўхтатиш учун кўзни деворга қадаб туриш керак бўладиган ерларга бордим; бундай учиб қолинган кечаларда, дунёда шундан бошқа ҳеч нарса йўқ деб биласан, уйғонишинг ҳам жуда ғалати бўлади, ёнингда ким борлигини ҳам билмайсан ва ғира-шира қоронғида дунё кўзингга рўё бўлиб кўринади, рўё икра ўткир ҳаяжонлари бордай туюладики, шу кечанинг ўзидаёт ўйлаб-нетиб ўтиримай барини яна бошдан бошлагинг келади, шундан бошқа ҳеч нарса йўқ дейсан, ҳеч нарса йўқ, йўқ, буни ўйлаб ўтиришнинг ҳожати ҳам йўқ. Шунда дафъатан чуқур ўйларга толасан, сўнг уйқу элтади, баъзан эрталаб уйғонганингда, кечаги нарсалар бугун йўқолган бўлади ва ҳаммаси юракда сирқироқ оғриқ уйғотади, барчаси анк, равшан бўлади, баъзан палатада тортишиб қоласан. Гоҳо ҳарқалай ўзингни яхши ҳис қиласан, меҳрибонинг, қадрдонинг бордай, ионуштанг ва тушлигинг тайёрдай кўринади. Баъзан ҳаммаси кўнгилга уриб кетади, тезроқ қўчага чиқа қолсам дейсан, аммо эртаси куни яна шу такрорланади, кечанг ҳам шундай ўтади. Мен кечалар ҳақида, кечаси билан кундузнинг фарқи ҳақида, нима учун кечаси яхшироғу, кундуз ку-

ии фақат совуқ ва ҳамма нарса равшан эканлиги ҳақида айтиб бермоқчи бўлдим, аммо уddyалай олмадим, ҳозир ҳам айиб беролмайман. Буни бошингиздан кечирган бўлсангиз, биласиз. У бундай аҳволга тушмаган экан, мен чиндан ҳам Абруццага бормоқчи бўлиб, нега боролмай қолганлигимни тушунди ва биз яна дўстлашиб кетдик. Биз бир-бири мизга жуда ўхшардик, шунга қарамасдан бутунлай бошқа-бошқа олам эдик. У доимо мен билмаган нарсани билар, билганларини эса унтиб ҳам юбораверар эди. Лекин мен бу нарсани ўшанда эмас, анча кейин англадим. Ошхонада узоқ ўтириб қолдик. Ҳамма егилигини еб бўлган, энди тортишиб ўтирадилар. Биз кашиш билан жимиб қолдик, шунда капитан қичқирди:

— Руҳоний зерикаб қолди. Руҳоний ойимтиллалар бўлмаса ўтиролмайди.

— Зерикканим йўқ,— деди кашиш.

— Руҳоний зерикяпти. Руҳоний урушда австрислар ютиб чиқишига тарафдор,— деди капитан. Бошқалар унинг оғзига қарашиди. Руҳоний бошини чайқаб қўйди.

— Йўқ,— деди у.

— Руҳоний ҳужум қилишимизни истамайди. Ҳужум қилишимизни истамайсиз, а, тўғрими?

— Йўқ, уруш бўлгандан кейин, менимча, ҳужум қилишимиз керакка ўхшайди.

— Ҳужум қилишимиз керак. Ҳужум қиласиз.

Руҳоний бош ирғади.

— Уни тинч қўйинг,— деди майор.— У аломат йигит.

— Ҳар ҳолда бу ерда икки қўлинин бурнига тиқиб ўлтиришдан бошқа чораси йўқ,— деди капитан. Ҳаммамиз ўрнимиздан туриб, тарқалдик.

Тўртинчи боб

Эрталаб мени қўшни боғдаги батарея уйғотиб юборди. Деразадан қуёш чарақлаб тушиб турарди, ўрнимдан турдим. Деразадан ташқарига кўз югуртиридим. Йўлкалардаги майда шағал ҳўл, ўт-ўланларни шудрининг босганди. Батарея икки маротаба ўқ узди. Ҳар ўқ узилганда ҳаво зириллаб кетар, дераза ойналари зинғиллаб, пиджагимнинг этаклари лап-лап кўтарилиб, тушарди. Тўпларнинг ўзи кўринмасди, лекин, афтидан,

снарядлар бизнинг устимииздан учиб ўтарди. Биқинингда батарея жойлашган бўлса, тинчингдан, роҳатингдан айриласан, ишқилиб, энг катта ва оғир тўплар эмас экан-ку, деб ўзингга тасалли ҳам бериб қўясан. Деразадан қараб туриб, йўлга чиқиб бораётган юк машинасининг шовқинини эшитдим. Кийиниб пастга тушдимда, ошхонада қаҳва ичиб, сўнг гаражга ўтдим.

Узун тим тагида ўнта машина қатор тизилиб турарди. Булар олди тўмтоқ, кузовлари баҳайбат, оч рангга бўялган, мебель ташийдиган фургонларга ўхшаш сантар машиналар эди. Ҳовлида мана шундай машиналардан бирининг ёнида механиклар ўралашишарди. Яна учта машина тоғлардаги тез ёрдам пунктларида эди.

— Анов батареяга ҳам снаряд отишяптими? — деб сўрадим механикларнинг биридан.

— Йўқ, signor tenepet¹. Уни тепалик тўсиб турибди.

— Ишлар кетяптими?

— Бир нави. Манави машина бутунлай ишдан чиқкан, қолганлари ҳаммаси яроқли.— У ишини қўйиб жилмайди.— Сиз дам олиб қайтдингизми?

— Ҳа.

У қўлини тўр кўйлагига артиб, илжайди.

— Димогни чоғ қилгандирсиз?

Унинг шериклари ҳам илжайишли.

— Шундайроқ,— дедим мен.— У машинага нима бўлибди?

— Ҳеч нарсага ярамайди. Соғ жойи йўқ. Ҳали у, ҳали бу.

— Ҳозир қаери бузилган?

— Поршень ҳалқаларини алмаштириш керак.

Мен уларни мотори очилган, қисмлари олиниб зиначага териб қўйилганидан талон-торожга учрагандай ўксик кўринган машина олдида қолдириб, ўзим тимга ўтиб, барча машиналарни бирма-бир қараб чиқдим. Үлар бир нави, артиб, тозалаб қўйилганди, баъзилари ҳозиргина ювилган, бошқа бирларини билинг-мас чанг босган эди. Мен тошлар қириб, ёриб юбормаганмикан деб, ҳамма ғилдиракларни диққат билан кўздан кечирдим. Ҳаммаси жойидадек эди. Кўринишдан мен бу ерда ҳаммасини назорат қилиб тураманми, йўқми, фарқсизга ўхшарди. Мен, машиналарнинг қан-

¹ Жансоб лейтенант.

дай аҳволда бўлиши, у ёки бу қисмларни топиб келтириш, тоғлардаги тез ёрдам пунктларидан касал ва ярадорларни кечиктирмай кўчириш, уларни тарқатиш пунктига келтириш ва ҳужжатларда кўрсатилган госпиталларга жойлаштириш кўп жиҳатлардан менга боғлиқ, деб кеккайиб юарканман. Лекин, афтидан, менинг бу ерда бор-йўқлигининг ҳеч қандай аҳамияти йўқ эди.

— Керакли қисмларни олишда қийналмадингларми? — сўрадим катта механикдан.

— Йўқ.

— Енилғи омбори ҳозир қаерда?

— Уша, ўз жойида.

— Жуда соз,— дедим мен ва уйга қайтиб офицерлар ошхонасида яна бир стакан қаҳва ичдим. Қаҳва оч бинафша рангли, қуюлган сут қўшилганидан ширин эди. Ташқарида кўкламнинг эрталабки аломат ҳавоси эди. Кун иссиқ бўлишидан дарак бергандай димоққа енгил ҳовур урилди. Шу куни мен тоғлардаги постларни айланниб, уйга кеч кирганда қайтдим.

Мен йўқлигимда ишлар бирмунча ўнгланиб кетгапдай кўринарди. Қулоғимга тезда ҳужумга ўтсак ажабмас, деган гаплар чалинди. Биз хизмат кўрсатадиган дивизия дарёning юқори томонларида ҳужум қилиши белгиланган эди, шунинг учун майор менга постлар ҳужум пайтига тайёр турсин, деб тайинлади. Ҳужум қилувчи қисмлар даранинг юқорироғида дарёдан кечиб, тоғ этаклари бўйлаб ёйилиши керак эди. Машиналар турадиган постлар иложи борича дарёга яқин бўлиши, панада жойлашиши шарт эди. Жойларни, албатта, ишёда қисмлар кўрсатиши керак бўлиб, планни эса биз ишлаб чиқишимиз кўзда тутиларди. Бу биз ҳам ҳарбий фаолият олиб бораётганимизни кўрсатувчи хўжа кўрсинга қилинадиган тадбирлардан эди.

Ҳамма ёғим чанг-чунг, лойга ботиб қайтдим, юваниб олиш учун хонамга кўтарилдим. Ринальди Хюго-нинг инглиз тили грамматикасини қўлида тутиб, каравотда ўтирган экан. У бошдан-оёқ кийинган — оёғида қора туфли, сочи ялтирасдан эди.

— Тасанно,— деди у мени кўриб.— Сиз мен билай бирга мисс Барклининг олдига меҳмонга борасиз.

— Йўқ.

— Ҳа. Сиз борасиз, чунки мен буни сиздан ўтияшман, яна бир гап, унга ёқишига ҳаракат қишинг.

— Ҳай, майли. Сал одамбашара бўлиб олай унда,

— Ювининг-да, шундоқ бораверинг.

Мен ювиндим, сочимни тарадим, йўлга отландик.

— Шошманг,— деди Ринальди,— озгина ичиб ол-сакмикин дейман,— у сандиқчасини очиб, ичидан шиша олди.

— Фақат стрега ичмаймиз,— дедим мен.

— Йўқ. Граппа.

— Майли.

У икки стаканга қўйди ва биз кўрсаткич бармоқла-римизни чиқариб, уриштиридик. Граппа жуда ҳам ўт-кир эди.

— Яна биттаданми?

— Майли,— дедим мен. Граппанинг иккинчи стаканини ҳам ичиб олдик. Ринальди шишани олиб қўйди, биз пастга тушдик. Шаҳардан кета туриб исиб кетдик, лекин қуёш ботиб бормоқда эди, ўзимизни енгил ҳис қиласардик. Инглиз госпитали уруш арафасида алла-қандай бир немис қурган каттакон виллада жойлашганди. Мисс Баркли боғда экан. Унинг ёнида яна битта ҳамшира бор эди. Биз дараҳтлар орқасидан уларнинг оқ кийимларини кўрдигу, тўғри олдиларига бора-вердик. Ринальди ҳарбийча салом берди. Мен ҳам шундай қилдим, лекин ўзимни босиқроқ тутдим.

— Салом,— деди мисс Баркли.— Сиз, италиялик эмассиз шекилли?

— Ҳа.

Ринальди бошқа ҳамшира билан гаплашаётган эди. Улар ҳиҳилашди.

— Италия армиясида хизмат қилиш — ғалати-я.

— Буни армия демаса ҳам бўлади. Бу санитар отряди, холос.

— Барибир ғалати туюлади. Нега бундай қилдингиз?

— Билмадим,— дедим мен.— Сўз билан англатиб бўлмайдиган нарсалар бор.

— Ростдан-а? Менга бўлса, бунақа нарсалар йўқ, деб ўргатишган.

— Хўп қилишган экан.

— Албатта шу йўсинда гаплашишимиз керакми?

— Йўқ,— дедим мен.

— Худога шукур.

— Қўлингиздаги қанақа асо? — сўрадим мен.

Мисс Баркли санамараstadtай қиз эди. Унинг эгни-даги мен ҳамшира кийими деб ўйлаган нарса оқ кўй-лак бўлиб чиқди, соchlари оқ сарғишдан келган, бада-ни қизғимтири, тилла ранг, кўзлари ним кўк тус. У менга жуда ҳам чиройли бўлиб кўринди. Унинг қўлида ўйинчоқ таёқчага ўхаш ингичка ротанг асо бор эди.

— Бу — бир офицерники, у ўтган йили ҳалок бўлди.

— Кечиринг...

— У жуда ҳам ажойиб эди. Мен унга турмушга чи-қадиган эдим, уни Соммда ўлдиришди.

— Тоза қирғин-барот бўлган унда.

— Сиз у ерда бўлганмисиз?

— Иўқ.

— Менга айтиб беришганди,— деди у.— Бу ерда уруш учалик эмас дейишади. Менга шу таёқчани жў-натишди. Онаси юборибди. Таёқчани бошқа нарсалари билан бирга қайтаришган экан.

— Унашганларингизга анча бўлганмиди?

— Саккиз йил. Бирга катта бўлгандик.

— Нега унга олдинроқ тегмадингиз?

— Ўзим ҳам билмайман,— деди у.— Аҳмоқлик. Унга олдинроқ тегсам бўлаверарди. Лекин мен унга жавр қиласманни деб қўрқдим.

— Тушундим.

— Сиз ҳеч севганмисиз?

— Иўқ,— дедим мен.

Биз «эшак»ка ўтиридик ва мен унга қарадим.

— Сочингиз чиройли экан,— дедим мен.

— Сизга ёқдими?

— Жуда.

— У ўлганда кесиб ташламоқчи бўлувдим.

— Қўйинг-е.

— Унинг хотирасига шундай қилмоқчийдим. Мен бундай нарсаларга аҳамият бермасдим; агар у истаса, мен ундан ҳеч нарсамни аямасдим. Агар сал фаҳмига етсадим, у истаган нарсасига эриша оларди. Мен унга турмушга чиқсан бўлардим, ёки турмушга чиқмай ҳам кўнглини олардим. Энди мен буларнинг барини ту-шунаман. Лекин ўшанда у урушга кетадиган эди, мен эса ҳеч нарсани тушунмасдим, фаросатим етмасди.

Мен индамай қулоқ солиб турдим.

— Мен у пайтда умумаш ҳеч нарсага тушунмасдим. Мен шундай қылсам, унга ёмон бўлади, деб ўйлардим. Мен у бунга бардош бериб кетолмайди дердим. Қейин уни ўлдиришиди, энди ҳаммаси тамом бўлди.

— Ким билсин.

— Ҳа, ҳа,— деди у.— Энди ҳаммаси тугади.

Биз бошқа ҳамшира билан гаплашаётган Ринальди-га қарадик.

— Унинг оти нима?

— Фергюсон. Эллен Фергюсон. Сизнинг дўстингиз, врач, шундайми?

— Ҳа. У жуда ҳам яхши врач.

— Қандай яхши. Фронт яқинида яхши врачлар камдан-кам учрайди. Бу фронт яқини-ку ахир, шундай эмасми?

— Албатта.

— Аҳмоқона фронт,— деди у.— Лекин бу ер жуда чиройли экан. Нима, ҳужум бўлармишми?

— Ҳа.

— Роса ишимиз кўпаяркан-да. Ҳозир ҳеч қандай иш йўқ.

— Сиз анчадан бери ҳамшира бўлиб ишлайсизми?

— Ўн бешинчи йилнинг охиридан бери. У кетиши биланоқ мен ҳам кетдим. У мен ишлайдиган госпиталга тушади, деб ўйлайманми тентак бўлмасам. Қилич зарбидан ярадор бўлиб, боши дока билан ўралган бўлади, деб юрибман. Ёки елкасини ўқ тешиб ўтади, дебман. Шунга ўхшаш романтик хаёлларда юардим.

— Энг романтик фронт шу ерда,— дедим мен.

— Ҳа,— деди у.— Одамлар уруш Францияда қандоқ бўлишини тасаввур ҳам қилолмайдилар. Агар тасаввур қилганларида, бу узоқ давом этмаган бўларди. У қилич зарбидан яралангани йўқ. У парча-парча бўлиб кетди.

Мен индамадим.

— Сиз бу узоқ давом этади, деб ўйлайсизми?

— Йўқ.

— Охири нима бўлади?

— Бирон ерда чирт узилади-кетади.

— Биз узиламиз. Биз Францияда узиламиз. Соммадигига ўхшаш қилғиликни қилиб қўйиб ҳам узилмай бўладими?

— Бу ерда узилмайди,— дедим мен.

— Наҳотки?
— Ҳа. Бултур ёз ишлар ёмон бўлмади.
— Узилиши мумкин,— деди у.— Ҳамма ёқда узилиши мумкин.

— Немисларда ҳам.

— Иўқ,— деди у.— Ундоқ эмас.

Биз Ринальди билан миссис Фергюсоннинг олдига бордик.

— Сиз Италияни севасизми?— деб сўрарди мисс Фергюсондан Ринальди инглизчалаб.

— Тузук, ёмон эмас.

— Тушунмадим.— Ринальди бошини чайқаб қўйди.

— Abbastanza bene¹,— тилмочлик қилдим мен. У бошини чайқади.

— Бу яхши эмас. Сиз Англияни севасизми?

— Унчамас. Биласизми, мен шотландияликман.

Ринальди менга савол назари билан қаради.

— У шотландиялик, шунинг учун Англиядан кўпроқ Шотландияни севади,— дедим мен италянчалаб.

— Аммо Шотландия — ахир Англия-ку.

Мен унинг сўзларини мисс Фергюсонга таржима қилиб бердим.

— Pasencore², — деди мисс Фергюсон.

— Бўлганича йўқ?

— Ва ҳеч қачон бўлмайди. Биз инглизларни ёқтиримаймиз.

— Инглизларни ёмон кўрасиз? Мисс Барклини ёмон кўрасизми?

— Э, бу бутунлай бошқа гап. Бундай яланғоч тушуниш ярамайди.

Бироз ўтгач, биз хайрлашдик. Йўл-йўлакай Ринальди деди:

— Сиз мисс Барклига мендан кўра кўпроқ ёқиб қолдингиз. Бу кундай равшан. Лекин анов шотландиялик қиз ҳам ёқимтойгина экан.

— Жуда ҳам,— дедим мен.— Мен унга тузукроқ қарамаган эканман.— У сизга ёқдими?

— Иўқ,— деди Ринальди.

¹ Ёмон эмас (итал.).

² Бўлганича йўқ (франц.).

Бешинчи боб

Эртаси куни мен яна мисс Барклиниң олдига бордим. Бөгөн у күрінмади, шунинг учун мен санитар машиналар келиб-кетіб турған вилла ёнидаги әшикка яқынлашдым. Ичкарига кириб, госпиталнинг катта ҳамширасини күриб қолдым. У менга, мисс Баркли навбат-чилик қиляпти, деди.

— Уруш, биласиз-ку.

Мен, биламан, дедим.

— Сиз италян армиясида хизмат қилиб юрган ўша америкаликомисиз? — деб сұради у.

— Ха, мәм.

— Нега ундай қылдингиз? Нега ўзимизга ўтмадингиз?

— Ўзим ҳам билмайман,— дедим мен.— Энди сизларга ўтсам бўлармикин?

— Энди ўтиб бўлмас дейман. Айтинг-чи, нега италян армиясига кирдингиз?

— Мен Италияда яшаганман,— дедим мен,— мен италянча гаплашаман.

— О! — деди у.— Мен италянчани ўрганяпман. Жуда чиройли тил.

— Уни икки ҳафтада ўрганиб олса бўлади, дейишиади.

— Йўғ-э, мен икки ҳафтада ўрганолмасман. Мен бир неча ойлардан бери шуғулланаман. Агар уни кўрмоқчи бўлсангиз, соат еттидан кейин кела қолинг. Унгача ишини топшириб бўлади. Лекин ўзингиз билан қаланғи-қасанғи италянларни судраб юрманг.

— Тили чиройли бўлишига қарамасдан-а?

— Ха. Ҳатто чиройли мундирларига ҳам қарамасдан...

— Кўришгунча,— дедим мен.

— Aгivederci, teneple¹.

— Aгivederci. — Мен ҳарбийча қўл силкиб, чиқиб кетдим. Чет элликларга италянчасига ҳарбий салом берриб, одам ўзини ғоят ўнгайсиз сезади. Италянча ҳарбий салом четга чиқаришга мўлжалланмаган экан шекилли.

Кун иссиқ эди. Мен эрталаб Плава томондаги кўп-

¹ Кўришгунча, лейтенант (итал.).

рик олди истеқомиға бориб келдим. Ҳужум шу ердан бошланиши керак эди. Үтган йили нариги қирғоқдан деярли юриб бўлмасди, чунки довондан понтон кўп-риккача ёлғиз биргина йўл бўлиб, у ҳам бир чақирим масофада пулемётлар ва тўплардан ўққа тутилиб турарди. Бундан ташқари ҳужумни таъминлаб берувчи барча транспорт воситалари учун торлик қилганидан, австрислар бизнинг тоза абжағимизни чиқаришлари мумкин эди. Аммо италянлар дарёдан ўтиб, қирғоқ бўйлаб иккала томонига шунчалик силжиб боришган зидики, энди улар дарёнинг Австрияга тегишли қирғоғида бир ярим чақиримча майдонни эгаллаб олишганди. Улар қўлга киритган энг катта устунлик шу эди, австрислар эса энди уларнинг бу ерда мустаҳкамланиб олишларига йўл қўймасликлари керак эди. Үйлайманки, иккала томон ҳам ўзаро дилозорлик қилишдан тийилгандай, дарёнинг қуий томонидаги бошқа бир кўп-рик олди истеқоми эса ҳамон австрислар қўлида эди. Австрия хандақлари қўйироқда — тоғнинг этагида, италянлар турган жойдан бир неча қадам нарида эди. Аввал қирғоқда шаҳарча бор эди, лекин ундан номнишон қолмади. Булардан нарироқда темир йўл станциясининг вайроналари ҳамда очиқ ялангликда бўлганилигидан тузатиб-нетиб бўлмайдиган бузилган кўп-рик бор эди.

Мен тор йўлдан дарёга томон тушиб бордим-да, машинани тепалик этагидаги тез ёрдам пунктида қолдирб, тоғ пана қилиб турган понтон кўприкдан ўтдим ва вайрон бўлган шаҳар ўрнида ҳамда тоғ ёнбағрида жойлашган хандақларни айланиб чиқдим. Ҳамма блиндажларга кириб олган эди. Мен артиллериядан ўт очиб ёрдам сўрашга ёки алоқа узилиб қолганлигини маълум қилишга тайёрлаб қўйилган ракеталарни кўрдим. Ҳамма ёқ жимжит, ҳамма ёқ ифлос, кун эса иссиқ эди. Мен сим тўсиқлардан австрия позицияларига қарадим. Жон асари кўринмасди. Мен таниш капитан билан блиндажлардан бирида ичдим-да, кўприкдан ўтиб орқага қайтдим.

Тоғнинг бели оша янги кенг йўл буралиб-буралиб кўприккача бориб тушарди. Мана шу йўл битиши биланоқ ҳужум бошланиши керак эди. У ўрмон ичидан буралиб ўтарди. Режа қуйидагича эди: олдинги линияга ҳамма нарсалар янги йўлдан олиб келинади: қол-

ган бўш юк машиналари, аравалар, ярадорларни ташувчи санитар машиналари, хуллас, орқага кетадиган барча транспорт эски тор йўлдан қайтиши керак эди. Тез ёрдам пункти Австрия томонидаги тепалик тагида жойлашган бўлиб, ярадорларни замбилларда понтон кўприк орқали олиб ўтиларди. Ҳужум пайтида ҳам шу тартибни сақлаш кўзда тутилмоқда эди. Назаримда, йўлнинг охирги қисмидан бир чақиримдан ошикроқ масофа қиялик тугаган жойдан бошлаб австрияликлар артиллериаси томонидан ўққа тутилиши мумкин эди. Бунинг оқибати жуда хунук бўларди. Лекин мен йўлнинг мана шу сўнгти хатарли қисмидан ўтилгач, ярадорларни понтон кўприкдан бу томонга олиб ўтилгунча машиналарни қўйиб тургани пана жой топдим. Мен янги йўлдан юрмоқчи ҳам бўлдим-у, лекин ҳали у тугалланмаган эди. Йўл кенг бўлиб, тархи ва кўриниши яхши ҳисобга олинган, ўрмон билан қопланган тоғ ёнбағрининг очиқ жойларида унинг қайрилиб кетган жойлари жуда ҳам чиройли кўринарди. Тормозлари кучли бўлган машиналар пастга қийналмай тушишади, бундан ташқари ҳар ҳолда ахир улар пастга бўш кетишади-ку. Мен тор йўл билан орқага қайтдим

Икки карабинер машинани тўхтатишиди. Йўлнинг олд томонида снаряд портлади, биз тўхтаб турган вақт ичиди яна учтаси портлади. Булар 77 миллиметрли снарядлар бўлиб, улар учиб бораётганда шувиллаб ҳуштак чалиб ўтар, кейин бирдан қисқа портлаш эшитилар, аланга кўтарилиб, йўл кўкимтири дуд билан қопланарди. Карабинерлар йўлга тушишга ишора қилишди. Снаряд портлаган жойларга яқинлашганда, мен ўйиқ чуқурчаларни айланиб ўтдим, димоғимга портловчи модданинг иси ва онтариб ташланган тупроқ, шарал ва кукун бўлиб кетган чақмоқтошнинг ҳиди урилди. Мен Горицияга, ўзимизнинг виллага қайтиб келдим ва боя айтганимдай, мисс Барклининг олдинга жўнадим, у эса навбатчилик қилаётган экан.

Тушлик овқатни апил-тапил еб бўлиб, яна тўғри инглиз госпитали жойлашган виллага қараб кетдим. Вилла жуда ҳам катта ва кўркам эди, унинг олдида гўзал дараҳтлар ўсиб турарди. Мисс Баркли боғдаги скамейкада ўтирган экан. Енида мисс Фергюсон бор эди. Улар мени қувониб қарши олишди, кўп ўтмай мисс Фергюсон узр айтиб, ўридан турди.

- Сизларни ёлғиз қолдираман,— деди у.— Мен ортиқчага үштайман.
- Кетманг, Эллен,— деди мисс Баркли.
- Йўқ, энди кета қолай. Мен хат ёзишим керам эди.
- Хайрли тун,— дедим мен.
- Хайрли тун, мистер Генри.
- Цензорга озор берадиган гапларни ёзиб ўтираманг яна.
- Хотиржам бўлинг. Мен фақат қандай чиройли ерда турганлигимиз, италянларнинг ҳаммаси нечоғлик ботир эканликлари ҳақидагина ёзаман.
- Шундоқ ёзишда давом этинг, орден олмасангиз, мен кафил.
- Хурсанд бўлардим. Хайрли тун, Кэтрин.
- Мен тезда олдингизга бораман,— деди мисс Баркли.

Мисс Фергюсон қоронғиликка сингиб кетди.

- Яхши қиз экан,— дедим мен.
- О, албатта. Жуда ҳам яхши. У ҳамшира.
- Нима, сиз ҳамширамасмимиз?
- О, йўқ, мен VAD¹ ларданман. Биз тиним билмай ишлаганимиз-ишлаган, лекин бизга ишонишмайди.
- Нега энди?
- Иш йўғида ишонишмайди, иш кўпайса, ишонишади.
- Нима фарқи бор?
- Ҳамшира доктордай одам. Узоқ ўқиш керак. VAD лар эса қисқа муддатли курсларни тамомлаб чиқадилар.
- Тушундим.
- Италянлар аёлларни фронтга бунчалар яқинлаштиришга қаршилар. Шу сабабдан биз алоҳида тартибга бўйсунамиз. Биз ҳеч қаёққа чиқмаймиз.
- Лекин мен келиб турсам бўладими?
- Ҳа, албатта. Бу ер монастир эмас.
- Қўйинг, урушни ўйламайлик.
- Бу осон эмас. Бундай жойда урушни ўйламасдан туриш ҳийин.
- Барибир, унутайлик.

¹ Voluntary Aid Department (ингл.)— қаракатдаги армияга хизмат кўрсатувчи аёлларнинг кўнгилли корпуси.

— Яхши.

Биз қоронғида бир-биримизга қараб турардик. У менга жуда ҳам чиройли бўлиб кўринди ва мен унинг қўлидан ушладим. У қўлини тортиб олмади ва мен инилиб, унинг белидан қучдим.

— Қеракмас,— деди у. Мен қўйиб юбормадим.

— Нимага?

— Қеракмас.

— Қерак,— дедим мен.— Шундай яхши.

Мен қоронғиликда уни ўпай деб энгашдим, шунда юзимга қамчи тегиб, куйдириб ўтгандай бўлди. У юзимга қаттиқ урганди. Қўли кўзим аралаш қаншаримга тушди. Қўзим ачишиб, ёшланди.

— Мени кечиринг,— деди у.

— Ўзимни бир қадар устунликка эга бўлгандай сездим.

— Сиз тўғри қилдингиз.

— Йўқ, сиз мени, илтимос, кечиринг,— деди у.— Дам олиш куни кечқурун ҳамшира офицер билан шундай қилиб ўтиrsa-я, деб хафа бўлиб кетдим. Қаттиқ тегади, деб ўйламовдим. Оғрияптими?

У қоронғида менга қараб турарди. Мен аччиқланган бўлсам ҳам, лекин шахмат ўйинидагидек, ҳаммасини аниқ олдиндан кўриб турганимдан ўзимга-ўзим ишонардим.

— Сиз жуда ҳам тўғри қилдингиз,— дедим мен.— Сиздан сираям хафа эмасман.

— Бечора!

— Биласизми, мени жуда ҳам бемаъни турмуш кециряпман. Ҳатто инглизча гаплашишга ҳам имконият йўқ. Бунинг устига сиз жудаям чиройлисиз.

Мен унга тикилиб турардим.

— Нимага буларни гапириб ўтирибсиз. Мен ахир кечирим сўрадим-ку. Биз ярашдик.

— Ҳа,— дедим.— Биз урушни ҳам унутдик.

У кулиб юборди. Унинг кулгисини биринчи марта эшишиб турибман. Қўзимни унинг юзидан узмасдим.

— Сиз яххисиз,— деди у.

— Үндаймас.

— Ҳа. Сиз меҳрибонсиз. Истасангиз, сизни ўзим ўпиб қўяман?

Мен унинг кўзларига тикилиб, яна белидан қучдимда, ўпдим. Мен уни қаттиқ ўпиб, азот бағримга торт-

дим; лабларини очишга ҳаракат қилдим; у лабларини қаттиқ қимтиб олганди. Мен ҳамон аччиқдан тушмадим, уни бағримга күч билан тортганимда, у тўсиндан титраб кетди. Мен уни қўйиб юбормай, маҳкам қисиб туардим, унинг юраги қандай ураётганини эшигдим, шунда унинг лаблари очилди ва бошини қўлигма ташлади, у елкамга бош қўйиб йиғлаб юборди.

— Жоним! — деди. — Сиз мени ҳеч қачон хафа қилмайсиз, тўғрими?

«Нима деяпти ўзи», деб ўйладим. Мен унинг сочларини силаб, елкасига қоқиб қўйдим. У йиғларди.

— Хафа қилмайсиз-а? — у кўзларини менга кўтарди. — Чунки бизнинг ҳаётимиз жуда ҳам ғалати бўлади.

Сал ўтгач, мен уни вилланинг эшигигача кузатдим, у кириб кетди, мен уйга жўнадим. Уйга келиб, юқорига кўтарилидим. Ринальди ўринда ётган экан. У менга қаради.

— Шундай қилиб, мисс Баркли билан ишларингиз олға жиляптими?

— Биз у билан дўстмиз.

— Сиз ҳозир овдаги итга ўхшайсиз.

Тушунмадим.

— Кимга?

У тушунтириди.

— Ўзингиз, — дедим мен, — итга ўхшаб, худди...

— Тўхтанг, — деди у. — Сал бўлмаса бир-биримизни хўп ҳақорат қиласидиганга ўхшаймиз. — У кулиб юборди.

— Хайрли тун, — дедим.

— Хайрли тун, ишратпараст.

Мен ёстиқ билан унинг шамини уриб туширдим-да, қоронгида ўринга ётдим. Ринальди шамни олиб ёқди ва ўқишида давом этди.

Олтинчи боб

Икки кунгача постларни айланиб юрдим. Уйга қайтганимда вақт алламаҳал бўлиб қолганди, мисс Баркли билан фақат эртаси кунигина учрашолдим. У боғда кўринмади, шунинг учун ҳам мен госпиталнинг идорасида ўтириб, қачон пастга тушаркин деб, кутдим. Идора жойлашган хонанинг девори бўйлаб рангдор ёғоч постаментларда жуда кўп мармар бюстлар туарди. Идо-

ра олдиаги пешайвон ҳам бюстларга тўла эди. Мармар ҳайкалчаларнинг умумий хусусиятларига кўра улар гўё бир одамга ишлангандай кўринарди. Мен ҳайкал кўрсам, юрагим сиқилади; бронзадан ишланган бўлса ҳарнов-а, лекин мармар бюстлар доимо мозористонни эслатади. Айтгандай, битта чиройли қабристон бор — Пиза шаҳрида. Бўлмағур мармар ҳайкаллар ҳаммадан ҳам Генуяда кўп. Бу вилланинг собиқ хўжайнин қандайдир немис бойларидан экак, бюстларга унинг хийлагина пули кетгандир. Қизиқ, буларни ким ишлагану, уларга қанча ҳақ тўланган. Мен булар насаб шажара-сига тегишли одамларми ёки бошқа бир кишиларми эканлигини аниқлашга уриндим; лекин уларнинг ҳаммасининг кўриниши қадимий бир хил тусда эди. Уларга қараб туриб, ҳеч нарса англаб бўлмасди.

Мен стулда кепкамни ушлаб ўтирган эдим. Биз ҳатто Горицияда ҳам пўлат каскалар кийиб юришимиз керак эди, лекин аҳолиси ҳали эвакуация қилинмаган шаҳарда каска кийиб юриш ўнфайсиз ва фаросатсиз одамнинг қалбаки безагидай бўлиб кўринарди. Мен ўзимникини постларга борганимда кийиб юрардим, бундан ташқари менинг инглиз противогазим ҳам бўлиб, у пайтда буни противогаз ниқоби, деб юритишарди. Биз энди-энди ола бошлаган эдик. Улар чиндан ҳам ниқобга ўхшашиб кетарди. Врачлар ва санитар қисмларнинг офицерларидан тортиб, ҳаммамиз автомат пистолет тақиб юришимиз зарур эди. Мен стул суюнчиғига суюнсам, пистолет ғашимни келтириб турарди. Пистолетсиз юрган одам қамоққа олиниши керак эди. Ринальди пистолет ўрнига филофни туалет қофози билан тўлдириб юрарди. Мен ўзимникини ростакам тақиб юрар, то ундан отишга тўғри келгунча, ўзимни худди қуроллангандай ҳис қиласдим. Бу «астра» системасидаги 7,65 калибрлик, тепкиси босилганда, калта стволи дириллаб турганидан азбаройи отиб нишонга тегизиб бўлмайдиган тўлпонча эди. Отишни машқ қилганиларимда мен нишондан пастроқни мўлжалга олардим-да, ярамас стволнинг қалтиллашини тўхтатишга уринардим, ниҳоят, мен йигирма қадамдан туриб, нишонга сал яқин урадиган бўлдим, шунда ёнда пистолет кўтариб юриш умуман бўлмағур бир нарса эканлигини англадим ва мен унга бутунлай эътибор бермай қўйдим, энди унинг орқамда лопиллаб турishi билан ишим

йүқ эди, фақат инглизлар ёки америкаликлар билан учрашиб қолинган кезларда бир оз ўнғайсизланар эдим, холос. Мана ҳозир бўлса, мен курсида ўтирас, навбатчи идора хизматчиси эса контора орқасидан менга ўқрайиб қараб қўяр, мен эсам мисс Баркли қачон чиқаркин деб, мармар полни, мармар ҳайкалларни ва деворларга ишланган суратларни томоша қилиб ўтирадим. Девордаги суратлар дид билан ишланганди. Бундай суратлар бўёқлари ёрилиб, кўчиб туша бошлиганда, айниқса, чиройлироқ бўлиб кўринади.

Мен Кэтрин Баркли пешайвонга кирганини кўриб, ўрнимдан турдим. Қаршимда юриб келаётгандан унчалик бўйдор бўлиб кўринмади, лекин ғоят дилбар эди.

— Хайрли оқшом, мистер Генри,— деди у.

— Хайрли оқшом,— дедим мен. Контора ортидаги идора хизматчиси қулоғини динг қилиб туради.

— Шу ерда ўтирамизми ё боққа чиқамизми?

— Юринг чиқайлик. Бог салқинроқ.

Мен унинг изидан эшикка юрдим, идора хизматчи-си кўзи билан таъқиб этиб туради. Қумтош ётқизилган йўлкадан кетаётганимизда, қиз сўради:

— Қаерларда қолиб кетдингиз?

— Постларни текшириб чиқдим.

— Лоақал икки энли хат ёзиб, айтиб қўйсангиз бўлмасмиди?

— Иўқ,— дедим мен.— Үнг келмади. Мен шу куни-еқ қайтаман девдим.

— Бари бир менга бир оғиз айтиб қўйиш керак эди, жоним.

Биз хиёбондан бурилиб, дараҳтлар остидаги йўлка-дан юрдик. Мен унинг қўлидан тутдим-да, тўхтаб уни ўпдим.

— Бирон ерга борсак бўлмайдими?

— Иўқ,— деди у.— Биз фақат сайд қилишимиз мумкин. Сиз жуда узоқ йўқ бўлиб кетдингиз.

— Бугун учинчи кун. Лекин мана, келдим-ку.

У менга қаради.

— Сиз мени яхши кўрасиз-а?

— Ҳа.

— Ростдан ҳам ахир сиз мени яхши кўраман, деган здингиз, а?

— Ҳа,— ёлғонладим мен.— Мен сизни севаман

Мен унга бундай деб айтмагандим.

- Мени Қэтрин деб чақирасиз-а?
- Қэтрин.
- Биз яна озроқ юриб, яна дараҳт тагида тұхтадик.
- Бундай денг-чи: кечаси мен Қэтрин олдига қайтдим.
- Кечаси мен Қэтрин олдига қайтдим.
- Жөнім, сиз ахир қайтиб келдингиз, түғрими?
- Ҳа.
- Сизни шундай севаманки, мен шундай ёмон ахволга тушдымки. Энди бошқа кетмайсиз-а?
- Иўқ. Мен ҳар доим қайтиб келаман.
- Сизни шунчалар севаман. Құлингизни мана бу ерга қўйинг.
- У доим шу ерда турибди.

Мен уни ўзимга қаратиб олдим, ўпганимда юзи мен-га кўриниб турарди, кўзларини юмиб олганди. Унинг юмуқ кўзларидан ўпдим. Мен унинг табиатида бир оз девонасорлик бордир, деб ўйладим. Аммо бари бир эмасми? Мен бунинг оқибати қандай бўлишини ўйлаб ўтирумасдим. Бу ҳар куни кечқурун офицерлар харобатхонасига боришдан кўра маъқулроқ эди, у ерда ойимтиллалар бўйнингизга осилиб олишади-да, кўнгиллари сизда эканлигини кўрсатиш учун. бошқа офицерлар билан юқорига чиқиб-тушиб туришаркан, сизнинг шапкангизни олдини орқага қилиб кийиб олишади. Мен Қэтрин Барклини яхши кўрмаганимни, яхши кўриб қолиш ниятим ҳам йўқлигини билардим. Бу худди ёлғондакам қимордай гап, фақат бунда қарта ўрнини гап босарди. Уша ўйинда ўзингни худди кулгйлик учун ёки бошқа бирон нарсага ўйнаётгандай қилиб кўрсатасан. Бунда ҳам шундай. Ўйин нима бадалига ўйналаётгани ҳақида бир оғиз ҳам гап бўлмади. Лекин менга бари бир эди.

— Қаёққа борсак экан,— дедим мен. Бошқа эркаклар каби мен ҳам узоқ тик оёқда туриб ишқибозлук қилишни ёқтирумасдим.

— Ҳеч қайга,— деди у. У хаёлидаги оламдан ерга қайтди.

— Шу ерда бирпас ўтирайлик.

Биз япасқи тош ўриндиққа ўтирдик, мен Қэтрин Барклининг қўлини тутдим. У ўзини қучофимдан олиб қочди.

— Сиз жудаям чарчадингизми?

— Иўқ.

У ерга, майсаларга қараб турарди.

— Сиз билан номаъқул ўйин бошлаб қўйдим.

— Қанақа ўйин?

— Ўзингизни гўлликка солманг.

— Бу хаёлимда ҳам йўқ.

— Сиз ажойибсиз,— деди у,— шунинг учун сиз иложи борича яхшироқ ўйнашга уриняпсиз. Лекин бу ўйин чиндан ҳам жуда ярамас ўйин.

— Сиз доимо бироннинг фикрини ўқайисизми?

— Доим эмас. Лекин сиз нима ўйлашингизни биламан. Сиз ўзингизни мени яхши кўргандай қилиб кўрсатишингизнинг ҳожати йўқ. Бугунга шунчаси етиб ортади. Энди нима ҳақда гаплашмоқчи эдингиз?

— Лекин мен сизни ростданам севаман.

— Қўйинг, бекордан-бекорга бир-бирилизни алдаб нима қиламиз. Сиз ўз ролингизни ғоят дўндириб адо қилдингиз, мана энди ҳаммаси ўз ўрнига тушди. Мен ахир унчалар девона эмасман. Баъзан-баъзан хаёлим опқочади, лекин узоққа эмас.

— Мен унинг қўлини қисдим.

— Қэтрин, азизим...

— Қандай кулгили эшитиляпти-я: «Қэтрин». Сиз буни доимо бир хил айтмайсиз. Лекин сиз жуда ажойибсиз. Сиз жуда оқ кўнгилсиз, жуда.

— Рӯҳоний ҳам шундай дейди.

— Ҳа, сиз оқ кўнгилсиз. Сиз олдимга келиб турасиз-а?

— Албатта.

— Менга севаман деб айтишингизнинг ҳожати йўқ.

Бу ҳозирча тамом бўлди.— У ўрнидан туриб, менга қўлини узатди.— Хайрли тун.

Уни ўпгим келди.

— Иўқ,— деди у.— Қаттиқ чарчадим.

— Бари бир мени ўпиб қўйинг,— дедим.

— Қаттиқ чарчадим, жоним.

— Упиб қўйинг мени.

— Жуда ҳам керакми?

— Жуда.

Биз ўшишдик, лекин у тўсиндан юлқиниб чиқди.

— Қўйинг. Хайрли тун, жоним.

Биз эшиккача бордик ва мен унинг остона ҳатлаб пешайвондан юриб бораётганини кўриб турдим. Унинг

ҳаракатларини кузатиб завқланардим. У коридорга ўтиб күздан йўқолди. Мен уйга кетдим. Жуда дим кечади, юқорида, тоғларда ҳамон тўплар отилмоқдайди. Сан-Габриеле томонда ёлқинлар кўринарди.

«Вилла-Росса» олдида тўхтадим. Деразалар тўсиб қўйилган, лекин ичкаридан ҳали шовқин эшитилиб турарди. Қимдир ашула айтарди. Ётоқقا қўтарилидим. Ечиниб турганимда, Ринальди кириб келди.

— Эҳа,— деди у.— Иш чатоққа ўхшайди-ку. Бэби нохуш кўринади.

— Қаерда эдингиз?

— «Вилла-Росса»да. Юракка малҳам-да, бу, бэби. Биз хор бўлиб ашула айтдик. Ўзингиз қаёқда эдингиз?

— Инглизларнинг олдига борувдим.

— Худога шукурки, мен инглизлардан қутулганман.

Еттинчи боб

Эртасига тогдаги биринчи постдан қайта туриб, мен машинани *testamento*¹ олдида тўхтатдим, бу ерда ярадор ва касаллар ҳужжатларига қўра жойларга тарқатилар ва ҳужжатга қайси госпиталга юборилгани ҳақида ёзиб қўйиларди. Мен машинани ўзим ҳайдаб борган эдим, рулдан тушиб ўтирамадим, ҳужжатларни шофёр кўрсатгани олиб кетди. Қун иссиқ эди, осмон артиб қўйилгандай тиниқ ва кўм-кўк, йўл эса тупроғи ўйнаган, оппоқ эди. Мен «Фнат»нинг баланд ўриниднгизда ўйсиз ҳолда ўтирадим. Ёнимда йўлдан полк ўтиб борарди, мен сафлар қандай қадам ташлаётганига қараб турардим. Одамлар ҳолдан тойган, терга пишган эдилар. Баъзи бирорлар пўлат қалпоқлар кийиб олишган, лекин кўпчилик уларни халталарига осиб олганди. Қалпоқлар кўпларнинг бошига катта бўлиб, деярли қулоқларини ҳам бостириб тушганди. Офицерларнинг ҳаммаси қалпоқ кийган, лекин уларники бошларида ўрнашиб турарди. Бу Базиликат бригадасининг бир қисми эди. Мен уларни оқ-қизил йўл-йўл петлицаларидан танидим. Полк аллақачон ўтиб бўлганига қарамасдан, йўлдан ҳамон орқада қолганлар ўтиб боришарди,— булар ўз бўлинмалари билан баробар боришга қурблари

¹ Кўчириш пункти (итал.).

етмай қолганлар әди. Уларнинг ҳаммалари абгор, ҳаммаларини тер ва чанг босганди. Баъзи бирлари бутунлай касалга ўхшардилар. Орқада қолганларнинг охиргиси ўтиб кетгач, йўлда яна бир солдат кўринди. У оқсоқланиб борарди. У тўхтаб, йўл чеккасига ўтириди. Мен машинадан тушиб, унинг олдига бордим.

— Нима қилди?

У менга қараб қўйиб, ўрнидан турди.

— Бўлди, кетдим.

— Нима қилди ўзи?

— Уруш-да, падарига...

— Оёғиммас. Чуррам тушган.

— Нега бўлмаса яёв кетяпсиз? — сўрадим мен.—

Нега госпиталга ётмадингиз?

— Кўйишмайди. Лейтенант, сен белбоғингни атай ечиб ташлагансан, дейди.

— Менга кўрсатинг.

— Кўтарилиб чиқкан.

— Кайси томондан?

— Мана бу ерда.

Мен унинг қорнини ушлаб кўрдим.

— Йўталинг,— дедим мен.

— Яна баттар бўлмасин дейман. Ҳозирнинг ўзида эрталабгисидан икки марта катта бўлиб кетди.

— Машинага ўтиринг,— дедим мен.— Менинг ярадорларимнинг қоғозлари тайёр бўлгач, сизни ўзим санитар қисмингизга элтиб қўяман.

— У жўрттага қилдинг, дейди.

— Улар бунга тирғилишолмайди,— дедим мен.— Бу жароҳат әмас. Аввал ҳам шундай бўлгансиз-ку, тўғрими?

— Лекин мен боғични йўқотиб қўйдим.

— Сизни госпиталга ётқизишади.

— Сиз билан қолсам бўлмайдими, а тенени?

— Йўқ, менда сизга ҳужжат йўқ.

Эшикда биз олиб бораётган ярадорларнинг ҳужжатларини кўтарган шофер кўринди.

— Тўртласини бир юз бешинчига. Иккитасини бир юз ўттиз иккинчига,— деди у.— Булар нариги қирғоқдаги госпиталлар әди.

— Рулга ўтиринг,— дедим мен.

Мен чурраси тушган солдат ёнимизга чиқиб олишига ёрдам бердим.

- Сиз инглизча сўзлай оласизми?
- Ҳа.
- Бу лаънати уруш ҳақида нима дейсиз?
- Расво нарса.
- Расво деб секинроқ айтасизми, жин урсин. Расво бўлмасинми яна.
- Сиз Штатларда бўлганмисиз?
- Бўлганман. Питтсбургда. Мен сизни америкалик бўлса керак деб ўйловдим.
- Наҳотки италянчани бузиб гапираётган бўлсан?
- Сизни кўришим билан америкалик, деб ўйладим.
- Яна бир америкалик,— деди шофер чурраси тушган солдатга қараб италянчалаб.
- Менга қаранг, лейтенант. Сиз мени албатта полкка элтиб ташлашингиз керакми?
- Ҳа.
- Гап шундаки, бош врач чуррам тушганлигини билади. Мен яна жангга кирмаслик учун касалим зўрайсин, деб боғичимни йўқотган эдим.
- Тушундим.
- Балки сиз мени бошқа бирон жойга олиб бориб қўярсиз?
- Биз фронтга яқин бўлганимизда, сизни биринчи тез ёрдам пунктига топширган бўлардим. Лекин бу ерда, фронт орқасида ҳужжатсиз юриш мумкин эмас.
- Мен қайтиб борсам, мени операция қилиб, сўнг доим жангга ташлашади.
- Мен ўйланиб қолдим.
- Сиз доим олдинги сафда бўлишни истармидингиз?
- Йўқ.
- О, лаънати!— деди у.— Қандоқ ярамас нарса бу уруш.
- Қулоқ солинг,— дедим мен.— Машинадан тушиб, йиқилинг-да, бошингизни мўматалоқ қилинг, мен орқага қайтишда сизни оламан-да, госпиталга элтиб ташлайман. Машинани тўхтатиб юборинг-чи, Алдо.
- Биз йўл чеккасига ўтиб, тўхтадик. Мен унга тушишга ёрдамлашиб юбордим.
- Мени мана шу ерда топасиз, лейтенант,— деди у.
- Хайр бўлмаса,— дедим мен. Биз йўлимизга кетдик ва бир чақиримча юргач полкни қувиб ўтдик. Сўнг қорлир үриб, бўтана бўлиб қолган, кўприкнинг тагидан

шитоб билан оқаётган дарёдан ўтиб, водийни кессиб ўтган йўлдан госпиталларгача бордик ва ярадорларни толширдик. Қайтишда рулга ўзим ўтиридим ва питтсбурглик солдат кутиб ўтирган жойга қичаб ҳайдадим. Биз янада ҳолдан тойган, ҳаракати янада сусайиб кетган полк олдидан ўтиб кетдик; кейин орқада қолгандарга дуч келдик. Сўнг йўл ўртасида санитар аравасини кўрдик. Иккита санитар чурраси тушган солдатни кўтаришаётган эди. Уни қидириб келишганди. Мени кўриб, у бошини чайқади. Унинг каскаси тушиб кетган, пешсанаси қонга беланганди. Бурнининг усти шилиниб тушган, мўматалоқ бўлиб ётган яраларига тупроқ ёпишганди. Сочлари ҳам чаигга беланганди.

— Қаранг, қандақа шиш-а, лейтенант,— қичқирди у.— Аммо нима ҳам қилиб бўларди. Мени олиб кетгани келишибди.

Мен виллага қайтиб келганимда, соат беш бўлган эди, мен машиналарни ювишадиган ерда душга тушгани бордим. Кейин ётоқда — очиқ дераза олдида ёлғиз кўйлак-шимда ўтириб, рапорт тузиб чиқдим. Ҳужум эрта ўтиб индинга бошланадиган бўлиб, мен ўз машиналарим билан Плавага боришим керак эди. Мен Штатларга аллавақтлардан бери хат ёзмасдим, мен ёзмаса бўлмаслигини билардим, лекин бу ишни шунча замонлардан бери орқага суриб келганимдан, энди деярли мутлақо ёзиб бўлмасди. Ёзадиган нарсанинг ўзи йўқ. Мен Zona di Guerra¹ деган бир қанча открытикалар юбордим, текстдан «соғ-саломат юрибман» деган сўзлардан бошқа ҳаммасини ўчириб чиқдим. Шундай қилса, тезроқ боради. Америкадагиларга бунақанги ғалати ва сирли открытикалар жуда ҳам ёқиб тушади, албатта. Уруш бу зонада ғалати ва сирли эди, лекин австрисларга қарши олиб борилган бошқа урушлар ичida бу энг пухта ўйланган ва ёвузоқ бўлиб туюларди менга. Австрия армияси Наполеоннинг ва умуман ўзини Наполеон деб ҳис қилувчи ҳар қандай кишининг ғалаба қозониши учун яратилганди. Бизнинг ҳам Наполеонимиз бўлганда ёмон бўлмасди, лекин бизда фақат семиз ва боқи беғам Le Generale Cadorna билан дутор бўйин, эчки соқол одамча Vittorio-Emanuele бор эди, холос. Унг соҳилдаги қўшинларга герцог Аоста

¹ «Харбий зона (итал.).

бонниқ әди. Ҳар нечук, улур саркарда даъвоси учун у ҳаңдан ташқари хушрўй әди, лекин ташқи кўринишдан у чинакам эркакларга ўхшарди. Кўплар унинг қирол бўлишини истарди. Унинг қирол бўладиган савлати бор әди. У қиролнинг амакиси бўлиб, учинчи армияга қўмондонлик қиласди. Биз иккинчи армияда әдик. Учинчи армияда бир қанча инглиз батареялари бор әди. Миланда мен шу батареяларда хизмат қилган иккита тўпчи билан танишгандим. Улар жуда ҳам одамшаванда йигитлар экан, ўша куни вақтихушлик билан ўтди. Улар давангирдай-давангирдай йигит бўлишларига қарамай, кўп нарсаларда тортиноқлик қиласди, айни замонда тортинган нарсаларини ёқтирас ҳам әдилар. Аслида инглиз армиясида хизмат қилсан бўларкан. Унда ҳаммаси жўнгина ўтарди. Бироқ тирик қолишим даргумон әди. Санитар қисмларда эса унда әмас. Тўғри, инглиз санитар машиналарининг шоферлари ҳам ҳалок бўлишарди. Лекин мен ҳалок бўлмаслигими билардим. Бу урушда әмас. Унинг менга ҳеч қандай алоқаси йўқ әди. У менга кинодаги урушдан Фарқиздай туюларди. Шунга қарамасдан мен чин юракдан унинг тезроқ тугашини истардим. Балки, шу бу йилнинг ёзида тамом бўлар. Балки, австрисларни савалашар. Олдинги урушларда уларни ҳар доим савалзшган. Бу урушнинг нимаси бор ўзи? Ҳамманинг оғзида, французларнинг ҳоли-қудрати кетиб қолди, деган гап. Ринальди, француз солдатлари бош кўтаришибди, қўшинлар Парижга қараб юраётган эмиш, деб айтувди. Мен ундан кейин нима бўлди, деб сўрасам, «уларни тўхтатишган-да», деб жавоб берди. Мен уруш бўлмасаю, Австрияни бир кўриб келсан, деб юрадим. Мен Шварцвальдга боришини истардим. Гарци кўргим келарди. Айтмоқчи, Гарцининг ўзи қаерда? Уруш ҳозир Карпат тоғларида кетаётган әди. У ёқларга боргим йўқ әди. Гарчи борилса, албатта, ёмон бўлмасди. Уруши бўлмаганда мен Испанияга боришим мумкин әди. Қўёш ботиб бормоқда, силқин тушиб келмоқда әди. Кечки овқатдан сўнг Қэтрин Барклининг олдига бораман. Мен, қани энди у ҳозир ёнимда бўлсайди, дердим. Мен у билан бирга Миланга боришини истардим. У билан «Кова»да овқатланиб олсанг-да, кейин дим кечки ҳавода Виа-Маниони бўйлаб кетсанг, кўприкдан ўтиб, қанал ёқалаб бурилсанг-да, Қэтрин Баркли билан отел-

га кирсаиг. Эҳтимол, у ҳам кирган бўлармиди. Эҳтимолки, у мени Соммда ўлдирилган офицер деб тасаввур қиласмиди, унда биз катта эшикдан ичкарига кириб борган бўлардик, швейцар шапкасини олиб кутиб олган, мен қалитни олиш учун борган, қиз эса мени лифт олдида кутиб турган бўларди, кейин биз лифт ичига кириб, луфт ҳам ҳар қаватда оҳиста жиринглаб, юқорига кўтарилган ва ниҳоят бизнинг қаватга ҳам чиқарди, лифтчи бола эшикни очади, шунда у чиқади, мен чиқаман, биз коридордан юриб борамиз, мен қалит билан эшикни очаман, ичкарига кирамиз ва мен телефон қулоғини кўтариб, бир шиша муз тўла кумуш пақирчага солинган капри бъянка келтиришларини сўрайман, сал ўтмай коридордан челакчадаги музнинг ширқиллаши эшитила бошлайди, кейин бола эшикни тақиллатади, мен эшикнинг олдига қўйиб кета қолинг, дейман. Чунки биз эгнимиздаги бор нарсани ечиб ташлаган бўламиз, чунки кун жудаям иссиқ, деразалар ланг очилган, қалдирғочлар уйларнинг томлари узра учиб юришган бўлади, кейин қоронғи туша бошлайди, дераза олдига келсангиз, уйларнинг ва дарахтларнинг тепасида энди кўршапалаклар учиб юрганини кўрасиз, шунда биз капри ичамиз, эшик берк, хона иссиқ, чойшаб ва тундан бўлак ҳамма нарса унутилади ва биз Миланнинг шу оташин кечасида ўзимизни муҳаббатнинг оғушига батамом топширамиз. Ҳаммаси мана шундоқ бўлиши керак. Мен тезгина овқатланиб олиб, Қэтрин Барклининг олдига бораман.

Овқат устида ғовур-ғувур гап кўп бўлади, мен вино ичдим, чунки агар бугун кечқурун озгина ичмасам, ошна-офайнигарчиликдан чиқиб қолардим, мен яна кашиш билан архиепископ Айрленд ҳақида суҳбатлашиб ўтирдим. Гап анчайин ҳурмат-эътиборга лойиқ бўлган бир одамнинг тақдиридаги адолатсизлик, унга нисбатан қилинаётган ноҳақликлар ҳақида кетди, бу ноҳақликларга мен ҳам америкалик сифатида қисман сабабчи эканман, мен айбим нимадан иборат эканлигини билмасам ҳам ўзимни гўё ростданам айби бордай қилиб кўрсатардим. Бу ишнинг бутун моҳиятига тўла етмасдан туриб, у менга шунчалар тушунтириб кетдик, охирида йўқ ҳеч нарса билмайман, хабарим йўқ, деб туриш одобдан бўлмай қоладиганга ўхшайди. Менга унинг номи жуда ҳам чиройли туюлди, бунинг устини

га у миннесоталик эди, шунинг учун оти ҳам чиндан ажойиб жаранглар эди: Айрленд Миннесотий, Айрленд Висконсиний, Айрленд Мичигоний. Йўқ, гап бундамас. Масала бундан кўра чуқурроқ. Ҳа, отахон. Тўғри, отахон. Эҳтимол, отахон. Йўқ, отахон. Балки, эҳтимол, шундай бўлса бордир, отахон. Булар сизга кўпроқ маълум, отахон. Кашиш яхши одам эди, лекин одамни зериктириб юборарди. Офицерлар бўлмағур одамлар эди, уларга қараб одамнинг эсноғи келарди. Қирол яхши, лекин зерикарли эди. Вино ёмон, лекин зерикарли эмасди. У тишларимизнинг сирини кўчириб, тангла́йимизга ёпиштириб қўймоқда эди.

— Шундай қилиб, ўша кашишини қамаб қўйишибди,— дерди Рокка,— чунки унинг ёнидан уч процентли қоғозлардан чиқибди. Бу Франциядаги гап, албатта. Бу ерда уни ҳеч қаҷон қамаб-памаб ўтиришмасди. У бўлса, беш процентли қоғозлардан мутлақо бехабармая, дебди. Булар ҳаммаси Безье шаҳрида бўлган гаплар. Мен ўшанда у ерда эдим, бу тўғрида газеталардан ўқиб қолиб, қамоққа бордим ва мени кашишнинг олдига киритишлиарини сўрадим. Қоғозларни у ўғирлаб олгани тайин эди.

— Фирт ёлғон гаплар,— деди Ринальди.

— Сизга шундоқ туюлгандир,— деди Рокка.— Лекин мен буни ўзимизнинг кашишга айтяпман. Бу жуда ибратли воқеа. У руҳоний бўлгани учун бунинг маъносини тузукроқ чақади.

Руҳоний жилмайди,— Давом этинг,— деди у.— Қулогим сизда.

— Албатта, қоғозларнинг бир қисмини барибир топишолмаган, бироқ уч процентлиларнинг бари руҳонийнинг ёнида экан, яна, қанақалиги аниқ эсимда йўғу, аллақандай маҳаллий замларнинг облигациялари ҳам чиққан. Шундай қилиб, мен турмага бордим,— энг қизиги ҳам шу ерда,— у турган камеранинг олдига келиб, худди тавба қилаётгандай бўлиб: «Менга оқ фотиҳа беринг, падари бузрукворим, зотан сиз гуноҳкор бандасиз», дедим.

Ҳамма ҳаҳолаб кулиб юборди.

— У нима деди?— сўради кашиш.

Рокка унга эътибор қилмасдан менга ҳазилининг маъносини тушунтира кетди:— Ана энди тушундингизми маънисига?— агар уни тўғри тушушилса, афтидан,

жуда ўткир ҳазилга ўхшайди. Менга яна вино қўйиши
ди ва мен душга туширилган инглиз солдати ҳақидаги
латифани айтиб бердим. Кейин майор ўн бир чехосло-
вак билан бир венгер капрали ҳақидагисини айтди. Яна
винодан ичиб, мен бир тийин топган улоқчи ҳақидаги
латифани бошладим. Майор, кечалари ухлолмай чиқа-
диган герцогиня ҳақида ғалати бир италян латифаси
бор, деди.. Шунда кашиш ўрнидан туриб чиқиб кетди
ва мен Марселга эрталаб соат бешда мистрал эсиб
турган пайтда келган коммивояжер ҳақидаги латифани
айтиб бердим. Майор, эшитишимга қараганда, сиз ичиб
маст бўлмас экансиз, деди. Мен ундеймас дедим. У,
мен тўғрисини айтяпман, Бахус гувоҳ, мен буни тек-
шириб кўраман, деди. Фақат Бахус эмас, дедим. Бахус
эмас. Ҳа, Бахус, деди у. Мен Басси Филиппо Винченца
билан ким кўп ичарга ўйнашим керак экан. Басси, бу
адолатдан эмас, чунки мен ҳозирнинг ўзида ундан ик-
ки ҳисса кўп ичиб қўйдим, деди. Мен, бу фирт ёлғон,
Бахусми, Бахусмасми, Филиппо Винченца Бассими ёки
Басси Филиппо Винченциами, ҳали оғзига бир томчи
ичкилик олгани йўқ, умуман олганда, унинг номи ни-
ма ўзи? У, сизни нима деб чақиришади — Энрико Фе-
дерико дебми, ёки Федерико Энрико дебми? — деб сў-
ради. Мён, йўқолсин Бахус, ким кучли бўлса, ўша юта-
ди, дедим ва майор бизга бошламасига бир кружкадан
қизил вино берди. Кружканинг ярмини ичиб, қолгани-
ни ичгим келмай қолди. Қаёққа кетаётганим эсимга
тушди.

— Басси ютди,— дедим мен.— У бақувватроқ. Мен
боришим керак.

— Тўғри, бориши керак,— деди Ринальди.— Учра-
шувга боради. Мен биламан-ку.

— Мен боришим керак.

— Келаси сафаргача,— деди Басси.— Келаси са-
фаргача куч йиғиб келинг.

У елкамга қоқиб қўйди. Стол устида шамлар ёниб
турарди. Ҳамма офицерларнинг кайфлари жойида
эди.

— Хайрли тун, жаноблар,— дедим мени.

Ринальди мен билан бирга чиқди. Биз ҳовлига ки-
раверишдаги эшик олдида тўхтадик, у деди:

— Сиз у ерга ичиб бормаганингиз тузук эди.

- Маст эмасман, Ринин. Чин сўзим.
 - Жуда бўлмаса қаҳва донидан чайнаб юборинг.
 - Бекор гап.
 - Ҳозир сизга келтириб бераман, бэби. Шу ерда айланиб туринг.— У бир ҳовуч қовурилган қаҳва донидан кўтариб келди.— Чайнаб юборинг, бэби, худо сизни ёрлақасин.
 - Бахус,— дедим мен:
 - Сизни кузатиб қўяман.
 - Ҳожати йўқ. Маст эмасман.
- Икковлон шаҳар бўйлаб кетдик, мен қаҳва донини чайнаб бордим. Инглизларнинг боғ уйига элтадиган хиёбон олдида Ринальди менга хайрли тун тилаб қолди.
- Хайрли тун,— дедим мен.— Юрииг, ўзингиз ҳам. У бош чайқади.
 - Йўқ,— деди у.— Мен бош оғриги ишларга тобим йўқ.
 - Қаҳва учун раҳмат.
 - Арзимайди, бэби. Арзимайди.
- Хиёбондан юриб кетдим. Икки чеккадаги сарв оғочларининг гавдаси яққол кўзга ташланарди. Мен орқамга ўғирилдим-да, Ринальди изимдан қараб турганини кўрдим, унга қўл силкиб, хайрлашдим.
- Мен боғ уй қабулхонасида Кэтрин Барклини кутиб ўтирадим. Кимдир пешайвонга кирди. Үрнимдан турдим, бироқ бу Кэтрин эмасди. Кирган мисс Фергюсон эди.
- Хэлло,— деди у.— Қаэтрин бугун, афсуски, сиз билан кўришолмас экан. Мендан шуни айтиб қўйишини сўради.
 - Афсус. Ҳойнаҳой бетоб эмасми?
 - Сал тоби қочиб турибди.
 - Унинг кўнглини сўраб қўйинг.
 - Хўп.
 - Балки эртага эрталаб келаймикан?
 - Қелинг.
 - Катта раҳмат,— дедим мен.— Тунингиз хайрли бўлсин.

Қабулхонадан чиқдим, бирдан олам бўм-бўш бўлиб қолди, юрагим сиқилди. Мен Кэтрин билан учрашувга менсимай, назар-писанд қилмай қарадим, кўп ичib

қүйдим, сал бұлмаса келиш әсімдан чиқай деди, энді әса уни күролмаганимдан сүнг юрагимга қыл сиғмасди, дунёда үзимни ёлғыз, ташландық сездим.

Саккизинчи боб

Әртасига биз дарёнинг юқори томонида кечаси ҳужум бұлади, деб әшиитдик, биз у ерга тұрт машина билан боришимиз керак экан. Ҳеч кимдан тайинли бир гап чиқмас, лекин ҳамма үзининг ҳарбий билимини на-мойиш қилиб, донолик қиларди. Мен бириңчи машина-да үтирган әдим. Инглиз госпиталининг олдидан үтиб кетаётганимизда машинани тұхтатнан буюрдым. Бош-қа машиналар ҳам тұхташды. Мен машинадан тушиб, бошқа шоферларға агар биз етиб олмасак, Кормон йүлиниң кесишган жойида кутиб туришни айтдым. Мен хиёбондан шоша-пиша үтиб, қабулхонага кирдим-да, мисс Барклини чақиришларини сұрадым.

— У навбатчилук қыляпты.

— Уни бир минутга күра оламанми?

Санитарни билиб келгани юбориши, у қызы билан бирга қайтиб келди.

— Соғ-саломатлигингизни билгани кирудим. Сизни навбатчилукда дейиши әле мен чақириб беришларини сұрадым.

— Соғлигим дуруст,— деди у.— Кече иссиқдан бир оз лоҗас бўлдим шекилли.

— Мен кетишим керак.

— Бир минутга сиз билан чиқаман.

— Үзингиз тузукмисиз, ҳеч қаерингиз оғримаяпти-ми?— сұрадым мен ташқарига чиққанимиздан сүнг.

— Тузукман, жоним. Сиз бугун келасизми?

— Иўқ. Мен ҳозир кетяпман — бугун Плавада мас-харабозлик бўлади.

— Масхарабозлик?

— Шунга яқин.

— Үзингиз қачон қайтасиз?

— Эртага.

У ниманиндир ечиб, бўйнидан олди. Менинг қўлимга берди.

— Бу авлиё Антоний,— деди у.— Эртага кечқурун келинг, хўлми?

— Сиз католикмисиз?

— Иўқ. Лекин айтишларига кўра авлиё Антоний бало-қазолардан сақлармиш...

— Сизни деб уни эҳтиёт қиласман. Хайр энди.

— Иўқ.— деди у.— Хайр эмас.

— Хўп.

— Ақлли бўлинг-да, ўзингизни эҳтиёт қилинг. Иўқ, бу ерда ўпишиш мумкин эмас. Қеракмас.

— Хўп.

Мен орқамга қараб, унинг зинада турганини кўрдим. У менга қўл силкиб қўйди, мен унга ғойибона ўпич тақдим қилдим. У яна қўлини силкиди, кейин хиёбон тугади, мен машинага ўтиридим, йўлга тушдик. Авлиё Антоний оқ металлдан ишланган кичкина медалонга жойланган эди. Мен медалонни очиб, қўлимга қоқдим.

— Авлиё Антонийми?— сўради шофер.

— Ҳа.

— Менда ҳам бор.— У ўнг қўлини рулдан олиб, тугмачасини очиб, кўйлаги ичидан мендагига ўхаш медалон чиқарди.— Қўрдингизми?

Мен авлиё Антонийни яна медалон ичига жойлаб, ингичка тилла занжирини йиғнадим-да, ҳаммасини ён чўнтағимга солиб қўйдим.

— Сиз уни бўйнингизга осмайсизми?

— Иўқ.

— Яххиси осиш керак. Бўлмаса нима ҳожати бор?

— Яхши,— дедим. Тилла занжирчани ёздим-да, бўйнимга осиб, занжирини қулфлаб қўйдим. Авлиё ҳарбий френчим устида туриб қолди, мен ёқамни очиб, кўйлагимнинг ёқасини бўшатдим-да, авлиё Антонийни ичимга солиб қўйдим. Машинада ўтиарканман, кўкрагимга ушинг металл филофи сўйкалиб борарди. Қўп ўтмай у эсимдан чиқди. Яраланганимдан сўнг уни қайтиб кўрмадим. Қимдир уни боғлаш пунктида очиб олган бўлса ажабмас.

Қўприкдан ўтгач, биз машинани тезроқ ҳайдадик ва қўп ўтмай олдинда бошқа машиналар кўтараётган чангни кўрдик. Бурилишдан ўтганимиздан сўнг учала машина ҳам кўринди; улар қўнғиздай бўлиб кўринмоқда эди, чанг ғилдираклар остидан кўтарилиб, дараҳтлар ортига сингарди. Биз уларга етиб олдик, қувиб ўтиб, тоққа томон кетган бошқа йўлга бурилдик. Агар олдинги машинада кетаётган бўлсанг колоннада юриш

ёмон нарса эмас, шунинг учун мен ўрнашиброқ ўтириб олиб, атрофни томоша қила бошладим. Биз дарё томондан тоғ этаги билан кетмоқда эдик, йўл юқорила-гач, шимол томонда баланд қорли чўққилар кўринди. Орқамга назар ташлаб, қолган учта машинанинг баландликка қандай чиқиб келишини кузатдим, машиналар чанг-тўзон ичида элас-элас кўзга чалинарди. Биз юк ортилган хачирлар карвонини қувиб ўтдик, хачирларнинг ёнида қизил феска кийган ҳайдовчилар боришарди. Булар берсалъерлар эди.

Хачирлар карвонидан кейин йўлимизда ҳеч нарса учрамади ва биз адирма-адир ошиб, сўнг узун тоғ ёнбағри бўйлаб дарё этагига тушдик. Бу ерда йўл бўйига дараҳтлар экилган экан, ўнг ёқдаги қатор дараҳтлар орқасида мен саёз, тиниқ, шошқин дарёни кўрдим. Дарёning суви пасайиб, тошлар ва қумлар оралаб арна-арна бўлиб оқарди, баъзан эса таги тошлоқ ўзанидан тонг шафағидай ёйилиб кетарди. Қирғоқча чиқаверишда чўнқир ўрларни кўрдим, уларга тўлиб турган сув осмон каби мовий эди. Дарё узра ёйсимон ғишт кўприкчалар ташланганди, уларга томон йўлдан тармоқ отиб сўқмоқлар тушиб бораради. Мен яна жанубий девори ёқалаб нокзорлар қад кўтарган дехқонларнинг ғишин иморатларини ва далалардаги пастак тош тўсиқларни кўрдим. Йўл анча вақтгача водий бўйлаб борди, кейин биз бурилдик-да, яна тоққа кўтарила бошладик. Йўл юқорига тик кўтарилиб чиқар, каштанзор ичидан илон изи бўлиб ўтиб, ниҳоят, тоғ тизмалари ёқалаб кетарди. Дараҳтлар сийрак жойлардан водий кўриниб турарди, ҳув олисда, пастда икки армияни ажратиб, қуёшда ярқираб иланг-билинг дарё оқарди. Биз адирларнинг нақ белидан тушган янги ҳарбий тош йўлдан кетдик, шимолда икки тоғ тизмаси чўзилиб ётарди, тоғлар асрий қорликларгача арча билан қопланганидан тўқ кўкимтири бўлиб қоронғиликда чулғаниб кўринар, қорли чўққилар эса қуёш нурида ярқираб оппоқ бўлиб ётарди. Кейин яна юқорилаганимизда, мен учинчи тоғ тизмасини, худди бўр сингарни оппоқ юксак қорли тоғларни, тоғларнинг ғаройиб ажинларини кўрдим, булардан ҳам нарида яна тоғлар юксалиб бора, лекин уларни кўраётганингни ҳам, кўрмаетганингни ҳам билиб бўлмасди. Буларнинг бари Австрия тоғлари эди, бизда бундай тоғлар йўқ. Олдинда йўл

ўнг томонга доира ясаб ўтганди, мен дарахтлар орасидан йўл пастга қараб қанчалар тик тушганини кўрдим. Бу йўлдан қўшинлар, юк машиналари, тоғ тўпларини ортган хачирлар ўтиб борарди, биз шу йўлнинг нак чеккасидан пастга тушиб борарканмиз, ҳув қўйида олисда оқаётган дарё, унинг ёнидан ўтган темир йўизлари, темир йўл кўпргини кўрдим, дарёнинг нариги ёғида, тоғ ёнбағрида биз ишғол қилишимиз керак бўлган шаҳарчанинг вайрон бўлган уйлари кўринарди.

Биз пастга тушиб, дарё қирғоғи ёқалаб солингай катта йўлга чиққанимизда қоронғи чўка бошлаган эди

Tўққизинчи боб

Йўл одамлар ва транспортга тиқилиб кетганди; йўлнинг иккала бети бўйлаб чипта ва похолдан қилинган бўйралар чўзилиб кетган, ҳатто йўлнинг тепаси ҳам бўйралар билан қопланганидан, у худди циркнинг йўлкасига ёки ёввойиларнинг қишлоғига ўхшарди. Шу чайлага ўхшаган йўлдан имиллаб ўтиб, ниҳоят тоза, текис сайҳонликка чиқдик, аввал бунда темир йўл бекати бўлган эди. Йўлнинг бу томони қирғоқ бўйи кўтармасини кесиб тушган эди. Бутун йўл давомида кўтармада пана жойлар қилинган бўлиб, уларга пиёдалар жойлашганди. Кун ботиб борарди, мен кўтарма оша қараб, дарёнинг нариги юзидағи тоғларда қорашиб кўринган Австриянинг кузатув аэростатларини кўрдим. Биз машиналарни ғишт заводининг харобалари панасига қўйдик. Ғишт куйдириладиган ўчоқлар ва бир қанча чуқур ўраларда ярадорлар учун пунктлар қилинганди. Врачлар ичиде менинг учта танишим бор эди. Бош врач менга жанг бошланиши билан бизнинг машиналар ярадорларни олиб, қирғоқ бўйлаб пана йўлдан бориб, кейин юқорига, довонга томон юради, довонда ҳамширалар пости бор, бу ерда ярадорларни бошқа машиналар кутиб турари. Йўл тўсилиб қолмаса бўлгани, деди у. Бошқа йўл йўқ эди. Йўл австрисларга кўриниб тургани учун уни кўздан яшириш чоралари кўрилганди. Бу ерда — ғишт заводида қирғоқ кўтармаси бизни милтиқ ва пулемётларнинг ўқидан сақлаб турарди. Дарёнинг у бетидан бу томонга фақат битта бузилай деб қолган кўприк бор эди. Тўплар отишмаси бошлангач, яна битта кўприк солинади,

қўшиннинг бир қисми эса дарё қайрилишидаги кечувдан ўтади. Бош врач бўйи пастаккина, шоп мўйлов киши эди. У майор увонида бўлиб, Ливия урушида қатнашган, икки марта яраланган эди. У, агар ҳаммаси кўнгилдагидек ўтса, мени мукофотга тавсия этажагини айтди. Мен, ҳаммаси жойида бўлади, дедим ва унга меҳрибончилиги учун раҳмат айтдим. Мен шоферларни жойлаштирадиган каттароқ блиндаж бор-йўқлигини сўрадим, у бир солдатни чақириб, менга жой кўрсатишни тайнинлади. Солдат билан сал юрмасимиздан шинамгина блиндаж устидан чиқдик. Шоферлар ундан мамнун бўлишди, уларни шу ерда қолдирдим. Бош врач мени ва яна икки офицерни ичкилика тақлиф қилди. Биз ром ичишдик ва мен ўзимни дўстлар ўртасида ўтиргандай сездим. Қош қорая бошлади. Мен, ҳужум қачон бошланади, деб сўрадим, бутунлай қоронги тушганда, деб жавоб беришди. Мен шоферлар олдига қайтдим. Улар блиндажда гаплашиб ўтиришарди, мен киришим биланоқ жим бўлиб қолишди. Мен уларга бир қутидан «Македония» сигаретаси бердим, бу сигарета бўш жойланган бўлиб, чекишдан олдин учини бураб қўйиш керак эди. Манъера зажигалкасини ёқиб, ҳаммага чекиб олгани тутди. Зажигалкаси «фиат»нинг радиаторига ўхшатиб ишланган экан. Мен уларга боя билган гапларимни айтиб бердим.

— Бу ёққа келаётганимизда йўлда пост йўқ эдику? — деди Пассини.

— Биз бурилган жойининг орқасида қолиб кетган эди.

— Бу йўлда тоза онамизни кўрамиз ҳали, — деди Манъера.

— Австрислар кунимизни кўрсатишади, фалонига фалон уларни.

— Бўлмаса-чи.

— Овқат-повқат ҳам бўладими, лейтенант? Бошланниб қолса, бош қашигани вақт бўлмайди.

— Ҳозир билиб келаман, — дедим мен.

— Шу ерда ўтирайликми ё ташқарига чиқиш ҳам мумкинми?

— Утира турганларингиз маъқул.

Мен бош врач олдига бордим, у сайёр ошхона ҳозир етиб келажагини, шоферлар овқатни олиб кетишлари мумкинлигини айтди. Идишлари бўлмаса, идиш

бераман, деди. Мен идишлари бўлса керак, дедим. Мен изимга қайтиб, шоферларга овқат келтиришлари билан хабар беришимни айтдим. Маньера, отишма бошланмасдан бурун олиб келишса соз бўларди, деди. Мен кетгунимча улар миқ этишмади. Уларнинг тўртовлари ҳам механик бўлиб, урушни кўтарга кўзлари йўқ эди.

Мен атрофда нималар бўлаётганини кўргани бордим, сўнг блиндажга, шоферлар олдига қайтдим. Ҳаммамиз ерга ўтириб, деворга суюнганча сигарет тутатдик. Фира-шира қоронғи тушди. Блиндажнинг саҳни қуруқ ва илиқ эди, мен деворга суюниб, ҳордиқ чиқардим.

— Жангга ким боради?

— Берсальерлар.

— Берсальерларнинг ўзими?

— Шундайга ўхшайди.

— Росмана жанг қилиш учун бу ердаги одамлар камлик қилади.

— Чамаси бу шунчаки йўлига бир жанг бўлади, чинакам уруш бошқа ерда бўлади.

— Ҳужумга борадиган солдатлар буни билишадими?

— Билишмаса керак.

— Албатта, билишмайди,— деди Маньера.— Билишса, жангга кириб ўтиришармиди.

— Шундай ҳам киришардики,— деди Пассини.— Берсальерлар аҳмоқ.

— Улар мард солдатлар, интизомга риоя қилишади,— дедим мен.

— Бақувват йигитлар, ҳаммаси ҳам ягриндор. Лекин барибир, ҳаммаси аҳмоқ болалар.

— Мана гренадерлар зўр,— деди Маньера. Бу ҳазил эди. Тўртовлари хаҳолаб кулишди.

— Улар жангдан бош тортишганда сиз бормидингиз, тенеҳте, кейин ҳар ўн кишидан биттасини отишувди, эсингиздами?

— Йўқ.

— Шундай бўлган эди. Уларни қатор қилиб турғизишди-да, ўнинчи бўлиб турган одамни ажратиб ола-веришиди. Карабинерлар уларни отиб ташлашди.

— Карабинерлар,— деди Пассини ва ерга тупурди.— Гренадерларни қаранг-а: бўйлари икки метрдан ошигу, бормаймиз деб туришса-я.

— Агар ҳамма баравар бош тортганда эди, уруп тугаган бўларди,— деди Манъера.

— Бе, гренадерлар буни ҳаёлга ҳам келтиришманган. Қўрқишган, холос. Офицерларнинг бари асило-далардан эди-да.

— Баъзи бир офицерлар бир ўзлари жангга киришиди.

— Сержант иккита офицерни бош тортганликлари учун отиб ташлади.

— Баъзи оддий солдатлар ҳам жангга киришувди.

— Буларни отишга ўнинчи одам ажратиладиган сафга киритишмага.

— У ерда менинг ҳамшаҳаримни отиб ташлашди,— деди Пассини.— Баланд бўйли, келишган йигит эди, қўйиб қўйган гренадер дейсиз. Римдан бери келмасди. Ёнидан ойимчалар аримасди. Доим карабинерлар билан бирга юради.— У кулди.— Энди бўлса уйининг эшигига милтиқ кўтарган соқчи қўйиб қўйишибди, ҳеч ким унинг онаси, отаси, опа-сингилларини бориб кўриши мумкин эмас, отасини бўлса, барча гражданлик ҳуқуқларидан маҳрум қилишди, ҳатто сайловда ҳам қатнашолмайди. Қонун ҳам энди уларни ҳимоя қилмайди. Истаган одам келиб, кўнгли тусаган нарсасини олиб кета олади.

— Оиласининг боши мана шундай маломатга қолишидан қўрқмаганда, ҳеч ким жангга кириб ўтири масди.

— Албатта-да. Альп ўқчилари эса жангга киришаверган бўларди. Виктор-Эммануилнинг полки ҳам. Берсальерлар ҳам.

— Берсальерлар ҳам думини кўрсатган пайтлар бўлган. Ҳозир буни эслагилари келмайди.

— Сиз бекор бизни валақлашимизга йўл қўйяпсиз, *tenente. Evviva l'esercito!*¹ — истеҳзоли қўшиб қўйди Пассини.

— Мен бундай гапларни эшитганман,—дедим мен.— Бироқ ҳамонки сиз рулда ўтириб, ўз ишингизни бажараётган экансиз...

— ...ва бошқа офицерлар эшитмайдиган қилиб се-кин гаплашаётган экансиз,— деб тугатди Манъера.

¹ Яшасин армияі (итал.).

— Урушни охирига етказиши керак деб ҳисоблайман,— дедим мен.— Бир томон жангдан воз кечгани билан уруш тамом бўлиб қолмайди. Урушмай қўйсак, ҳолимиз бундан бешбаттар бўлади.

— Бундан бешбаттар бўлмайди,— деди одоб билан Пассини.— Урушдан бешбаттарроқ нарса йўқ.

— Мағлубият бешбаттар.

— Ундаимасдир,— деди Пассини ҳамон ҳурмат сақлаб.— Мағлубият нима ўзи? Хўш, уйга қайтамиз.

— Душман орқангиздан боради. Уйингизни олади. Опа-сингилларингизни олади.

— Унчаликмасдир,— деди Пассини.— Улибди-да, ҳар кимнинг ортидан борса. Ҳар ким ўз хонадонини ҳимоя қиласин. Опа-сингилларини эшикка чиқармасин.

— Сизни осишади. Сизни қўлга олиб, яна уруш қилгани жўнатишади. Санитар транспортига эмас, пиёдалар сафига.

— Үлдими, ҳаммани осишса.

— Бегона давлат ўзи учун урушишга мажбур қилмайди,— деди Маньера.— Биринчи жангнинг ўзидаёқ ҳамма қочиб кетади.

— Чехларга ўхшаб.

— Сиз мағлуб бўлиш нималигини ҳали яхши билмайсиз, шунинг учун ҳам бу сизга унчалик ёмон эмасга ўхшаб туолади.

— Телепе,— деди Пассини,— сиз бизга гапираверишга изн бергандай бўлдингиз. Мана, эшитинг бўлмаса. Урушдан кўра даҳшатлироқ нарса йўқ. Биз санитар бўлимларда ўтириб уруш қанчалар даҳшатли нарса эканлигини тушуниб етмаймиз. Бунинг даҳшатини фаҳмлаб улгурганлар эса, унга қаршилик қилишга улгуролмайдилар, чунки ақлдан озадилар. Ҳеч қачон ҳеч нарсани тушунмайдиган одамлар бўлади. Ўз офицерларидан қўрқадиган одамлар бор. Мана шундайлар билан урушни давом эттиришади.

— Мен уруш даҳшатли нарса эканлигини биламан, лекин биз уни охирига етказишимиз керак.

— Охири йўқ. Урушнинг охири бўлмайди.

— Йўқ, охири бўлади.

Пассини бошини чайқади.

— Урушни ғалабалар билан ютиб бўлмайди. Хўш, борингки Сан-Габриелени олдик. Хўш, Карсо, Мон-фальконе ва Триестни олдик. Кейин-чи? Бугун анови

узоқ тоғларни күрдингизми? Хұш, сиэ ўшаларнинг ба-
рини биз ололамиз дейсизми? Агар австрислар уруш-
май қўйса бошқа гап. Бир томон урушни бас қилиши
керак. Нега биз қилишимиз мумкин эмас? Агар улар
Италиягача боришса, ҳориб-чарчаб, орқага қайтиб ке-
тишади. Уларнинг ўз юртлари бор. Шундоқ экан, ҳай-
ронман, уруш қилмаса, куни ўтмайдими буларнинг.

— Гапни қотирар экансиз.

— Ўйляяпмиз. Ўқияпмиз. Декон эмасмиз. Биз ме-
ханиклармиз. Бироқ дехқонлар ҳам урушга ишонади-
ган аҳмоқлардан эмас. Бу уруш ҳамманинг жонига
теккан.

— Мамлакатни калтафаҳм, ҳеч нимани тушунмай-
диган синф бошқармоқда. Шунинг учун ҳам биз уру-
шиб юрибмиз.

— Улар урушдан яна давлат орттирмоқдалар.

— Кўплари ҳатто бойий олмаяпти,—деди Пасси-
ни.—Шунчалар бефаросат улар, қўлларидан бошқа иш
келмагани учун шундай қилишмоқда. Тентакликдан.

— Бўлди, бас,—деди Маньера.—Тилимизга жуда
эрк бериб юбордик, *тепенте* ҳам хафа бўлиши мум-
кин.

— Гапимиз унга ёқяпти,—деди Пассини.—Биз уни
ўз томонимизга тортамиз.

— Лекин ҳозирчалик етади,—деди Маньера.

— Нима бўлди энди, овқат беришармикан, *тененте*?—
сўради Гавуцци.

— Ҳозир билиб келаман,—дедим мен.

Гордини ўрнидан туриб, мен билан чиқди.

— Балки, бирон нарса қилиш керакдир, *тененте*?
Сизга ёрдам беролмайманми?—У тўртовлари ичида
энг ювош, индамас одам эди.

— Истасангиз, мен билан юринг,—дедим мен,—
нимагаплигини билиб келамиз.

Қоронги тушиб қолганди, прожекторларнинг узун
тиллари тоғлар узра кезарди. Бизнинг фронтда юқ
машиналарига ўрнатилган каттакон прожекторлар бор
эди, гоҳо тунда фронт чизиги яқинидан ўтилганда, йўл-
дан чеккада турган мана шундай юқ машинасини, про-
жекторни бошқараётган офицерни, қўрқиб ўтакаси
ёрилган командани кўриш мумкин эди. Биз завод ҳов-
лисидан ўтиб асосий боғлаш пунктига келдик. Кира-
веришда тепага шох-шаббалардан чогроқ чайла ясад.

қўйилган эди, тунги шамол қуёшда қуриган баргларни шитирлатарді. Йчкари ёруғ эди. Бош врач яшикда ўтириб телефонда гаплашмоқда. Врачлардан бири менга ҳужум бир соатга кечиктирилганини айтди. У мени конъяқ ичишга таклиф қилди. Мен узунчоқ столларни, ёруғда ялтиллаб турган асбобларни, тослар ва пробкалари маҳкамланган шиша идишларни кўздан кечирдим. Гордини орқамда турган эди. Бош врач телефондан бўшади.

— Ҳозир бошланади,— деди у.— Кечиктирмайдиган бўлишибди.

Мен ташқарига қарадим, қоронғи эди, австрис пројекторларининг нурлари бизнинг ортимиздаги тоғларда изғирди. Бир сония жимлик чўқди, сўнг орқамизда турган барча тўп-замбараклардан ўт очилди.

— Савойя,— деди бош врач.

— Овқат қани?— сўрадим мен. У эшитмади. Мен қайтардим.

— Ҳали обкелишгани йўқ.

Катта снаряд учиб ўтиб завод ҳовлисида портлади. Яна биттаси ёрилди, портлаш шовқинида ғишт парчалари ва майда-чўйда нарсалар пастга ёмғирдай ёғилгани эшитилди.

— Еб олишга бирон нарса топиладими?

— Бир озгина *pasta asciutta*¹ бор,— деди бош врач.

— Ейдиган бўлса беринг.

Бош врач санитарга нимадир деб айтди, у уйнинг ичкари томонига кириб кетди-да, у ердан совиб қолган макарон солинган металл идиш кўтариб чиқди. Мен уни Гординига бердим.

— Пишлоқ йўқмикан?

Бош врач санитарга пўнфиллаб бир нима деди, у яна ичкарига шўнғиб, чорак доира оқ пишлоқ олиб чиқди.

— Раҳмат,— дедим мен.

— Ҳозир ташқарига чиқмай қўя қолинглар.

Ташқаридаги эшик олдига ниманидир қўйишиди. уни олиб келган санитарлардан бири ичкарига қаради.

— Олиб киринг бу ёққа,— деди бош врач.— Қани,

¹ Макарон овқат (итал).

німа бұлди? Німа, үзіміз чиқіб бу ерга олиб кирай-
ликми, а?

Санитарлар ярадорни құлтиғи ва оғидан хұтариб
ичкарига олиб киришди.

— Енгіні кесинглар,— деді бөш врач.

У құлда бир парча дока ҳамда пинцет ушлаб тур-
ған эди. Бошқа иккі врач шинелларини ечишди.

— Боринглар,— деді бөш врач санитарларга.

— Юринг, тенеңте,— деді Гордини.

— Үт очиш тұхтамагунча чиқмасанглар бұларды,—
деді бізга қарамасдан бөш врач.

— Одамлар очқашған,— дедім мен.

— Хұп, үзларинг биласизлар.

Заводнинг ҳөвлисига чиқа солиб, чопа кетдік. Шун-
доқ қыроқда снаряд ёрілді. Бошқасининг учіб кела-
ётганлигини ёнимизда ёрілмагунча пайқамай қолдик.

Иккөвимиз ҳам үзімізни ерга отқында түполон-
қасирға ишида осколкаларнинг чийиллашини, ғыштлар-
ни шатирлаб тушишини эшилдік. Гордини оёққа қал-
қиб блиндаж томон чопиб кетді. Мен сарғиши ҹанға
беланған пишлоқни күтариб уннінг орқасидан чопдім.
Блиндажда учала шофер ҳамон чекиб ўтиришарди.

— Мана сизга, ватанпарварлар,— дедім мен.

— Машиналар қалай?— сүради Маньера.

— Жойида,— дедім мен.

— Құрқингизми, тенеңте?

— Шундан бұлди,— дедім.

Мен пічогимни чиқариб, очдым-да, тиғини артиб,
пишлоқнинг уст қаватини қириб ташладым. Гавуци
менга макарон солинган тогорані узатди.

— Сиз бошлаб беринг.

— Иүқ,— дедім мен.— Ерга қүйинг. Биргалашыб
ейміз.

— Вилкамиз ийүқ.

— Иүқ бўлса бўлар,— дедім инглизчалаб.

Мен пишлоқни бўлак-бўлак қилиб кесиб макарон-
нинг устига ташлаб қўйдім.

— Олинглар,— дедім. Улар яқинроқ суримишиб,
кутиб туришди. Мен макаронга қўлимни тиқиб кўтар-
дім. Қўлимга елимга ўхшаб илашиб чиқді.

— Юқорироқ кўтариш,

Мен қўлимни елкамга довур кўтарғанимдагина ма-
карон тогорадан узилди. Мен уни оғзимга солдім,

кейинги учини лабим билан ушлаб, ичимга тортдимда, чайнай бошладим, кейин бир бўлак пишлоқ олиб, оғзимга солдим, орқасидан вино ҳўпладим. Винодан занг ҳиди келарди. Мен флягани Пассинига бердим.

— Расво,— дедим мен.— Флягада узоқ туриб қолибди. Мен уни машинада ёнимда олиб юрувдим...

Тўртовлари ҳам тоғорага энгашганча, макаронларни сўриб ейишарди. Мен яна оғзимни тўлдириб олдимда, пишлоқдан тишлаб, вино ҳўпладим. Ташқарида нимадир гупиллаб қулади, ер зириллаб кетди.

— Тўрт юз йигирма миллиметрли ёки миномёт,— деди Гавуцци.

— Тоғларда бундай калибрли тўплар бўлмайди,— дедим.

— Уларда Шкода замбараклари бор. Мен снаряднинг чўнқирини кўрдим.

— У уч юз беш миллиметрлиги.

Овқатни давом эттиридик. Йўтал овози эшилди, паровоз юриб кетгандай вишиллаган товуш чиқди, кейин ерни ларзага солиб портлаш бўлди.

— Блиндаж юзагина экан,— деди Пассини.

— Ана мановиси энди миномёт.

— Рост.

Мен пишлоқдан бир луқма тишлаб, вино ичдим. Шовқин-сурон ичида қулоримга йўтал овози чалинди, кейин чух-чух-чух-чух, деган овоз эшилди, сўнг худди домна эшигига очилган каби нимадир ярақлаб кетди, кейин аввал оппоқ, сўнг борган сари қизил тусга кириб, қип-қизил, қин-қизил қуюндай бўлиб ғувиллаш, гумбурлаш садоси келди. Мен нафас олиб кўрай десам, нафас ололмадим, назаримда ўзлигимдан чиқиб, қуюн ичра учеб кетаётгандай, учеб кетаётгандай, учеб кетаётгандай эдим. Бир зумда борлигим пардай учеб, йўқ бўлиб кетди дедим, ўликдай бўлдим, ўлганингдан кейин ҳеч гап бўлмайди деганлар хато қиласилар, деб ўйладим. Кейин ҳавода суза бошладим, бироқ олдинга эмас, нуқул орқага кетиб қолардим. Сўлиш олдим, шунда мен ўзлигимга қайтганлигимни англашим. Ер титилиб кетганди, шундоқ бошимнинг олдида мажақланган ёғоч тўсин ётарди. Бошим қалтираб турарди, шунда кимнингдир йиғлаётганини эшилдим. Кейин аллаким гўё қичқиргандай бўлди. Мен қимирлай десам, қимир этолмадим. Мен дарёнинг нариги томонида,

бутун дарё бўйлаб милтиқ ва пулемётларнинг отиш-
масини эшитдим. Бир нарса қаттиқ шалоплади ва
мен ёритувчи снарядларнинг осмонга учганини кўрдим,
улар ёрилиб, ҳамма ёқ сутдай ёриб кетди, ракеталар
учди, миналар портлади, мен буларни бир зум ичидан
кўрдим. Кейин нақ ёнгинамда кимдир: „Мамта mia!
О, мамта mia!“¹ — деди. Мен ўзимни ҳар томонга уриб,
ниҳоят, оёғимни бўшатдим, иккинчи томонга афдарилиб,
инграган кишини пайпаслаб кўрдим. Бу Пассини экан,
қўлим тегиши ҳамоноқ у чинқириб юборди. У оёғини
мен томонга узатган ҳолда ётарди, ўқтин-ўқтин лип
этиб тушган ёруғда унинг тиззадан юқориси мажақ-
ланган оёқлари кўринарди. Бир оёғи чўрт узилган эди,
иккинчиси эса пайларига ва шимининг увадаларига
илиниб туарар, дам-бадам гўё ўзидан-ўзи лиқир-лиқир
қилиб қўярди. У ўз қўлини тишлаб туриб, инграрди:
„О, мамта mia, мамта mia!“² — Кейин: Dio te Salve,
Maria Dio te Salve Maria³.

— Ё Исо, тезроқ жонимни ол! Христос, жонимни ол,
Мамта mia, мамта mia. Ё бокира биби Марям, жонимни ол.
Чидолмайман. Чидолмайман. Чидолмайман.
Ё Исо, ё биби Марям, чидай олмайман. О-о-о-о! Сўнг:
„Мамта mia, мамта mia!, деб хирқиради. Сўнг қўлини
тишлаганча жим бўлиб қолди, илиниб турган оёғи
еса ҳамон қимиirlаб турарди.

— Portaferiti! — деб қичқирдим ҳовучимни оғзим-
га қилиб. — Portaferiti!⁴ — Мен Пассинига ёрдам берай
деб, уриниб, ўрнимдан жилолмадим. Мен яна ҳаракат
қилиб кўрдим, бу сафар оёғим бир оз сурилгандай
бўлди. Энди мен тирсагим билан сурила олардим. Пас-
сини жим эди. Унинг ёнига ўтириб, френчимнинг туг-
маларини ечдим-да, кўйлагимнинг баридан йиртиб
олишга уриндим. Ҳадеганда йиртилавермади, шунда
кўйлак четини тишим билан йиртдим. Шунда мен унинг
обмоткаси бор эди-ю, деб эсладим. Мен жун пайпоқ
кийган эдим, лекин Пассини обмотка ўраб юарди.
Ҳамма шоферлар шундай қилишарди. Бироқ Пассини-
нинг бир оёғи қолганди. Мен обмотканинг учини то-
пиб, бўшатаётганимда, унинг оёғини боғлаб ўтиришга

¹ Онажоні (итал.).

² Худо паноҳ бўлсин, Марямі (итал.).

³ Замбил (итал.).

ҳожат қолмаганлигини, Пассини ўлганлигини кўрдим. Мен ўзимга ишонмай яна қарадим, у чиндан ҳам ўлган эди. Бошқа уч кишига нима бўлганлигии аниқлаш лозим эди. Туриб ўтиридим, шунда миямда худди қўгиричоқнинг кўзи қимирилагандек, бир нарса чайқалиб кетди, кўзимдан ўт чиқди, деб ўйладим. Оёқларим иссиқ ва ҳўл бўлиб қолди, оёқ кийимимнинг ичи ҳам иссиқ ва ҳўл бўлди. Мен ярадор бўлганимни пайқадим, энгашиб, қўлимни тиззамга қўйдим. Тиззам йўқ эди. Қўлим билан пастроқни пайпасладим, тиззам шу ерда эди, айланиб кетганди. Мен қўлимни кўйлагимга артдим, аллақаёқдан яна оппоқ ёруғ қуйилиб кела бошлади, шунда оёғимга қарадим, этим жимирилаб кетди. «Худоё,— дедим,— омон-эсон бу ердан қутқар!» Лекин мен яна уч киши ҳам бўлиши кераклигини билардим. Шоферлар тўрт киши эди. Пассини ўлди. Уч киши қолади. Аллаким қўлтиғимдан олди, яна кимдир оёғимдан кўтара бошлади.

— Яна уч киши бор эди,— дедим мен.— Биттаси ўлди.

— Мен Манъераман. Биз замбилга боргандик, топмадик. Тузукмисиз, тепепе?

— Гордини билан Гавуцци қани?

— Гордини пунктда, ярасини боғлашяпти. Гавуцци оёғингиздан кўтариб турибди. Бўйнимдан ушлаб олинг, тепепе. Оғир яраландингизми?

— Оёғимдан. Гординига нима бўлди?

— Арзимаган гап. Мина тушибди. Миномёт снаряди.

— Пассини ҳалок бўлди.

— Ҳа, ҳалок бўлди.

Ёнгинамиизда снаряд портлаб, икковлари ҳам ўзларини ерга отишиди, мен йиқилиб тушдим.

— Кечиринг, тепепе, — деди Манъера.— Бўйнимдан ушлаб олинг.

— Сиз мени яна ташлаб юборасиз.

— Қўрқиб кетдик.

— Сизлар яраланмадингларми?

— Икковимиз ҳам яраландик, лекин енгил.

— Гордини машина ҳайдай оладими?

— Қийин-ов.

Пунктга боргунча улар мени яна бир марта ташлаб юборишиди.

— Аблаҳлар! — дедим.

— Кечиринг, төпептө, — деди Манъера.— Бошқа қилмаймиз.

Боғлаш пунктида қоронғида ерда анча ярадорлар ётишарди. Замбил күттарган санитарлар кириб-чиқиб туришарди. Улар ўтиб кета туриб, дарпардан күттарғанларида, менга ичкаридаги ёруғ күринарди. Ўлниклар бир чеккага қўйилганди. Врачлар енг шимариб ишлашар, қассобга ўхшаб қонга беланишган эди. Замбил етишмасди. Баъзи ярадорлар инграшар, лекин кўпчилик жим ётмоқда эди.

Шамол кираверишда эшик соябони устига ташланган шохлардаги япроқларни шитирлатар, совуқ тун ёпирилмоқда эди. Санитарлар тинимсиз келиб туришар, замбилларни ерга қўйиб бўшатишарди-да, яна кетишарди. Пунктга келишимиз биланоқ Манъера фельдшерни бошлаб келди, у оёғимни боғлақ қўйди. Ярангиз тупроқ билан тўлиб кетгандан кам қон йўқотибсиз, деди у менга. Имкон бўлиши билан мени операцияга ётқизишаркан. У пункт биносига кириб кетди. Гордини машина ҳайдолмайди, деди Манъера. Унинг елкаси мажақланган, боши ёрилган. Яра қизигида оғриғи унча билинмай, ҳозир елкаси оғриқдан қотиб қолибди. Ҳозир анов ғишт деворлардан бирида ўтирибди. Манъера ва Гавуцци ўз машиналарига ярадорларни ортиб жўнашди. Уларга яралари озор бермаётган эди. Иккитадан санитари бор учта инглиз машинаси келди. Менинг олдимга инглиз шоферларидан бири келди, уни жуда мазаси қочиб қолган, ранги оқариб кетган Гордини бошлаб келди. Шофер менга томон энгашди:

— Оғир яраландингизми? — сўради у.— Бу баланд бўйли, пўлат кўзойнак таққан киши эди.

— Иккала оёғимдан.

— Хавфли эмасдир, а. Сигарета чекасизми?

— Раҳмат.

— Иккита шофердан айрилибсиз, деб эшийтдим?

— Ҳа. Биттаси ўлди, иккинчиси — сизни бошлаб келган одам.

— Расво бўлибди. Еки уларнинг машиналарини биз олиб турайликми?

— Худди шуни сиздан сўрамоқчийдим.

— Бизда улар бузилиб-нетмайди, кейин қайтариб берамиз. Сиз икки юз олтинчидансиз-ку, а?

- Ҳа.
- Ажойиб ерга жойлашгансизлар. Сизни шаҳарда кўрганман. Менга сизни америкалик деб айтишиди.
- Шундоқ.
- Мен инглизман.
- Наҳотки?
- Ҳа, инглиз. Сиз италян деб ўйладингизми? Бизнинг бир отрядимизда италянлар ҳам бор.
- Агар машиналаримизни олсангиз жуда соз бўларди,— дедим мен.
- Уларни сизга бузмай-нетмай, қандай бўлса шундай топширамиз.— У қаддини кўтарди.— Шоферингиз сиз билан келишиб олишимни жуда илтимас қилди.— У Гординининг елкасига уриб қўйди. Гордини сескашиб тушиб, жилмайди. Инглиз италян тилида чала-чулла сўзлай кетди:
- Бўлди, ҳаммаси жойида. Бошлиғинг *tenente* билан келишдик. Сизнинг иккала машинангизни оламиз. Энди ташвиш чекмасанг ҳам бўлади.— У сўзини бўлди.— Сизларни бу ердан олиб кетишнинг ҳам йўлинни топиш керак. Ҳозир врачлар билан гаплашаман. Кетаётганда сизларни ҳам олиб кетамиз.
- У ярадорлар орасидан оҳиста ўтиб, эшикка томон борди. Мен эшикка тутилаги адёл кўтарилганини, ичкаридаги ёруғни, унинг ичкарига кирганини кўрдим.
- У сизни шундоқ қолдирмайди, *tenente*, — деди Гордини.
- Ўзингиз қалайсиз, Франко?
- Дуруст.
- У ёнимга ўтирди. Шу пайт эшикнинг адёли кўтарилиб, у ердан иккита санитар билан баланд бўйли инглиз чиқишиди. Олдимга келишди.
- Мана америкалик, *tenente*, — деди у италянчалаб.
- Мен кутиб туришим мумкин,— дедим мен.— Бу ерда мендан кўра оғирроқ ярадорлар бор. Аҳволим унчалик ёмонмас.
- Бўлди, бўлди,— деди у,— ўзингизни қаҳрамон қилиб кўрсатмай қўя қолинг.— Кейин италянчалаб деди:— Секин кўтаринглар, айниқса оёғини. Қаттиқ оғрияпти. Бу президент Вильсоннинг қонуний ўғли.
- Улар мени кўтаришиб, пункт ичига олиб киришди. Ҳамма столларда жарроҳлар ишламоқда эди. Кичкина

бош врач бизга жаҳл билан ўтирилиб қаради. У мени таниди ва қўлидаги асбобларини силкиб қўйди.

— Ga va bien?¹

— Ga va²

— Уни мен олиб келдим,— деди баланд бўйли инглиз италянчалаб.— Америка элчисининг ёлғиз ўғли. Қўлингиз бўшагунча шу ерда ёта турсин. Кейин мен биринчи қатновдаёқ уни олиб келаман.— У мен томонга эгилди.— Мен ҳужжатларингизни тўғрилашга бораман, унда иш тезроқ кўчади.— У эшикдан ғонгашиб чиқиб кетди. Бош врач қисқичларни бўшатиб, тосга ташлади. Мен унинг ҳаракатларини кузатиб ётардим. Энди у боғлай бошлади. Кейин санитарлар ярадорни столдан олишди.

— Америкалик fenepte, ни менга беринглар,— деди врачлардан бири.

Мени кўтариб столга олдилар. Стол қаттиқ ва сирғанчиқ эди. Ҳаво турли-туман ўткир ҳидларга тўла эди, дориларнинг ачимсиқ ҳиди, чучук қон иси келарди. Шимимни ечиб олишди, врач қўли ишдан бўшамай, айни чоқда фельдшер-ассистентга ёздира кетди:

— Чап ва ўнг сони, чап ва ўнг тиззаси, ўнг товонининг юва қисми яраланган ва щилингган. Ўнг тиззаси ва товонининг яраси чуқур. Бошида йиртма яралар бор (у зонд қўйиб кўрди: «Оғрияптими?»— «О-о-о, ярамас! Ҳа!»), бош суяги дарз кетган бўлиши эҳтимол. Жанговар вазиятда яраланган. Шундай десак, жуда бўлмаганда сизни жўрттага ўзини майиб қилган, деб дала судига беришмайди-ку,— деди у.— Бир қултум конъяк ичасизми? Қандай қилиб бу аҳволга тушдингиэ? Ўзингизни ўлдирмоқчи бўлдингизми ё? Менга кўкшолга қарши дорини беринг-да, карточкасида иккала оёғини белгилаб қўйинг. Хўп, раҳмат. Ҳозир мен сал тозалаб юваман-да, боғлаб қўяман. Қонингиз тез қотар экан.

Ассистент қофоздан бошини кўтариб, сўради:

— Нимадан яраланган?

Врач:

— Нима қилиб яраландингиз?

Мен қўзимни юмиб ётарканман, дедим:

— Мина тегди.

¹ Қалай, дурустми? (франц.).

² Дуруст (франц.).

Ярамни азоб бериб ковлаётган врач теримни кеса туреб деди:

— Ростданми?

Индамай туреб беришга уриниб, тиф баданимни тилганда қорнимда қалтироқ турганини сезганча, дедим:

— Ростдан шекилли.

Врач қизиқарли бир нарса топди шекилли, деди:

— Душман миналарининг парчаси. Хоҳласангиз, мен зонд қўйиб бу томонни ҳам текшираман, лекин бунинг кераги йўқ. Энди мен бу ерга дори суркаб қўяман ва... Нима, куйдиряптими? Буниси ҳолва. Ҳамма ҳунарини кейин кўрсатади. Ҳали оғриқ бошлангани йўқ. Унга конъяқ беринг. Лат еганда оғриқ ўлгандай бўлади. Аммо барибир қўрқинчли ҳеч нима йўқ. Заҳарланиш рўй бермаса бўлгани, ҳозир бу ҳам кам учрайди. Бошингиз қалай?

— О, худойим! — дедим.

— Унда кўп конъяқ ичмаганингиз маъқул. Агар дарз кетган бўлса, яллиғланиб кетиши мумкин, яхши бўлмайди. Нима, мана бу ерингиз оғрияптими?

Мен қора терга тушдим.

— О, худойим! — деб юбордим.

— Афтидан, дарз борга ўхшаб қолди-ку. Мен ҳозир боғлайман, сиз бошингизни қимирлатманг.

У боғлашга тушди. Қўллари жуда чаққон ҳаракат қилар, қаттиқ ва маҳкам боғларди.

— Ана бўлди, оқ йўл ва Vive la France!¹

— У америкалик, — деди бошқа врач.

— Мен уни французни деб эшишибман. У французча сўзларкан, — деди врач. — Мен уни олдин ҳам билардим. Мен доим уни француз деб юрадим. — У ярим стакан конъяқ ичди. — Хўп, қани жиддийроқларидан берингларчи, ва кўкшол дорисидан тайёрланг. — У менга қўл силкиб қолди. Мени кўтариб олиб кетишиди; дарпарда ўрнига тутилган адёл юзимдан сирғалиб ўтди. Мени жойлаштиришгач, фельдшер-ассистент, ёнимга тиз чўкди.

— Фамилиянгиз, — оҳиста сўради у. — Исмингиз? Ешингиз? Унвонингиз? Туғилган жойингиз? Қайси қисмдан? Қайси корпусдан? — ва ҳоказо. — Бошингиз

¹ Яшасим Франция! (франц.).

ҳам шикаст егани яхши бўлмабди, тененте. Лекин энди сал дуруст сезаётгандирсиз ўзингизни. Сизни инглиз санитар машинаси билан жўнатаман.

— Аҳволим яхши,— дедим мев.— Сиздан роят миннатдорман.

Врач айтган оғриқ бошланди, атрофимда рўй берадётган ҳамма нарса ўз маъносини йўқотди. Кўп ўтмай инглиз машинаси келди, мени замбилга солиб, замбилини кузов билан баравар қилиб кўтаришди-да, ичкарига суриб киритиши. Ён томонда бошқа замбиллар ҳам бор экан, шу ерда бутун юзи боғлаб ташланган, фақат шамдай қотган бурнигина кўриниб турган киши ётарди. У оғир нафас оларди. Яна иккита замбилини кўтаришиб тепадаги тасма ҳалқаларига ўрнатиши. Баланд бўйли инглиз шофёр келиб, дарчадан қарди.

— Мен оҳиста юраман,— деди у.— Сизни безовта қилмасликка ҳаракат қиласман. Мен моторнинг гуриллаганини, шофернинг олдинги ўриндиққа ўтирганини, тормозни ўчириб, тезлик олганини ҳис қилиб ётдим. Йўлга тушдик. Мен қимир этмай, оғриққа таслим бўлиб ётардим.

Йўл юқорилай бошлагач, машина тезлигини камайтириди, баъзан у тўхтаб қолар, баъзан бурилишда орқага тисарилар, ниҳоят, тоққа томон тезгина юриб кетди. Назаримда, устимдан нимадир оқиб тушаётгандай бўлди. Аввал ора-сира томчилаб турди, кейин сизилиб оқа бошлади. Мен шоферни чақирдим. У машинани тўхтатиб, орқа ойнадан қаради.

— Нима бўлди?

— Тепамдаги ярадордан қоп оқяпти.

— Довонга озгина қолди. Бир ўзим замбилини ололмайман.

Машина яна йўлга тушди. Қон ҳамон оқарди. Қоронфида мен у брезентнинг қаеридан ўтаётганилигини билолмадим. Мен устимга тушмасин деб, четроққа сурилишга уриндим. Кўйлагимнинг орқасига оқиб тушган жойим иссиқ ва пилч-пилч бўлиб қолди. Мен жунжикдим, оёғим шу қадар қаттиқ оғирдикни, азбаройи кўнглим озиб қолай дерди. Сал ўтгач, қон камроқ оқа бошлади, кейин яна томчилашга тушди, мен замбилини брезенти қимирлаб қолганини кўрдим, у ердаги одам қулайроқ ётмоқчига ўхшарди.

— Қалай энди? — сўради инглиз орқасига қараб.—
Етай деб қолдик.

— Менимча у ўлганга ўхшайди,— дедим.

Томчилар жуда секин узилиб тушарди, қуёш ботгач. сумалакдан томчи шундай тушади. Машина тун қўйнида тоқقا кўтарилиб борар, совуқ эди. Постда санитарлар замбилларни чиқаришиб, бошқаларни қўйишди, биз йўлда давом этдик.

Ўнинчи боб

Дала госпиталининг палатасида менга пешиндан кейин одам кўргани келишини айтишди. Кун иссиқ, хона лашша билан тўла эди. Вестовой қофозни узун-узун қилиб қирқди-да, ёғоч чўпга боғлаб, пашшаларни ҳайдади. Мен уларнинг шифтга ўтиришларини томоша қиласман. У қувишдан тўхтаб, ухлаб қолгач, уларнинг бари пастга ғувиллаб тушишди, мен ҳайдаб кўрдим, алоҳа бўлмагач, юзимни қўлим билан беркитиб, ухлаб қолибман. Кун жуда исиб кетди, уйғонганимда, оёқларим қичишарди. Мен вестовойни уйғотдим ва у яраларимга минерал сув қўйди. Бундан ўрним нам ва салқин бўлиб қолди. Уйғоқ ётганлар палатани бошларига кўтариб гаплашишарди. Тушликдан кейин вақт жуда осойишта ўтарди. Эрталаб учта санитар билан бир врач ҳар бир каравот олдига келишиб, ётган одамини турғизиб, боғлаш пунктига олиб кетишарди, унинг яраларини қайта боғлаб бўлгунча ўринларини ҳам йиғишириб қўйишарди. Боглаш хонасига ҳеч ким жон деб боргиси келмасди, албатта, лекин у пайтда мен кишини ётган жойидан турғизмасдан ҳам ўрнини тузатиб қўйиш мумкинлигини билмасдим. Вестовой бор сувни қўйиб бўлгач, ўрним муздек ва ёқимли бўлиб қолди, мен қичишни тўхтатиш учун оёғимнинг қаерини уқалашни вестовойга кўрсатиб турганимда, врачлардан бирин палатага Ринальдини олиб кирди. У шитоб билан кириб, каравотга энгашди-да, мени ўпди. Мен у қўл-қоп кийганини пайқадим.

— Хўш, ишлар қалай, бэби? Тузукмисиз? Манави сизга...— Унинг қўлида конъяк бор эди. Вестовой унга стул келтирди, у ўтирди.— Яна бир хушхабар ҳам бор. Сизнн мукофотга тақдим қилишди. Кумуш медаль бў-

лади деяверинг, лекин, балким, бронзага айланиб қолиши ҳам мүмкин.

— Нимага медаль?

— Сиз ахир оғир яраландыңгиз. Агар сиз жасорат күрсатғанлығынан ишонтиrolсанғыз, кумуш оласыз, деб айтишмоқда. Бұлмаса, бронза экан. Менга бошидан бошлаб айтиб беринг. Жасорат күрсатдигизми?

— Ық,— дедим мен.— Мина портлаган пайтда мөй пишлөқ еб туурудым.

— Жинни бўлманг. Сиз ундан олдинроқ ёки кейинроқ бир қаҳрамонлик күрсатган бўлишингиз керак, албатта. Яхшилаб эслаб кўринг.

— Ҳеч вақо кўрсатмадим.

— Ярадор бўла туриб ҳеч кимни елкангизда олиб чиқмадингизми? Гордини, сиз елкангизда бир нечта одамни олиб чиқдингиз, деяпти, лекин боз врачи бу ақлга тўғри келмайди, демоқда. Мукофотга тавсия қорозига у қўл қўйиши керак.

— Мен ҳеч кимни олиб чиқмадим. Мен қимир этадимасдим.

— Бунинг аҳамияти йўқ,— деди Рикальди.

У қўлқопни ечди.

— Нима бўлганда ҳам, биз кумуш бўлишига ҳарарат қиласиз. Балким, сиз медицина ёрдамини бошқаларга олдинроқ кўрсатинглар дегандирсиз?

— Бу гапда унчалар қаттиқ турганим йўқ.

— Аҳамияти йўқ. Яраланганингиз-чи? Мардоналиқ қилиб мени олдинги маррага юборинглар, деб туриб олганингиз-чи? Бунинг устига жангда ғолиб чиқдик.

— Демак, дарёдан кечиб ўтибмиз-да?

— Кечиб ўтганда қандоқ! Мингга яқин асир олишиди. Ахборотда шундай дейилган. Сиз уни ўқимадингизми?

— Йўқ.

— Сизга олиб келиб бераман. Бу ажойиб Сoup de main.¹

— Ўзингизнинг ишларингиз қандай?

— Зўр. Ҳаммаси яхши. Ҳаммалари сизга қойил қолишшапти. Нима бўлганини менга сўйлаб беринг-чи? Сиз кумуш олишингизга ишонаман. Қани, бошланг. Бир бошдан айтиб беринг.— У ниманидир мулоҳаза

¹ Зарба, босқин (франц.).

қилиб, жимиди.—Балким, сиз яна инглиз медали ҳам олишингиз мумкин. У ерда бир инглиз ҳам бўлган экан. Мен у билан учрашиб, сиз ҳақингизда керакли жойда икки оғиз сўзлаб бера олармикин, сўраб кўраман. Қиласман деса, қўлидан келади. Қаттиқ оғрияптими? Олинг, ичинг. Вестовой, шиша очадиганни олиб келинг. Мен бир одамнинг уч метр ингичка ичагини қандай олиб ташлаганимни бир кўрсангиз эди. Буни «Ништар»га ёёса арзирди. Сиз таржима қилиб берсангиз, «Ништар»га жўнатган бўлардим. Кундан-кунга янги нарса ўрганяпман. Шўрлик бэби, кайфиятингиз дурустми ўзи? Шиша очадиган йўқ бўлиб кетдими нима бало? Сиз сабр қилиб, жимгина ётганингиз учун мен ярадорлигингишни унудиб қўйяпман.—У қўлқопини каратов четига урди.

— Мана очадиган, Signor tepeente, — деди вестовой.

— Шишани очинг. Стакан олиб келинг. Ичинг, бэби. Бошингиз тузукми? Мен касаллик тарихини кўрдим. Миянгизда дарз йўқ. Биринчи постдаги ўша врач нимаю мол дўхтир нима, барибир. Мен шундай қилган бўлардимки, сиз ҳатто сезмай қолардингиз. Мен жуда беозор даволайман. Шунга ҳаракат қиласман. Кундан-кунга қўлим енгил бўлиб, ишим яхши қовушяпти. Мени маъзур тутинг, бэби, кўп вайсаб юборяпман. Жиддий жароҳатланганингиздан кўнглим бузилиб турибди. Қани, ичинг. Яхши конъяк. Бир шишаси ўи беш лир. Яхши бўлса керак. Беш юлдуэли. Шу ердан тўғри инглизнинг олдига бораман, у сизга инглиз медали олиб беради.

— Уни олиш осон эмас.

— Сиз ғоятда камтаришсиз. Мен алоқа офицерини юбораман. У инглизларнинг тилини билади.

— Сиз мисс Барклини кўрмадингизми?

— Уни бу ерга олиб келаман. Мен ҳозироқ бориб, уни бошлаб келаман.

— Қетманг,— дедим мен.— Менга Гориция ҳақида гапириб беринг. Ойимчалар қалай?

— Ойимчалар йўқ. Икки ҳафта бўлди, уларни алмаштиришмади. Мен у ерга бораётганим йўқ. Қип-қизил расволик! Улар энди ойимтилла эмас, жанговар ўртоқ бўлиб қолишли.

— Бутунлай бормай қўйдингиэмси?

— Фақат баъзан бирон янги гап бормикин, деб ки,

риб ўтаман. Шунчаки йўл-йўлакай! Улар сизни сўраб қўйишмайди. Қип-қизил расволик. Шунчалик узоқ қолиб кетишидки, дўстлашиб қоляпмиз.

— Балким, фронтга борадиган талабгорлар бошқа топилмаётгандир?

— Ундеймас. Ойимчалар истаганча топиллади. Ташкилоти ярамайди. Уларни фронт ичкарисидаги қаҳрамонларга сақлаб ўтиришибди.

— Шўрлик Ринальди! — дедим мен.— Урушда ёлғиз сўқир боши билан қолибди, унга ҳатто эрмакка янги ойимчалар ҳам йўқ.

Ринальди ўзига ҳам конъяк қуиди.

— Бу сизга зиён қилмайди, бэби. Ичинг.

Мен конъякни ичиб, бутун аъзойи баданимга иссиқлик югураётганини ҳис қилиб турдим. Ринальди яна қуиди. Үнинг кўнгли бир оз ўрнига тушди. У ўзининг стаканини кўтарди.— Сизнинг шавкатли жароҳатларингиз учун! Кумуш медаль учун! Айтинг-чи, бэби, узун кун бунақа иссиқда ётиш жонингизга тегмадими?

— Тегапти.

— Мен бунақасини хаёлимга ҳам келтиролмайман. Жинни бўлиб қолардим.

— Ҳалиям соғмассиз.

— Тезроқ тузалинг-да, ишқилиб. Тунги саргузаштлардан сўнг уйга якка қайтгиси келмайди одамнинг. Ҳазилвонинг йўқ. Қарз бериб турадиганинг йўқ. Ҳамхонам ва тутинган биродарим йўқ. Шу бошогриғи жароҳатларни ортиромассангиз, камайиб қолармидингиз?

— Руҳонийнинг қитиғига тегмаяпсизми?

— Қўйинг шу руҳонийни! Мен унга ҳеч тегажоглик қилмайман. Капитан ҳазиллашади. Руҳоний яхши одам. Сизга руҳоний керак бўлса, бизникини ола қолинг. У сизни йўқлаб келмоқчиди. Олдиндан тайёрланиб юрибди.

— Мен уни жуда яхши кўраман.

— Биламан. Менга баъзан сиз у билан сал ҳалигини дақа бўлиб кўринасиз. Биласиз-ку, ўзингиз.

— Бекорларни айтибсиз.

— Рост айтияпман.

— Бўлмагур гап!

У ўрнидан туриб, қўлқопини кийди.

— Сизга азоб беришни бунча яхши кўраман-а, бэби. Бундоқ қараганда, руҳонийга ва инглиз қизга бўлган

муносабатларингиздан қатъи пазар, сиз дилингизда худди менга ўхшайсиз.

— Үндай эмас.

— Ўхшайсиз дедимми ўхшайсиз. Сиз чинакам итальнисиз. Турган-битганингиз олов билан тутун, ичингизда эса ҳеч вақо йўқ. Сиз фақат ўзингизни америкаликка оласиз. Биз сиз билан оға-инидекмиз, бир-биримизни яхши кўрамиз.

— Мен йўғимда ақлли бола бўлинг,— дедим мен.

— Сизнинг олдингизга мисс Барклини юбораман. Мен бўлмасам у билан ёзилиброқ гаплашасиз. Сиз маъсумроқ ва дилбарроқсиз.

— Бўлмағур гап!

— Юбораман уни. Сизнинг гўзал ва совуқ илоҳангизни. Инглиз илоҳасини. Ераб, бундай аёлга таъзим қилмоқдан ўзга не чоранг бор? Инглиз аёли шундан бошқа яна нимага ҳам яради?

— Сиз нодон, вайсақи дагосиз.

— Қим?

— Нодон макаронхўр.

— Макаронхўр. Ўзингиз макаронхўр... юзини совуқ урган макаронхўрсиз.

— Нодон. Қалтафаҳм.— Мен бу сўз уни чақиб олганлигини кўриб, давом этдим:— Маданиятсиз, оми. Үқимаган, фаросати йўқ.

— Ҳали шундайми? Бўлмаса, сизга фаришта қизларингиз ҳақида бир гап айтиб берайки. Илоҳаларингиз ҳақида. Бокира қиз билан хотин орасидаги фарқ битта. Қиз билан бўлганингда, у оғриқ сезади, холос. Бошқа гап йўқ,— У қўлқопини каравотга урди.— Шуниси ҳам борки, қиз билан бўлганингда, бу унга ёқадими, ёқмайдими, билолмайсан.

— Жаҳлингиз чиқмасин.

— Жаҳлим чиқаётгани йўқ. Мен буни сизнинг фойдангиз учун айтаяман, холос, бэби. Сизни ортиқча даҳмазадан қутқармоқчиман.

— Ҳамма фарқи шундагинами?

— Ҳа. Аммо сизга ўхшаган миллионлаб аҳмоқлар буни билишмайди.

— Буни менга айтиб қўйганлигинги яхши бўлди.

— Қўйинг, уришмайлик, бэби. Мен сизни жуда яхши кўраман. Жиннилик қилиб юрманг.

— Хўп. Мен сизга ўхшаб ақлли бўламан.

— Жаҳлингиз чиқмасин, бэби. Қовоғингизни очинг.
Яна ичинг. Энди мен борай.

— Бары бир сиз ажайбсиз.

— Ана кўрдингизми. Дилингизда худди ўзимисиз.
Биз уруш топиштирган қардошлармиз. Хайрлашмай туриб, мени ўпиг қўйинг.

— Суюлиб кетдингиз.

— Ундеймас. Сал кўпроқ отиб қўйдим чоғи.
Юзимга унинг нафаси урилди.

— Кўришгунча хайр. Мен тезда яна келаман.—
Унинг нафаси юзимдан йироқлашди.— Упишмасангиз,
майли, кераги йўқ. Олдингизга инглизингизни юбора-
ман. Хайр, бэби. Конъяк каравот тагида. Тезроқ тузалиб
чиқинг.

У ғойиб бўлди.

Ўн биринчи боб

Кашиш кирганда, шом қоронғиси тушиб қолганди.
Хўрда бериб, тақсимчаларини йиғиштириб олишганди,
мен қатор қўйилган каравотларга, дераза ортида да-
рахтнинг кечки шабадада чайқалиб турган тепасига
қараб ётардим. Шабада деразадан ичкарига ҳам ўт-
моқда эди, кеч кириши билан салқин тушди. Пашшалар
энди уйнинг шифти ва шнурда осилиб турган электр
чироқларга мўрмалаҳдек ёпишиб олишди. Чироқни ке-
часи бирон ярадор келиб қолса ёки палатада иш чи-
қиб қолсагина ёқишаради. Шом киргач, тезда қоронғи
тушганлигидан ва то эрталабгача ёруғни кўрмаганли-
гимдан, назаримда, ўзимни яна гўдак бўлиб қолгандай
ҳис қиласдим. Худди кечки овқатни еб бўлишинг би-
ланоқ сени кўрпага ётқизишадигандек эди. Вестовой
каравотлар орасидан ўтиб тўхтади. Унинг ёнида яна
кимдир бор эди. Бу кашиш эди. Қорачадан келган, ўр-
та бўйли бу одам қаршимда тортингансимон бўлиб
туарди.

— Қалай, тузукмисиз?— сўради у. Шундоқ ўрин-
нинг олдига, полга у аллақандай ўроғлик нарсаларни
қўйди.

— Яхши, отахон.

У боя Ринальдига олиб келинган стулга ўтирди ва
кўзини деразага олиб қочди. Башарасидан ҳорғин
кўринарди.

— Бир зумга кирдим,— деди у.— Кеч бўлио қолди.
— Ҳали вақтли. У ёқда ишлар яхшими?
У жилмайди.

— Ҳамон мени эрмак қилишади.— Унинг овози ҳам ҳорғин эшитиларди.— Худога шукур, ҳамма соғ-саломат.— Дардингиз енгил кўчганидан хурсанд бўлдим,— деди у.— Қаттиқ оғримаяптими?

У ғоятда ҳолдан тойган каби кўринарди, мен уни бу аҳволда биринчи кўриб туришим эди.

— Ҳозир унчаликмас.

— Сизнинг йўғингиз менга жуда билингити.

— Үзим ҳам тезроқ қайта қолсам дейман. Сиз билан сұхбатлашишни соғиндим.

— Сизга майда-чуйда олиб келдим,— деди у.— У полдан ўроғлик нарсаларни олди.— Манави чивиндан сақланадиган тўр. Бу вермут. Сиз вермутни яхши кўрасизми? Манавилар инглиз газеталари.

— Қани очиб кўрсатинг-чи.

У хурсанд бўлиб, ўрамларни еча бошлади. Мен қўлимга чивиндан сақлайдиган тўрни олдим. У менга кўрсатиш учун шишани кўтариб, яна ўрин олдидағи столга қўйди. Мен ўрам ичидан битта газетани олдим. Газетани деразадан тушаётган гира-шира ёруққа солиб, сарлавҳасини ўқий олдим. Бу «Ньюс оғ уорлд» эди.

— Бошқалари — суратли варақлар,— деди у.

— Жоним билан ўқиб чиқаман. Қаердан олдингиз?

— Местерга одам юбориб олдириб келтирдим. Яна толиб бераман.

— Йўқлаб келганингиздан бошим осмонга етди, отахон. Вермут ичмайсизми?

— Раҳмат, ичмайман. У сизга.

— Йўқ деманг, ичинг.

— Хўп, майли. Келаси сафар яна обкеламан.

Вестовой стаканлар келтирди ва шишанинг оғзиини очди. Пўкаги майдаланиб кетиб, қолганини шиша ичига тушириб юборишга тўғри келди. Руҳоний бундан хафа бўлганини кўрдим, лекин у:

— Майли, ҳечқиси йўқ,— деди.

— Сизнинг саломатлигигизга, отахон.

— Сизнинг соғлигингиз учун.

Кейин у стаканини қўлида ушлаб турди ва биз бир-биримизга тикилиб қолдик. Дўстона сұхбат қуриш

учун хўп уриниб кўрдим, лекин нима учундир бугун гап қовушмасди.

— Тинчликми ўзи, отахон. Жуда чарчаган кўринасиз.

— Мен чарчадим, лекин чарчашга ҳақим йўқ.

— Бу иссиқдан.

— Йўқ. Ҳали ҳозир баҳор-ку. Ичимга чироқ ёқса ёримайди.

— Уруш жонингизга тегдими?

— Йўқ. Лекин уни кўрарга кўзим йўқ.

— У менга ҳам ёқинқирамайди,— дедим мен.

У бошини чайқаб деразага қаради.

— У сизга халал бермайди. У сизга кўринмайди.

Маъзур тутинг. Биламан, сиз яралангансиз.

— Тасодифан.

— Барибир сиз яраланиб ҳам урушни кўрмайсиз. Мен бунга аминман. Ўзим ҳам уни кўрмайман, лекин мен уни бир оз ҳис қиласман.

— Мен яраланган маҳалимда, биз уруш ҳақида гаплашиб турган эдик. Пассини гапириб турган эди.

Кашиш стаканни қўйди. У аллақандай бошқа бир нарсани ўйламоқда эди.

— Мен уларни тушунаман, чунки ўзим ҳам уларнинг бириман,— деди у.

— Аммо сиз бутунлай бошқачасиз.

— Лекин аслида худди уларга ўхшайман.

— Офицерлар ҳеч нимани кўришмайди.

— Ҳаммасимас. Жуда зукколари бор, уларга бизга караганда ҳам оғирроқ.

— Унақалари кўп эмас.

— Бунда гап таҳсил кўрганлиги ёки пулда ҳам эмас. Бу ерда бошқа гап бор. Пассинига ўхшаган одамлар ўқимишли бўлиб, пулдор бўлган чоғида ҳам офицер бўлишга розилик бермасди. Мен офицер бўлишни истамасдим.

— Унвонингиз бўйича сиз офицерсиз. Мен ҳам офицерман.

— Йўқ, бунинг фарқи бор. Сиз ҳатто италян эмасиз-ку. Сиз чет мамлакатнинг фуқаросисиз. Аммо сиз оддий аскарлардан кўра офицерларга яқинроқсиз.

— Бунинг фарқи нимада?

— Тушунтириб беришим қийин. Урушга талабгор бўлиб турган одамлар бор. Бизнинг мамлакатимизда

Бундашлар күп топилади. Урушни истамайдиган одамлар бор.

Бироқ олдингилари буларни мажбур қиласы.

Ха.

— Мен эса бунга ёрдам беряпман.

— Сиз чет зэл одамисиз. Құнгиллisisiz.

— Бояги урушни истамайдиганлар-чи? Улар урушнинг олдини ололадиларми?

— Билмайман.

У яна деразага қаради. Мен унинг юзи ўзгарадими, йўқми — қараб турардим.

— Ахир улар бирон марта урушга тўсқинлик қилолганимилар?

— Улар бирлашишмаган, шунинг учун ҳеч нарсага тўсиқ бўлишолмаган, бирлашган чоғларида эса, йўлбошчилари уларни сотиб қўймоқда.

— Демак, умид йўқ?

— Умидсиз шайтон. Лекин, айтайлик, мен умид қилолмаслигим мумкин. Мен доим умид қилгим келади, бироқ баъзан умидим узилади.

— Лекин уруш ахир бир кун тугайди-ку?

— Умидим бор.

— Ушанда нима қиласиз?

— Мумкин бўлса Абруццига қайтаман.

Шунда унинг қорача юзи қувончдан ёришиб кетди.

— Сиз Абруццини яхши кўрасизми?

— Ха, жуда севаман.

— Ана ўша ерга боринг.

— Жон-жон деб борардим-а. У ерда яшаб, худога сиғиниб, унга хизмат қилишнинг ўзи баҳт-ку.

— Ҳурмат-эътибор қозониш ҳам,— дедим мен.

— Ха, ҳурматга сазовор бўлиш ҳам. Нима бўпти?

— Ҳеч нима. Сиз бунга тўла сазоворсиз.

— Гап ундумас. У ерда, мен туғилган ерларда, ўзини худога бағишлишни табиий бир нарса деб билишади. Бу ярамас масхарабозлик эмас.

— Тушунаман.

У менга қараб кулимсиради.

— Тушуниб турасизу, лекин худони суймайсиз.

— Йўқ.

— Сира суймайсизми?— сўради у.

— Баъзан кечалари ундан қўрқаман.

— Сиз уни сўйсангиз бўларди.

- Мен айтарли ҳеч кимни сўймайман.
- Йўқ,— деди у.— Ёлғон. Сиз менга сўзлаб берга^и тунлар-чи. Бу муҳаббат эмас. У ҳирс ва шаҳватнинг ўзи, холос. Агар сўйсанг, муҳаббатинг ҳақи, бирон-нарса қилгинг келади. Фидо бўлсан дейсан. Кўйида юрсан дейсан.
- Мен ҳеч кимни сўймайман.
- Сиз севиб қоласиз. Мен биламан, сиз севиб қоласиз. Ўшандада сиз баҳтиёр бўласиз.
- Ҳозир ҳам баҳтиёрман. Доим баҳтиёрман.
- Бу бошқа нарса. Сиз бошингизга тушгунча бу-нинг нималигини англамайсиз.
- Яхши,— дедим мен,— агар бирон бир кун келиб, мен буни бошдан кечирсан, сизга айтаман.
- Мен сиз билан узоқ ўтириб қолдим, кўп гали-риб юбордим,— у типирчилаб қолди.
- Йўқ. Кетманг. Хотин кишини севиш-чи? Агар мен аёл кишини севиб қолсан ҳам, шундай бўлармиди?
- Мен буни билмайман. Мен биронта ҳам аёлни севган эмасман.
- Онангизни-чи?
- Ҳа, онамни севганман, эҳтимол.
- Сиз доимо худони севганимисиз?
- Болалигимдан бери.
- Хўш,— дедим мен. Нима дейишни билмай қолдим.— Сиз ҳали жуда ёшсиз.
- Мен ёшман,— деди у.— Бироқ сиз мени отахон деб чақирасиз.
- Одоб юзасидан.
- У кулимсиради.
- Ростдан ҳам мен боришим керак,— деди у.— Сизга бирон нарса керак эмасми?— сўради у бир умид билан.
- Йўқ. Гаплашиб турсак, кифоя.
- Бизникиларнинг барига сиздан салом айтаман..
- Совғаларингиз учун раҳмат.
- Арзимайди.
- Яна келинг.
- Келаман. Кўришгунча.— У қўлимга уриб қўйди.
- Хайр,— дедим мен лаҳжада.
- Ciao,— қайтарди у.
- Хона қон-қоронғи эди, боятдан бери каравотнинг оёқ томонида ўтирган вестовой ўрнидан туриб, уни ку-

затгани чиқди. Кашиш менга жуда ёқарди, шунине учун унинг Абруццига қайтиш тилаги юзага чиқишине истардим. Офицерлар емакхонасида уни ҳол-жонига қўйишмас, у буни кўнглига оғир олмасликка тиришарди, бироқ мен у ўз юртида ўзини қандай тутиши устидаги ўйлардим. Капракоттада, деб ҳикоя қилиб берганди у, шаҳарнинг шундоқ яқинидаги сойда хонбалиқ бор. Қечалари пай чалиш ман этилган. Ёш йигитлар ишқий қўшиқлар айтишади, фақат най чалиш мумкин эмас. Мен нимага, деб сўрадим. Чунки най овози қизларга кечаси ёмон таъсир қиласр экан. Деҳқонлар сиз билан учрашганда, «дон» деб чақиришади ва шляпаларини бошдан олишади. Унинг отаси ҳар куни ов қилиб, деҳқон кулбаларига тамадди қилгани кирав экан. Бу уларда ҳурмат белгиси саналар экан. Чет элнинг одамлари овга рухсат олишлари учун ҳеч қачон қамоқда ётмаганлиги ҳақида, гувоҳнома кўрсатишлиари керак экан. Гран-Сассо д'Италия томонда айиқлар бўларкан, лекин жуда олис экан. Аквила — чиройли шаҳар. Эз кезлари кечқурунлари салқин тушаркан, кўкламда эса Абруццидан гўзалроқ ерни Италиядан топиб бўлмас экан. Аммо энг яхши фасл куз экан, бу пайтда каштанзорларда ов қилиш мумкин бўларкан. Қушлар узум егани учун жуда мазали эмиш. Овқатнинг ғамини ейишнинг ҳожати йўқ. Чунки деҳқонлар билан бирга овқатлансанг, бундан уларнинг бошлари осмонга етаркан.

Кўп ўтмай ухлаб қолибман.

Ўн иккинчи боб

Палата узунчоқ бўлиб, ўнг томондаги деворида деразалари ва бурчакда боғлаш хонасига олиб чиқадиган эшиги бор эди. Бир қатор каравотлар жумладан, меники ҳам дераза рўпарасидаги девор бўйлаб жойлаштирилган бўлиб, иккинчи қатор эса девор рўпарасида деразалар тагига жойлаштирилган эди. Чап томонимда ётганимда, менга боғлаш хонасининг эшиги кўриниб турарди. Ичкарироқда яна бир эшик бўлиб, ундан баъзан одамлар кириб туришарди. Битта-яримта ярадор ҳолати разм бўлиб қолса, ҳеч ким унинг ўлаётганини кўрмасин деб, атрофини тўсиқ билан беркитиб олишар, шунда тўсиқ тагидан врачлар ва санитарларнинг оёқ

кпіймларигина күриниб турар, баъзан эса охирида пин-вири-шивир әшитилиб қоларди. Сұнг тұсық ортидан рұхоний чиқиб келар, шунда санитарлар яна тұсық орқасында үтиб, у ердан устига бошдақ-оёқ адөл тортилган мурдани олиб чиқышар ва каравотлар ўргасидаги йұлдан олиб үтишарди, кимдир тұсықни йиғиб, олиб чиқиб кетарди.

Шу куни әрталаб палата врачи мендан, әртага жавоб берсак, құваттингиз келадими, деб сұраб қолди. Мен, ҳа, дедим. У ҳолда, деди у, сизни әрталаб барвақт жүнатамиз. Күнлар исіб кетмасдан бурун күчиб ўтсанғиз, ўзингизга яхши бўлади, деди у.

Боғлаш хонасига олиб бориш учун мени каравотдан турғизишганда, деразага қараб, боғдаги янги қабрларни күриш мүмкін әди. Боққа чиқиладиган әшикда бир солдат бут ясад үтирап ва уларга боққа күмилғанларнинг номини, унвонини, полкини ёзиб қўярди. У ярадорлар айтган нарсаларни ҳам қилиб берарди, менга у австрис милтиғининг бўш патронидан зажигалка ясад берди. Врачлар жуда хушмуомала, ғоят тажрибали кўринардилар. Улар мени қўярда-қўймай Миланга юборишибмоқчи бўлишди. Бизларни ҳаммамизни тезроқ чиқариб, ичкарига жўнатишга, ҳужум бошлангунча барча каравотларни бўшатишга шошилишибмоқда эдилар.

Дала госпиталидан кетиш арафасида кечга томон Ринальди бош врач билан бирга келиб қолди. Улар мени Миланга, янги очилған америка госпиталига жўнатишаётганини айтишди. Америкадан бир қанча санитар отрядларининг келиши кутилаётган экан, шу госпиталь уларга ва италян қўшинидаги бошқа барча американликларга хизмат кўрсатиши керак экан. Қизил Крестда улар кўпчилик әди. Қўшма Штатлар Австрияга эмас, Германияга уруш эълон қилган әди.

Италянлар Америка Австрияга ҳам уруш эълон қилади, деб ишонишар, шунинг учун ҳам гарчи Қизил Крест хизматчиларидан бўлса-да, лекин американликларнинг келганига жуда хурсанд бўлишди. Мендан президент Вильсон Австрияга уруш эълон қиласмикин, йўқми, деб сўрашди, мен бу яқин күнлар ичиде рўй беради, деб жавоб бердим. Мен бизнинг Австрияга қарши қандай даъвомиз борлигини билмасдим, лекин мантиқан ўйлаб қараганда, Германияга уруш эълон қилгач, ўз-ўзидан Австрияга ҳам эълон қилиниши ке-

ракка ўхшарди. Мендан, бизнинг Туркияга қарши уруш эълон қилиш-қилмаслигимизни сўрашди. Мен: ҳа, биз, эҳтимол, Туркияга уруш эълон қилсак керак, дедим. Болгарияга-чи? Биз бир қанча қадаҳдан коњъяк ичиб қўйғандик ва мен: ҳа, жин урсин, Болгарияга ҳам, Японияга ҳам, дедим. Буниси қандоқ бўлди, дейишди улар ,ахир Япония Англияning иттифоқчиси-ку. Бари бир, бу ифлос инглизларга ишониб бўлмайди. Японларга Гавай ороллари ёқиб қолган, дедим мен. Бу Гавай оролларининг ўзи қаерда? Тинч океанда. Нега у японларга ёқиб қоларкан? Уларга бу ороллар умуман керак эмас, дедим мен. Буларнинг бари қуруқ гап. Японлар ажойиб бир кичкина халқ, рақсни, енгил винони яхши кўришади. Худди французларга ўхшайди, деди майор. Биз французлардан Ницца ва Савойяни тортиб оламиз. Корсиқаниям, Адриатика қирғоқларини ҳам, деди Ринальди. Италияга Римнинг улуғворлиги қайтиб келади, деди майор. Менга Рим ёқмайди, дедим. Жуда ҳам иссиқ жой, бургаси кўп. Сизга Рим ёқмайдими? Йўқ, мен Римни яхши кўраман. Рим — халқларнинг волидаси. Ҳеч қачон Ромулнинг Тибрни қандай эмганилигини унутолмайман. Нима? Ҳеч нима. Юринглар, ҳаммамиз Римга борамиз. Бугун кечқурун ҳаммамиз Римга бориб, қайтиб келмаймиз. Рим — ажойиб шаҳар, деди майор. Халқларнинг отаси ва онаси, дедим мен. Roma жинси муаннас-ку, деди Ринальди. Roma ота бўлиши мумкин эмас. Унда отаси ким? Муқаддас руҳми? Шакоклик қилманг. Мен шакоклик қилаётганим йўқ, мен тушунтириб беришларини сўраяпман. Сиз мастсиз, бэби. Ким мени ичирди? Мен ичирдим, деди майор. Мен сизни ичирдим, чунки сизни яхши кўраман, чунки Америка урушга кирди. Бошқа чора йўқ, дедим. Сиз эрталаб жўнайсиз, бэби, деди Ринальди. Римга, дедим мен. Иўқ, Миланга, деди майор, «Кристаль-Палас»га, «Кова»га, Кампарига, Биффига, Galleria. Сизни худо ёрлақади. «Гран-Италия»га, дедим мен, у ерда мен Жорждан қарз оламан. «La Скала»га, деди Ринальди. Сиз «La Скала»га борасиз. Ҳар оқшом, дедим мен. Ҳар оқшом боришга қурбингиз етмайди, деди майор. Билетлар жуда қиммат. Мен бобомнинг номига ёзилган чекни кўрсатаман, дедим. Қандай чек? Бобомнинг чеклари. Бобом ёхуд тўлайди, ёхуд мени қамашади. Банкда мистер Кэнингхэм буни

түгрилаб беради. Мен бобомнинг чеклари билан яшаймай. Наҳотки бобом Италияни халос қилиш учун қурбон бўлаётгаи ўз фидокор набирасини қамоққа жўнатса? Яшасин Америка Гарibalдиси, деди Ринальди. Яшасин боболарнинг чеклари, дедим мен. Шовқин солманглар, деди майор. Биздан шовқин солманглар, деб бир неча бор сўрашди. Сиз эртага ростданам кетасизми, Федерико? Сизга айтдим-ку, америка госпиталига кетяпти деб, деди Ринальди. Гўзал ҳамширалар олдинга. Ҳар ҳолда дала госпиталининг серсоқол касал боқувчилари олдига эмас. Ҳа, ҳа, деди майор, унинг америка госпиталига кетаётганини биламан. Менга соқоллари халақит бермайди, дедим мен. Қимда-ким соқол қўйиси келар экан, қўяверсин. Нега сиз соқол қўймадингиз, Signor maggiore? Соқол противогазга сифмайдими? Сигади. Противогазга ҳамма нарса сигади. Бир марта противогазга тупурганман. Секироқ, бэби, деди Ринальди. Биз ҳаммамиз сизнинг фронтда бўлганлигинизни биламиз. Оҳ, азиэим бэби, сиз кетгач, мен қандоқ қиласман? Энди кетайлик, деди майор. Бу ёфи йиғлоқилик бўладиганга ўхшайди. Қулоқ солинг, сизга ажойиб хуш-хабарим бор. Инглиз қизингиз. Биласизку? Ҳар куни кечқурун инглиз госпиталига бориб юрадиганингиз-чи? У ҳам Миланга кетяпти. У яна бир ҳамшира билан америка госпиталига хизмат қилгани кетишаپти. Америкадан ҳали ҳамширалар келмабди. Мен бугун уларнинг *parto*¹ бошлиғи билан гаплашдим. Фронтда аёл хизматчилар кўп экан. Бир қисмини ичкарига жўнатишга қарор қилишибди. Қалай, сизга ёқадими, бэби? Ёмонмас? А? Катта шаҳарда яшаб, ўз инглизингиз билан шакаргуфторлик қиласиз. Нега мен яраланмадим-а? Ҳали улгурасиз, дедим мен. Кетайлик энди, деди майор. Биз ичиб, тўполон қилиб, Федерикони безовта қиляпмиз. Кетманглар. Йўқ, борайлик. Кўришгунча. Оқ йўл. Хайрли бўлсин. Ciao. Ciao. Ciao. Тезроқ қайтиб келинг, бэби. Ринальди мени ўпди. Сиздан лизол ҳиди келяпти. Хайр, бэби. Хайр. Хайрли бўлсин. Майор елкамга қоқиб қўйди. Улар оёқ учida юриб чиқиб кетишиди. Мен фирт маст эдим, ухлаб қолибман.

¹ Отряд (итал.).

Эртасига эрталаб биз Миланга жүнадик ва роса икки кундан сүнг етиб келдик. Йўл расво эди. Биз Местрега етмасдан эҳтиёт йўлда анча қолиб кетдик, болалар келиб ойнадан қарашарди. Мен бир болани конъякка бориб келишга кўндиридим, лекин у қайтиб келиб, фақат граппа борлигини айтди. Мен граппа бўлсаям олиб кела қол, дедим, у шишани келтиргач, пулнинг майдаси ўзингда қола қолсин, дедим, шундан кейин қўшним икковимиз маст бўлгунча ичиб, Виченцага етгунча ухлаб қолибмиз, шу ерга келганда уйғониб кетдим, кўнглим ағдарилди, полга қайт қилдим. Бунинг аҳамияти қолмаганди, чунки қўшним мендан бурунроқ бир неча бор кўнгли ағдарилган экан. Сўнг, ташналиқдан ўлар ҳолатга етдим, Веронага етганда, мен поезд олдида у ёқдан бу ёққа юриб турган солдатни чақирдим, у сув келтириб берди. Мен бирга ичишган қўшним Жоржеттини уйғотдим, унга сув тутдим. У, бошига қўйиб юборишимни сўради-да, яна ухлаб қолди. Солдат хизмати учун мен берган пулни олмади, менга гўштдор апельсин келтириб берди. Мен апельсинни сўриб, пўстини туфлаб ташлаганча нариги изда турган юк вагон олдида у ёқдан бу ёққа бориб келаетган солдатга қараб ётдим, кўп ўтмай поезд силтаниб, йўлга тушди.

ИККИНЧИ КИТОБ

Ун учинчи боб

Миланга эрта аzonда етиб келдик, бизни юк станциясида туширишди. Санитар автомобили мени америка госпиталига олиб келди. Автомобиль ичиде замбарда ётарканман, қайси күчалардан бораётганлигимизни аниқлай олмадим, лекин замбарни күтариб туширишганда, мен бозор майдонини ва емакхонанинг очиқ эшигини, ундан ахлат супуриб чиқаётган қиэни кўрдим. Кўчага сув сепишмоқда эди, тонг нафаси анқирди. Санитарлар замбарни ерга қўйиб, ичкарига кириб кетишиди. Кейин улар эшик қоровул билан қайтиб келишди. Эшик қоровул соқоли оқарган, бош кийнимига заррин жияк таққан, лекин уқалари йўқ эди. Замбар лифтга сифмади ва улар мени замбардан олиб лифтда күтарилиган маъқулми ёки зинадан замбарда олиб чиқсан дурустми, ҳал қилолмай, тортишиб қолишиди. Мен баҳсга қулоқ солиб ётафдим. Лифтда олиб чиқадиган бўлишди. Мени замбардан кўтара бошлишди.

— Секинроқ, секинроқ,— дедим мен.— Эҳтиёт бўлинглар.

Қабинанинг ичи тор эди, оёғим букилиб, қаттиқ оғриб кетди .

— Оёғимни тўғрилаб қўйинглар,— дедим.

— Мумкинмас, signor tenente. Жой етишмайди.

Бу гапни айтган одам бир қўли билан мени суюб турарди, унинг бўйнидан қучоқлаб олдим. Ундан саримсоқнинг димоқни ёрадиган ҳиди билан қизил винонинг иси келарди.

— Секинроқ, ҳой,— деди бошқа санитар.

— Нима мен, секин қилмаяпманми?

— Секинроқ деяпман сенга,— деди яна бояги оёғимдан ушлаб турган.

Кабина эшиги ёпилиб, панжара тушганини ва қоровул тўртнинчи қаватнинг тугмасини босгаклигини кўр-

дим. Қоровулнинг юзи ташвишли эди. Лифт оҳисга юқорига кўтарила бошлади.

— Оғирми? — сўрадим оғзидан саримсоқ ҳиди анқиётган кишидан.

— Ҳечқиси йўқ,— деди у. Унинг юзи терчиган, ўзи инқиллаб қолганди. Лифт борган сари юқорилаб, ниҳоят тўхтади. Оёғимни ушлаб турган одам эшикни очиб, ташқарига юрди. Биз майдончага чиқдик. Майдончага бир неча мис тутқичли эшик қараган эди. Оёғимдан тутиб турган одам тугмани босди. Биз эшик нариёғида қўнғироқ жаранглаганини эшилдик. Ҳеч ким жавоб бермади. Сўнг зинадан қоровул кўтарилди.

— Булар қаёқда? — сўрашди санитарлар.

— Билмайман,— деди қоровул.— Улар пастда ухлашяпти.

— Биронтасини чақиринг.

Қоровул қўнғироқ чалди, сўнг тақиллатди, кейин эшикни очиб, ичкарига кирди. У қайтганида орқасида кўзойнакли кексароқ аёл ҳам бор эди. Унинг соchlарин тўзғиган, турмаги бузилганди, у шафқат ҳамшираси кийимида эди.

— Мен тушунмайман,— дерди у.— Мен италянчани тушунмайман.

— Мен инглизчани биламан,— дедим мен.— Мени бирон ерга жойлаштириш керак.

— Биронта ҳам палата тайёр эмас. Биз ҳали ярадорлар келади, деб ўйламовдик.

У соchlарини тартибга солишга уринар, менга кўзи яхши ўтмайдиган одамларга ўхшаб кўриб-кўрмай қарарди.

— Мени қаерга қўйишин, кўрсатинг.

— Билмайман,— деди у.— Ҳеч кимни кутмовдик. Сизни қаерга тўғри келса, шу ерга ётқизолмайман.

— Қаерга бўлса ҳам майли,— дедим мен. Кейин қоровулга италянчалаб айтдим:— Бўш хона топинг.

— Ҳаммаси бўш,— деди эшик қоровул.— Сиз бу ерга келган биринчи ярадорсиз.— У бош кийимини қўлига олганча, ўрта ёшлардаги ҳамширага қараб турарди.

— Бало бўлмайдими, бирон жойга ётқизсанглар-чи, мен! — Букилган оёқларимда оғриқ зўраймоқда, суюксуягимдан ўтиб бормоқда эди. Қоровул соchlари оқар-

тап ҳамшира билан қаергадир ғойиб бўлди, сўнг тез қайтиб келди.

— Орқамдан юринглар,— деди у. Мени узун йўлакдан суяб боришиб, дарпардалари туширилган хонага олиб киришди. Хонадан янги жихозлар ҳиди келарди. Девор олдида каравот, бурчакда катта тошойна турарди. Мени каравотга ётқизиши.

— Чойшаб беролмайман,— деди аёл,— ҳаммаси қулфлоғлик.

У билан ади-бади қилишиб ўтирамадим.

— Чўнтағимда пул бор,— дедим қоровулга.— Тугмаси қадалган чўнтағимда.

Қоровул пулни олди. Ҳар иккала санитар ўрним олдида шапкаларини ушлаганча туришафди.

— Икковларига ҳам беш лирдан беринг, беш лирни ўзингиз олинг. Қофозларим бошқа чўптақда. Уларни ҳамширага олиб беринг.

Санитарлар қўлларини чаккаларига қўйишиб раҳмат айтишиди.

— Хайр,— дедим мен.— Сизга ҳам катта раҳмат.

Улар яна бир карра қўлларини чаккаларига қўйишиб, кетишиди.

— Мана,— дедим ҳамширага,— бу менинг варақам ва касаллик тарихим.

Аёл қофозларни олиб, уларга кўзойнакдан боқди. Қофозлар учта бўлиб, тахлаб қўйилганди.

— Нима қилишимни ҳам билмайман,— деди у. — Мен италянча ўқишини билмайман.— Мен врач кўрсатмаси бўлмаса ҳеч нарса қиломайман.— У йиғлаб юборди ва қофозларни этагининг чўнтағига солди.— Сиз америкалиkmисиз?— сўради у кўз ёши аралаш.

— Ҳа. Қофозларни каравот олдидаги столча устига қўя қолинг.

Хона ғира-шира қоронғи ва салқин эди. Каравотдан жавоннинг катта ойнаси кўзга ташланар, лекин унда нима акс этаётгани кўринмасди. Қоровул каравот оёғида туриб қолди. Унинг ўқтам чеҳраси оқ кўнгил киши эканидан далолат берарди.

— Кетаверсангиз ҳам бўлади,— дедим унга.— Сиз ҳам,— дедим ҳамширага.— Исмингиз нима?

— Миссис Уокер.

— Бораверинг, миссис Уокер. Мен ухлаб олмоқчи-мас.

Хонада ёлғыз қолдим. У салқын зди, касалхонанинг ҳиди келмасди. Түшак қаттиқ ва ётиш учун қулай зди, мен қимир этмай, деярли нафас ҳам олмай, оғриқ қола-ётганидан суюниб ётардим. Бироз үтгац, чанқадим, бош томонимда құнғироқ тұгмасини топиб, босдим, лекин ҳеч ким келмади. Ухлаб қолдим.

Уйғонға, атрофға пазар солдим. Дераза қанотлари орасидан офтоб нури тушиб турарди. Құзим катта гардеробға, құруқ деворлару иккита курсига тушди. Докторлари кир бўлиб кетган оёқларим ёғочга ўхшаб чиқиб турарди. Уларни қимирлатмасликка ҳаракат қилардим. Томогим қуруқшаб кетганди, мен құнғироқ тұгмасини босдим. Эшик очилганини эшитдим ва кечаги эмас, бошқа ҳамширани кўрдим. У менга ёш ва ёқимтойгина бўлиб кўринди.

— Хайрли эрта,— дедим мен.

— Хайрли эрта,— деди у ва каравотга яқын келди.— Доктор чақиролмадик. У Комога кетган экан. Биз бугун одам келтиришларини билмовдик. Сизга нима қилган?

— Яраланғанман. Иккала тиззам ва товоңларим, бошимга ҳам теккан.

— Исмингиз нима?

— Генри, Фредерик Генри.

— Сизни ҳозир ювингтириб қўяман. Аммо доктор келмагунча ярангизни ечолмаймиз.

— Айтинг-чи, мисс Баркли шу өрдами?

— Йўқ. Бизда унақаси йўқ.

— Мени обкелишганда йиғлаган хотин ким зди?

Ҳамшира кулиб юборди.

— У миссис Уокер. У кечаси навбатчилик қилиб ухлаб қолибди. Ҳозир ҳеч ким келмайди, деб ўйлади.

Гап орасида у уст-бошимни ечиб олди, боғлардан бошқа ҳамма нарсани ечиб бўлғач, мени эпчиллик билал ювингтира бошлади. Ювингач, жуда сенгил тордим. Бошим боғлаб ташланган зди, лекин у бойлоғлиқ жойларнинг четини гир айлантириб ювиб чиқди.

— Қаерда ярадор бўлдингиз?

— Плавадан шимолроқда. Изонцода.

— Қаерда у?

— Горициядан шимолроқда.

Бу номлардан у ҳеч нима тушунмаётганлигини кўриб турардим.

— Қаттиқ оғриялтими?

У оғзимга ҳарорат үлчагич қўйди.

— Италянлар қўлтиққа қўйишади,— дедим.

— Гаплашманг...

У оғзимдан асбобни олиб, ҳароратни кўрди-да, шу вакоти силкитиб ташлади.

— Ҳарорат қанча?

— Сиз билмаслигингиз керак.

— Айтинг, қандай?

— Деярли ўртacha.

— Ҳеч қачон иссиғим кўтарилиган эмас. Ваҳоланки оёғимда эски темир тиқилиб ётибди.

— У нима деганингиз?

— Оёғимда мина парчалари ҳам, занглаған михлар ҳам, каравотнинг симлари ҳам, барча лаш-лушдан бор.

У бошини чайқаб, жилмайди.

— Агар оёғингизда озгина бошқа нарса бўлганида ҳам, яллиғланиб кетиб, иссиғингиз кўтарилиган бўларди.

— Мана кўрамиз,— дедим,— операцияда оёғимдан чималар олишаркин.

У хонадан чиқиб, кечаси навбатчилик қилган кекса Ҳамшира билан қайтиб келди. Икковлашиб, мени ўримдан турғизмасдан, чойшаб тўшаб беришди. Бунақасини биринчи кўришим эди, жуда боплаб бажаришди.

— Госпиталнинг мудири ким?

— Мисс Ван-Кампен.

— Ҳамширалар нечта?

— Фақат иккунимиз.

— Бошқа ҳеч ким йўқми?

— Яна келишлари керак.

— Қачон?

— Билмайман. Бемор ҳамма нарсага қизиқавермаслиги керак.

— Мен bemор эмасман,— дедим.— Мен ярадорман.

Улар ўринни тўғрилаб бўлишди, энди мен чиннидай тоза чойшабда ётар, устимга ҳам худди шундай бошқаси ёнилган эди. Миссис Уокер чиқиб кетди-да, пижама кўтариб, қайтиб келди. Пижамани менга кийдиришди ва мен ўзимни кийнинган, жуда озода бўлгандек хис қилидим.

— Жудаям эркалаб юбординглар,— дедим мен. Исми мисс Гэйж бўлган ҳамшира кулимсиради.— Менга сун беролмайсизларми?

— Марҳамат. Қейин овқатланиш ҳам мумкин.

— Овқат егим келмаяпти. Мумкин бўлса, дарпардадарни кўтариб қўйилса.

Хона гира-шира эди. Дарпардаси очилга, у оппоқ офтоб нури билан тўлди, кўзим балконга, балкон оша томларнинг черепицалари ва мўриларига туради. Томлар узра қараб парқув булутларни, ложувард осмонни кўрдим.

— Бошқа ҳамширалар қачон келишини билмайсизми?

— Нима қилди? Биз яхши қаролмаяпмизми?

— Жудаям илтифотли экансизлар.

— Балки сизга тиргак керакдир?

— Майли.

Улар мени суюб кўтаришида ва шу ҳолатда бир оз ушлаб туришди, аммо бунинг нафи тегмади. Қейин мен ётган кўйим очиқ эшикдан балконга термилиб ётдим.

— Доктор қачон келади?

— Қайтиши билан. Биз телефонда Комога қўнғироқ қилдик, етиб келсин деб.

— Бошқа врачлар йўқми?

— У госпиталимизнинг врачи.

Мисс Гэйж сув солинган графин билан стакан олиб келди. Мен уч стакан ичдим, кейин улар кетишди, мен яна аллавақтгача деразага тикилиб ётиб, сўнг ухлаб қолдим. Иккинчи нонуштани едим, нонуштадан сўнг олдимга мудира мисс Ван-Кампен кирди. Мен унга ёқмадим, у ҳам менга ёқмади.

У паканадан келган, ҳар нарсадан шубҳаланаверадиган, ғоятда кибр-ҳаволи аёл экан. У менга бир талай саволлар берди, афтидан, италян қўшинида хизмат қилишни уят санарди.

— Тушликка вино олсан ҳам бўладими? — сўрадим ундан.

— Врач ижозат берсагина.

— У келгунча иложи йўқми?

— Мутлақо.

— Сизнингча у келиб қолармикин?

— Унга телефонда айтишган.

У кетгач, хонага мисс Гэйж кирди.

— Нега мисс Ван-Кампенга қўпол муомала қилдингиз? — сўради у менинг барча юмушларимни саранжом-лаб бўлгач.

— Үндай қилемоқчи эмасдим, бироқ у жуда бурни тапкайған хотин экан.

— У сизни ҳар нарса сүрайверади, қўпол, деб айтди.

— Ҳеч-да. Бироқ, рост-да ўзи, врачсиз госпиталь ҳам бўлармишми?

— У келиб қолади. Үнга, Комога телефон қилдик.

— У ерда нима қиласди? Кўлда чўмиладими?

— Иўқ. У ерда касалхонаси бор.

— Нега бўлмаса бошқа врач олишмайди?

— Ж-жим. Жим. Ақлли бола бўлинг, у ҳадемай келиб қолади.

Мен қоровулни чақириб беришни сўрадим, у келган эди, унга италянчалаб вино дўконидан бир шиша чинцино, бир фляга къяntи билан оқшомги газета келтириб беришни сўрадим. У айтганимдан қилиб, шишаларни газетага ўраб олиб келди, газетани очди, илтимос қилган эдим, шишаларнинг оғзини очди-да, каравот остига қўйди. Шундан кейин олдимга ҳеч ким келавермади, мен ўринда ётганча газета ўқишига тушдим, фронт хабарларни, ҳалок бўлган офицерларнинг рўйхатини, улар олган мукофотларни қўриб чиқдим, сўнг қўллимни пастга юбориб, чинцино шишасини топдим-да, муздек таг томонини қорнимга қўйиб, ҳўплай-ҳўплай ича бошладим, ҳар ҳўпламдан сўнг шишани яна қорнимга қўяр, ҳар сафар қорнимга унинг излари тушиб қолар, ўзим эса шаҳар томлари узра осмоннинг тобора қорайиб боришига термилиб ётардим. Томлар устида қалдирғочлар ва тунги қирғийлар учига юришарди, мен уларнинг учшига маҳлиё бўлиб, чинцино ичардим. Мисс Гэйж менга стаканда гоголь-моголь олиб келди. У кириши биланоқ, шишани каравот тагига тиқдим.

— Мисс Ван-Кампен бунга озгина херес қўшишни буюрди,— деди у.— Үнга қаттиқ гапирманг. Анча ёшга бориб қолган, госпиталга мудирилик қилишнинг ўзи бўлмайди, масъулияти катта. Миссис Уокер жуда қариб қолган, ёрдами тегишидан тегмаси кўпроқ.

— У ажойиб хотин экан,— дедим мен,— менингномидан раҳмат деб қўйинг.

— Сизга ҳозир кечлик овқат обкеламан.

— Керакмас,— дедим.— Очқаганим иўқ.

У патнис келтириб, ўрин олдиаги столчага қўйди, миннатдорчилик билдириб, тотингандай бўлдим. Кейин бутунлай қоронги тушди, осмонда прожекторларнинг

нури изғиб қолди. Мен бирмунча вақт уларни кузатиб турдим, сүнг ухлаб қолибман. Тош қотиб ухлабман, лекин бир марта құрқувдан қора терга ботиб үйғониб кетдим, кейин ҳозиргина құрган құрқинчли тушни қайта құрмасликнинг пайида бўлиб, яна ухлаб қолдим. Мен яна ҳали тонг отмасдан бурун үйғондим, хўроздарнинг қичқиришларига қулоқ солиб, тонг ёришгунча ухломай ётдим. Уйқум келмай ётавериб, ҳолдан тойдим ва саҳар пайти яна уйқуга толдим.

Үн тўргинчи боб

Кўзимни очсам, хона кун нурига тўлган эди. Үзимни фронтда тургандай ҳис қилдим ва ғоз турмоқчи бўлдим. Оёқларим сирқираб кетди, шунда уларга қараб, кир доқаларни кўргач, қаердалигимни эсладим. Мен қўнгироқ-қа бўй чўзиб, тугмасини босдим. Коридорда жаранглаган овоз эшишилди ва таги резина пойабзалда аллаким юмшоқ қадам ташлаб ўтди. Бу мисс Гэйж эди; офтобнинг ёрқин нурларида унинг ёши ўтиңқирагандай, ўзи ҳам мундайроқдай бўлиб кўринди.

— Хайрли эрта,— деди у.— Яхши ётиб турдингизми?

— Яхши, раҳмат,— дедим.— Сартарош чақиришнинг иложи бўлмасмикин?

— Мен олдингизга кирудим, сиз қўлингизда манови билан ухлаб ётган экансиз.

У жавонни очиб менга чинцано шишасини кўрсатди. Шиша деярли бўшаб қолганди.— Мен каравот тагидаги бошқа шишани ҳам у ерга қўйдим,— деди у.— Нега мендан стакан сўрай қолмадингиз?

— Мен ичишга йўл қўймайсиз, деб қўрқдим.

— Балки биргаёқ ичишган бўлармидим.

— Ана бу зўр гап бўлди.

— Сизга ёлғиз ичиш зиён қиласди,— деди у.— Ҳеч қачон бундай қилманг.

— Бошқа қилмайман.

— Сиз айтган мисс Баракли келди,— деди у.

— Ростданми?

— Ҳа. У менга ёқмади.

— Кейин ёқиб қолади. У жуда ҳам ажойиб.— У бoshини сарак-сарак қилиб қўйди.— Унинг ажойиблигига шубҳам йўқ. Сиз сал берироқ сурилиб туролмайсизми? Ана, жуда соз. Сизни нонуштагача саранжом-сариншта

қилиб қўяман.— У мени латта, совун ва илиқ сув билан ювинтира бошлади.— Кўлингизни кўтариб юборингчи,— деди у.— Ана, жуда соз.

— Сартарош ионуштагача келиб кетолмасмикин-а?

— Ҳозир қоровулга айтаман.— У циқиб кетиб, тезда қайтиб келди.— Қоровул чақиргани кетди,— деди у ва латтачасини тосда хўллаб олди.

Сартарош қоровул билан кириб келди. Сартарош элликларга борган, шопмўйлов киши эди. Мисс Гэйж ўз ишини тугатиб циқиб кетди, сартарош чаккаларимга совун суртиб, соқолимни ола бошлади. У ўз ишини намойишкорона суратда, лом-мим демай адо этарди.

— Оғэингизга сув олганмисиз? Янгиликлардан сўйланг,— дедим.

— Қандай янгиликлар?

— Қандай бўлса ҳам бари бир. Шаҳарда нима гаплар?

— Уруш вақти,— деди у.— Душманнинг ҳар ерда қулоғи бор.— Мен унга ўгирилиб қарадим.

— Бошингизни қимирлатмай туринг,— деди у ва соқол олишда давом этди.— Мен ҳеч нарса айтмайман.

— Э, сизга нима бўлган ўзи?— сўрадим мен.

— Мен италияликман. Мен душман билан гаплашиб ўтирамайман.

Зўрлаб ўтирамадим. Телбакезикроқ экан, устарасини тезроқ бўйнимдан олса, шунча яхши. Бир сафар уни тузукроқ кўриб олмоқчи бўлдим.— Эҳтиёт бўлинг,— деди у.— Устара ўткир.

Соқолни олиб бўлгач, ҳақини тўлаб, чойчақа деб ярим лира қўшиб узатдим. У пулни қайтарди.

— Мен олмайман. Мен фронтда эмасман. Лекин мен италияликман.

— Иўқолинг кўзимдан!

— Ижозатингиз билан,— деди у ва устараларини газегага ўради. У беш дона мис тангани столчада қолдириб кетди. Қўнгироқ чалдим. Мисс Гэйж кирди.

— Барака топинг, менга қоровулни чақириб беринг.

— Хўп бўлади.

Қоровул келди. У ўзини зўрга кулгидан тутиб турарди.

— Нима, бу сартарош жинни бўлиб қолганми?

— Иўқ, signorino. Англашилмовчилик. Менинг га-

пимни яхши эшитмай, сизни австрис офицери деб ўйлабди.

— О, худо,— дедим мен.

— Хо-хо-хо,— хаҳолади эшик қоровул.— Ана ҳангомал «Қимир этсин-чи», дейди, «мен унинг!..»— Эшик қоровул қўли билан бўйинни кесиб кўрсатди.— Хо-хо-хол

— У ўзини кулгидан тўхтатолмасди.— Унга сизнинг австрис эмаслигингизни айтсан денг? Хо-хо-хол

— Хо-хо-хол,— дедим жаҳлим чиқиб.— Ҳиқилдоғимдан шарт кесиб ташласа тоза ҳангома бўларди, а. Хо-хо-хол

— Ундеймас, signorino. Йўқ, йўқ. У сизни австрис деб, ўлардай қўрқиб кетибди. Хо-хо-хол

— Хо-хо-хол,— дедим мен.— Йўқолинг кўзимдан.

У чиқиб кетди, эшик орқасидан ҳамон унинг хаҳолагани келарди. Мен йўлакда кимнингдир қадам товушларини эшитдим. Эшикка ўғирилиб қарадим. Бу Қэтрин Баркли эди.

У хонага кириб, ўрин олдига келди.

— Салом, азизим!— деди у. Унинг чеҳраси гул-гул очилган, жуда чиройли эди. Мен ҳеч қачон бундай чиройли чеҳрани кўрмаганман, деб ўйладим.

— Салом!— дедим. Уни кўрганим замон, ошиқ бўлиб қолганимни англадим. Менда ҳамма нарса ағдар-тўнтар бўлиб кетди. У эшикка қараб қўйиб, ҳеч ким йўқлигини кўрди. Шунда у каравотнинг четига ўтириб, энгашди ва мени ўпди. Мен уни бағримга тофтдим ва ўпдим, унинг юраги гупиллаб урмоқда эди.

— Жонгинам,— дедим.— Келганингиз қандоқ яхши бўлди.

— Келиш қийин бўлмади. Қолиш, эҳтимолки, қийинроқ бўлар.

— Сиз қолишингиз керак,— дедим мен.— Сиз ажо-ибсиз.— Мен девона бўлиб кетдим.— Унинг бу ердалигига ҳамон ишонмасдим, шунинг учун бағримга қаттиқ босиб олган эдим.

— Керакмас,— деди у.— Ҳали соғайиб кетганингиз ўйқ.

— Соғман. Кел, олдимга.

— Йўқ. Ҳали мадорга кирмагансиз.

— Шунаقا. Мадорим жойида. Ке.

— Сиз мени севасизми?

— Мен сени жуда севаман. Мен девона бўлиб қоламан. Кела қолсанг-чи.

— Юрагим қандай уряпти, эшитяпсизми?

— Юрагингни қўй. Ўзингни хоҳлайман. Ақлдан озяпман.

— Сиз мени ростдан севасизми?

— Бу ҳақда бошқа гапирма. Кела қол. Эшитяпсанмн? Ке, Кэтрин.

— Хўп, майли, фақат бир минутга.

— Хўп,— дедим.— Эшикни ёп.

— Мумкинмас. Ҳозир мумкинмас.

— Ке. Ҳеч нарса дема. Кела қол.

Кэтрин каравот олдидағи креслода ўтирафди. Йўлакка чиқадиган эшик очиқ эди. Бирмунча ўзимга келдим, умримда жоним бунчалар фарогатда бўлган бошқа бир дамни эслолмайман.

У сўради:

— Сени севишимга энди ишонасанми?

— Сен менинг азизамсан,— дедим.— Сен шу ерда қоласан. Сени бошқа ерга юборишмайди. Сени шунчалар яхши кўраманки, телба бўлиб қоляпман.

— Биз жудаям қаттиқ эҳтиёт бўлайлик. Биз бутунлай бошимизни йўқотиб қўйдик. Бундай мумкинмас.

— Кечаси мумкин.

— Биз жудаям қаттиқ эҳтиёт бўлайлик. Бегоналар олдида сен эҳтиёт бўлишинг керак.

— Эҳтиёт бўламан.

— Эҳтиёт бўлишинг шарт. Сен яхвисан. Сен мени яхши кўрасан, а?

— Гапирма бу ҳақда. Бўлмаса сени қўйиб юбормайман.

— Хўп, бошқа гапирмайман. Сен мени қўйиб юборшинг керак. Мен боришим керак, жоним, рост.

— Даарров қайтиб кел.

— Имкони бўлиши билан қайтиб келаман.

— Кўришгунча.

— Кўришгунча, қўзим.

У чиқди. Худо шоҳид, мен уни яхши кўрмоқчи эмасдим. Мен ҳеч кимни севишини истамовдим. Лекин, худо шоҳид, мен севиб қолдим, мен Милан госпиталида каравотда ётибману, бошимда минг турли хаёл ғувиллайди, ўзимни хурсандликдан кўкларда кўраман, шунда ниҳоят хонага мисс Гэйж киради.

- Доктор келаркан,— деди у.— У Комодан құнғи-
роқ қилди.
— Қачон бу ерда бұларкан?
— У кечқурун келади.

Ұн бешинчи боб

Кечга довур ҳеч нима рүй бермади. Доктор ювошгина ориққина одам экан, худди уруш уни издан чиқарғанға үшшаб күринади. У назокатли, инжа бир жирка ниш билан сонимдан бир нечта майда пұлат парчаларни чиқариб олди. У оғимнинг айрим жойларини оғриқ-сизлантириб үзнинг тили билан айтганда, «музлатиб» қўйди, натижада тиғ ёки наштар урилган маҳалда қотиб, ёғоч бўлиб қолган жойдан пастроққа тегмагунча, оғриқ сезилмасди. Жонсизланган баданинг чегарасини аниқ билса бўларди, кўп ўтмай докторнинг назокатидан асар ҳам қолмади ва у яхшиси, рентген қилдириш керак, пайпаслаб билиб бўлмаяпти, деди.

Рентген кабинети ospedale maggiore¹ да бўлиб, рентген қилувчи доктор сершовқин, чаққон ва қувноқ одам экан. Даволанувчини елкасидан тутиб турғанлағидан, у танасидаги барча каттароқ чет жисмларни бемалол кўриб турарди. Тасвиirlарни кейин юборишар экан. Доктор үзининг қўйиндафтарчасига исмим, полким ва яна хотира учун бирор нарса ёзиб беришимни сўради. У барча чет нарсаларни ярамас, жирканч, расво деб эълон қилди. Австрислар бетамиз болалар. Қанча одам ўлдирдим? Мен биронта ҳам одам ўлдирмовдим, лекин унга хуш ёқадиган бирон гап айтиш ниятида, мен ўлдирган австрисларнинг сон-саноғи йўқ, дедим. Мен билан бирга мисс Гэйж борган эди, доктор унинг белидан қучоқлади-да, сиз Клеопатрадан ҳам гўзалроқсиз, деди. Тушунарлими? Клеопатра, собиқ миср маликаси. Ҳа, қодир мавлон, у Клеопатрадан гўзалроқ. Санитар машина билан яна госпиталимизга олиб келиб қўйди, бир оз муддатдан сўнг, у замбардан олиб замбарға солиша-солиша, ниҳоят, тепага, ўз ўрнимга олиб чиқишиди. Тушликдан сўнг тасвиirlар келди; доктор, қодир мавлон, тушдан сўнг тасвиirlар тайёр бўлади, девди, сўзи-

¹ Баш госпиталь (итал.).

нинг устидан чиқибди. Қэтрин Баркли менга уларни кўрсатди. Тасвиirlар қизил конвертга жойланганди, Қэтрин уларни конвертдан олди, икковимиз ёруққа солиб кўришдик.

— Бу ўнг оёқ,— деди у ва тасвиirlни яна конвертга солиб қўйди.— Манови чап оёқ.

— Уларни бирон ерга қўйиб,— дедим мен,— ўзинг ёнимга кел.

— Мумкинмас,— деди у.— Мен фақат бир минутга тасвиirlарни кўрсатгани келдим.

У кетди ва мен ёлғиз қолдим. Кун исиб кетди, тӯшакда ётиш жонимга тегди. Мен қоровулдан газеталар олиб келишни сўрадим.

Уни кутиб ётсам, хонага учта врач кириб келди. Мен, тажрибаси кам врачлар бир-бирлари билан маслаҳатлашиш, ёрдам сўрашга мойил бўлишларини анчадан бери билардим. Кўричагнлизни тузукроқ қилиб кесиб ололмайдиган врач сизни бошқасига, томоқдаги безни эплаб ололмайдиганга жўнатади. Бу учала врач ҳам шундайлардан эди.

— Мана бизнинг ёш беморимиз,— деди ҳаракатлари назокатли госпиталь врачи.

— Салом,— деди баланд бўйли, соқол қўйган ориқ врач. Қўлида қизил конвертдаги рентген суратларини ушлаб турган учинчи врач ҳеч нарса демади.

— Боғларини ечамизми?— саволомиз деди соқолли врач.

— Албатта. Марҳамат, ҳамшира, боғларини ечинг,— деди госпиталь врачи.

Мисс Гэйж боғларни ечди. Мен оёқларимга қарадим. Дала госпиталида ётганимда, улар могоялаган қиймага ўхшовди. Энди улар қотиб эт боғлаган, оқарган эди, болдирим юмшаб, салқиб қолганди, аммо яралар иримаган эди.

— Топ-тоза,— деди госпиталь врачи.— Жуда ҳам тоза ва яхши.

— Ҳм,— деди соқолли врач. Учинчи врач госпиталь врачининг елкаси оша қаради.

— Марҳамат, тиззангизни букинг,— деди соқолли врач.

— Бу колмайман.

— Бўғинларининг ишлашини кўрамизми?— саволомуз деди соқолли врач. Унинг енгидага учта юлдузчадан

ташқари ҳошия ҳам бор эди. Бу унинг медицина хизмати капитани эканлигини кўрсатарди.

— Шубҳасиз,— деди госпиталь врачи. Икковлари ўнг оёғимдан оҳиста ушлаб, бука бошладилар.

— Оғрияпти,— дедим.

— Шундай, шундай. Яна бир оз, доктор.

— Етар. Буша букилмайди,— дедим.

— Чала ишляяпти,— деди соқолли врач. У қаддини кўттарди.— Тасвирларини яна бир кўришга рухсат этинг, доктор.— Учинчи врач суратлардан бирини узатди. — Иўқ. Марҳамат. Чап оёғиникини.

— Бу чап оёқ, доктор.

— Ҳа, тўғри. Мен бошқа томондан қарабман.— У тасвирини қайтариб берди. Бошқа тасвирга у бир неча дақиқа тикилиб қолди.— Кўряпсизми, доктор?— У ёруғда аниқ кўриниб турган чет жисмлардан бирини кўрсатди. Улар тасвирга яна бир неча минут қараб туришди.

— Мен фақат бир нарса дейишим мумкин,— деди капитан унвонидаги соқолли врач.— Бу вақт масаласи. Уч ой ёки, эҳтимол, олти ойдан кейин.

— Шубҳасиз, ахир синовиал суюқлик йиғилиши керак-ку, яна.

— Шубҳасиз. Бу вақт масаласи. Мен тизза косасини очишни темир парчанинг атрофи қотмагунча бўйнимга олмаган бўлардим.

— Фикрингизга тўла қўшиламан, доктор.

— Нега ярим йил?— сўрадим мен.

— Ярим йил осколканинг атрофи қотиши учун кетади, ўшанда тиззангизни бемалол очиб кўриш мумкин.

— Мен бунга ишонмайман,— дедим.

— Оёғингизнинг омон қолишини хоҳлайсизми, йигит?

— Иўқ,— дедим.

— Нима?

— Уни кесиб ташлашларини истайман,— дедим,— токи қармоқ қилишга яраса бўлгани.

— Нима демоқчисиз? Қармоғингиз нимаси?

— У ҳазиллашяпти,— деди госпиталь врачи ва елкамга назокат билан қоқиб қўйди.— У оёғини сақлаб қолишини истайди. Бу жуда мардана йигит. У жасорат кўрсатгани учун кумуш медалга тасвия этилган.

— Юракдан табриклайман,— деди капитан унвони-

даги врач.— У қўлимни қисди.— Мен бундай тиззани очища таваккалчилик қилиб ўтираслик учун ярим йил зарур, деб айтоламан, холос. Турган гап, сиз бошқача фикрда бўлишингиз мумкин.

— Кўпдан-кўп ташаккур,— дедим.— Сизнинг фикрингиз мен учун ғоят қимматли.

Капитан унвонидаги врач соатига қаради.

— Кетадиган вақтимиз бўлди,— деди у.— Сизга яхши тилакларимни билдираман.

— Сизга ҳам шундай, катта раҳмат,— дедим.

Мен учинчи врачнинг қўлини қисдим: „Capitano Vargi-ni — tenente Engr“ — ва учовлари чиқиб кетишиди.

— Мисс Гэйж,— деб чақирдим. У кириб келди.— Госпиталь врачини яна бир минутга чақириб беринг.

У бош кийимини қўлида кўтариб кирди ва каравот олдида тўхтади.

— Мени кўрмоқчи эдингизми?

— Ҳа. Мен операцияни ярим йил кутолмайман. Ё худо, доктор, ҳеч ярим йил тўшакда ётиб кўрганмисиз?

— Сиз ҳар доим ётавермайсиз. Аввал яраларингизни офтобга солишингиз керак. Кейин қўлтиқтаёда юра бошлайсиз.

— Ярим йил, иннайкейин операциями?

— Энг бехатар йўл шу. Чет жисмлар атрофи қотиб, яна синовиал суюқлик йиғишини кутиш керак. Ўшанде тиззангизни бехавотир очиш мумкин.

— Узоқ ётишим кераклигига ўзингиз ишонасизми?

— Энг бехавотир йўл.

— Капитан унвонидаги врач ким бўлади?

— Миланнинг энг яхши жарроҳларидан.

— Ахир, у капитан унвонида, тўғрими?

— Ҳа, лекин у жуда яхши жарроҳ.

— Мен оёғимни аллақандай бир капитан титкилашини истамайман. Агар қўлидан бирон иш келганда, у майор бўларди. Мен капитаннинг нималигини биламан, доктор.

— У жуда яхши жарроҳ ва мен ким бўлишидан қатъи назар бошқа одамларники билан эмас, у кишининг фикри билан кўпроқ ҳисоблашаман.

— Оёғимни бошқа жарроҳга кўрсатиш мумкинми?

— Шубҳасиз, агар шуни истасангиз. Лекин мен шахсан доктор Варелланинг айтганини қилган бўлардим.

— Сиз менга бошқа жарроҳ чақиролмайсизми?

- Мен Валентинини чақираман.
- Ким у?
- aOspedale maggiored ишлайди, жарроқ.
- Майли. Сиздан жуда миннатдор бўламан. Тушунинг, доктор, мен ярим йил тўшакда ётолмайман.
- Тўшакда ётавермайсиз. Аввал қуёш нурини қабул қиласиз. Кейин енгил машқлар қила бошлайсиз. Сўнг осколканинг атрофи битгач, операция қиласиз.
- Лекин мен ярим йил кутолмайман.
- Доктор қўлидаги бош кийимини назокат билан сийпаб қўйди-да, табассум қилди.
- Фронтга тез қайтмасангиз, ичингиз илимайдими?
- Илимаса нима бўпти?
- Қандоқ ажойиб!— деди у.— Олижаноб йигит.— У энгашди-да, назокат билан пешонамдан ўпид қўйди.— Валентинига одам юбораман. Ҳаяжонланиб, ташвишланиб ўтируманг. Ақлли бўлинг.
- Вино ичасизми, доктор?— таклиф қилдим мен.
- Йўқ, раҳмат. Мен ичмайман.
- Бир стакан ҳамми.— Мен стакан келтирсин деб, қоровулга қўнғироқ қилдим.
- Йўқ, йўқ, раҳмат, мени кутиб туришибди.
- Кўришгунча,— дедим.
- Кўришгунча.

Икки соатдан сўнг хонага доктор Валентини кирди. У жуда шошиб турган экан, мўйловларининг учи тепага қайрилган эди. Унинг унвони майор бўлиб, юзи офтобда пишган, хандон-хушон одам эди.

— Қаерда орттирдингиз буларни?— деди у.— Қани суратларни кўрсатинг-чи. Хўш. Хўш. Буни қаранг-а, Отдай бақувват экансиз. Анов ёқимтойгина қиз ким эди? Севгилингизми? Шундайдир деб ўйловдим. Шу уруш ёмон бўлди-да! Бу ер оғрияптими? Азамат экансиз. Тузатамиз, кўрмагандай бўлиб кетасиз. Бу ер оғрияптими? Оғримасинмиям. Бу докторлар оғритишга кўп уста бўлишади-да. Шу пайтгача сизни нима билан даволашди? Бу қиз италянча сўзлашоладими? Ургатиш керак. Дилбар қиз экан. Мен унга дарс беришга рози бўлардим. Узим шу госпиталга ётаман. Йўқ, яхшиси, мен кўзи ёриган маҳалларда текинга доялик қиласман. Нима деётганимни тушунадими? У сизга ажойиб ўғилча туғиб беради. Узига ўхшаш оқпар бўлади. Шундай, ях-

ши. Шундай, аъло. Дилбар қиз. Сўраб кўринг-чи, мен билан кечки овқатни бирга қијмасмикин. Йўқ, уни сиздан тортиб олишни истамайман. Раҳмат. Катта раҳмат сизга, мисс. Ана бўлди. Ана галим ҳам тугади.— У менинг елкамга қоқиб қўйди.— Уралмаса ҳам бўлади.

— Бирор стакан вино ичасизми, доктор Валентини?

— Виноми. Албаттада... Ун стакан. Қаерга қўйган-сиз?

— Жавонда. Мисс Баркли шишани олиб беради.

— Сизнинг соғлигингизга. Сизнинг соғлигингизга, мисс. Дилбар қиз. Мен сизга бундан яхшироқ вино олиб келаман.— У мўйловини артди.

— Сизнингча операцияни қачон қилса бўлади?

— Эртага әрталаб. Олдинроқ иложи йўқ. Ошқозонни тозалаш керак. Сиз ойдиндай бўп туринг. Мен пастдаги кампирга кириб айтаман. Кўришгунча. Эртага кўришамиз. Мен сизга бундан тузукроқ вино олиб келаман. Жуда яхши ўрнашибсиз. Кўришгунча, эртагача. Тўйиб ухланг. Мен барвақт келаман.

У остоидан менга қўлини силкиб қўйди, мўйловлари диккайиб, жигардек юзи кулимсиради. Унинг енгидя ярим доира ҳошия ичидагитта юлдузча тасвири бор эди, чунки унинг унвони майор эди.

Ўн олтинчи боб

Ўша кеча шаҳар томлари узра чўккан тун кўриниб турган балконнинг очиқ эшигидан, хонага намозшом қуш учиб кирди. Хона ичи қоп-қоронги эди, фақат шаҳарнинг тунги осмони балкон эшигидан хонага нимтатир ёруғ сепмоқда эди; кўршапалак қўрқмасдан хонада худди очиқ ҳавода учгандек, чарх ура бошлади. Биз унга тикилиб ётардик, у эса афтидан бизни кўрмасди, чунки биз овоз чиқармасдик. У учиб кетгац, биз пројектор нурини кўрдик, нурнинг толаси осмон бўйлаб қандай кезганига қараб турдик, сўнг у йўқ бўлди ва зимиston чўкди. Ярим кеча эди, шамол турди ва биз қўшни томдаги зенит тўпи олдидаги тўлчиларнинг овозларини эшийтдик. Салқин тушган эди, улар плашларини кийиб олишмоқдайди. Мен кечаси бардан бирор кириб қолмасмикин деб, ҳавотирландим, бироқ, Қэтрин, ҳамма ухлаб ётибди, деди. Бир маҳал ухлаб қолибмиз, кўзими ни очганимда, ёнимда Қэтрин йўқ эди, лекин йўлакдан

унинг қадам товушларини эшилдим, эшик очилиб, ўзи кириб келди ва түшак олдига келиб, ҳаммаси жойида, пистдагилар ухлаб ётишибди, деди. У мисс Ван-Кампен-нинг эшиги олдига бориб қулоқ солиб, унинг ухлаб ётганини эшишибди. У қотирилган нон олиб келган экан, уни вермут билан ҳўплаб едик. Қаттиқ очиқдан эканмиз, бироқ у эрталаб буларнинг барини тозалаш керак бўлади, деди. Каллаи саҳарда, кун ғира-шира ёришиб келаётгандан мен яна уйғониб кетдим ва у яна хонада йўқлигини кўрдим. У келди, ял-ял ёниб, очилиб келди, мен оғзимга ҳарорат найчасини қўйиб ётдим, у ёнимда — тўшакда ўтирди, бу борада офтоб чиқди ва димомғимизга томлардан шабнам бўйи урилди, сўнг қўшни томдаги тўпчилар қайнатган қаҳва иси келди.

— Қани энди ҳозир сайд қилсанг,— деди Қэтрин.— Кресло бўлганида сени олиб чиққан бўлардим.

— Креслога қандай қилиб ўтирадим?

— Бир амаллаб.

— Шаҳар боғига тушиб, очиқ ҳавода нонушта қилсанг.— Мен очиқ қолдирилган эшикка қарадим.

— Йўқ, биз ҳозир бошқа иш билан шуғулланишимиз керак,— деди у.— Сени дўстинг доктор Валентини келишига ҳозирлаб қўйиш керак.

— Ажойиб доктор, тўғрими?

— У менга сенга ёққанчалик ёққани йўқ. Аммо у яхши врач бўлса керак.

— Бу ёққа кел, Қэтрин. Эшиятсанми?— дедим.

— Мумкинмас. Кечаси бирам яхши бўлдик!

— Бу кечасигаям навбатчиликни олсанг бўлармикин?

— Ҳа, эҳтимол, ўзим навбатчилик қиласман. Фақат ўзинг мени хоҳламай қоласан.

— Хоҳлайман.

— Хоҳламайсан. Сени ҳали ҳеч операция қилишмаган. Сен кайфиятинг қандай бўлишини ўзинг билмайсан.

— Биламан. Яхши бўлади.

— Кўнглиниг беҳузур бўлади, мен кўзингга кўринмай қоламан.

— Ундей бўлса ҳозир олдимга кела қол.

— Йўқ,— деди у.— Мен ҳароратинг қандай ўзгариб турганини чизиб қўйишм керак, жоним, сени тайёрлашм керак.

- Бундан чиқди мени севмас экансан-да.
- Вой тентаг-эй! — У мени ўлиб қўйди.— Мана, чи-зиб ҳам бўлдим. Ҳарорат ҳаммавақт ўртача бўлган. Сенинг ҳароратинг шунақа ажойиб.
- Сен бутунлай ажойибсан.
- Йўқ, йўқ. Мана сенинг ҳароратинг ажойиб. Мен сенинг ҳароратинг билан ўлгудай фахрланаман.
- Ҳамма болаларимизнинг ҳарорати жуда ажойиб бўлса керак деб ўйлайман.
- Болаларимизнинг ҳарорати жуда бўлмагур бўлмаса, деб қўрқаман.
- Валентинига мени тайёрлаш учун нима қилиш ке-рак?
- Арзимаган иш, фақат унчалик ёқимлимас.
- Сени овора қиласидиган бўлдим-да.
- Сираям. Мен бошқа бирон одам сенга тегишини истамайман. Мен тентакман. Сенга бирор тегадиган бўлса жоним ҳалқумимга келади.
- Фергюсон бўлсаям-а?
- Айниқса, Фергюсон ва Гэйж, ва яна ану?
- Уокерми?
- Ӯша-ӯша. Бу ерда ҳамшира кўп. Агар яна яра-дорлар келса, бизни бошқа ерга ўтказишади. Ҳозир тўртта ҳамшира бор.
- Ярадорлар яна келишса ажабмас. Тўртта ҳамшира камлик қиласи.
- Ишқилиб, келишсин-да. Мени бу ердан бошқа ёққа ўтказишса, нима қиласман? Яна ярадорлар келма-са, шундай бўлиши турган гап.
- Унда мен ҳам кетаман.
- Қўй, ундей дема. Сен ҳали ҳеч ерга кетолмайсан. Лекин тезроқ соғайиб кет, жоним, ана ўшандада сен би-лан бирон ёққа кетамиш.
- Қейин-чи?
- Қейин уруш ҳам тугаб қолар. Абадий уруш қи-либ ўтиришмас, ахир?
- Тузалиб кетаман,— дедим мен.— Валентини мени тузатади.
- Тузатмай кўрсин-чи, шундоқ мўйловлари бўла ту-риб-а? Биласанми, фақат сенга эфир беришганда, ўзинг билан мени эмас, бошқа нарсаларни ўйлагин, хўпми? Наркоз вақтида одам ҳар нима деб алахсирайди.
- Хўп, нимани ўйлайн, бўлмаса?

— Нимани истасанг, шуни. Нимани ўйласанг ўйлагину, фақат ўзинг билан мени хаёлингга келтирма. Қарипдошларингни эсла. Ёки бошқа бирон қизни хотира-ла.

— Йўқ.

— Бўлмаса, дуо ўқи. Бошқаларда яхши таассурот қолдиради.

— Балки мен алахлаб ўтирмасан.

— Балки, Ҳамма ҳам алахлайвермайди.

— Мен ҳам шу жумладан.

— Мақтамма, жоним. Мақтамма, хўпми? Узинг шундай яхисанки, сенга мақтанчоқликнинг кераги йўқ.

— Бир оғиз миқ этмайман.

— Яна мақтанияпсан, жоним. Сенга бу сирайм ярашмайди. Фақат, сенга чуқурроқ нафас олинг, деб айтишгандан кейин дуо ўқигин, ёки шеър ўқи, ё бошқа бирон нарсани. Ушанда ҳаммаси жуда яхши бўлади, мен сен билан фахрланиб юраман. Мен шундоғам сен билан фахрланаман. Ҳозир ҳароратинг жудаям яхши, худди ёш болалардай мириқиб ухлайсан ва ёстиқни қучоқлаб олиб, уни мен деб ўйлайсан. Балки мен эмас, бошқадир, а? Биронта италян нозанинидир?

— Йўқ, сен.

— Албатта, мен бўламан-да. Мен сени жудаям яхши кўраман, кўрасан, Валентини оёғингни яхшилаб тузатиб қўяди. Яхшиямки, у даволаётганда мен иштирок этмайман.

— Сен тунда навбатчилик қиласанми?

— Ҳа. Лекин сенга бари бир бўлади.

— Кўрамиз.

— Ана энди бўлди, жоним. Онадан туғилгаңдек топтоза бўлдинг. Энди менга айтиб бер-чи: умринг бўйи нечта аёлни яхши кўргансан?

— Яхши кўрмаганман.

— Мени ҳамми?

— Сени яхши кўраман.

— Яна нечтани?

— Бошқа ҳеч кимни.

— Нечтасини — нима десамикин? Нечтасини кўргансан?

— Ҳеч кимни?

— Елғон.

— Ҳа.

— Шундай бўлгани тузук. Сен менга ҳеч қачон тўғрисини айтма. Менга шуниси тузук. Чиройли аёллармиди улар?

— Мен ҳеч ким билан бўлмаганман.

— Тўғри. Жудаям ёқимли эдими улар?

— Сира хабарим йўқ.

— Сен фақат ўзимникисан. Рост, ҳеч қачон бошқа ҳеч кимники бўлмагансан. Лекин бўлган тақдирингда ҳам менга бари бир. Мен улардан қўрқмайман. Фақат менга улар ҳақида сира оғиз очма. Аёл киши эркак кишинга шама қилиб гапирганда, биласанми, қандай бўлади?

— Билмайман.

— Рост, сен билмайсан. Аёл киши унга севаман деб айтадими? Айт менга. Мен билишни истайман.

— Айтади. Агар эркак буни хоҳласа.

— Эркак киши ҳам уни севаман дейдими? Айт. Мен буни билишим керак.

— Истаса, айтади.

— Бироқ сен ҳеч қачон айтмагансан? Тўғрими?

— Йўқ.

— Йўқ, ростми? Ростини айт менга.

— Йўқ,— алладим мен.

— Сен демагансан,— деди у.— Мен буни билардим, сен демагансан. Сен жуда яхвисан, мен сени жуда, жуда яхши кўраман.

Офтоб тиккада, томлар узра турар ва мен ибодатхонанинг юксак найзаларида қуёш тифи ўйнаётганини кўриб ётардим. Мен онадан янги туғилгандай озода эдим. Врачнинг келишини кутмоқда эдим.

— Шундай дегин?— деди Кэтрин.— Аёл киши у нимани истаса, шуни гапираверадими?

— Ҳар доим эмас.

— Мен эса доим гапираман. Мен доимо сен нимани истасанг, шуни гапираман, нимани қил десанг, шуни қиласман, кейин сен бошқа аёлларга қарамайсан, тўғрими?

— У менга шодон чеҳра билан боқди.— Мен сенинг деганингни қиласман, сенинг истаганингни адo этаман, ўшанда, ҳаммаси ажойиб бўлади, тўғрими?

— Ҳа.

— Мана энди сен операцияга тайёр бўлдинг. Ҳўп энди, нима қиласай, яна нима хоҳрайсан.

— Бери кел.

- Хүл. Қелдим.
— Сен менинг энг, энг, энг гүзәл севгилимсан,— дедим.
— Ана күрдингми,— деди у.— Мен нима десанг, шуни қиляпман.
— Сен менинг оқила фариштамсан.
— Мен эса ҳали сенинг күнглингни тузукроқ ололганим йүк.
— Доносан.
— Сен нимани истасанг, мен ҳам шуни истайман.
Мен энди йүқман. Мен сенинг хоҳишингдаман.
— Жоним.
— Күнглинг түлдими? Ростдан, күнглинг түлдими?
Сен бошқа аёлларни энди истамайсан, а?
— Йүк.
— Күрдингми, күнглинг түлди. Мен сен нима десанг шуни қилеман.

Үн еттинчи боб

Операциядан сүнг уйғонганимда ўзимни гүё тубсиз бүшлик ичра йүк бўлиб кетаётгандай сездим. Йўқолиб кетаётган каби бўлади-ю, лекин аслида йўқолмайсан. Фақат бўғзингдан ғиппа бўғилгандай бўласан. Бу ўлимга ұшамайди, газ билан бўғилганга ўхшайди, туйғуларнинг ұлади, бу ҳолат ўтгач, ҳамма нарса бари бир бўлиб қолади, худди қаттиқ маст бўлгандай сезасан ўзингни, күнглинг ағдарилганда ҳам, фақат аччиқ зардоб тушади, лекин бари бир аҳиолинг енгил тортмайди. Тўшакнинг оёқ томонида қум тўлатилган қопларни кўрдим. Оёғимдаги гипсни қоплар билан бостириб қўйишпанди. Салдан сүнг мисс Ғэйжга кўзим тушди, у сўради.

- Хўш, қалай?
— Дуруст,— дедим мен.
— Тиззангизни шундай бопладики, ақл бовар қилмайди.
— Қанча давом этди?
— Икки ярим соат.
— У-бу деб валдирадимми?
— Йўқ, йўқ, ҳеч нарса. Гапирманг. Жим ётинг.
Кўнглим айнаб турарди, Кэтрин ҳақ бўлиб чиқди.
Тунда ким навбатчилик қилиши менга бари бир бўлиб қолди.

І ospitalga мендан бошқа яна уч киши келибди. Қи-
вил Крестнинг ходими — безгак бўлиб қолган жоржия-
лик ориқ йигит, сариқ касал ва безгак билан оғриган
њю-йорклик қўринишидан ориқ, ўзи ажойиб бир йигит
в.і австрия снарядининг портловчи қисмидан темир қал-
поғини эсадалик учун бураб олмоқчи бўлиб, портлаб
кетган лакаловгина бир йигит. Австрислар тоғда порт-
латиш учун маҳсус ишлаган бу мураккаб шрапнель-
фугас снаряднинг кучи икки баравар зўр бўлиб, порт-
лаганда узоқ жойларгача етиб борарди.

Қэтрин Баркли тунлари истаганча навбатчилик қи-
лишга доимо рози бўлганидан у ҳамма ҳамириларга
жуда ёқиб қолганди. Безгаклар кўп безовта қилишмас-
ди, снаряднинг қалпоғини бураган эса, биз билан дўст-
лашиб қолганидан, тунлари жуда зарур бўлиб қолган-
дагина қўнғироқ қилиб чақирар, ишдан бўшаган заҳо-
ти Қэтрин олдимга кирав, мен билан бўларди. Мен уни
қаттиқ севардим, у ҳам мени севарди. Кундуз кунлари
мен уйқуга ётардим, уйғонган чоқларимизда эса, бир-
биришимизга мактублар ёзишиб, Фергюсондан бериб юбо-
рардик. Фергюсон жуда ажойиб қиз эди. Унинг бир
акаси эллик иккинчи дивизияда, иккинчиси Месопота-
мияда хизмат қилишар, ўзи Қэтрин Барклига жуда боғ-
ланиб, унга суюниб қолганди. Фергюсон ҳақида билган-
ларим шу.

— Тўйимиизга келасизми, Фержи? — сўрадим бир ку-
ни ундан.

— Сизларнинг тўйларингиз бўлмайди.

— Тўй қиласиз.

— Йўқ, уйланмайсиз.

— Нега?

— Тўйгача уришиб қоласизлар.

— Биз ҳеч қачон уришиб қолмаймиз.

— Улгурасизлар ҳали.

— Биз ҳеч қачон уришиб қолмаймиз.

— Бўлмаса, ўласиз. Ё уришиб қоласиз, ё ўласиз.
Доим шундай бўлади. Ҳеч ким уйланмайди.

Мен унга қўлимни чўздим.

— Тегманг менга, — деди у. — Мен йигламайман.
Валки ҳаммаси жойида бўлар. Фақат эҳтиёт бўлинг,
унга бирон кори ҳол бўлиб юрмасин. Агар сиз туфайли
унга бирон нарса бўлса, мен сизни ўлдираман.

- Унга ҳеч нарса бўлмайди.
- Сизга айтдим-қўйдим. Шояд ишингиз яхши бўлиб кетса. Ҳозир жуда тотувсизлар.
- Жуда ҳам.
- Шундай бўлсин, жанжал қилманглар, уни кўз қорачифидек асранг.
- Яхши.
- Кўзингизга қараанг. Мен унинг қўлида урушнинг чақалои билан қолишини истамайман.
- Жуда ажойиб қизсиз-да, Фержи.
- Ажойиб-пажойиби йўқ. Ялтоқлик қилманг менга. Оёғингиз тузумки?
- Зўр.
- Бошингиз-чи? — У бармоқларини бошим устига теккизиб кўрди.
- Оёқ увишганда қўл тегизсангиз, шундақа бўлади.
- Бошим ҳеч оғриган эмас.
- Бундай шиш билан бир умр калтафаҳм бўлиб ўтиш мумкин. Ҳеч оғримайдими?
- Сира.
- Бахтингиз бор экан. Хат ёзиб бўлдингизми? Мен пастга кетаяпман.
- Мана, олинг,— дедим мен.
- Сиз вақтинча бўлса ҳам ундан тунги навбатчиликка чиқмасликни сўранг. Жуда чарчаб қоляпти.
- Яхши, мен унга айтаман.
- Кечаси мен навбатчилик қиласай десам, у қўймаяпти. Бошқалар навбати ўтганга суюнади. Унга бир оз дам берсангиз бўларди.
- Ҳўп.
- Мисс Ван-Қампен сизни доимо пешингача ухлаб ётади, деб гапирияпти.
- Шундоқ бўлар деб ўйловдим.
- Агар бир неча кеча навбатчилик қилишдан олиб қолсангиз соз бўларди.
- Үзим ҳам шуни хоҳлайман.
- Үзингизга қолса, сира хоҳламайсиз. Лекин сиз уни кўндирансангиз, сизга ҳурматим янада ошган бўларди.
- Уни кўндираман.
- Ишонгим келмайди.

У хатни олиб чиқиб кетди. Мен қўнфироқ чалдим, сал ўтмай мисс Гэйж кириб келди.

— Нима бўлди?

— Шундай, сиз билан гаплашиб ўтирмоқчи эдим. Сизнингча қалай, мисс Баркли тунги навбатчиликдан бир оз дам олсамикин, а? У жуда ҳорган кўринади. Нега у тунлари бунча кўп навбатчилик қиласди?

Мисс Гэйж менга тикилиб қаради.

— Мен сизнинг дўстингизман,— деди у.— Мен билан бундай гаплашманг.

— Нима демоқчисиз?

— Ўзингизни жинниликка солманг. Шунга чақирган әдингизми?

— Мен билан вермут иссангиз.

— Хўп. Лекин кейин дарров кетаман.— У жавондан шиша олиб, столчага стакан қўйди.

— Сиз стаканда ичинг,— дедим мен.— Мен шишининг ўзидан ичаман.

— Соғ бўлинг!— деди мисс Гэйж.

— Ван-Кампен мени эрталаблари узоқ ухлаб ётади, деб айтдими?

— Сал ғингшиб қўйди-да. У сизни «бизнинг мумтоз беморимиз», деб атайди.

— Оббо қурмағур-эй!

— У баджаҳл эмас,— деди мисс Гэйж.— Қариб қолган, ғалати қилиқлари бор, холос. У сизни кўрган заҳоти ёқтирумай қолибди.

— Гапингиз рост.

— Менга эса сиз ёқасиз. Мен сизнинг дўстингизман. Эсингизда бўлсин.

— Сиз топилмайдиган қизсиз.

— Қўйинг. Сиз учун топилмайдиган қиз ким эканлигини яхши биламан. Оёғингиз қалай?

— Яхши.

— Мен совуқ минерал сув олиб келиб, оёғингизга қуяман. Гипслангандан жойингиз қичишаётгандир. Бугун кун иссиқ.

— Жуда антиқасиз-да.

— Каттиқ қичишаптими?

— Иўқ. Ҳаммаси жойида.

— Қум қопларни тўғрилаб қўйиш керак.— энгашди.— Мен дўстингизман.

— Биламан буни.

— Иўқ, билмайсиз. Лекин бир кун бориб биласиз.

Кэтрин Баркли уч кеча навбатчилик қилмади, кейин у яна келди. Худди ҳар икковимиз ҳам узоқ сафарга кетиб, энди күришгандай бўлдик.

Ўн саккизинчи боб

Уша ёз биз учун соз келди. Менга ўриндан туришга ижозат берганларидан сўнг, биз боққа сайдга бора бошладик. Мен коляскани, оҳиста одимлаб бораётган отни, олдинда кучернинг елкасини ва локланган цилиндрини, ёнгинамда ўтирган Кэтрин Барклини эслайман. Агар қўлларимиз бир-бирига туташса ёки унинг қўл учлари менинг қўлимга тегиб кетса ҳам, бундан юрагимиз гупиллаб уриб кетарди. Кейинроқ, мен қўлтиқтаёқда юрадиган бўлгач, биз Биффи ёки «Гран-Италия»га овқатлангани борадиган, ташқари томондан, Galleria дан стол танлаб ўтирадиган бўлдик. Официантлар кириб-чиқишар, ўткинчи йўловчилар ўтиб боришар, дастурхонлар тўшалган столларда абажурли шамдонлар турарди, бизга айниқса «Гран-Италия» ёқиб қолди, бу ернинг метрдотели Жорж бизга доим стол олиб қўярди. У ажойиб метрдотель эди, биз ўткинчиларга, хуфтон қоронғиси қоплаб келаётган Galleia ага, бир-бировимизнинг дийдоримизга термилиб ўтирас эканмиз, у емак-ичмакка нарса танларди. Биз муз солинган чеплакчада келтирилган оқ капри мусалласидан ичардик; шуниси ҳам борки, биз фрез, барбер ва ширин оқ винолардан кўпини тотиб кўрдик. Уруш туфайли ресторанда винолар бўйича маҳсус официант йўқ эди, шунинг учун мен фрез виносига ўхшаш виноларни сўраганимда, Жорж хижолат чекиб қисиниб қўярди.

— Таъмидан қулупнай мазаси келадиган винолар қиладиган мамлакатдан нима кутиш мумкин,— деди у.

— Нимаси ёмон?— сўради Кэтрин.— Менга ҳатто ёқади.

— Сизга ёқса татиб кўринг, леди,— деди Жорж. — Фақат *tempente* учун бир шиша марго қўшиб келтиришга ижозат этинг.

— Мен ҳам татиб кўрай девдим, Жорж.

— Сэр, унчалик ичадиган эмас. Унда ҳатто қулупнайнинг ҳам мазаси йўқ.

— Мабодо яхши бўлса-чи?— деди Кэтрин.— Росаям зўр иш бўларди-да.

— Мен ҳозир уни келтираман,— деди Жорж.— ледининг кўнгли тўлгач, уни олиб кетаман.

Жуда мазаси йўқ вино экан. Жорж ҳақ эди, унда ҳатто қулупнайниг таъми ҳам йўқ эди. Биз яна каприга ўтдик. Бир марта пулим етмай қолди, ўшанда Жорж менга юз лир қарз бериб турди.

— Ҳечқиси йўқ, тепепе,— деди у.— Ҳаммада ҳам бўлади бунақа ҳол. Бошимдан ўтказганман. Агар сизга ёки ледига пул керак бўлиб қолса, менда доим топилади.

Овқатлангач, биз Galleria ёнидан бошқа ресторонлар ва деразаларига темир шторлар туширилган магазинларни ёқалаб бориб сандвичлар сотиладиган дўконча олдида тўхтардик; гўшти ва момақаймоқ солинган ҳамда кўрсаткич бармоқдек катталикдаги қип-қизил булкачаларга қўйилган майда балиқли сандвичлар сотиб олардик. Уларни кечаси очқаб қолсак ердик. Кейин биз ибодатхона қаршисидаги Galleria га киравериша очиқ коляскага ўтирадик-да, госпиталга қайтардик. Қоровул госпиталь эшигига чиқиб, менга коляскадан тушгани ёрдамлашарди. Мен кучерга чойчақа бериб, кейин лифтда юқорига кўтарилаардик. Қэтрин ҳамширалар турадиган қаватда қолар, мен юқори кўтарилиб, коридордан қўлтиқтаёқда хонамга бориб олар эдим; баъзида мен ечиниб, ўринга ётардим, баъзида эса балконда оёғимни стулга қўйиб ўтириб, томлар узра қалдирғочлар учишини томоша қиласар, Қэтринни кутардим. У юқорига чиққанда худди узоқ сафардан қайтиб келгандай бўлар ва йўлакда қўлтиқтаёқда у билан бирга юриб, тосларини кўтаришиб борар, ё эшикда кутиб турар, ё ярадор дўстларимиздан бўлса, ичкарига бирга кирапдим. У ҳамма ишларидан бўшагач, менинг хонамга кириб балконда ўтирадик. Кейин мен жойимга ётардим, кейин ҳамма уйқуга кетгач, ҳеч ким чақирмаслигига ишонч ҳосил қилгач, у олдимга келар эди. Мен унинг соchlарини тўзғитишини севардим, у эса каравотда қимир этмай ўтирасар, баъзан шартта эгилиб, мени ўпар эди, мен соч тўғнағичларини олиб, рўйжа устига қўяр, гарданидаги соchlари ўрами базўр илиниб турар ва мен унинг қимир этмай ўтиришига тикилиб, охирги тўғнағичларни ҳам олардим, шунда унинг соchlари бутунлай ёйилиб кетарди ва у бошини қуйи эгар, соchlар иккови-

мизни ҳам күмиб, биз худди чодир ёхуд шалола тагида ётгандай бўлардик.

Унинг соchlари шу қадар чиройли эдики, мен баъзан очиқ эшикдан тушаётган шуълада у соchlарини ўраётганига термилиб ётардим, соchlари ҳатто тунда ҳам шашаланиб кўринарди, одатда сув тоңг олдида шундай шашали кўринади. Унинг юзи ҳам, вужуди ҳам ажойиб, бадани бениҳоя силлиқ, майнин эди. Биз ёнма-ён ётиб, мен бармоқларимнинг учи билан унинг ёноқлари, манглайи, кўзларининг ости, даҳани, бўйинларини силар ва «худди рояль клавишларига ўхшайди» дердим,— ўшанда у менинг энгакимни бармоқлари билан сийпаб: «Рояль клавишларига жилвир юргизгандай», деб айтарди.

— Нима, ботяптими?

— Йўғ-эй, жоним. Бир ҳазиллашай дедим-да.

Тунлари кунимиз туғарди, бир-биrimизга салга тегиб кетадиган бўлсак ҳам, ўзимизни бундан етти осмонда юргандай ҳис қиласардик. Биз ўзимизни катта-кичик ҳамма нарсада баҳтиёр сезардик, бир-биrimизга дилдорликлар қиласардик, бирга бўлмаган чоғларимизда эса, бир-биrimизнинг фикримизни ўқишига ҳаракат қиласардик. Баъзан ўқингандай ҳам бўлардик, лекин бу эҳтимол, икковимиз ҳам бир нарсани ўйлаганимиз учун шундай туюлгандир.

Биз бир-биrimизга, Кэтрин госпиталга кириб келган кундан эр-хотин бўлганмиз, деб айтардик-да, тўйнимиз ўтган ўша кундан ойларни санаб чиқардик. Мен чиндан ҳам эр-хотин бўлиб яшшимизни истардим, лекин Кэтрин бундай қиласадиган бўлсак, мен кетишишмуга тўғри келади, у-бу ҳужжатлар, расмиятчиликларни тўғрилаш пайтида эса, кетимизга одам тушиб, бизни ажратиб юборишади, дерди. Ҳамма борди-келдини италян никоҳ қонунлари бўйича ўтказиш керак бўлар, расмиятчиликларни битириш жуда мушкул кўчарди. Мен, биз ростданам эр-хотин бўлишимизни хоҳлардим, чунки мени бола ташвишга солмоқдайди, буни ўйламай илож йўқ эди, лекин биз ўзимизча эр-хотин бўлганмиз, деб юрар ва унчалик қайфурмасдик, бошқа бир томондан менга уйланмаганлигимиз яна маъқулга ҳам ўхшаб кўринарди. Эсимда, бир марта кечаси шу ҳақда гаплашиб қолдик ва Кэтрин деди:

— Лекин, жоним, унда мен ҳозироқ бу ердан кетишим керак бўлади.

- - Балки кетишингнинг ҳожати йўқдир.
- - Кетнишм керак бўлади. Мени уйга қайтариб юборинади ва биз уруш тугагунча кўришмаймиз.
- Мен отпуска олиб келаман.
- Отпуска ичиди Шотландияга ҳам бориб, ҳам келиб бўлмайди. Ундан кейин сенинг олдингдан кетмайман. Ҳозир бизга шу уйланишнинг нима кераги бор? Шундоғам эр-хотиндаймиз. Бундан ортиқ яна қандай эр-хотинчилик бўлиши мумкин.
- Мен фақат сени деб шундай бўлсин деяпман.
- «Мен» деган гап йўқ. Мен — сенман. Мени ажратиб қарама.
- Мен қизлар доим эрга тегишини исташади, деб ўйлабман.
- Уйлашга ўйлади. Лекин, жоним, мен турмушга чиққанман. Сенга турмушга чиққанман. Нима, сенга хотинлик қилолмаётиманми?
- Сен ажойиб хотинсан.
- Биласанми, жоним, мен бир марта эрга чиқишини кутиб кўрганман.
- Қўй, гапирма ўшани.
- Биласанми, мен фақат сени севаман. Мени қачонлардир кимдир севгани сенга бари бир эмасми?
- Бари бир эмас.
- Ахир, у ҳалок бўлди, сен эса ҳаммасига эга бўлдинг, яна нима керак?
- Майли-ку, лекин менга у ҳақда гапирма.
- Бечорагинам! Мана мен бўлсам, сен ҳаётингда кўп хотинларга дуч келганлигинги биламан. Биласману, лекин бу билан ишим йўқ.
- Бекитиқча бўлса ҳам никоҳ ўқитиб олсак бўлмасмикин? Менга бирон нарса бўлиб қолиши бор, бўйингда бўлиши бор.
- Фақат черков ҳамда граждан никоҳи бор. Биз шундоғам бекитиқча уйланиб бўлганимиз. Агар мен художўй бўлганимда, бу гапларга жуда қаттиқ эътибор берган бўлардим. Лекин мен художўй эмасман.
- Сен менга авлиё Антонийни бердинг.
- Сени балолардан сақласин, дедим. Уни менга ҳам беришган эди.
- Демак, ҳаммаёқдан кўнглим тинч, дегин?
- Йўқ, бизни бир-биримиздан жудо қилишлари

мумкин, деб қўрқаман. Сен менинг саждагоҳимсан. Дунёда сендан бошқа ҳеч кимим йўқ.

— Хўп, хўп. Сен рози бўлишинг биланоқ мен сенга уйланаман.

— Сен гўё зимманга менинг номусимни сақлаш вазифаси тургани учун шундай деётганга ўхшайсан, жоним. Лекин мен ўзим номусли хотинман. Одамга гуур ва баҳт берадиган нарса нега энди уятли бўлар экан. Мана сен баҳтли эмасмисан?

— Сен мендан бошқага кетиб қолмайсанми?

— Йўқ, жоним. Мен ҳеч қачон сени ташлаб кетмайман. Менга бизнинг бошимизга кўп фалокатлар тушадигандай бўлиб туюлаверади. Қўй, майли, буни ўйлаб ўтирумайлик.

— Мен қўрқаётганим йўқ. Лекин мен сени шу қадар яхши кўраманки, сен бўлсанг мендан олдин ҳам бирорни яхши кўргансан.

— Ундан кейин-чи?

— У ҳалоқ бўлди.

— Шундай бўлмаганда мен сени учратмаган бўлардим. Мени бевафо деб ўйлама, жоним. Менинг анча-мунча камчиликларим бор, лекин мен вафодор хотинман. Ҳали кўрассан, менинг вафодорлигим жонингга ҳам тегиб кетади.

— Мен ҳадемай фронтга жўнашим керак.

— Ҳозир биргамиз-ку, буни ўйламайлик. Биласанми, жоним, мен баҳтлиман, иккимиз бирга бўлсак, қандай яхши. Мен не замонлардан бери бундай баҳтни тўймагандим. Сен билан учрашган пайтимизда жинни бўлишимга оз қолган, талмовсираб юрган эдим. Балки ростакам жинни бўлгандирман. Қим билсин. Лекин мана энди биз баҳтлимиз, биз бир-биримизни севамиз. Кел, шу баҳтимизни йўқотмайлик. Ахир, сен баҳтлисан, тўғрими? Балки сенга менинг бирон ерим ёқинқирамас? Айт-чи, сенга яхши бўлиши учун яна нима қилишим керак? Истайсанми, соchlаримни ёйиб юбораман? Истайсанми?

— Ҳа, ке ёнимга ёт.

— Хўп. Фақат олдин касалларни кўриб келай.

Үн түккизинчи боб

Ез шундай ўтди. У кунлар кўп ҳам эсимда йўқ, фагат ҳаво жуда иссиқ бўлганию газеталарнинг ғалаба хабарлари билан тўлганлиги ёдимда қолган. Менинг мучам жуда соғлом эди, жароҳатларим тез бита бошлади. Қўлтиқтаёқ билан икки-уч кун юрмасимданоқ, кераги бўлмай қолди ва мен ҳасса тутиб юра бошладим. Ушанда мен Ospedale maggiore га қатнаб, тиззамни эгиб-букишни машқ қила бошладим. Ҳаракат терапияси, ойна қутига, бинафша нурларига оёқни солиш, массаж қилиш, ванна қабул қилиш кабиларни бажара бошладим. Мен у ерга пешиндан кейин борардим. Қайтишда қаҳвахонага кириб, вино ичиб газета ўқирдим. Шаҳар айланиб юрмасдим, қаҳвахонада тўғри госпиталга қайтгим келаверарди. Қэтринни кўрсам бўлди эди. Вақт тезроқ ўта қолса дердим. Кўпинча эрталаблари ухлаб ётардим, тушдан кейин баъзиларда отчопарга борар, кейин машқ қилгани жўнардим. Баъзан мен инглиз-америка клубига кириб, дераза олдига қўйилган чуқур чарм креслога ўтириб, журнал ўқир эдим. Мен қўлтиқтаёқни ташлаганимдан сўнг бизга икковлашиб кўчага чиқишига ижозат бермай қўйдилар, чунки кўринишдан ёрдамга муҳтоҷ бўлмаган bemor билан ҳамширанинг кўчада бирга юриши одоб доирасига сиғмасди. Шу сабабдан биз кундуз кунлари кам кўришар эдик. Баъзан ёнимизда Фергюсон ҳам бўлган кезларда биргаликда шаҳарнинг бирон ерида овқатланардик. Бизни Қэтрин билан дўст деб билишарди, мисс Ван-Кампен ҳам шундай деб қаарар, чунки госпиталда унга Қэтрин кўп ёрдам берар эди. У Қэтринни жуда яхши оиласдан чиққан деб ҳисобларди, худди шу нарса унинг бизга ён босишига сабаб бўлди. Мисс Ван-Кампен кишининг насл-насабига кўп аҳамият берар, ўзи ҳам юқори табақага мансуб эди. Бундан ташқари госпиталда юмуш ғоят кўп бўлиб, унинг боши ишдан чиқмас эди. Ез жуда иссиқ эди, менинг эса Миланда танишларим кўп эди, лекин мен шом тушиши билан госпиталга қайтишга шошилардим. Фронт Карсога яқинлашиб қолганди, париги қирғоқда Плава қаршисидаги Кук ишғол қилинганди. Ҳозир Байнзица ёйлатоғида ҳужум бораради. Ғарбий фронтда ишлар айтарли яхши эмасди. Уруш жуда чўзилиб кетгандай

әди. Биз ҳам урушга әнди киргандик, лекин мен етар-лича құшин жүнатиши ва уларни жангга қозирлаш учун камида бир йил керак бўлади, деб ўйлардим. Келаси йилдан кўп ёмон ҳодисаларни, эҳтимол, кўп яхши гапларни кутиш мумкин эди. Италян қўшинлари катта талафотлар бермоқда эди. Иш шундай давом этадиган бўлса, оқибати нима бўлади, ҳеч ақлга сир-масди. Ҳатто бутун Байнзиццани ва Монте-Сан-Габриелени ишғол қилишгай тақдирда ҳам ундан нарида австрислар қўлида яна кўп тоғлар бор эди. Мен уларни кўрганиман. Наридаги ҳаммаси юксак тоғлар. Карсода олға силжидик, лекин пастроқда денгиз бўйлари ҳаммаси балчиқ, ботқоқлик ерлар. Наполеон австрисларни водийда тор-мор қилган бўларди. У ҳеч қаҷон улар билан тоғларда урушиб ўлтирамасди. Уларни пастга тушишларига қўйиб берган бўларди-да, сўнг Веронада тор-мор қиласарди. Бироқ гарбий фронтда ҳали ҳеч ким ҳеч кимни тор-мор қилганича йўқ. Балким, ҳозирги урушлар ғалаба билан тугайдиган урушлар эмасдир. Балким, улар умуман ҳеч қаҷон тамом бўлмас. Балким, бу янги Юз йиллик урушдир. Мен газетани жойига қўйиб клубдан чиқдим. Мен зинапоялардан оҳиста тушиб, Виа-Манцони бўйлаб кетдим. «Гранд-отель» олдида экипажда тушиб келишаётган Мейерс ва унинг рафиқасини кўрдим. Улар отчопардан келишаётган экан. Мейерснинг хотини кўкракдор, йилтироқ қора ипакка ўранган эди. Эри эса қари ва пакана эди, мўйловлари оқарган, оёғининг таги яssi бўлганидан юрганда таёқ билан юрарди.

— Қалай? Тузукмисиз? — Хотин менга қўлини узатди.

— Салом! — деди Мейерс.

— Қалай бўлди отчопар?

— Зўр. Жуда зўр. Мен уч марта ютдим.

— Сиз-чи? — сўрадим Мейерсдан.

— Ёмонмас. Мен бир марта ютдим.

— Мен унинг ишлари қандайлигини сира билолмайман, — деди миссис Мейерс. — У менга ҳеч айтмайди.

— Менинг ишларим яхши, — деди Мейерс. У дўстона сўзлашга ҳаракат қиласарди. — Сиз ҳам бир отчопарга борсангиз-чи. — У гапираётганда сизга қараб гапир-

маётганга ўхшар ёки сизни бошқа одам ўрнида кўра-
стгандай туюларди.

— Албатта бораман,— дедим мен.

— Мен госпиталга сизни кўргани келаман,— деди
миссис Мейерс.— Қобил йигитларга атаб қўйган нар-
саларим бор. Сизлар ҳаммаларингиз менинг қобилгина
болаларимсиз.

— Сиз келсангиз ҳаммаларининг бошлари осмонга
етади.

— Шундай яхши болаларки. Сиз ҳам, Сиз ҳам ме-
нинг болаларимдансиз.

— Мен энди боришим керак,— дедим мен.

— Мендан ҳамма ёқимтой болаларимга салом деб
қўйинг. Мен уларга кўп мазали нарсалар олиб бора-
ман. Ажойиб марсала билан печенье олиб қўйибман.

— Хайр,— дедим мен.— Борсангиз ҳамма жуда
курсанд бўлади.

— Хайр,— деди Мейерс.— Galleria ага келинг. Ме-
нинг столимни биласиз. Биз бу ерда ҳар куни бўламиз.

Мен йўлимга кетдим. Мен Қэтринга «Кова»дан би-
рон нарса олмоқчидим. «Кова»га кириб бир қути
шоколад танладим ва сотувчи уни ўраб бўлгунча бар
олдига бордим. У ерда иккита инглиз ва бир қанча
учувчилар ўтиришарди. Мен ҳеч ким билан гаплашмай
мартини ичдим-да, пулини тўлаб қандолатчида шо-
коладни олиб, госпиталга қараб кетдим. «La Скала»га
олиб борадиган кўчада чоғроқ бир бар олдида таниш-
ларим — вице-консул, қўшиқ айтишни ўрганишаётган
икки ёш йигитни ва италян армиясида хизмат қилувчи
сан-францисколик италян Этторе Мореттини кўрдим.
Мен улар билан ичишгани ичкарига кирдим. Қўшиқчи
йигитлардан бирининг номи Ральф Симмонс бўлиб,
Энрико дель Кредо тахаллуси билан қўшиқ айтиарди.
Мен унинг қандай ашула айтишини билмайман, лекин
у доим улуғ ҳодисаларнинг остонасида юрган бўлар-
ди. У семиздан келган, оғиз-бурни атрофларидағи те-
риси шамоллаган одамники каби қипиқланиб юради.
У Пъяченцада чиқиш қилиб ҳозиргина қайтиб келиб
турган экан. У «Тоска»да ашула айтибди, зўр бўлибди.

— Айтгандай, сиз ҳали мен қандай айтишимни си-
ра эшитмагансиз-ку,— деди у.

— Бу ерда қачон айтасиз?

— Кузда «La Скала»да чиқаман.

- Гароз ўйнайман, унга роса скамейка отишади,— деди Этторе.— Сиз Моденда унга скамейка отганлари ни эшитганимисиз?
- Миш-мишлар.
- Унга скамейка улоқтиришган,— деди Этторе.— Узим кўрганман. Узим олтига скамейка отганман.
- Сиз бемаза макаронхўрсиз.
- У италянчани жуда расво қилиб талаффуз қилади,— деди Этторе.— Қаерга саҳнага чиқмасин, ҳамма ерда скамейка отишади.
- Бутун Шимолий Италияда Пъяченциадагидан ҳам ёмонроқ театр йўқ,— деди бошқа ашулачи.— Гапимга ишонинг, энг расво театр.— Бу ашулачининг номи Эдгар Саундерс бўлиб, Эдуардо Жованини лақаби билан қўшиқ айтарди.
- У ерда бўлмаганимии қаранг, сизга скамейка отишганини томоша қилган бўлардим,— деди Этторе.— Италянча ашула айтишни билмайсиз-ку сиз.
- Жинни,— деди Эдгар Саундерс.— Шу скамейкадан бошқа ҳеч вақони билмайди у.
- Сиз ашула айтаётганингизда тингловчилар скамейка отишдан бошқа нарсани билмайдилар да,— деди Этторе.— Кейин сиз Америкага қайтиб, «Ла Скала»да топган шуҳратингизни сўзлаб юрасиз. Ваҳоланки «Ла Скала»да сиз оғзингизни очмасингизданоқ ҳайдаб юборишади.
- Мен «Ла Скала»да айтаман,— деди Симмонс.— Октябрда эса «Тоска»да айтаман.
- Боришига тўғри келади, Мак,— деди Этторе вице-консулга.— Уларга ҳимоячилар керак бўлиб қолади.
- Эҳтимол, Америка армияси унгача ёрдамга етиб келиб қолар,— деди вице-консул.— Яна бир стакан қуяйми, Симмонс? Саундерс, қуяйми?
- Қуйинг,— деди Саундерс.
- Кумуш медаль олармишсиз деб эшитдим,— деди менга Этторе.— Қайси хизматларингиз учун беришяпти?
- Билмадим. Умуман, ҳали оламанми, йўқми, билмайман.
- Оласиз. Эҳ, «Кова»даги қизларнинг ҳоли нима кечади унда! Улар бир ўзингиз икки юз нафар австриси иш ўлдириб, бутун бир хандақни қўлга туширгансиз.

деб өришнади. Үлай агар, мен ўз нишонларимни ҳарол қилиб олганман.

— Сизда нечта улардан, Этторе? — сўради вице-консул.

— Ҳаммасидан бор,— деди Симмонс,— билмайсизми, уруш уни деб давом эттириляпти-да.

— Мен икки марта бронза ва уч марта кумуш медалга тақдим қилингандан,— деди Этторе.— Лекин фақат бир марта олганман.

— Бошқалари нима бўлди? — сўради Симмонс.

— Операция муваффақиятли чиқмади,— деди Этторе.— Агар операция муваффақиятсиз чиқса, медаль беришмайди.

— Нечта марта яралангансиз, Этторе?

— Уч марта оғир яралангандан. Яраланганим учун учта белгим бор. Мана.— У енгини юқорига кўтарди. Унинг енгининг елкасидан пастроқда қора матога учта кумуш чизиқ чизилганди.

— Сизда ҳам биттаси бор-ку,— деди менга Этторе.— Үлай агар, белгингиз бўлса сира ёмон бўлмайди. Мен уларни медалдан маъқулроқ кўраман. Үлай агар, шунақадан учта бўлса, ошиғингиз олчи. Биттасини олиш учун госпиталда уч ой ётишингиз керак.

— Қаердан яралангансиз, Этторе? — сўради вице-консул.

Этторе енгини шимарди.

— Бу ердан.— У узун силлиқ қизил чандиқни кўрсатди.— Кейин оёғимнинг мана бу сридан. Обмотканинг тагида бўлгани учун ҳозир кўрсатолмайман. Товонимдан ҳам яралангандан. Оёғимдаги бир парча эт жонсиз бўлиб қолган, ёмон ҳид чиқади. Ҳар куни эрталаб ундан осколкалар олиб ташлайман, лекин сассифи аrimайди.

— Нимадан яраланувдингиз? — сўради Симмонс.

— Қўл гранатасидан. Картотшка майдалайдигая нарсага ўхшайди. Оёғимнинг бир томонини учирив кетса бўладими. Сиз бунақа нарсани биларсиз? — У менга ўгирилди.

— Албатта.

— Отган ярамасни ўз кўзим билан кўрдим,— деди Этторе.— Гурс этиб ерга қуладим. Куним битди, деб ўйлаган эдим. Гранатасидан ўргилдим, сира нафи йўқ. Ярамасни милтиқдан отиб ташладим. Мен офицерли-

гүмни билиб қолиши масин деб, доим ўзим билән мильтық олиб юраман.

— Туси қанаңа эди унинг? — сўради Симмоне.

— Бор-йўғи битта гранатаси бор экан абрахининг.— деди Этторе.— Билмадим нима сабабдан отдийкин? Ростакам урушни татимаган шекилли. Қачон граната отаркинман, деб кутиб юрганов ҳойнаҳой. Абрахин ертишлатдим.

— Уни отганингизда ранги ўзгариб кетдими? — сўради Симмонс.

— Қаёқдан билай? — деди Этторе.— Мен унинг қорнига қараб отдим. Қалласини пойлай десам теккизолмайманми, деб қўрқдим.

— Анчадан бери офицермисиз, Этторе? — сўрадим мен.

— Икки йил бўлди. Яқинда капитан бўламан. Сиз лейтенант бўлганингизга кўп бўлдими?

— Учинчи йили.

— Сиз капитан бўлолмайсиз, чунки сиз италян гилини яхши билмайсиз,— деди Этторе.— Гапиришни биласиз-ку, аммо ёзиш ва ўқишни билмайсиз. Капитан бўлиш учун маълумот керак. Нега сиз америка армиясига ўтмайсиз?

— Балки ўтарман.

— Мен ўтган бўлардим. Америка капитани қанча олади, Мак?

— Аниқ билмайман. Икки юз эллик долларгача шекилли.

— Ўҳ-ҳў! Икки юз эллик долларга нималар қилмайсан. Тезроқ америка армиясига ўтсангиз бўларкан, Фред. Мени ҳам жойлаштириб қўярмидингиз.

— Жоним билан.

— Мен ротага италянчасига қўмондонлик қилоламан. Инглизчани дарров ўрганиб олган бўлардим.

— Сиз генерал бўласиз,— деди Симмонс.

— Йўқ, генерал бўлишга илмим етмайди. Генерал минг ўрсли нарсаларни билиши керак. Бизга ўшшаган азаматлар урушни менсимайдилар. Сиз эса капрал бўлишга ҳам ярамаган бўлардингиз.

— Худога шукурки, бунинг менга кераги йўқ,— деди Симмонс.

— Керак ҳам бўлиб қолар. Сиздақа такасалтангларни чақириб ҳам қолишиар... Эҳ, жин урсни, икковларинъ

менинг ротамга тушишларингни хоҳлардим. Макниям. Мен сизни ўзимга югурдак қилиб олардим, Мак.

— Жуда ажойиб йигитсиз-да, Этторе,— деди Мак.— Лекин сиз уришқоқ экансиз.

— Мен уруш тугамасдан полковник бўламан,— деди Этторе.

— Агар илгарироқ ўлдириб қўйишмаса.

— Ўлдиришмайди.— У бош ва кўрсаткич бармоқлари билан ёқасидаги юлдузчаларига тегиб қўйди.— Кўрдингиэми нима қилганимни? Урушда кимда-ким ўлим ҳақида гапирса, юлдузчаларни ушлаб қўйиш керак.

— Юр, кетдик, Сим,— деди Саундерс ўрнидан тураркан.

— Кетдик.

— Хайр,— дедим мен.— Мен ҳам кетишим керак.— Бардаги соат ўн бешта кам олтини кўрсатиб турарди.— СтАО, Этторе.

— СтАО, Фред,— деди Этторе.— Қумуш медаль олишингиз соз бўлибди-да.

— Оламанми, билмайман.

— Олишингиз керак, Фред. Мен олишингизни аниқ өшиддим.

— Хўп, хайр,— дедим.— Бошни эҳтиёт қилинг, Этторе.

— Ташвиш чекманг. Мен ичмайман ва санғиб юрмайман. Ишратпараст ва хотинбоз эмасман. Мен нима ёмон, нима яхши — ажрата оламан.

— Хайр,— дедим.— Сизни капитан қилиб кўтаришлидан хурсандман.

— Мен кўтаришларини кутиб ўтирмайман. Мен жанговар хизматларим учун капитан бўламан. Биласиз-ку ўзингиз. Икки қилич, уч юлдуз, тепасида тож бор. Ўша менман.

— Хайрли бўлсин.

— Хайрли бўлсин. Сиз қачон фронтга қайтасиз?

— Озгина қолди.

— Хўп, кўришиб қолармиз.

— Хайр.

— Хайр. Қасал бўлманг.

Мен тор кўчадан кетдим, бу ердан ҳовли орқали тўғри госпиталга чиқиши мумкин эди. Этторе йигирма учга кирган эди. У Сан-Францискода амакисининг қў-

лида ўсиб, Туриңга қариндошлариникига эиди дам толғани келганида уруш бошланиб қолғанди. Амакисиңг құлида унинг бир опаси ҳам тарбияланмоқда бўлиб, шу бу йил ўқитувчилар коллежини битириши керак эди. У одамни энсасини қотирадиган қуруқ қаҳрамонлардан эди. Кэтрин уни жуда ёмон кўрарди.

— Бизнинг ҳам қаҳрамонларимиз бор,— дерди у,— лекин улар, жоним, жуда камтарин одамлар.

— У менга халақит бермайди.

— Шунни айт. Лекин жудаям шуҳратпараст, унинг афтига қарасам, зерикиб кетаман, зерикиб, зерикиб...

— Сен буни мени хафа бўлмасин деб айтяпсан.

— Мен ҳам у билан гаплашиб зерикиб кетаман.

Кераги йўқ. Унинг фронтда қандайлигини тасаввур қилиш мумкин, у ерда ўз хизматини ўтайди, лекин буна-қа болаларни ёқтирумайман.

— Унга эътибор берма.

— Яна бояги гаплингни айтяпсан. Мен уни ёмон кўрмасликка ҳаракат иқламан, лекин барибир, худо ҳаққи, у жуда, жуда ёқимсиз бола.

— У бугун капитан бўламан деб айтди.

— Жуда соз!— деди Кэтрин.— Узида йўқ хурсандир жуда.

— Сен истармидинг менинг унвоним юқорироқ бўлишини?

— Йўқ, жоним. Мен фақат бизни яхши ресторон ларга киритишларига имкон берадиган унвонинг бўлишини истайман.

— Бунинг учун менинг ҳозирги унвоним етарли.

— Сенинг унвонинг энг яхши унвон. Мен сенинг унвонинг шундан юқори бўлишини истамайман; Сен шуҳратпараст эмаслигингдан шу даражада хурсандманки, жоним. Сен шуҳратпараст бўлганингда ҳам сени дердим, аммо эринг шуҳратпараст бўлмаса, бирам тинч бўласанки.

Биз балкоnda жимгина гаплашиб ўтирадик. Ой чиқадиган вақт бўлган, бироқ шаҳар узра туман тушганидан, у ҳали чиқмаганди, кўп ўтмай ёмғир томчилай бошлади, биз ичкарига кирдик. Туман ёмғирга айланди. Сал вақтдан сўнг жала қўйди, жала томга шарқираб урилишига қулоқ солиб ўтиредик. Урнимдан туриб, балкон эшигидан ёмғир ичкарига урмаётганмикин, деб

қарадим, йўқ, ёмғир ичкарига урмабди, эшикни очиқ қолдирдим.

— Яна кимни кўрдинг? — сўради Кэтрин.

— Мистер ва миссис Мейерсларни.

— Жуда ғалати эр-хотин улар.

— Уз юртида қамоқда ўтириб чиққан дейишади Озодликни кўриб ўлсин деб, чақиришибди.

— Ўшандан бери Миланда бахтли ҳаёт кечирамишими?

— Билмадим, бахтлимикан...

— Қамоқдан кейин ҳар ҳолда бахтлироқ бўлса керак-да.

— Хотини бу ерга совфа-саломлар олиб келмоқчи.

— У жуда ажойиб совғалар олиб келади. Сен ҳам унинг, албатта, жонажон болаларидан бўлсанг керак?

— Бўлмасам-чи?

— Ҳаммаларингиз унинг жонажон болаларисиз,— деди Кэтрин.— У айниқса ёқимтой болаларни яхши кўради. Ёмғирни қара.

— Қаттиқ ёғяпти.

— Сен мени ҳар доим яхши кўрасан, а?

— Ҳа.

— Ёмғир ёғаверсинми?

— Ёғаверсин.

— Қандай яхши. Мен бўлсан, ёмғирдан қўрқаман.

— Нега?

Кўзимни уйқу торта бошлади. Ташқарида ёмғир тобора кучаярди.

— Мен ёмғирни яхши кўраман.

— Мен ёмғирда сайд этишни яхши кўраман. Лекин муҳаббат учун бу яхшилик келтирмайди.

— Мен сени бир умр севаман.

— Мен сени севаман, ёмғирда ҳам, қорда ҳам, дўлда ҳам ва... яна нима бор?

— Билмадим. Нимагадир уйқум келяпти.

— Ухла, жоним, мен эса ҳеч қачон сени севишдан зерикмайман.

— Сен ростдан ҳам ёмғирдан қўрқасанми?

— Сен бор бўлсанг қўрқмайман.

— Нега қўрқасан?

— Билмайман.

— Айт.

— Мажбур қилма.

- Айт.
 - Иўқ.
 - Айт.
 - Хўп, майли. Мен ёмғирдан шунинг учун қўрқаманки, баъзан ажал мени ёмғир ёғиб турганда оладигандай бўлади.
 - Нима деяпсан!
 - Гоҳо сен... ўладигандай туюласан.
 - Бунинг энди ҳақиқатга яқинроқ.
 - Ҳеч ундеймас, жоним. Мен сени балолардан сақлай оламан. Ҳа, бу қўлимдан келади. Лекин ўз-ўзинга ҳеч нима билан ёрдам беролмайсан.
 - Қўй, ундей гапирма. Мен бугун шотландча телба довдирашларни эшигадиган аҳволда эмасман. Айрилиқ эса остонаяда турибди.
 - Мен шотланд қизи ва телба бўлсам нима қилай, ахир. Лекин майли, бошқа гапирмайман. Девоналик булар ҳаммаси.
 - Ҳа, ҳаммаси девоналик.
 - Ҳаммаси девоналик. Фақат девоналик. Мен ёмғирдан қўрқмайман. Мен ёмғирдан қўрқмайман. Ё раббим, ё раббим, қўрқмасликнинг иложи бўлсайди.
- У йиғлади. Мен уни овутдим ва у йиғидан тўхтади. Бироқ ёмғир ҳамон ёғарди.

Иигирманчи боб

Бир куни тушдан кейин биз отчопарга кетдик. Биз билан бирга Фергюсон, анов дистанцион граната портлаганда кўзидан яраланган Кроуэлл Рожерс боришиди. Қизлар кийинингунча биз Рожерснинг хонасида спорт варқасида сўнгги улоқлар ва ғолиб чиқиши кутилгарнинг номлари айтилган ҳисоботларни кўриб ўтиридик. Кроуэллнинг бутун юзи бинтлаб ташланган, унинг улоқ билан иши йўқ, бироқ спорт варақасини қўймай ўқиб борар ва қиласига иши бўлмаганидан, барча отларни кузатиб борарди. Ҳамма отлар расво отлар, дерди у, лекин бу ерда яхшилари йўқ. Қари Мейерс уни яхши кўрар ва унга маслаҳатлар берниб турарди. Мейерс отларга пул тикиб доимо ютиб юрар, лекин маслаҳат беришга ҳуши йўқ эди, чунки бошқалар ютса, унинг оладиган ютуғи камаярди. Улоқларда алдам-қалдам ишлар кўп бўларди. Бутун дунё ипподромлари-

дан қувилган от ўргатувчилар Италияга келиб ўрнашган әдилар. Мейерснинг маслаҳатлари ҳар доим ҳам фойдали бўларди, лекин мен сўрашни ўзимга эп билмасдим, чунки у баъзан жавоб бермас, жавоб берганда эса, истар-истамай бераётгани кўринниб турар, лекин қандайдир сабабларга кўра бизга айтиб тўришга ўзини бурчли деб сезар ва Кроуэллга бошқаларга қараганда рўйхушлик билан йўл кўрсатарди. Кроуэллнинг кўзлари заарланган, бири деярли кўрмай қолган. Мейерснинг ҳам кўзларининг мазаси қочган, шу сабабдан у Кроуэллни яхши кўради. Мейерс қайси отга пул тикканини ҳеч қачон хотинига айтмас, шунинг учун хотини бир ютса, бир ютқизар, кўпроқ ютқизар, жуда сергал хотин эди.

Тўртовлон очиқ экипажга тушиб, Сан-Сирога қараб йўл олдик. Ҳаво жуда яхши, биз дараҳтзорлар ичида, кейин трамвай йўлидан ўтиб бориб, ниҳоят шаҳар ташқарисига чиқдик, чангли йўллар бошланди. Йўлнинг ҳар иккала томони темир панжаралар билан тўсилган қаровсиз чорбоғлар, виллалар билан ўралган, йўл четида ариқлар оқиб ётар, томорқаларда етиширилган сабзавотларни чанг босган эди. Олисда — водийда деҳқонларнинг уйлари, ферма атрофларидағи кўм-кўк далалар, каналлар кўринарди, шимол томонда эса тоғлар қад кўтарганди. Ипподромга борадиган йўлда экипажлар кўп эди, дарвозада турган контролёр ҳарбий формада бўлганлигимиз учун бизни билетсиз ўtkазиб юборди. Биз экипаждан тушиб, программа сотиб олдик-да, айланани кесиб ўтиб, текис қаттиқ йўлкадан юриб томошабинлар турадиган ерга бордик. Трибуналар ёғочдан ишланиб, эскириб кетган, трибуналардан қўйида кассалар жойлашган, яна бошқа қатор кассалар отхоналарнинг олдида эди, тўсиқ олдида бир тўда солдатлар турешарди. Одам хийла бор эди. Қатта трибуна ортидаги дараҳтлар тагида чавандозлар отларни совутишмоқда. Биз танишларимизни кўриб қолдик ва Ферюсон билан Қэтринга курси топиб бердик-да, отларни томоша қила бошладик.

Чавандозлар отларни етаклаб совутишмоқда эди. Отлар каллаларини энгаштириб олганди. Улар ичида бири қорамтирик кўк тусда товланар, Кроуэлл, ўлай агар, уни бўяб қўйишибди, деб хуноб бўларди. Биз тузукроқ қараб унинг гали ҳақиатга яқин деб топдик. Бу отни

эгарлашга буйруқ бўлмасдан сал илгарироқ бир дақиқагина олиб чиқишиган эди. Чавандознинг енгидаги рақам бўйича программага қараб уни топдик. Ўнда қора ахта, лақаби Япалоқ деб ёзилган эди. Бир марта ҳам минг ливрдан ошириб соврин олмаган отларнинг чиқиши кутиларди. Кэтрин отнинг тузи жўрттага ўзгартиб қўйилганлигига амин эди. Фергюсон бунга унчалик ишонмасди. Мен ҳам отнинг тусиға ишонмасдим. Ҳаммамиз шу отга қўямиз дедик ва юз лир тикдик. Ҳисоб варақасида бу отга пул қўйганлар ўттиз беш карра қилиб оладилар дейилган эди. Кроузел билет олгани кетди, биз эса чавандозлар дараҳтлар тагида яна бир айланиб чиқишиганларини томоша қилиб турдик. Кейин улар отнинг бошини оҳиста қўйиб, улоқ бошланадиган ерга кетишли.

Биз улоқни томоша қилиш учун трибунага кўтарилидик. У пайтларда Сан-Сирода резина ленталар йўқ эди. Шунинг учун улоқбоши отларнинг ҳаммасини бир сафга тизиб,— отлар узоқдан жуда кичкина бўлиб кўринишарди,— сўнг узун қамчинини қарсиллатиб, чопишига рухсат берди. Отлар ёнгинамиздан ўтиб кетишиди. Қора от ҳаммадан олдинда борар, бурилишда эса барча отлардан қаттиқ ўзиб кетди. Мен улар орқа йўлдан қандай бораётганларини дурбиндан қўриб турар, чавандоз отнинг бошини бор кучи билан тортишга ҳаракат қилас, лекин от зўр куч билан сурис борар, улар бурилишдан олдинги йўлкага чиққанларида қора от бошқалардан анча олдинга ўтиб кетганди. У маррага етгандан кейин ҳам анчагача чопиб борди.

— Қандай яхши-я,— деди Кэтрин.— Биз уч минг лирдан ошиқроқ оладиган бўлдик. Жудаям зўр от экан.

— Умид қиласманки,— деди Кроузел,— отнинг бўёғи пулни олгунимизча тушиб кетмас.

— Йўқ, ростдан ҳам зўр от,— деди Кэтрин.— Қизиқ, мистер Мейерс унга тикдимикин?

— Ютдингизми?— қичқирдим мен Мейсерга. У бош силкиди.

— Мен эса ютмадим,— деди миссис Мейерс.— Сизчи, болалар, қайсисига қўювдингизлар?

— Япалоқقا.

— Ростданми? Унга ўттиз беш баравар беришади.

— Бизга уннинг тузи ёқиб қолди.

— Менга эса ёқмади. Жуда хароб бўлиб кўринган эди. Унга қўйиб овора бўлманг дейишувди.

— Кўп беришмайди,— деди Мейерс.

— Уттиз беш деб кўрсатишган,— дедим.

— Кўп беришмайди,— деди Мейерс.— Уни охирги дақиқаларда ўйинга тушириши.

— Ким?

— Кемптон ўз йигитлари билан. Мана кўтарсанз. Икки баравар беришса ҳам хўп гап.

— Нима, биз уч минг лир олмас эканмизми?— деди Қэтрин.— Шу улоқлари менга ёқмайди. Фирт алдамчилик.

— Биз икки юз лир оламиз.

— Шуям пулми. Кимга керак. Мен уч минг оламиз деб ўйлабман.

— Фирт муттаҳамлик, расвогарчилик,— деди Фергусон.

— Тўғри, шу алдамчилик бўлмаганда биз унга тикмаган бўлардик,— деди Қэтрин.— Лекин уч минг лир оламиз деб роса суюниб юрибман.

— Юринглар, пастга тушиб бирон нарса ичамиз, кейин қанча беришларини биламиз,— деди Кроуэлл.

Биз пастга — ғолибларнинг номлари ёзиладиган лавҳа олдига тушдик. Шу пайт ютуқ берилишига қўнфироқ чалинди ва Япалоқнинг қаршиисига «ўн саккиз эллик» кўрсаткичини илиб қўйишиди. Бу ютуқ икки баравардан ҳам кам дегани эди.

Биз катта трибуна тагидаги барга тушиб, бир стакандан содали виски ичдик. Бу ерда икки италян танишимиз ва вице-консул Мак Адамсни учратиб қолдик. Улар ҳам биз билан юқорига кўтарилишиди. Итальянлар ўзларини жуда сертакаллуф тутар эдилар. Мак Адамс Қэтрин билан гаплашиб ўтирди, биз эса пул тикиш учун пастга тушиб кетдик. Кассалардан бирининг олдида мистер Мейерс турарди.

— Сўранг-чи, қайсинга қўяркан,— дедим Кроуэлла.

— Қайсинга қўясиз, мистер Мейерс?— сўради Кроуэлл.

Мейерс ўзининг программасини олди-да, қалам билан бешинчи рақамни кўрсатди.

— Биз ҳам ўшанга қўйсак, қарши эмасмисиз?— сўради Кроуэлл.

— Бемалол, bemalol. **Фақат хотинимга мени айтди демангарлар.**

— Келинг, бирон нарса ичайлик,— дедим.

— Йүк, раҳмат. Мен сира ичмайман.

Биз бешинчи рақамга бир марта юз лир, кейин иккى юз лир қўйдик ва яна бир стакандан содали виски ичдик. Менинг жуда кайфиятим кўтарилид, биз яна иккита италян танишимизга дуч келдик ва уларнинг ҳар бири билан ҳам ичишдик-да, юқорига қайтиб чиқдик. Бу италянлар ҳам жуда сертакаллуф йигитлар бўлиб, боягилардан қолишимас эканлар. Уларнинг сермулозаматлиги дастидан ҳеч ким ўз ўрнида тинч ўтиролмас эди. Мен Кэтринга билетларни бердим.

— Қайси от?

— Билмадим. Мистер Мейерс айтганига қўйдик.

— Сиз ҳатто унинг номини ҳам билмайсизми?

— Йўқ. Программадан кўриш мумкин. Бешинчи рақами шекилли.

— Бирорвга чишпа-чин ишонишингизни-чи,— деди Кэтрин.

Бешинчи рақамли от ютди, лекин ютуқ ниҳоят оз эди.

Мистер Мейерснинг жаҳли чиқди.

— Йигирма лир олиш учун иккى юз лир тикиш керак,— деди у.— Үн лирга ўн икки лир. Овора бўлганга арзимайди. Хотиним йигирма лир ютди.

— Мен ҳам сизлар билан пастга тушаман,— деди Кэтрин. Италянларнинг ҳаммаси ўринларидан туришди. Биз пастга тушиб бордик.

— Бу ер сенга ёқадими?— сўради Кэтрин.

— Яхши. Ёмонмас.

— Одам зерикмас экан бу ерда,— деди у.— Лекин биласанми, жоним, ҳамма ёқни таниш босиб кетса ҳам бошим оғриди.

— Танишлар унчалик кўп эмас-ку.

— Тўғри. Лекин ану Мейерслар ва ану хотини ва қизлари билан чиқсан банкада ишлайдиган...

— У менинг чекларимга ҳақ тўлайди.

— У тўламаса, бошқаси тўларди. Ану тўртта италин ҳам бирам бошоғриғини.

— Кейинги чопишини шу ерда қолиб кўрсак ҳам бўлади.

— Қандай яхши. Биласанми, жоним, ўзимиз ҳечам

билмайдиган отга құйайлік, мистер Мейерс құймагани-
га құйайлік.

— Бүпти.

Биз «Кўзларнинг нури» деган отга тикдик ва у беш-
та отнинг ичидә тўртинги бўлиб келди. Биз панжарарага
суюниб, олдимиздан учеб ўтиб бораётган отларни то-
моша қиласардик, олиса тоғлар ва дараҳтлар, далалар
ортида Милан кўринарди.

— Мен ўзимизни бу ерда покиза бўлгандай ҳис
қиляпман,— деди Кэтрин.

Кўпириб кетган отлар қайтиб дарвозадан кириб
келишарди. Чавандозлар дараҳт тагида тушишдан ол-
дин уларни тинчлантиришарди.

— Ке, бирон нарса ичайлик. Фақат шу ернинг ўзи-
да отларни томоша қилиб ичамиз.

— Ҳозир олиб келаман,— дедим.

— Бола олиб келади,— деди Кэтрин. У қўлини кў-
тарган эди, ахтахоналар ёнидаги «Бутхона» барининг
хизматчиси югуриб келди. Биз темирдан ясалган доири
столга ўтирдик.

— Ўзимиз қолсак, яхши, тўғрими?

— Ҳа,— дедим.

— Ану одамларнинг олдида ўзимни шунчалар ёл-
ғиз сездимки.

— Бу ер соз экан,— дедим.

— Ҳа. Яхши ипподром экан.

— Ёмонмас.

— Сенинг роҳатингни бузгаётган бўлсан, айтгин,
жоним. Истаган заҳотинг тепага қайтиб чиқамиз.

— Йўқ,— дедим.— Шу ерда қолиб ичамиз. Кейин
стиплчезедаги ровга бориб сувни томоша қиласамиз.

— Менга шундай меҳрибонсан-ки,— деди у.

Бир қанча муддат икковимиз ёлғиз қолиб бирга
бўлганимиздан сўнг, бошқаларни кўрганда яна қувон-
дик.

Кун жуда яхши ўтди.

Йигирма биринчи боб

Сентябрда кечалари совуқ туша бошлади, кейин
кунлар ҳам совиди, паркдаги дараҳтларнинг барглари
сарғая бошлади, шунда биз ёз ўтганлигини англадик.

Фронтда аҳвол жуда ёмон эди, Сан-Габриеле ҳамон ишғол қилинмаганди. Байнзица ёйлотоғида жанглар тұхтаганди, ой ўрталарнга бориб жанглар Сан-Габриеледа ҳам тұхтади. Уни бары бир құлға киритолмадилар. Этторе фронтта жүнади. Отларни Римга олиб кетишди ва отчопарда улоқлар барқам топди. Кроуэлл ҳам Римга кетди, бу ердан у Америкага жұнатылыш керак эди. Шаҳарда икки марта урушға қарши ғалаёнлар бўлди. Туринда хийла тұполонлар бўлиб ўтибди. Бир инглиз майори менга клубда италянлар Байнзица ёйлотоги ва Сан-Габриеледа бир юз эллик минг одам талафот бердилар, деб айтди. Булардан ташқари италянлар Карсода яна қирқ минг одам йўқотишиди, деди у. Ичишдик ва унинг тили ечилди. Бу йил бошқа уруш бўлмайди деди у, италянлар ўзлари ҳазм қилолмайдиган луқмани ютиб қўйдилар. Фландриядаги ҳужумнинг миси чиқди, деди у. Агар бундан кейин ҳам шу куздагидек одамларни аямайдиган бўлишса, унда иттифоқдошларнинг тезда нафаси чиқмай қолади. Ҳаммамамизнинг тинкамиз қуриди. Ҳамма гап буни тан олмаслика. Қайси мамлакат ўзининг тинкаси қуриганлигини ҳаммадан кейин англаса, ўша мамлакат урушда ютиб чиқади. Яна ичдик. Сиз штабдан эмасмисиз. Йўқ. У эса — штабдан. Ҳаммаси бехуда. Биз икковлон клубнинг катта чарм диванида ястаниб ўтирадик. Унинг этиги хирароқ теридаң тикилган, ялагандай қилиб артилганди. Жуда пўрим этик эди. Ҳаммаси бехуда, деди у. Ҳамманинг фикри ёди дивизиялар ва уларни тўлдиришда бўлиб қолган. Дивизия сўраб бир-бирларини ғажиб ташлагудай бўлишади, қўлларига теккан куниёқ уни гўрга тиқиб келишади. Ҳамманинг тинкаси қуриди. Ғалаба нуқул немисларники бўлиб кетмоқда. Ана уларни, падарига лаънат, солдат деса бўлади! Қадимги хуннлар — чинакам солдатлар. Лекин уларнинг ҳам тинкаси қуриди. Ҳаммамизнинг тинкамиз қуриди. Мен русларни сўрадим. Уларнинг ҳам тинкаси қуриди, деди у. Уларнинг тинкаси қуриганлигини мен ўзим тезда кўрар эканман. Австрисларнинг ҳам тинкаси қуриди. Агар улар хуннларнинг бир неча дивизияларини қўлға киритишга мусассар бўлсалар, унда урушни бир амаллаб эплаштириб оладилар. Шу кузакда ҳужумга ўтармикинмиз? Албатта-да. Италянларини тинкаси қуриди. Уларнинг тинкаси қуриганлигини ҳам-

ма билади. Қари хуни Трентинодан ўтиб, Виченцада темир йўлни кесиб ташлайдио, италянлар тутдай тўкилади қолади. Авётрислар ўн олтинчи йилда шундай қилмоқчи бўлган эдилар, дедим мен. Немислар йўқ эди унда. Тўғри, дедим. Лекин улар бундай қилишмасов, деди у. Бу жуда осон. Улар мураккаброқ бир нарсани ўйлаб топишадио, шу билан тамом, тинка-мадорлари қурниди. Мен кетишим керак, дедим. Госпиталга боришим керак.

— Ҳайр,— деди у. Қейин қувноқлик билан қўшиб қўйди:— Ишингиз ўнгидан келсин.— Уннинг муҳокамаларидаги тушкунлик табнатидаги қувноқликка сира уйғун эмасди.

Сартарошхонага кириб соқолимни олдирдим, кейин госпиталга кетдим. Бу пайтга келиб оёғим анча дуруст бўлиб қолган, шунисига ҳам шукур қилмоқда эдим. Уч кун бурун мени қайта кўриқдан ўтказиши. Ospedale maggiore да даволанишим тугайёзган, батамом тузалишим учун битта-яримта дори-дармон олишимиғина қолган эди. Шунинг учун тор кўчадан оқсоқланмасдан юриб боришга ҳаракат қиласдим. Айвонча тагида бир чол қофоз суратлар қирқарди. Иккита қиз унинг олдида туришар, чол бошини ён томонга эпкайтириб, қизларга қарай-қарай чаққонлик билан қайчида қофоз қирқиб бораради. Қизлар ҳиҳилашарди. У силуэтларни оқ қофозга қўйиб қизларга елимлаб беришдан олдин менга кўрсатди.

— Қалай, дурустми?— деди у.— Қалай, сизга ҳам ишлаб берайми, тененте?

Қизлар ўз шаклларини томоша қила-қила кулишганча кетишиди. Иккалалари ҳам ёқимтойгина эдилар. Улардан бири госпиталь қаршисидаги емакхонада ишларди.

— Майли,— дедим.

— Шапкангизни олиб қўйсангиз.

— Йўқ, шапка билан.

— Унча яхши чиқмайди,— деди чол.— Шошмангчи,— уннинг юзи ёришди,— айтганингиздай, бу ҳатто пўримроқ чиқаркан.

. У қайчи билан қора қофозни қирқа кетди, кейин қофозни иккига ажратиб, ҳар иккала шаклни картонга елимлаб ёпишитирди-да, менга узатди.

— Қанча беришим керак?

— Қеракмас, керакмас,— құлнин силтади у.— Мен сизга шундоғ қилиб бердим.

— Марҳамат,— мен чүнтагимдан танга олдим.— Құлнимни қайтарманг.

— Йұқ, Мен уларни құнгил хушига ишладим. Сев-
ган қизингизга тортиқ қилинг.

— Раҳмат. Хайр.

— Құришгунча.

Госпиталга қайтдим. Идорада менга хатлар бор экан, биттаси расмий ва яна бир қанча хатлар. Менга соғлигимни яхшилаш учун уч ҳафталик отпуска берилди, ундан кейин фронтта қайтишим керак экан. Мен хатни яна бир карра диққат билан ўқиб чиқдим. Ҳа, худди үзим айтганимдай. Отпуска даволанишим тугайдиган кундан, 4 октябрдан бошланаркан. Уч ҳафтаси йигирма бир кун. Бу 25 октябрь дегани. Мен яна бир оз айланиб келаман деб, госпиталдан бир қанча уй наридаги ресторанга овқатланиш, хатларни күриш ва «Коръере делла сера»ни ўқиши учун йўл олдим. Хатларнинг бири бобомдан эди, унда оиласвий янгиликлар ёзилган, ватанпарварлик йўсенида бир қанча масла-
ҳатлар берилган, икки юз долларлик чек ва бир қанча газета қирқимлари юборилган эди. Кейин яна бир зерикарли хат кашишимиздан, бошқаси шўх улфатлар ичи-
га тушиб қолган француз ҳаво кучларида хизмат қилув-
чи таниш учувчидан,— у ўз шўхликлари ҳақида ҳикоя қилибди,— яна бири Ринальдидан эди; у ҳали Миланда узоқ ўтирасизми, қандай янгиликлар бор, деб сўрабди. Рўйхат юбориб, шу рўйхатдаги граммофон пластинкала-
рини келтиришимни илтимос қилибди. Мен овқат билан бир шиша къяни буюрдим, кейин коньякли кофе ичдим, газетани ўқиб чиқдим, ҳамма хатларни чүнта-
гимга солдим, газетани стол устида чой пули билан қўшиб қолдирдим-да, чиқиб кетдим. Госпиталда, ўз хонамда формамни ечиб, халат ва пижама кийдим, балкон эшигидаги пардаларни тушириб, ўрнимга ён-
бошлаб ётдим-да, Бостон газеталарини ўқишига кириш-
дим. Буларни ўз йигитларига миссис Мейерс келтирган-
ди. «Чикаго-Уайт-Сокс» командаси Америка лигасининг совринини олибди, Миллий лигада эса «Нью-Йорк-Жайэнтс» командаси олдинда экан. Бейб Рут ҳозир Бостонда ўйнамоқда экан. Газеталар зерикарли, янги-
ликлар хира ва тор, фронтдан олинган хабарлар эс-

кирган әди. Америка янгиликларидан бўлса фақат ўқув лагерида бўлмаганим учун севиндим. Спорт хабарларидан ташқари бошқа ҳеч нарсани ўқий олмадим, ўқиганларимни ҳам қиласиган иш бўлмагани учунгина ўқидим. Бирдан кўп газета ўқисанг, унчалик қизиқмай ўқийсан. Газеталар янги эмасди, шундай бўлса-да, мен уларни ўқир әди. Агар Америка чинкам урушга кирса, спорт союзлари беркилармикин, деб ўйладим. Беркилмаса керак. Уруш авжида бўлишига қарамай Миланда ҳамон улоқ чопишлар бўлиб турарди. Францияда эса энди улоқлар чопилмас әди. Бизнинг Япалогимизни ўша ердан келтиришган. Қэтрининг навбатчилиги фақат тўққиздан бошланарди. У навбатчиликка келганида, унинг қадам товушларини эшитдим, бир марта очиқ эшикдан ўзини ҳам кўрдим. У бир қаича палаталарни айланиб чиқди-да, ниҳоят, олдимга кирди.

— Бугун кеч келдим, жоним,— деди у.— Иш кўп. Хўш, ўзинг қалайсан?

Мен унга газеталарни, отпусканни гапириб бердим.

— Мунча яхши,— деди у.— Қаерга бормоқчисан?

— Ҳеч ёққа. Шу ерда қолсам дейман.

— Бўлмаган гап. Сен бир яхши жойни танлагин, мен ҳам сен билан бораман.

— Борасанми, қандай қилиб?

— Билмадим. Амаллармиз.

— Шакарим.

— Унчаликмас. Шундан бошқа чора қолмагандан кейин ҳаммасини қиласан.

— Нима деганинг бу?

— Ҳеч нима. Мен фақат ўтиб бўлмайдиган бўлиб кўринган тўсиқлар энди ҳеч нарсага арзимаслигини билдим.

— Менимча, буни эплаш қийин бўлади.

— Сира ҳам жоним. Нари борса, ҳаммасини ташлаб кетаман. Лекин бунчаликка бормас дейман.

— Қаёққа борамиз?

— Барибир. Қаерга хоҳлассанг. Фақат танишлар йўқ жойни танла.

— Ростдан ҳам қаерга боришимиз сенга бари бирми?

— Ҳа. Кетсак бўлгани.

У нимадандир безовта ва ташвишли кўринарди.

- Нима бўлди, Кэтрин?
- Ҳеч нима. Ҳеч нима бўлгани йўқ.
- Тўғримас.
- Тўғри. Ҳеч нарса бўлгани йўқ.
- Ундаи эмас, биламан. Айт, жоним. Менга айт-
масанг кимга айтасан.
- Ҳеч нарса бўлмади.
- Айт.
- Истамайман. Кўнглингни оғритиши ёки ташвиш-
га солиши мумкин.
- Кўйсанг-чи.
- Ростми? Бу мени ранжитмайди, лекин сени ран-
житиши мумкин.
- Сени ранжитмаган нарса нега мени ранжитар
экан.
- Айтгим келмаяпти,
- Айт.
- Шартми?
- Ха.
- Менинг фарзандим бўлади, жоним. Уч ойча бў-
либ қолди. Лекин сен ранжимайсан, тўғрими? Керак-
мас. Ранжима.
- Ранжимайман.
- Ростданам ранжимайсанми?
- Албатта.
- Мен нималар қилмадим. Ҳаммасини қилиб кўр-
дим, лекин сира нафи бўлмади.
- Мен сира хафа бўлганим йўқ.
- Шундай бўлиб тургандан кейин мен ҳам хафа
бўлиб ўтирадим, жоним. Сен ҳам хафа бўлиб дилинг-
ни хира қилиб юрма.
- Менга сен саломат бўлсанг, бас.
- Мени ўйлайверма. Ҳамма туғади. Бошқаларда
ҳамма вақт бола туғилади. Ҳеч бунинг ажабланадиган
жойи йўқ.
- Малагим.
- Эркалаб юбординг, Лекин сен бу ҳақда ҳадеб
ўйлайверма, жоним. Мен сенга ташвиш ортириласликка
ҳаракат қиласман. Биламан, ҳозир сени ташвишга қўй-
дим. Лекин мен шу кунгача ҳеч нарсани билдирамадим,
тўғрими? Сен хаёлингга ҳам келтирмаган эдинг-ку?
- Йўқ.
- Бундан кейин ҳам шундай бўлади. Сен ҳеч қачон

ташвиш тортмаслигинг керак. Кўриб турибман ранжи-
ганингни. Бас қил. Ҳозироқ бас қил. Балки бирон нар-
са ичарсан, жоним? Биламан, озгина ичсанг, кўнглениг
очилади.

— Йўқ. Мен шундоқ ҳам хурсандман. Шакарим.

— Эркалаб юбордилг. Мен ҳаммасини тўғрилайман,
биз бирга бўламиз, фақат сен қаерга боришимизни
аниқлассанг бўлди. Октябрь яхши ой. Биз вақтимизни
жуда ҳам ажойиб қилиб ўтказамиз, жоним, сен фропта
кетганингда эса, ҳар куни хат ёзаман.

— Узинг қаерда бўласан?

— Мен ҳали билмайман. Лекин энг яхши жойда бў-
лишга ҳаракат қиласман. Ҳаммаси яхши бўлади.

Биз жим бўлиб қолдик, гапдан тўхтадик. Қэтрин тў-
шакда ўтирас, мен ундан кўзимни узмас, лекин бир-би-
римизга тегмасдик. Хонага чет киши кириб қолганда
ҳамма сергак тортиб, ўзи билан ўзи бўлиб қолгандай,
биз ҳам ҳозир ўз хаёлимиз билан банд эдик. У қўлни
чўзиб менинг қўлимга қўйди.

— Сен хафамасмисан, жоним, айт?

— Йўқ.

— Узингни худди тузоққа тушгандай ҳис қилмаяп-
санми?

— Эҳтимол, бир оз шундайдир лекин бу сен туфай-
ли эмас.

— Мен ҳам шундай деб ўйлаяпман. Қўй, шунақа
гапларни гапирма. Мен умуман тузоққа демоқчиман.

— Физиология доимо тузоқ.

У қимир этгани, қўлинни тортиб олгани ҳам йўқ, ле-
кин пазаримда бир эумда мендан йироқлашиб кетган-
дай бўлди.

— Хунук сўз. Нега доимо, дейсан.

— Кечир.

— Ҳечқиси йўқ. Лекин биласанми, менинг биринчи
марта бўйимда бўлиши, биринчи марта бировни севи-
шим. Мен сен хоҳлагандай бўлишга тиришдим, сен бўл-
санг, томдан тараша тушгандай қилиб «доимо» деб ўти-
рибсан.

— Тилимни кесиб ташласам рози бўласанми? — де-
йсан.

— Жоним! — У узоқлардан яна ёнимга қайтди. —
Эътибор берма. — Биз яна бирга эдик, орамиздан гина-
кудурат кўтарилидди. — Ахир, икковимиз бир одаммиз.

шунинг учун майда-чуйда нарсаларга ижикилашиб ўтирасак яхши бўлмайди.

— Кераги ҳам йўқ.

— Бунақа гаплар бўлиб туради. Одамлар бир-бирларини севишади-да, майда-чуйда гаплар билан бир-бирларининг таъбларини хира қилишади, жанжаллашишади, кейин тўсиндан бошқа — бошқа одам бўлиб қолишади.

— Биз ҳеч қачон уришмаймиз.

— Кераги ҳам йўқ. Дунёдаги ҳамма бошқа одамлар олдида биз бир одаммиз. Агар бизга бирон нарса бўлса, биз тамом бўламиз, улар бизни тутиб олишади.

— Уларнинг қўллари етмайди бизга,— дедим.— Чунки сен жуда мардсан. Мардлар эса балолардан йироқ бўладилар.

— Барибир мардлар ҳам ўладилар.

— Фақат бир марта.

— Шундаймикин? Ким айтган буни?

— Қўрқоқ минг марта, мард бир марта ўлади дебми?

— Ҳа-да. Ким айтган буни?

— Билмадим.

— Үзи қўрқоқ бўлган шекилли,— деди у.— У қўрқоқларни яхши биларкан, лекин мардларни сира тушунмас экан. Мард агар ақлли бўлса, икки минг марта ўлиши мумкин. Фақат буни чўзилиб гапириб ўтирамайди.

— Билмадим. Марднинг юрагини кўриб бўлмайди.

— Ҳа. У щуниси билан кучли.

— Сен жуда доно экансан.

— Сен ҳақсан, жоним. Бу гапинг тўғри.

— Сен ўзинг мардсан.

— Йўқ,— деди у.— Лекин мен мард бўлишни истардим.

— Мен эса, мард эмасман,— дедим.— Мен ўз қадримни биламан. Буни билишга вақтим етарли бўлган эди. Мен бир мавсумда йигирма иккени урадиган ва шундан бошқага қодир эмаслигини билган бейсболчига ўхшайман.

— «Мавсумда йигирма иккени урадиган», деганинг нимаси? Катта гапга ўхшайди.

— Катта гап эмас. Бу бейсбол командасида ўртамиёна ҳужумчи дегани.

- Барибир ҳужумчи әкан-ку,— масхара қилда у мени.
- Биз бир-биrimizga гап бермайдиган одамларга үхшаймиз,— дедим.— Лекин сен мардсан.
- Иўқ. Аммо бир кун келиб мард бўлиш умидим бор.
- Икковимиз ҳам мардмиз,— дедим.— Мен ичганимда жуда ҳам мард бўлиб кетаман.
- Биз ажойиб одамлармиз,— деди Қэтрин. У шкафдан конъяк билан стакан олди.— Ич, жоним,— деди у.— Бу сенга ахлоқинг яхши бўлгани учун.
- Ичгим келмаянти.
- Ич, ич.
- Ҳай, майли.— Мен стаканга озроқ кошъяк қуийб ичдим.
- Шуниси ҳам борки,— деди у.— Конъяк қаҳрамонлар ичимлиги әканлигини мен биламан. Лекин кўп ичмаган маъқул.
- Урушдан кейин биз қаерда яшаймиз?
- Ажабмас ибодатхонада яшасак,— деди у.— Мен соддалик қилиб уч йилдан бери уруш Исо туғилган кунда тугайди, деб юрибман. Лекин энди мен уруш ўғлимиз лейтенант бўлганда тугайди деб турибман.
- Балки у генерал бўлар.
- Агар бу юз йиллик уруш бўлса, генерал бўлишга ҳам улгуради.
- Озгина ичмайсанми?
- Иўқ. Сен конъяк иссанг, доим қайфиятинг кўтарилади, менинг бўлса, бошим айланади.
- Сен сира конъяк ичмаганмисан?
- Иўқ, жоним. Мен жуда қолоқ хотинман. Мен шишага қўл чўзиб, ўзимга яна конъяк қўйдим.
- Бориб ватандошларингдан хабар олиб келай,— деди Қэтрин.— Унгача балки газета ўқиб турарсан?
- Бормасанг бўлмайдими?
- Ҳозир бўлмаса, кейинроқ.
- Унда ҳозир.
- Унда тез қайтаман.
- Мен газеталарни ўқиб турман.

Иигирма иккинчи боб

Кечаси совуқ бўлди, эртасига ёмғир ёғди. Мен Osprey Maggiore дан қайтаётганимда, ёмғир қаттиқ ёғмоқда эди, тоза бўқдим. Хонамнинг балконига ёмғир сели урилар, шамол, ҳатто балкон эшигига довур ёмғирни ҳайдаб келарди. Мен бошқатдан кийиниб, коњяк ичдим, лекин коњякнинг мазаси ёмон эди. Кечаси ўзимни ёмон сездим, эрталабки чойдан сўнг қайт қилдим.

— Ҳаммаси равшан,— деди госпиталь врачи.— Қўзининг оқига қаранг, мисс.

Мисс Гэйж қаради. Ўзингиз ҳам қаранг деб, менга ҳам ойна беришди. Қўзимнинг оқи сарғайиб кетган эди, сариқ бўлиб қолибман. Икки ҳафта тўшакда ётдим. Шуни деб отпускам бузилди, вақтимизни бирга ўтказолмадик. Биз Лаго-Мажоредаги Палланцага бормоқчи эдик. Кузда дараҳтлар сарғая бошлаганда у ер чиройли бўлади. Қўрадиган, томоша қиладиган жойлар кўп, кўлда хонбалиқ тутиш мумкин. У ер Стрезадан ҳам яхши эди, чунки Палланцада одам сийракроқ бўларди. Стрезага Миландан бориш осон эди, танишлар ҳам кўп эди. Палланца яқинида эса кўркам қишлоқлар бор эди, эшқаклик қайиққа тушиб, балиқчиларнинг оролларигача бориш мумкин эди, оролнинг ўзида эса ресторон бўларди. Лекин биз боролмай қолдик.

Бир куни сариқ бўлиб ётсам, мисс Ван-Кампен хонамга кириб, шкафни очиб шишаларни кўриб қолди. Мен ҳозиргина қоровулни чақириб бир тўда шишаларни бериб юборган эдим, эҳтимол, мисс Ван-Кампен уни кўриб қолиб яна йўқмикин деб, кирганга ўхшарди. Ҳаммадан ҳам вермут, марсала, капри, къянтидан қолган шишалар кўп эди, бир нечта коњяк шиша бор эди. Қоровул вермутнинг каттакон шишалари билан къянтининг похол саватчаларга ўралган бақалоқ шишаларни олиб кетаман девди. Мисс Ван-Кампен топган шишалар коњякдан қолган шишалар бўлиб, биттаси айиқ шаклида ишланган кюммель флягаси эди. Мисс Ван-Кампенни айниқса айиқ-шиша жонини чиқариб юборди. У шишани қўлига олди. Айиқ олдинги оёқларини кўтариб орқа оёқларида ўтирас, унинг шиша бошида эса тиқини бор эди, шиша тагида бир қанча ёпишқоқ заррачалар кўриниб турарди. Мен кулдим.

— Кюммелъ шишаси,— дедим мен.— Энг яхши кюммелни мана шундай айиқ-шишаларда сотишади. Уни Россиядан келтиришади.

— Булар ҳаммаси, янглишмасам, конъяк шишалари бўлса керак?— сўради мисс Ван-Кампен.

— Менга бу ердан кўринмаяпти,— дедим.— Айтганингиз тўғри бўлса керак.

— Бу қачондан бери давом этади?

— Уларни ўзим сотиб олиб келардим,— дедим. Олдимга тез-тез италян офицерлари келиб туришади, уларни меҳмон қилиш учун конъяк олиб қўйган эдим.

— Ўзингиз ичмас эдингиз, шундайми?

— Узим ҳам ичардим.

— Конъяк!— деди у.— Үн битта бўшатилган конъяк шишаси ва анови айиқ суюқлиги.

— Кюммелъ.

— Ҳозир одам юбораман, буларни йўқотсин. Бошқа бўш шишаларингиз йўқдир?

— Ҳозирча йўқ.

— Мен бўлсам, сизга яна ачиниб ўтирибман. Садқаи ачиниш.

— Ташаккур.

— Биламан, ҳеч кимнинг фронтга қайтгиси келмайди. Лекин сиз алкоголь ичиб, ўзингизни сариқ қилишдан кўра тузукроқ нарсани ўйлаб топсангиз, маъқул бўлар эди.

— Нима дедингиз?

— Алкоголь ичиб дейман. Мен нима деганимни сиз жуда яхши эшитдингиз.— Мен миқ этмадим.— Сариқдан бошқа бирон нарса ўйлаб топмасангиз, қўрқаманки, тузалишингиз билан сизни фронтга жўнатишга тўғри келади. Ўзингизни атайлаб сариқ қилганингиз учун саломатликни тиклашга берилган отпуска бекор бўлса ажабмас.

— Наҳотки?

— Худди шундай.

— Сиз сира сариқ билан оғриганимисиз, мисс Ван-Кампен?

— Иўқ. Лекин мен бу касални кўп кузатганман.

— Сиз bemорлар бу касалдан маза қилганларини кўрганимисиз?

— Ҳар ҳолда бу фронтдан дуруст бўлса керак-да.

— Мисс Ван-Кампен,— дедим мен,— сиз ҳеч ҳар-

бий хизметдан бош тортиш мақсадида ўз моягига ўзи тенгтан одамни күрганмисиз?

Мисс Ван-Кампен саволни әшиитмаганга олди. У ё ўзини әшиитмаганга олиши, ё хонадан чиқиб кетиши көрек эди. Унинг кетгиси келмасди, чунки анчадан бери мени күргани кўзи йўқ, энди ўч оладиган пайт келиб қолган эди.

— Мен фронтдан қочиш учун ўзларига жўрттага зарар етказган одамларни кўп күрганман.

— Гап унда эмас. Жўрттага ўзларини заарлаганларни мен ҳам күрганман. Мен сиздан ҳарбий хизметдан қочиш учун ўз моягига ўзи тепган одамни күрганмисиз, деб сўраяпман? Шу сариқ билан оғриганга яқин. Буни унча-мунча хотинлар билавермайдилар. Мана шунинг учун ҳам сиздан сариқ билан оғриганмисиз деб сўрадим, мисс Ван-Кампен, чунки...

Мисс Ван-Кампен хонадан чиқиб кетди. Кўп ўтмай мисс Гэйж кирди.

— Ван-Кампенга нима дедингиз? Жон-пони чиқиб кетибди.

— Биз ҳар хил шароитда одам ўзини қандай ҳис қилиши мумкинлигини гаплашдик. Мен айтдимки, у киши ҳеч қачон туғиб кўрмаганлар деб...

— Жинни бўлибсиз,— деди Гэйж.— У терингизни тириклай шилиб олишга тайёр.

— Шиладиганини шилиб бўлди,— дедим.— У отпускамни бекор қилиб, энди мени дала судига беришдан ҳам тоймас. Қўлидан ҳар нарса келади.

— Унинг сизни кўргани кўзи йўқ эди ўзи,— деди Гэйж.— Нима қилиб айтишиб қолдинглар?

— У фронтга қайтиб бормаслик учун жўрттага кўп ичкилик ичгансиз, дейди.

— Уфф,— деди Гэйж.— Мен оғзингизга бир томчи ҳам олмагансиз деб қасам ичишим мумкин. Сиз оғзингизга ҳеч қачон бир томчи ҳам ичимлик олмаганингизни ҳамма билади.

— У шишаларни топиб олди.

— Юз марта сизга айтдим: шу шишаларни олиш керак деб. Қани улар?

— Шкафда.

— Чамадонингиз борми?

— Манави халтага солинг.

Мисс Гэйж шишаларни халтага жойлаштириди.

— Уларни қоровулга бераман,— деди у эшикка юрар экан.

— Бир минутга,— деди Ван-Кампен.— Бу шиша-ларни мен ола кетаман.— У ўзи билан қоровулни ҳам олиб келган эди.— Қани, уларни күтариңг-чи,— деди у.— Мен уларни доктор келганды күрсатмоқчиман.

У йўлакка чиқиб кетди. Қоровул орқасидан халтани күтарди. У халтада нима борлигини биларди.

Ҳеч нарса бўлмади, фақат отпускамдан айрилдим.

Иигирма учинчи боб

Фронтга жўнайдиган куним кечқурун қоровулни поезд Туриндан келиши биланоқ жой эгаллашга чиқардим. Поезд ярим кечаси жўнар эди. Состав Туринда ташкил этилиб, соат ўн яримларда Миланга келар ва то жўнатилгунча перронда туарар эди. Жой олиш учун вокзалга поезд келмасидан чиқиб туриш керак эди. Қоровул ёнига отпускага келган пулемётчи ўртоғини олиб, икки киши бўлсак жой олиш осон бўлади деб вокзалга кетди. Мен уларга перрон билетига пул бердим-да, юкларимни ҳам олволишларини сўрадим. Катта бир рюзагим ва иккита сафар сумкам бор эди.

Соат бешларда госпиталдагилар билан хайрлашиб чиқдим. Қоровул юкларимни ўз хонасига олиб бориб қўйган экан, унга вокзалда ярим кечадан олдинроқ бўламан, дедим. Унинг хотини мени „signorino“ деб атади ва йиғлаб юборди. Кейин кўзларини артиб, қўлларимни силкиди-да, сўнг яна йиғлаб юборди. Мен унинг елкасига қоқиб қўйдим, шунда у яна йиғлаб олди. Бу паст бўйли, юмалоққина, соchlари оқариб кетган, меҳрибон юзли аёл эди. У доим менинг пайпоқларимни ямаб берарди. У йиғлаганда бутун юзи ёйилиб кетарди. Мен бурчакдаги барга бордим-да, деразага қараб кута бошладим. Кўча қоронғи эди, совуқ эди, тумани эди. Мен граппа қўшилган қаҳванинг ҳақини тўладим-да, деразадан тушган ёргулик парчасида ўткинчиларнинг ўтиб боришини кузата бошладим. Мен Кэтринни кўриб ойнани тиқиллатдим. У бурилиб қаради, мени кўриб жилмайди ва мен унга пешвоз чиқдим. У устига қорамтири кўк ёмғирпўш илган, бошига юмшоқ шляпа кийганди. Биз хиёбондан — вино дўконлари ёнидан юриб кетдик, кейин бозор майдонидан ўтиб яна

күчага чиқдик-да, арк остидан ўтиб, жоме майдонига чиқдик. Майдонни трамвай йўллари кесиб ўтар, жоме йўлнинг нариги томонида жойлашган эди. Жоме оқ ва туманда рутубатли кўринарди. Трамвай йўлларини кесиб ўтдик. Чап томонимизда ёруғ витринали магазинлар ва Galleria га кирадиган жой бор эди. Майдон устида туман қуюқлашиб борарди, жоме ҳам яқиндан жуда маҳобатли кўринар, девор тошлари эса нам тортган эди.

— Киранизми?

— Иўқ,— деди Қэтрин.

Яна юриб кетдик. Девордан чиқарилган тош тиргакларнинг панасида бир солдат қиз билан туарди, ёнларидан ўтиб кетдик. Улар деворга маҳкам қисилишиб туришар, солдат қизни ёмғирпӯши билан ўраб олганди.

— Улар бизга ўхшайди,— дедим.

— Ҳеч ким бизга ўхшамайди,— деди Қэтрин. Ҳозир унинг ичига чироқ ёқса ёримасди.

— Уларнинг борадиган жойлари ҳам йўқ.

— Балки шундай бўлгани уларга маъқулроқдир.

— Билмадим. Ишқилиб, одамнинг борадиган жойи бўлиши керак.

— Уларнинг жомелари бор,— деди Қэтрин.

Биз жомедан ўтдик. Нариги бетга ўтиб унга қарадик. Жоме туманда чиройли кўринарди. Биз чарм товарлар магазини олдида тўхтадик. Витринага чавандозларнинг этиклари, рюкзаклар, чанғида учганда кийладиган оёқ кийимлари қўйилган эди. Улар алоҳида алоҳида қўйилганди: ўртада рюкзак, бир томонда этик, иккинчи томонда чанғи кийими туарди. Чарм қорамтири, силлиқ, худди эски эгардай йилтиарди. Электр нури хира йилтилаб турган чармга узун йилтироқ йўллар солганди.

— Насиб қилса сен билан ҳали роса чанғи учамиз.

— Икки ойдан кейин Мюрренда чанғи мавсуми бошланади,— деди Қэтрин.

— Уша ерга борамиз, хўпми?

— Бўпти,— деди у. Биз бошқа витриналар олдидан ўтиб, ён кўчага бурилдик.

— Мен бу ердан сира юрмаганман.

— Мен бу йўлдан доим Ospedale Maggiore га қатар өдим,— дедим.

Күча тор бўлиб, биз ўнг томондан юриб борардик. Қуюқ туманда қаршимиздан кўп йўловчилар келарди. Биз ўтиб бораётган ҳамма дўконларнинг деразалари ёруғ эди: Биз бир деразадаги сирдан ишланган пира-мидага тикилиб қолдик. Қурол-яроғ дўкони олдида тўхтадик.

— Бирпасга кириб чиқайлик. Мен у-бу сотиб оли-шим керак.

— Нима?

— Пистолет.

Биз ичкарига кирдик, мен камарим билан тўппон-чамнинг бўш ғилофини ечиб пештахта устига қўйдим. Пештахта ортида икки хотин турарди. Улар менга бир қанча тўппончаларни кўрсатишди.

— Менга ғилофга тушадигани керак,— дедим ғи-лофни очарканман. Ғилоф кул ранг, чармдан қилин-ган бўлиб, уни шаҳарда тақиб юриш учун олган эдим.

— Булар яхши тўппончаларми?— сўради Кэтрин.

— Ҳаммаси деярли бир хил. Машовинисини отиб кўриш мумкинми?— сўрадим хотиндан.

— Ҳозир отадиган жойимиз йўқ,— деди у.— Лекин у жуда ҳам яхши. Хурсанд бўласиз.

Мен тепкини тушириб, лўқидонни тортдим. Лўқидон пружинаси қаттиқ эди, аммо тиқилмай келди. Мен мўл-жалга олиб тепкини босдим.

— У янги эмас,— деди аёл.— Отишга уста бир офи-цер бор эди, ўшаники.

— Сиздан сотиб олганмиди?

— Ҳа.

— Яна қандай қилиб қўлингизга тушди?

— Уша офицернинг хизматчиси келтирди.

— Балки менини ҳам сиздадир,— дедим мен.—

Қанча?

— Эллик лир. Жудаям арzon.

— Яхши. Менга яна иккита ўқдон билан қути патрон беринг.

У пештахта тагидан ўқдон билан ўқларни олди.

— Балки сизга қилинч ҳам керакдир?— сўради аёл.— Менда тутилган қилич бор, арzonга берардим.

— Мен фронтга кетялман.

— Ҳа, унда сизга қиличининг кераги йўқ,— деди у.

Мен ўқлар билан тўппончалинг ҳақини тўладим, ўқдонга ўқларни жойлаб, ўрнига қўйдим, тўппончани

ғиофга солдим; қолган ҳар иккала ўқдонга ҳам ўқларни жойлаб қўйдим-да, уларни ғиофнинг чарм кисса сасига солдим, кейин камарни тақиб қадаб олдим. Тўппонча оғирлигидан камарни ластга тортиб турарди. Барибир армияда бериладиган тўппончага етмайди, деб ўйладим. Уларга ҳар доим патрон толиш мумкин.

— Мана энди тўла-тўқис қуролланиб олдик,— дедим.— Фронтга жўнашдан олдин қилинадиган бирдан-бир ишим шу эди. Үзимникини госпиталга жўнатишашётганди кимдир олиб қўйибди.

— Ишқилиб, яхши бўлсин-да,— деди Қэтрин.

— Балки сизга яна бирон нарса керакдир,— сўради аёл.

— Керакка ўхшамаётибди.

— Шнурли пистолетчи?— деди у.

— Ҳа, кўрдим.

Аёл яна бирон нарса сотгиси келаётганди.

— Балки сизга ҳуштак керакдир?

— Унчалик керакмас.

Аёл «хайр» деди ва биз кўчага чиқдик. Қэтрин дебраздан қаради. Аёл бошини чиқариб бизга таъзим қилди.

— Еғоч ғиофга солинган кўзгу нимайди?

— Қушларга тузоқ. Шунаقا кўзгу билан далага чиқишиади, тўргайлар йилтиллаган кўзгуга келишиади, шунда уларни ўлдиришиади.

— Устомон бўларкан бу италянлар,— деди Қэтрин.— Сизларда, Америкада тўргайларни отишмайди, а, жоним?

— Тасодифан отишмаса, отишмайди.

Биз кўчани кесиб ўтиб нариги бетдан юрдик.

— Ҳозир анча дуруст бўлиб қолдим,— деди Қэтрин.— Кўчага чиққанимизда жуда мазам қочган эди.

— Бирга бўлсак доим яхши.

— Биз доимо бирга бўламиз.

— Бугун ярим кечаси жўнаб кетишимни ҳисобга олмаганди, шундай.

— Бу ҳақда ўйлама, жоним.

Биз кўчада юриб борардик. Туманда чироқлар сарғимтирил кўринарди.

— Чарчамадингми?— сўради Қэтрин.

— Сен-чи?

— Гўй. Шундай кезиб юриш ёқимли,

— Фақат жудаям узоқ юрмаслик керак.

— Яхши.

Биз чорраңагача бордик-да, ён күчага бурилдяк, бу күчада чироқлар йўқ эди. Мен тўхтаб, Қетринни ўпдим. Упайтганимда унинг қўлини елкамда ҳис қилдим. У менинг ёмғирпўшими билан ўзини ҳам, мени ҳам ўради. Биз баланд девор панасида, йўлкада турадик.

— Бирон ёққа бора қолайлик,— дедим.

— Хўп,— деди Қетрин. Биз ён күчадан катта кўчага чиққунча юриб бордик, биз чиққан каттароқ кўча каналга олиб борарди. Нариги томонда риштии уйлар бор. эди. Кўчадан чиқаверишда мен кўприкдан ўтиб бораётган трамвайнин кўрдим.

— Кўприкда экипаж топамиз,— дедим. Биз кўприкда, туман ичиде экипаж кутиб турдик. Енимиздан уйларига шошаётган одамлар билан лиқ тўлган трамвайлар ўтиб борарди. Кейин экипаж ўтди, аммо унда одам бор эди. Ёмғир имирслай бошлади.

— Яёв борамизми ё трамвайга ўтирамизми?— деди Қетрин.

— Ҳозир экипаж топамиз, бу ерда кўп бўлади,— дедим.

— Ана, ўзиям келиб қолди,— деди у.

Кучер отни тўхтатиб, счётчигининг белгисини тушиб қўйди. Араванинг усти кўтариб қўйилган, кучернинг плашига ёмғир томчилари ўрнашиб қолган эди. Унинг локланган цилинтри нам текканидан йилтираб туради. Биз биргаликда орқа ўриндиқча ўтирдик, экипажнинг тепаси кўтариб қўйилганидан ичи қоронги эди.

— Қаерга боришимизни унга айтдингми?

— Ҳа, вокзалга. Вокзалнинг қаршисида отель бор, ўшанга борамиз.

— Отелга шундай ўзимизни — юкимизсиз киритадими?

— Киритади,— дедим.

Ёмғирда тор кўчалардан вокзалга узоқ юриб бордик.

— Овқатланиб олмаймизми?— сўради Қетрин.— Мен очқагандай бўлдим.

— Биз ўз номеримизда овқатланамиз.

— Мен кийиниб оладиган ҳеч нарсам йўқ. Ҳатто туиги кўйлагим ҳам йўқ.

— Бўлмаса, сотиб оламиз,— дедим ва кучерни чақирдим:— Виа-Манционидан юрайлик.

У бошини қимирлатди ва чорраҳага келганда, чапга бурилди.

Виа-Манционида Қэтрин магазин қидира бошлади.

— Мана шу ерда,— деди у. Мен кучерни тўхтатдим. Қэтрин тушди, йўлкадан ўтиб ичкарига кириб кетди. Мен ўриндиққа суюниб уни кута бошладим. Ёмғир тинмай ёғар, кўчадан намхуш ҳид анқир, отнинг сагридан ҳовур кўтарилаарди. Қэтрин тугунчак кўтариб чиқди ва биз йўлда давом этдик.

— Жудаям совурмачиман-да, жоним,— деди у,— лекин кўйлак шунақаям чиройли эканки.

Отелга келганимиздан сўнг мен Қэтринни экипажда қолдириб, ўзим бошқарувчи билан гаплашгани ичкарига кириб кетдим. Номерлар исталганча топилар экан. Мен экипажга қайтдим, кучерга йулини тўладим-да, Қэтрин билан бирга отелга кирдик. Тугмачалари йилтироқ бола тугунчани кўтариб олди. Бошқарувчи таъзим билан бизни лифтга таклиф қилди. Қаёққа қараманг, кўзингиз қизил духоба билан бронзага тушади. Бошқарувчи биз билан бирга юқорига кўтарилди.

— Monsieur ва madame ўзларида овқатланадиларми?

— Ҳа. Карточкани бериб юборсангиз,— дедим.

— Maxsus бир нарсалар ҳам буюрадиларми, мурғий ёки суфле?

Лифт ҳар бир қаватда жиринглаб, учинчи қаватга кўтарилди. Жиринглаб, тўхтади.

— Қушлардан қандайлари бор?

— Қирғовул ё бўлмасам лойхўрак тайёрлаб беришимиз мумкин.

— Лойхўрак бўлсин,— дедим. Коридордан юриб бордик. Гиламлар сийқаланиб кетган эди. Чап ва ўнг томонларда эшиклар кўп эди. Бошқарувчи тўхтаб, эшиклардан бирини очиб, ичкарига таклиф қилди.

— Марҳамат қилсинлар. Ажойиб хона.

Тугмалари йилтироқ бола тугунчани хона ўртасидаги столга қўйди. Бошқарувчи дераза дарпардаларини суреб қўйди.

— Бугун туман,— деди у. Хонага қизил духоба қопланган мебеллар қўйилган эди. Ҳамма ёқда кўзгу, ва булардан ташқари икки кресло билан атлас адёл

тұшалған кенг қаравот қўйилғанди. Бир эшик ванинга очиларди.

— Мен ҳозир карточкани бериб юбораман,— деди бошқарувчи. У таъзим қилиб чиқиб кетди.

Мен деразага бориб кўчага қарадим, кейин чизимчани тортган эдим, дарпардалар сурилди. Қэтрин ўринда биллур қандилга тикилиб ўтиради. У шляпасини бошидан олди, унинг соchlари ёруғда жилваланиб кетди. У ўзини ойналардан бирида кўрди-да, қўлини соchlарига олиб борди. Мен уни бошқа уч ойнадан кўриб турадим. У ноxуш эди. Ёмғирпўшни ечиб ўринга ташлади.

— Сенга нима бўлди, жоним?

— Мен ўзимни ҳеч ўйнаш деб ҳис қилиб кўрмаган эдим,— деди у. Мен деразага бориб, дарпардаларни четта сурдим-да, кўчага қарадим.— Мен бундай бўлади деб ўйламаган эдим.

— Сен ўйнаш эмассан.

— Биламан, жоним. Лекин ўзингни шундай деб ҳис қилиш хунук.— Унинг овози ширасиз ва хира эди.

— Бу биз келишимиз мумкин бўлган энг дуруст отель,— дедим.

Мен деразадан ташқарига қарадим. Майдоннинг нариги томонида вокзал чироқлари ёниб туради. Кўчадан экипажлар ўтиб борар, нарида паркдаги дараҳтлар кўринарди. Отель чироқларининг шуъласи кўчага тушиб турибди. «Е, тавба,— ўйладим мен,— наҳотки ҳозир баҳслашиб ўтирадиган пайт бўлса?»

— Бу ёққа кел,— деди Қэтрин. Унинг овозинга яна шира кирди.— Кел, бу ёққа. Мен гапга кирадиган қизча бўлиб қолдим.

Мен ўрин томонга ўгирилдим. Қэтрин кулиб турарди.

Мен бориб тўшакка унинг ёнига ўтирдим ва уни ўпдим.

— Жуда қобил қизсан-да.

— Ҳа, сенинг маъқул қизингман,— деди у.

Тамадди қилганимиздан сўнг сал енгил тортилк, кейин эса, жуда ҳам ёзилишиб кетдик ва бу хона худди ўз уйимиздай бўлиб қолди. Аввал госпиталдаги менинг хонам бизнинг уйимиз эди, энди отелнинг мана шу хонаси ўз уйимиздай бўлиб қолди.

Кэтрин елкасига менинг френчимни ташлаб ўтириди. Жуда қаттық очқаган эканмиз, овқатлар мазали әди ва биз бир шиша капри билан бир шиша сент-эстеф ичдик. Күпроғини мен ичдим, Кэтрин ҳам озгина ичди ва анча очилиб ўтириди. Бизга картошка солинган лойхұрак, суфле, қовурилган каштан, мевалар, шириң сабайон келтиришди.

— Яхши хона экан,— деди Кэтрин.— Ажойиб хона экан. Нега аввалроқ бу хонага келмаган эканмиз-а.

— Одамнинг кулгиси қистайди бу хонадан, лекин соз экан.

— Роза ишратпараст бўлиб кетдик,— деди Кэтрин.— Ишратга берилган одамлар бу ишни хўп ҳирсларини қўйиб қилсалар керак. Қизил духобаси ҳам жуда бошқача экан. Мослашганини қара. Ойналарни айтмайсанми,вой-бў?

— Сен ҳаммадан гўзалсан, жоним.

— Билмадим, эрталаб одам бундай хонада қандай уйғонаркин. Лекин, умуман, яхши хона.

Мен яна бир стакан сент-эстеф қўйиб бердим.

— Одамнинг ростакам гуноҳ қилгиси келади,— деди Кэтрин.— Биз қилаётган ҳамма ишлар маъсум ва оддий ишлар. Мен ёмон иш қилаётибмиз деб ўйламайман.

— Сен тенги йўқ гўзалсан.

— Мен жуда очман. Мен жуда-жуда очман.

— Сен содда, сен ажойибсан.

— Мен соддаман. Буни сендан бошқа ҳеч ким тушумайди.

— Хў, бир куни сен билан тапишган маҳалимизда мен кун бўйи сен билан «Кавур» отелига боришимизни ва ҳаммаси қандай бўлишини ўйлаганман.

— Бетамиз. Лекин бу «Кавур» отелимас, тўғрими?

— Ҳа. Бизни у ерга киргизишмайди.

— Бир куни киргизишади. Мана кўрдингми, жоним, бизнинг фарқимиз нимада? Мен эса ҳеч қачон сен ўйлаган нарсаларни ўйлаган эмасман.

— Сираям-а?

— Жиндаккина,— деди у.

— Оҳ, жонгинам!

Мен яна бир стакан вино қўйдим.

— Мен жуда соддаман,— деди Кэтрин.

— Мен олдин бошқачароқ ўйлаган эдим. Менга сен телбароқ бўлиб кўринган эдинг.

— Озгина телбалигим ҳам йўқ эмасди. Лекин жудаям жинни дейдиган эмасдим. Сени ўқрайсизлантириб қўйганмидим, жоним?

— Вино хўп ажойиб нарса-да,— дедим.— Барча ёмон нарсаларни унутасан.

— Ажойиб нарса,— деди Қэтрин.— Лекин отам ундан бод бўлиб қолган эди.

— Сенинг отанг борми?

— Ҳа,— деди Қэтрин.— Унинг боди бор. Лекин сенинг у билан учрашишинг шарт эмас. Нима, сенинг отанг йўқми?

— Йўқ,— дедим.— Угай отам бор.

— Яхши одамми?

— Сен у билан кўришишинг шарт эмас..

— Икковимиз бўлсак, бирам яхшики,— деди Қэтрин.— Мени шундан бошқа ҳеч нарса қизиқтирумайди. Шундай ҳам баҳтиёр хотинманки.

Официант келиб идишларни йиғиштириб олди. Кўп ўтмай биз жимиб қолдик. Эшикда ёғаётгани эшитила бошлади. Пастда, майдонда машина дудутлади.

— Шитоб билан кетиб боради,
Вақтнинг оти ўтиб боради,—

дедим мен.

— Мен бу шеърни биламан,— деди Қэтрин.— Марвеллники. Фақат у эркак билан яшашни истамаган қиз ҳақида эди-ку.

Бошим тиниқлашди, худди уйқудан янги тургандай енгил эдим, турмушимиз ҳақида гаплашгим келди.

— Қаерда туғмоқчисан?

— Билмадим. Энг яхши жойда.

— Ҳаммасини ўзинг эплай олармикинсан?

— Эпламай-чи. Хотиржам бўл, жоним. Уруш тамом бўлгунча ҳали яна бир талай болаларимиз бўлиши мумкин.

— Вақтимиз тугай деб қолди.

— Биламан. Истасанг отланамиз.

— Йўқ.

— Унда қизишка, жоним. Шунча пайт ўзингни бирам яхши тутдингки, энди бўлса, асабийлашяспсан.

- Хўп, ундаи қилмайман. Менга тез-тез ёзиб турасанми?
- Ҳар куни. Ҳатларингизни текширишадими?
- У ерда инглиз тилини шу қадар ёмон билишадики, текширганларидан маъно йўқ.
- Мен жуда чалкаш қилиб ёзаман,— деди Кэтрин.
- Жуда ҳам чалкаштириб юбормагин-да.
- Йўқ, сал-пал, холос.
- Кетадиган вақт бўлиб қолди.
- Хўп, жоним.
- Мўъжазгина уччамиздан менинг кетгим келмай қолди.
- Менинг ҳам.
- Лекин бориш керак.
- Хўп. Биз ҳали уйимизда ҳечам узоқроқ яшаганимиз йўқ, ахир.
- Насиб қилса ҳали кўп яшаймиз.
- Сенинг қайтишингга чиройли бир уй ҳозирлаб қўяман.
- Балки мен тезда қайтарман.
- Балки тўсатдан оёғингдан сал-пал яраланарсан.
- Ё қулоғимнинг учгинасидан, а?
- Йўқ, қулоқларинг бус-бутун бўлишини истайман.
- Нима, оёқсиз бўлсам, майлими?
- Оёғингдан бир марта яраланиб бўлгансан.
- Борайлик энди, жоним.
- Хўп. Сен биринчи бўлиб юр.

Йигирма тўртинчи боб

Лифт чақириб ўтирамадик, зинадан тушиб бордик. Зинадаги гилам сийқаланиб кетган эди. Мен овқатга уни келтирган маҳалларидаёқ тўлаган эдим, ҳозир овқат келтирган официант эшик олдида ўтиради. Ўсакраб турди-да, таъзим қилди, мен у билан конторага кириб хонанинг ҳақини тўладим. Бошқарувчи мени қадрдон дўстидай қарши олган эди, олдиндан ҳақ олишга кўнмовди, энди бўлса тўламай қочиб қолмасин деб эшикка официантни ўтқазиб қўйибди. Бунаقا ҳодисаларни ҳатто дўстлари бўлса ҳам кўп кўрган шекилли. Уруш пайтида дўстинг кўпаяди, ахир.

Мен официантдан экипаж топнини сўрадим ва у Кэтрин қўлидан тугунчани олди-да, зонтини очиб ташқарига чиқиб кетди. Деразадан унинг ёмғирда кўча кесиб утаётгани кўринарди. Биз конторада деразага қараб турардик.

— Қалай, энди тузукмисан, Кэт?

— Уйқум келяпти.

— Мени эса ғам босяпти, қорним очяпти.

— Егулик бирон нарса олганмисан?

— Сафар халтамда бор.

— Мен экипаж келаётганини кўрдим. У тўхтади, от ёмғирдан калласини қуи солиб тек турди, официант зонтини очиб пастга тушди ва отелга йўл олди. Биз унга эшикда дуч келдик ва зонт панасида шалаббо йўлкадан экипажга бордик. Йўлка чеккасидаги ариқдан шалдираб сув оқмоқда эди.

— Тугунчангиз ўриндиқда,— деди официант. Биз ўтириб бўлгунимизча у зонт тутиб турди ва мен унга чой пули бердим.

— Раҳмат. Оқ йўл,— деди у.

Кучер тизгинни кўтарди, от йўлга тушди. Официант зонти билан орқасига ўгирилди-да, отелга қараб кетди. Биз йўлка бўйлаб юрдик, кейин чапга бурилдик-да, вокзалнинг ўнг томонидан чиқдик. Икки карабинер ёмғирдан қочиб фонар тагида туришарди. Фонар ёруғида уларнинг шляпалари йилтирас эди. Вокзал чироқларининг шуъласида ёмғир тиниқ ва мусаффо кўринарди. Айвон тагидан юк ташувчи чиқди, у ёмғирдан бошини ёқасига тиқиб олган.

— Қеракмас,— дедим.— Раҳмат. Ҳожати йўқ.

У яна айвон тагига кириб кетди. Кэтринга ўгрildim. Унинг юзи қоронғида кўринмади.

— Хайрлашамизми, энди?

— Мен чиқаман.

— Қеракмас.

— Хайр, Кэт.

— Унга госпиталь адресини айтсанг бўлди.

— Хўп.

Мен кучерга қаёққа бориш кераклигини айтдим. У бош силкиди.

— Кўришгунча,— дедим.— Узингни ва кичкини Кэтринни эҳтиёт қил.

— Кўришгунча, жоним.

— Кўришгуича,— дедим.

Мен ёмирга чиқдим ва кучер жўнаб кетди. Кэтрин боинин чиқарди, фонар зиёсида унинг юзини кўрдим. У жилмайиб қўлини силкимоқда эди. Экипаж кўчадан юриб кетди. Кэтрин қўли билан айвон томонни кўрсатди. Мен ўгирилиб қарадим: айвонда карабинерлардан бошқа ҳеч ким йўқ эди. У менга ёмғирдан папага ўт деяётганинги тушундим. Мен айвон тагига ўтиб, экипаж чорраҳадан бурилиб кетаётганига қараб турдим. Кейин вокзал биносидан ўтиб, поезд олдидан чиқдим.

Перронда мени қоровул кутиб туради. Унинг кетидан вагонга кирдим, эшик олдиаги одамларни ёриб ўтиб, эшикни очдим-да, одам билан лиқ тўлган күшега тиқилдим, бурчакда пулемётчи ўтирибди. Менинг рюкзагим ва сафар халталарим унинг бош томонида юк сеткаси ичидан туради. Йўлакда одам кўп эди ва биз кирганда купеда ўтирганларнинг ҳаммаси ўгирилиб қаради. Поездда жой танқис бўлиб, ҳамма бир-бирига еб қўйгудай бўлиб қаради. Менга жой бериш учун пулемётчи ўрнидан турди. Қимдир елкамга кафти билан урди. Айланниб қарадим. Қаршимда ҳаддан ортиқ дароз ва ориқ, ёноғига қизил чандиқ тушган артиллерия капитани туради. У ҳамманини эшик ойнасидан кўриб турган экан, орқамдан кирибди.

— Нима гап?— сўрадим мен. У билан юзма-юз турардим. Унинг бўйи мендан баландроқ эди, козироги соя соглан юзи жуда ҳам ориқ кўринарди, чандиги ҳам янгигина эди. Ҳамманинг кўзи менда эди.

— Яхшимас,— деди у.— Олдицдан жой олиш учун солдатни юбориш яхшимас.

— Мана мен шундай қилдим.

У қулт этиб ютинди ва мен унинг кекирдаги кўтарилиб тушганини кўрдим. Пулемётчи бўш жойнинг олдида туради. Йўлакнинг ойна тўсифидан одамлар қараб туришарди. Ҳамма жим бўлиб қолди.

— Сизнинг ҳақингиз йўқ. Мен бу ерга сиздан иккисоат олдин келганман.

— Нима истайсиз?

— Ўтиришни истайман.

— Мен ҳам.

Мен унинг юзига қараб туар эканман, атрофда ҳамма менга қарши эканлигини сезиб турадим. Мен

уларни айблай олмайман. Ү ҳақ әди. Аммо менинг үтиргим келган әди. Одамлар ҳамон жим турышарди.

«Қуриб кетсин»— дедим ичимда.

— Үтиринг, signor capitano,— дедим, пулемётчи бир чеккага үтди ва дароз капитан үтирди. Ү менга қаради. Қўзи нечундир безовта әди. Бироқ жой уники бўлди.— Менинг нарсаларимни олинг,— дедим пулемётчига. Биз йўлакка чиқдик. Поездда одам тиқилиб ётарди, жой топиш амри маҳол әди. Мен қоровул билан пулемётчига ўн лирдан бердим. Улар вагондан тушиб бутун платформа бўйлаб ҳамма вагонларни қараб чиқишиди, лекин жой йўқ әди.

— Балки битта-яримтаси Брешиядада тушар,— деди қоровул.

— Брешиядада яна чиқишиди,— деди пулемётчи.

Мен улар билан хайрлашдим, қўл олишдик, сўнг кетишиди. Уларнинг таъблари хира бўлган әди. Поезд ўрнидан жилганда биз — ҳамма жойсиз қолганлар йўлакда тураг эдик. Мен деразадан стрелкалар ва фонарларга қараб борардим. Ҳамон ёмғир қуяр, кўп ўтмай ойналар хиракалишиб ҳеч нарсани кўриб бўлмай қолди. Кейинроқ мен пулларим ва ҳужжатларим солинган ҳамённи белимга яхшилаб жойладим-да, йўлакда ухлагани ётдим. Туни билан уйқудан бош кўтартмадим, фақат Брешия билан Веронада поездга янги одамлар чиқишиганда уйғондим ва яна шу заҳоти уйқуга чўмдим. Сафар халтамининг биттасини бошимга қўйиб, иккинчи сини иккала қўлим билан қучоқлаб олдим. Шунинг учун менга қоқилиб йиқилишни истамаганлар устимдан бемалол сакраб ўтишлари мумкин әди. Иўлакнинг бошидан оёғигача одамлар ухлаб ётишарди. Бошқалар ойна тутқичларини ушлаб эшикларга суюниб турышарди. Бу поезд доимо одамга тўлиб борарди.

Иигирма бешинчи боб

Куз келганди, дарахтлар яланғоч, йўлларда лойгарчилик эди. Удинадан Горицияга юк машинасида кетдим. Иўлда бизга бошқа юк машиналари ҳам учраб турди, мен атрофии томоша қилиб бордим. Тутлар баргини тўкиб бўлган, далалар қўнғир тусга кирган эди. Икки қатор яланғоч дарахтлар ўртасидаги йўл ҳўл хазон билан қопланган эди, ишчилар йўл четидаги дарахтлар тагига тўкиб қўйилган шағалдан олиб, йўлнинг ўнқир-чўнқирларини тузатишарди. Шаҳар кўринди, лекин унинг тепасидаги тоғлар туман билан қопланган эди. Биз дарёдан ўтдик, дарёнинг суви анча кўтирилиб қолганди. Тоғларда ёмғир қўймоқдайди. Биз фабрикалар, кейин уйлар ва боғотлардан ўтиб, шаҳарга кириб бордик, мен йўғимда яна ҳам кўпроқ уйлар снарядлардан вайрон бўлибди. Тор кўчада инглиз Қизил Крестининг машинасини учратдик. Шофер кепка кийиб олган,чуваккина юзи қаттиқ қорайиб кетганди. Мен уни танимадим. Мен юк машинадан мерия олдидаги катта майдонда тушдим, шофер рюкзагимни олиб берди, уни бўйнимга илиб олдим, иккала сафар халтами кўтариб ўзимизнинг уйга қараб кетдим. Бу уйга қайтишга сира ҳам ўхшамасди.

Мен хиёбоннинг ҳўл тошларидан юриб борар, кўзим дарахтлар ортида оқариб кўринган уйимизда эди. Ҳамма деразалар берк, аммо эшик ланг очиқ эди. Мен ичкарига кирсам, майор столда ўтирган экан, хонининг яланг деворларига хариталар осилган, машинкада ёзилган қофозлар ёпиштирилганди.

— Салом! — деди у. — Соғлиқлар қалай? — У қарталибди, чўпдай бўлиб қолибди.

— Жойида, — дедим. — Ўзингизнинг ишларингиз тувумки?

— Ҳаммаси тамом бўлди, — деди у. — Нарсалари-
мизни қўйиб, ўтиринг.

Мен рюкзак билан иккала халтани полга қўйдим, кепкамни рюкзакка ташладим. Кейин девор ёнида турган курсини олдим-да, столга яқин келиб ўтирдим.

— Ёз жуда ёмон келди,— деди майор.— Сиз бутунлай тузук бўлиб кетдингизми?

— Ҳа.

— Мукофотларингизни олдингизми?

— Ҳа. Ҳаммаси жойида. Миннатдорман.

— Қани, кўрсатинг-чи?

Мен икки лента кўринисин деб, плашимни очдим.

— Медални ўзини ҳам олдингизми?

— Йўқ. Фақат ҳужжатларини олдим.

— Медали кейин келади. Унга кўпроқ вақт кетади.

— Мени энди қаерга юборасиз?

— Машиналар ҳаммаси жойларда. Олтитаси шимолда, Капореттода. Сиз Капореттони биласизми?

— Биламан,— дедим. Мен водийдаги жомхонаси бор кичкина шаҳарчани эсладим. Шаҳар озодагина бўлиб, майдонда чиройли фонтани бор эди.

— Улар ўша ерда. Қўпчилик касал. Жанглар тугади.

— Бошқалар қаерда?

— Иккитаси тоғларда, тўрттаси ҳамон Байнзицца-да. Бошқа иккита санитар отряди учинчи армия билан бирга Карсада.

— Мени қаерга жўнатасиз?

— Истасангиз, Байнзиццадаги тўртта машинани ола қолинг. Жинонинг ўрнига борасиз, у ерда анча қолиб кетди. Бу гаплар сиз кетгаңдан кейин рўй берувди шекилли?

— Ҳа.

— Расво бўлди. Биз уч машипамизни йўқотдик.

— Эшиздим.

— Ҳа, сизга Ринальди ёзганди.

— Ринальди қаерда?

— У шу ерда, госпиталда. Ёз билан кузда тоза куйиб-пишди бечора.

— Ҳа, осон бўлмаганга ўхшайди.

— Жуда ёмон бўлди,— деди майор.— Қанчалар ёмон бўлганлигини билсангиз эди. Бошдаёқ яраланганинг сизнинг омадингиз экан.

— Ўзим ҳам шундай деб ўйлайман.

— Янги йил бундан ҳам ёмон бўлади,— деди ма-

йор.— Улар ҳозирдаёқ ҳужумга ўтишса, ажабмас. Шундай гаплар юрибди, лекин мен ишонмайман. Жуда кеч. Дарёни кўрдингизми?

— Ҳа. Сув кўтарилибди.

— Тоғларда ёмғир бораётган бир пайтда ҳужум бошланишига ишонмайман. Ҳадемай қор тушади. Сизнинг ватандошларингиз-чи? Сиздан бошқа америкаликларни ҳам кўрармиканмиз?

— Ўн миллион кишидан иборат армия тузиљмоқда.

— Бизга озгинагинаси тегса ҳам майли эди. Бироқ французлар ҳаммасини илиб кетишади. Бу ерга биронта ҳам одам етиб келмайди. Ҳўп, майли. Сиз бугун шу ерда тунаб қолинг-да, эртага эрталаб кичкина машинада Жинонинг ўрнига боринг. Сизга йўлни биладиган бирон кишини бераман. Жино сизга барини тушунтиради. У ерда ҳозир ҳам жиндак отишмалар бўлиб турибди, лекин умуман, ҳаммаси тугаган. Баинзиццани ҳам бир кўриб келасиз баҳонада.

— У ерга боришимдан хурсандман. Сиз билан яна кўришганимдан бошим осмонга етди.

У кулимсиради.

— Саломат бўлсинлар. Бу уруш жонимга тегди. Агар бу ердан кетсан, иккинчи марта елкамни чуқури кўрсинг дердим.

— Аҳвол шу қадар ёмонми?

— Ҳа. Ёмон ҳам гапми? Боринг, ювениб, дўстингиз Ринальдини қидириб топинг.

Мен юкларимни олиб, зинадан юқорига чиқдим. Ринальди хонада йўқ эди, лекин нарсалари жойида турарди, мен каравотга ўтириб, обмоткаларни туширдимда, ўнг оёғимни ечдим. Кейин каравотга чўзилдим. Чарчабман, ўнг оёғим зирқираб турарди. Бир оёғимни ечмай ўринда ётиш менга ғалати туюлди ва ўрнимдан туриб иккинчи оёғимни ҳам ечдим-да, уни полга ташлаб, кейин яна адёлга чўзилдим. Дераза ёпиқ бўлганидан, хона ичи дим эди, лекин азбаройи чарчаганимдан уни туриб очишга эриндим. Менинг ҳамма нарсаларим хонанинг бир четига йиғиб қўйилган экан. Қоронги туша бошлади. Мен каравотда ётган кўйи Қэтринни ўйлар, Ринальдини кутардим. Мен Қэтринни фақат кечқурунлари — уйқу олдидангина ўйлайман, деб қўйган эдим. Лекин чарчаган эдим, қиладиган ишим йўқ эдӣ ва мен уни ўйлардим. Ринальди хонага кириб келганда

ҳам уни ўйлаб ётардим. У сира ҳам ўзгармабди. Фақат бир оз озибди.

— Келинг, бэби,— деди у.

Мен ўриндан гавдамни күттардим, У ёнимга келиб ўтирида, мени қучоқлади.

— Қимматли бэби, азизим бэби.— У елкамга уриб қўйди, унинг елкаларидан қучоқладим.

— Қимматли бэби,— деди у.— Қани, тиззангизни кўрсатинг-чи.

— Шимни ечиш керак-да.

— Шимингизни ечинг, бэби. Бегона одам йўқ бу ерда. Сизни қандай қиймалашганини кўрмоқчиман.

Мен ўрнимдан туриб, шимимни тушириб, тиззамга ўралган латталарни ечдим. Ринальди полга ўтириб, оёғимни оҳиста қимирлатиб кўра бошлади. У яра зиҳидан қўлинни юргизди, иккала бош бармоғини тиззамнинг косасига қўйди-да, бошқа бармоқлари билан аста силкиб кўрди.

— Шундан бошқа букилмайдими?

— Иўқ.

— Сизни бу аҳволда чиқарғанлари жиноят. Улар оёғингизни аслидай қилиб қўйишлари керак эди.

— Тағин ҳам тузалиб қолдию. Оёғим ёғочга ўхшаб қолувди.

Ринальди яна синаб кўрди. Унинг қўлларига қараб турардим. Жарроҳнинг илдам бармоқлари. Мен унинг бошига, фарқи очиб таралган силлиқ, ялтираб турган соchlарига қарадим. У оёғимни қаттиқроқ букиб юборди.

— Уф!— дедим мен.

— Сиз яна ҳаракат терапиясини ўтишингиз керак эди,— деди Ринальди.

— Ҳозир анча яхши бўлиб қолди.

— Биламан, бэби. Бундай нарсаларни сиздан кўпроқ биламан.— У туриб каравотга ўтириди.— Операциянинг ўзи ёмон қилинмаган.— Шу билан тиззам ҳақидағи гап битди.— Қани, энди ҳаммасини бир бошдан гапириб беринг-чи.

— Нимани галираман,— дедим.— Куним ўтиб турди.

— Худди оиласвий одамга ўхшаб қолибсиз,— деди у.— Нима қилди?

— Ҳеч нарса,— дедим.— Үзингизга нима қилди?

— Бу уруш менинг суробимни тўғри қилиб қўйди,—

деди Ринальди.— Бўларимча бўлдим.— У тиззаларини қўли билан қучиб олди.

— Уҳ-ҳў!— дедим.

— Нима бўпти? Мен одам эмасманми?

— Рост, ёзни қувноқ ўтказганга ўхшаб қолдингиз. Айтиб беринг.

— Ёз бўйи, куз бўйи тиним билмай жарроҳлик қилдим. Ит тинади, қуш тинади — менда тиним йўқ. Ҳамма учун бир ўзим ишлайпман. Ҳамма оғир ишларни менга беришади. Улай агар, бэби, мен зўр жарроҳ бўлиб кетяпман.

— Мана бу бошқа гап.

— Ўлашга ҳам вақт йўқ. Улай агар, сира ўй ўйлаб ўтирамайман, операция қилиб ташлайвераман.

— Тўғри-да.

— Лекин ҳозир ундан эмас, бэби. Ҳозир операция қиладиган иш йўқ, дилим жуда ғаш. Жуда ёмон уруш бўлди бу, бэби. Гапимга ишонинг. Келинг энди бир дилкашлик қилайлик. Пластинка олиб келдингизми?

— Ҳа.

Пластинкалар рюзагимда эди, қутичага солиб, қозгга ўраб қўйилганди. Уларни олиб беришга ҳам мадорим йўқ эди.

— Нима, сизнинг кайфиятингиз чоғми, бэби?

— Расво.

— Ёмон уруш,— деди Ринальди.— Ҳай, майли. Сиз билан бир ичишайлик, шояд кўнглимиз ёзилса. Фамларимизни елга совурамиз. Шунда ҳаммаси яхши бўлади.

— Сариқ бўлиб қолган эдим,— дедим.— Қаттиқ ичолмайман.

— Қандоқ эдингизу, қандоқ бўлиб қайтиб келдингиз, бэби. Жуда бамаъни бўлиб қолибсиз, жигарингизни касал қилибсиз. Ҳақиқатда ҳам жуда расво нарса, уруш. Негаям биз бу урушга бош суқиб юрибмиз?

— Келинг, барибир ичишайлик. Озроқ ичсам, ҳеч нарса қилмайди.

Ринальди нариги девордаги умивальник олдига бориб, иккита стакан билан бир шиша конъяк олди.

— Бу австрисларнинг конъяги,— деди у.— Етти юлдузли. Сан-Габриеледа қўлга туширган нарсамиз шугина бўлди.

— Сиз у ерда бўлдингизми?

— Йўқ. Мен ҳеч ерда бўлмадим. Мен шу ердан қи-

мирламай операция қилдим. Мана, қаранг, бәби, сиз тиш чайиб юрадиган эски стаканингиз. Сизни эслатиб турсин деб, сақлаб юрган әдім.

— Тиши чайиши әслатиб турсин деб әмасми, ишқи-либ.

— Йүқ. Үзимники бор. Уни асраб юрдим, әрталаб-лари сиз у билан «Вилла-Росса»дан тозаланмоқчы бўлганингиз, сўкина-сўкина аспирин ютганларингиз, ярамас хотиниларни қарғаганларингизни әслатиб турсин дедим. Ҳар сафар шу стаканга қараганимда, сиз тиши чўткаси билан виждонингизни тозалашга уринганингизни эслайман.— У ўринга яқин келди.— Қани энди бир ўлиб қўйинг-да, энди бамаъни йигит бўлмайман денг.

— Улишни хаёлимга ҳам келтирмайман. Сиз май-мунисиз.

— Ана холос. Мен биламан, сиз англосаксонлардан чиққан ройкелди йигитсиз. Биламан. Сизни виждонингиз кемириб ташлабди. Мен томирида англосаксон қони жўш урган йигитча яна тиши чўтка билан исловатхона доғларини тозалай бошлишини кутаман.

— Конъяқдан қўйинг.

Биз уриштириб ичдик. Ринальди менга ҳазилкашлик қиласарди.

— Сизни яхшилаб ичараман-да, жигарингизни олиб ўрнига бақувват италян жигаридан қўяману, сизни яна одам ҳолига келтираман.

Мен яна конъяқ қўйинг деб, унга стаканни узатдим. Қороғи тушди. Мен қўлимда стакан билан деразага бордим-да, унинг тавақаларини очдим. Ёмғир тинган эди. Ҳавода совуқ кучайиб, новдалар қуюқ туманга чирманди.

— Конъякни сепиб юборманг,— деди Ринальди.— Ичолмасангиз, менга беринг.

— Улган бузоқнинг гўштини ебсиз,— дедим. Мен яна Ринальдини кўриб турганимдан шод әдім. У икки йилдирки, мен билан ҳазилкашлик қилиб жиғимга тегади. У билан жуда яқин бўлиб қолганмиз. Бир-бири-мизни яхши тушунамиз.

— Уйландингизми?— сўради тўшакда ўтириб. Мен дераза олдида деворга суюниб турардим.

— Йўқ ҳали.

— Севиб қолдингизми?

— Ҳа.

- Уша инглиз қизними?
- Ҳа.
- Шўрлик бэби! У-чи, у ҳам сизни севадими?
- Ҳа.
- Севишини амалда кўрсатдими?
- Оғзингизни юминг.
- Жоним билан. Мен сизга ўзимнинг бениҳоя на-
вокатли одам эканлигимни кўрсатаман. Нима, у...
- Ринин!— дедим.— Илтимос, бас қилинг. Агар
дўстлигимиз йўқолмасин десангиз, бас қилинг.
- Бор нарса йўқ бўлмайди, бэби. Биз ҳалиям дўст-
миз.
- Шунинг учун бас қилинг.
- Хўп бўлади.
- Мен каравотга бориб Ринальдининг ёнига ўтирудим.
У стаканини ушлаб полга тикилиб ўтиради.
- Энди тушундингизми, Ринин?
- Ҳа, ҳа, худди шундай. Бутун умр бошим бориб
соф ҳисларга тегади. Шу пайтгача сизда бундай нарса
бўлмаган эди. Лекин ҳеч ажабмас, бундай нарсалар
сизда ҳам бўлса.— У ердан кўзини узмасди.
- Наҳотки сизда бўлмаса?
- Йўқ.
- Ҳечам-а?
- Ҳечам.
- Мен онангиз ё синглингиз ҳақида нима десам,
инدامай қўйиб берармидингиз?
- Ҳатто синглингиз ҳам денг,— жонланди Риналь-
ди.
- Иккаламиз ҳам кулиб юбордик.
- Оббо одамнинг зўри-е!— дедим мен.
- Балки мен рашк қилаётгандирман,— деди Ри-
нальди.
- Йўқ, бўлиши мумкин эмас.
- У маънода эмас. Мен бошқача демоқчи эдим.
Сизнинг уйланган дўстларингиз борми?
- Бор,— дедим.
- Менда эса йўқ,— деди Ринальди.— Уз хотинлари
билан бахтиёр бўлганлари йўқ.
- Нега?
- Улар мени ёқтиришмайди
- Нега?
- Мен илонман. Билағон илонман.

- Сиз ҳаммасини чалкаштириб юбордигиз. Билагон илон эмас, дараҳт әди. Билим дараҳти.
- Йўқ, илон.— Унинг сал юзи ёриши.
- Сизни доно мулоҳазалар бузади,— дедим.
- Сизни суюман, бэби,— деди у.— Сиз эса мен буюқ италян мутафаккири бўлай деётганимда, йўл бермайтибсиз. Лекин мен ўзим тушунтириб беролмайдиган кўп нарсаларни биламан. Мен сиздан кўпроқ биламан.
- Гапингиз тўғри.
- Лекин сизга яшаш осонроқ бўлади. Виждонингиз қийналса ҳам, осонроқ бўлади.
- Ундай эмас.
- Йўқ, йўқ. Шундай. Мен эса фақат ишлаётганимда ҳаммасини унутаман.— У яна ерга тикилиб қолди.
- Бу ўтиб кетади.
- Ўтмайди. Мен яна иккита нарсани яхши кўраман: бири ишимга зарар еткизади, иккинчиси ярим соатча лаззат беради. Баъзан шунга ҳам етмайди.
- Баъзан жуда ҳам кам.
- Балки менинг ютуқларим ҳам бордир, бэби. Сиз билмайсиз-да. Лекин мен бояги иккита нарса билан ишимнинг ўзинигина биламан.
- Бошқа нарсаларни ҳам билиб қоларсиз.
- Йўқ. Биз ҳеч қачон ҳеч нарсани билолмаймиз. Биз ўзимизда бор нарса билан оламга келамизу, бошқа ҳеч нарсага ўрганмаймиз. Биз ҳеч қачон янгйи бир нарсани ўрганмаймиз. Биз йўлга тушганимизда йўл тутаган бўлади. Сиз лотин эмассиз, шу сизнинг баҳтинигиз.
- Ҳеч қанақа лотинлар йўқ. Бу ҳаммаси лотиннинг фикрлари. Сизлар ўз камчиликларингиз билан фахрланасиз.
- Ринальди бошини кўтарди, кулиб юборди.
- Бўлди, энди, бэби. Мен фикрлайвериб толдим.— Унинг кўринишида ҳорғинлик акс этарди, буни у хонага кириб келгандаёқ сезгандим.— Ҳозир овқат тайёр бўлади. Қайтиб келганлигингиздан хурсандман. Сиз менинг әнг яхши дўстимсиз, менинг қуролдош биродаримсиз.
- Қуролдош дўстлар қачон овқатланишади?— сўрадим.
- Ҳозир. Яна бир марта сизнинг жигарингиз учун ичиб олайлик.
- Нима, бу авлиё Павелданми?

— Топмадишигиз. У ерда вино ва қорин бор эди. Қориннинг нафи учун вино тановул қилингиз.

— Нима десангиз, шу,— дедим.— Нима десангиз, шунга ичамиз.

— Сизнинг азизангиз учун,— деди Ринальди. У ўз стаканини кўтарди.

— Хўп.

— Мен у ҳақда бошқа бир оғиз ҳам ёмон галирмайман.

— Ўзингизни қийнаманг.

У конъякни тагигача ичди.

— Менинг юрагим тоза,— деди у.— Мен ҳам сизга ўхшайман, бэби. Мен ҳам бир инглиз қизни топиб оламан. Шуниси ҳам борки, сизнинг қизингиз билан мен биринчи бўлиб танишган эдим, лекин бўйи менга баландлик қилди. Ва бўйдор қиз бўлур ҳамширам,— деб ўқиди у.

— Сиз қўй оғзидан чўп олмагансиз,— дедим.

— Рост-а? Шунинг учун ҳам мени озода Ринальди деб аташади-да.

— Озода, сассиқ Ринальди.

— Ҳай, майли, бэби, овқатга кетдик, бемаза бўлмасдан туриб овқатланиб олайлик.

Мен ювиндим, соchlаримни тузатдим ва биз яна пастга тушдик. Ринальди сархуш эди. Емакхонада овқат ҳали тайёр эмасди.

— Бориб конъяк олиб келаман,— деди Ринальди. У юқорига чиқиб кетди. Мен столга ўтирдим, у шиша кўтариб қайтиб келди, менга ва ўзига ярим стакандан конъяк қўйди.

— Кўп бўлиб кетди,— дедим ва стаканини кўтариб, стол ўртасида турган чироқнинг ёруғига солиб кўрдим.

— Оч қоринга унча кўп эмас. Қурмағур топилмас нарса-да. Йичингни бутунлай ёндириб юборади-я. Сизга бундан ёмонроғини топиб бўлмайди.

— Бўларича бўлди.

— Ўз-ўзингни мунтазамлик билан нуратиб бориш,— деди Ринальди.— Қоринни ишдан чиқаради ва қўлни қалтироқ қиласди. Жарроҳ учун бундан зўрроғи бўлиши мумкин эмас.

— Шундан ич демоқчимисиз?

— Фақат шундан. Бошқасини ўзим ҳам ичмайман. Буним ютиб олинг-да, бэби, касал бўлишга тайёрланинг.

Мен ярмини ичдим. Иўлакда вестовойнинг: «Мастав! Мастава тайёр!»— деган овози эши билди.

Майор кирди, бизга бош силкиб, ўтириди. Столга ўтирганда у жудаям кичкина кўриниб кетди.

— Бошқа ҳеч ким йўқми?— сўради у. Вестовой унинг олдига идишда мастава қўйди ма майор дарҳол ўз тарелкасини тўлдириб олди.

— Йўқ,— деди Ринальди.— Балки кашиш келиб қолмаса. Федерико қайтганини билса, албатта келган бўларди.

— У қаерда?— сўрадим мен.

— Уч юз еттида,— деди майор. У мастава ичиш билан банд эди. У тепага қайрилган оқариб кетган мўйловларини яхшилаб тозалади, оғзини артди.— Келса керак. Мен у ерда бўлиб, сизни келди деб хат қолдириб келган эдим.

— Олдин ошхона гавжумроқ эди,— дедим.

— Ҳа энди жимжит бўлиб қолди,— деди майор.

— Ҳозир мен тўполон қиласман,— деди Ринальди.

— Винодан ичинг, Энрико,— деди майор. У менинг стаканимни тўлдириб қўйди. Спагетти келтиришди ва ҳаммамиз овқат билан машғул бўлдик. Кашиш кириб келганда биз спагеттини еб тамомлаёзган эдик. У аввалгидан ўзгармаган, ҳамон ўшандай кичкина, ўшандай қорача ва ўшандай бардам эди. Мен ўрнимдан турдим ва биз бир-бировимизнинг қўлларимизни сиқдик. У қўлини елкамга қўйди.

— Мен эшигтан заҳотим келдим,— деди у.

— Ўтиринг,— деди майор.— Сиз кечикдингиз.

— Хайрли кеч, отахон,— деди Ринальди.

— Хайрли кеч, Ринальди,— деди кашиш.

Вестовой унга мастава олиб келди, лекин у спагеттидан бошлишини билдириди.

— Соғлигингиз тузукми?— сўради у мендан.

— Жуда яхши,— дедим.— Нима янгиликлар бор?

— Вино ичинг, отахон,— деди Ринальди,— курсоқнинг нафига вино тановул қилингиз. Бу авлиё Павелдан-ку, биласизми?

— Ҳа, биламан,— деди кашиш одоб билан. Ринальди унинг стаканига тўлдириб қўйди.

— Хўп қизиқ авлиё экан-да, бу Павел!— деди Ринальди.— Ҳамма ғавғо, тўполонга ўша сабабчи.

Кашиш мснга қараб илжайди. Унинг майнабозчиликларга аҳамият бермай қўйганлигини кўрдим.

— Хўп қизиқ авлиё экан-да, Павел,— деди Ринальди.— Узи айфир ва модабоз бўла туриб, кучи етмай қолгандан кейин буларни гуноҳ деб эълон қилганини қаранг. Узининг қўлидан ҳеч иш келмай қолгандан кейин бошқа кучга тўлган одамларни насиҳат йўлига сола бошлади. Шундайми, Федерико?

Майор кулимсади. Биз бу пайтда қовурдоқ емоқда эдик.

— Утилинг,— деди майор.— Сиз кечикдингиз.

— Хайрли кеч, отахон,— деди Ринальди.

— Хайрли кеч, Ринальди,— деди кашиш.

— Мен кун ботгандан кейин сира ҳам авлиёларни танқид қилмайман,— дедим. Кашиш овқатдан бошини кўтариб, менга жилмайди.

— Мана энди у ҳам домланинг ёнини оляпти,— деди Ринальди.— Қани ҳамма эски ҳазилкаш қадрдонлар? Кавальканти қани? Брунди қани? Чезаре қани? Нима мен бу шўринг қурғур домлани бир ўзим ҳеч қандай мададсиз жаҳлини чиқаравераманми?

— У яхши руҳоний,— деди майор.

— У яхши руҳоний,— деди Ринальди.— Лекин баригир руҳоний. Мен ошхонада илгаригидай гаплар бўлишини истайман. Мен Федерико курсанд бўлсин дейман. Боринг-е, билганингизни қилинг, домла!

Мен майор унга қараётганини, унинг мастилигини билганини кўрдим. Унинг ориқ юзи докадай оқариб кетганди. Сочлари оппоқ манглайида қоп-қора бўлиб кўринарди.

— Майли, Ринальди,— деди кашиш.— Майли.

— Жин урсин сизларни!— деди Ринальди.— Умуман барини жин урсин!— у стул суянчигига ясланиб олди.

— У кўп ишлади, чарчаб қолди,— деди майор менга қаратса. Тўшни еб бўлгац, бир бурда нон билан тарелкадан қайлани сидириб олди.

— Қани эди ҳаммангизга тупурсам,— деди Ринальди столга қараб.— Умуман, ҳаммасини жин урсин!— у атрофга еб қўйгудай бўлиб бир-бир қараб чиқди, кўзлари хира тортган, юзи оқариб кетганди.

— Хўп,— дедим мен.— Ҳаммани жин урсин!

— Йўқ, йўқ,— деди Ринальди.— Мумкин эмас. Мум-

кин эмас. Мумкин эмас, деяшман сизга. Зулумот ва бўшилиқ, шундан бошқа ҳеч нарса йўқ. Эшитяпсизми, ҳеч нарса йўқ. Ҳеч вақо. Мен ишламаган пайтимдан буни биламан.

Кашиб бошини чайқаб қўйди. Вестовой қовурдоқни олиб кетди.

— Нега сиз гўшт таловул қиляпсиз? — Ринальди кашишга ўгирилди. — Бугун жума эканлигидан хабарингиз йўқми?

— Бугун пайшанба,— деди кашиб.

— Алдамчилар. Бугун жума. Сизлар масиҳонинг этини тановул қилмоқдасиз. Бу худонинг тўши. Мен биламан. Бу австрис ўлаксаси. Сиз шуни еб ўтирибсиз.

— Оқ гўшт — офицер гўшти,— дедим мен эски бир ҳазилни эслаб.

Ринальди кулиб юборди. У ўз стаканини тўлдирди.

— Менга қулоқ солманлар,— деди у.— Мен сал-девонароқ бўлиб турибман.

— Сиз отпускага чиқишингиз керак,— деди кашиб.

Майор, аччиқ билан бошини чайқади. Ринальди кашишга тикилди.

— Сизнингча, мен отпускага чиқишим керакми?

Майор кашишга қараб таъна қилгандай бошини чайқарди. Ринальди ҳам кишишга қараб турарди.

— Узингиз биласиз,— деди кашиб.— Истамасангиз, кераги йўқ.

— Ҳаммангизни жин урсин! — деди Ринальди. — Улар мендан қутулишмоқчи. Ҳар куни кечқурун улар мендан қутулмоқчи бўлишади. Мен кучим етганча қарши турибман. Нима бўлибди мендаги ушбу бўлса? Ушбу ҳаммада бор. Бу бутун оламда бор. Аввало,— деди у лекторлар оҳангига,— бу майда учук. Кейин биз кўкрагимизга қизил тошганини кўрамиз. Кейин биз ҳеч нарсани кўрмаймиз. Бизнинг бутун умидимиз симобдан.

— Ёки сальварсандан,— вазмин уни бўлди майор.

— Симобдан бўлган дори,— деди Ринальди. У энди жуда ҳам кўтаринки товуш билан сўзлай бошлади.— Мен булардан кўра яхшироқларини биламан. Қадрдон, муҳтарам отахон,— деди у,— сизда ҳеч қачон бу бўлмайди. Бэбига эса бўлади. Бу корхонадаги авария.

Вестовой десерт билан қаҳва келтирди. Ширийликка майиз, тухум ва яна алланималар солинган қуюқ ичимлик берди. Чироқ сасир экан, қурум шишага ўтириб қолмоқда эди.

— Шам беринглар, манави чироқни олиб кетинг,— деди майор.

Вестовой, иккита ёқилган шам келтирди, шам тақсимчаларга ёпишириб қўйилган эди. У чироқни олиб йўлақай пуфлаб ўчириди. Ринальди тинчланди. У бутунлай ўзига келгандай эди. Ҳаммамиз гаплашиб ўтиридик, қаҳвадан сўнг ташқарига чиқдик.

— Хўп, мен шаҳарга боришим керак,— деди Ринальди.— Тунингиз хайрли бўлсин, отахон.

— Хайрли тун, Ринальди,— деди кашиш.

— Ҳали кўришамиз, Фреди,— деди Ринальди.

— Ҳа,— дедим.— Барвақтроқ келинг.

У башарасини бужмайтирида, чиқиб кетди. Майор биз билан ёнма-ён туарди.

— У қаттиқ чарчаб қолди, асаблари жуда ўйнаб кетган,— деди у.— Бунинг устига ўзини сўзакка йўлиқканман деб ўйлайди. Бўлса бордир, яна билмадим. У сўзакдан даволаняпти. Хайрли тун, Энрико. Сиз аzonда жўнайсизми?

— Ҳа.

— Ундоғ бўлса хайр,— деди у.— Оқ йўл! Педуцци сизни уйғотади, у сиз билан бирга боради.

— Кўришгунча.

— Кўришгунча. Австрислар ҳужумга ўтади деган мишишлар юрибди, яна ким билади. Бу ҳақда одамнинг ўйлагиси ҳам келмайди. Ҳар ҳолда ҳужум бу срда бўлмайди. Жино сизга ҳаммасини айтиб беради. Телефон ҳозир ишлаб турибди.

— Мен тез-тез қўнфироқ қилиб турман.

— Майлингиз. Хайрли тун. Ринальдининг кўп ичишига йўл қўйманг.

— Ҳаракат қиласман.

— Хайрли тун, отахон.

— Хайрли тун.

У ўз хонасига кириб кетди.

Иигирма олтинчи боб

Мен бориб эшикдан ташқарига мўраладим. Ёмғир тинган, лескин қуюқ туман тушганди.

— Балки менинг хонамда бирпас гаплашиб ўтирап-
миз? — дедим кашишга.

— Фақат мен кўп ўтиrolмайман, боришим керак.
— Бари бир, юринг.

Зинадан кўтарилиб менинг хонамга чиқдик. Мен Ри-
нальдининг ўрнига чўзилдим. Кашиш вестовой менга
ҳозирлаб қўйган каравотга ўтирди. Хона ичи қоронғи
эди.

— Умумай, ўзингиз тузукмисиз? — сўради у.

— Яхши. Бугун чарчадим шекилли.

— Мана ҳеч иш қилмаган бўлсам ҳам, мен ҳам
чарчагандайман.

— Урушда нима гаплар?

— Уруш энди тез орада тугаб қолар. Билмайман-у,
лескин менга шуидай туюлади.

— Нега унда?

— Сиз мағоримизнинг ўзгариб кетганлигини кўр-
дигизми? Индамас бўлиб қолган, ҳозир кўпчилик шу-
нақа.

— Мен ўзим ҳам шунақаман,— дедим.

— Ёзда оғир бўлди,— деди кашиш. У ўзига ишонч
 билан ганирарди, унда аввал бунақа ишонч йўқ эди.—
Нималар бўлганлигини ҳатто хаёлингизга ҳам кел-
тиrolмайсиз. Фақат у ерда ўзи бўлган одамгина бу-
нинг қандайлигини тасаввур қилиши мумкин. Ёзда
кўпчилик урушнинг нималигини билди. Буни тушуниш-
ши истамаган офицерлар ҳам энди тушунишди.

— Энди нима бўлади? — дедим адёлни кафтим би-
лаи сийпалай туриб.

— Билмадим. Лекин менимча бу узоққа чўзил-
майди.

— Нима бўлади?

— Урушмай қўйишади.

— Ким?

— Уларам, буларам.

— Умид қиламиз,— дедим.

— Сиз бунга ишонмайсизми?

— Мен ҳар иккала томон бирдан урушмай қўйиши-
га ишонмайман.

— Ҳа, албатта. Унда жудаям зўр бўларди-я. Ле-
кин мен одамлар нималарни бошдан кечираётганлари-
ни кўриб, энди бундай давом этмаса керак, деб юриб-
ман.

- Еэги урушда ким ютди?
- Ҳеч ким.
- Австрислар ютишди,— дедим.— Улар италянларга Сан-Габриелени беришмади. Улар ютиб чиқишиди. Улар урушни бас қилишмайди.
- Агар уларнинг ҳам кайфияти бизникига ўхшаган бўлса, бас қилишлари ҳам мумкин. Уларнинг ҳам бўладигани бўлган.
- Урушда ютиб юрган томон сира урушишдан воз кечмайди.
- Мени жуда довдиратиб қўйдингиз.
- Мен ўйлаб юрган гапларимни айтяпман.
- Демак, сиз бу шундай давом этади, ҳеч нарса ўзгармайди деб ўйлайсизми?
- Билмадим. Лекин австрислар ҳамон ютиб чиқишиган экан, улар бас қилишмайди деб ўйлайман. Мағлубиятлар бизни христиан қиласди.
- Лекин австрислар бусиз ҳам христианлар-ку, тўғри, боснияликлардан ташқарин.
- Мен христиан дини ҳақида гапираётганим йўқ. Мен христиан руҳи ҳақида гапирайман.
- Ужимиб қолди.
- Биз енгилгач, нафасимиз ичимизга тушиб кетди. Агар Гефсиман боғида Петр Исони қутқариб олганда, ким билади, кейин Исо қандай зот бўларди?
- Ишонмайман,— дедим.
- Сизнинг гапларингиз мени эсанкиратиб қўйди,— деди яна у.— Мен бир гап ~~булишига~~ ишнаман ва худодан шуни ёлвориб сўрайман. Мен яқинлашиб келаётган нарсаларни сезиб турибман.
- Сиз айтган нарсалар юз ҳам берар,— дедим.— Лекин фақат бизда юз беради. Агар уларнинг ҳам кайфиятлари бизникидек бўлса, унда бошқа гап. Лекин улар бизни калтаклашди. Уларнинг кайфияти бошқачароқ.
- Кўп солдатлар бир хилда фикр қилишади. Уларда бунақа кайфият анчадан бери бор. Гап калтак ейишда эмас.
- Улар бошданоқ калтакланган әдилар. Уларни ишлаб турган ерларидан тортиб олиб солдат формасини кийгизганларидаёқ таёқ еган әдилар. Мана шунинг учун ҳам дехқон доно-да — агар бошданоқ енгилмаса,

у бүнчилтар доно бўлмасди. Қани, унга ҳокимиятни бе-риб кўринг-чи, ўшанда кўрасиз унинг чинакам доноли-гини.

У жавоб бермади. У ўйланиб қолганди.

— Менинг ҳам ҳозир ичимга чироқ ёқса, ёримайди,— дедим,— шунинг учун ҳам мен бундай нарсалар ҳақида ўйламасликка тиришаман. Мен буларни ўйлаб юрмайман, лекин гап очилиши билан шу нарсалар хаё-лимдан кечади.

— Мен бўлсам бир нарса бўладиёв, деб ишониб юрибман.

— Нима, мағлубиятга ишонибмидингиз?

— Йўқ. Бошқа каттароқ нарса рўй беради деб юргандим.

— Каттароқ ҳеч вақо йўқ. Ғалаба демасангиз агар. Лекин ғалаба бундан ҳам баттар бўлиши мумкин.

— Мен узоқ вақт ғалабага ишониб юрувдим.

— Мен ҳам.

— Энди билмай қолдим.

— Бир нарса албатта бўлади — ё ғалаба ва ё мағлубият.

— Ғалаба бўлишига мен энди ишонмайман.

— Мен ҳам ишонмайман. Мен мағлубиятга ҳам ишонмайман. Гарчи мағлубият ёмон бўлмасди.

— Унда нимага ишонаси?

— Уйқуга,— дедим. У ўрнидан турди.

— Шунча вақтингизни олганим учун маъзур тутинг мени. Лекин сиз билан суҳбатлашишни яхши кўраман.

— Мен ҳам сиз билан гаплашганимдан хурсандман. Уйқу ҳақида мен шунчаки ҳазиллашдим.

Мен ўрнимдан турдим ва биз қўл олишиб хайрлашдик.

— Мен ҳозир уч юз еттида тунаяпман,— деди у.

— Мен эртага эрталабдан постга кетаман.

— Қайтиб келганингизда кўришамиз.

— Ушанда яна гаплашиб ўтиармиз.— Мен уни эшиккача кузатиб қўйдим.

— Пастга тушманг,— деди у.— Яна кўришганимиздан хурсандман. Лекин сиз қайтиб келганингиздан унчалар хурсанд бўлмасангиз керак.— У қўлинин елкамга ташлади.

- Ҳаммаси жойнда,— дедим.— Хайрли тун.
- Хайрли тун.
- Ciao, — дедим. Үлгудай уйқум келганди.

Иигирма еттинчи боб

Мен Ринальди келганды уйғондым, лекин у оғиз очмади ва мен яна ухлаб қолдым. Тонг қоронғисида туриб кийиниб жұнаб кетдім. Мен уйдан чиқаётганимда Ринальди уйғонмади.

Мен илгари Байнзиццани күрмаган әдім. Ұзим ярадор бўлган қирғоқдан ҳамда баҳорда австрислар қўлида бўлган тоғ ёнбағридан борарканман, булар менга ғалати туюларди. Бу ердан янги тиккасига кетган йўл ўтказилган бўлиб, ундан кўп юк машиналари ўтиб бораарди. Юқорироқда қиялик янада нишаброқ бўлиб бораар, мен шу ердан туманда ўрмон ва тик тепаларни кўрдим. Ўрмон жуда тез ишғол қилинганидан уни қирғиб улгуришмаганди. Яна ҳам нарироқда йўл тепалардан ялангликка чиқиб, кафтдек қўриниб қолганидан унинг тепаси ва атрофини бардилар билан чайла қилиб ўралган әди. Йўл ҳароб қилинган қишлоққача бораарди. Позициялар шу ердан бошланарди. Қаёққа қараманг тўплар. Уйлар ярим бузилганди, лекин ҳамма ёқ саранжом-саришта, ҳамма ёққа кўрсаткич тахтачалар осиб қўйилганди. Биз Жинони қидириб топдик, у бизни қаҳва билан мөхмөн қилди, кейин мен у билан бирга ташқарига чиқдим, керакли одамларни кўрдик, постларни айландик. Инглиз машиналари нарида, Равнада ишлайяпти, деди Жино. У жуда инглизларга қойил қолибди. Онда-сонда отишмалар бўлиб туради, деди у, лекин ярадорлар кам экан. Ёғингарчилик бошлангандан кейин касаллар кўпаяр экан. Австрислар ҳужумга ўтармиш деган мишишлар бор. Лекин унинг бунга ишончи комил эмас экан. Биз ҳужумга ўтамиз деган узунқулоқ гаплар ҳам йўқ эмас, лекин ҳеч қандай ёрдамдан дарак йўқ, шундай экан, бу гапларнинг ҳам таги пуч. Овқат масаласи чатоқроқ экан, Горицияда бир маза қилиб овқатланаман, деди. У кеча нима овқат еганимизга қизиқди. Мен кечаги овқатни айтаб бердим. Қойил, деди у. Айниқса, долче¹ уни қаттиқ таъсирантириди. Мен тафсилотига берилиб ўтирумай,

¹ Ширинлик (итал.).

Долиң беришди десам, унинг тасаввурида бу тамомила
Тони¹ маңы бир нарсалар каби жоңланди шекилли.

Мен қаерга юборишар экан, билмайсизми, деди.
Мен хабарим йўқ, дедим, лекин машиналарниң бир
жисеми Қапореттода эканлигини айтдим. У ерга жон деб
бораман, деди. Жуда ҳам яхши шаҳарча, деди, айниқ-
са уни ўраб турган баланд тоғлар чиройли. У азамат-
гина йигит экан, ҳамма уни яхши кўраркан. Чинакам
жаҳаннам Сан-Габриеледа бўлибди, кейин оқибати
яянчли бўлган Лом ортидаги шиддатли жангдан ке-
йин нақ дўзахнинг ўзи бўлибди. Бутун Тернова тизма-
сидаги ўрмонларда, бизнинг ортимизда ва юқоримиз-
да — ҳамма ёқни австрисларниң тўплари босиб кес-
тибди. Кечалари йўл улардан қаттиқ ўққа тутилар
екан. Уларда бир батарея денгиз замбараклари ҳам
бор экан, жуда мияни еб юборди, деди у. Уларни сна-
рядларининг пастлаб учганидан билиш мумкин. Тўп
отилган заҳоти чийиллаш бошланади. Кўпинча иккита
тўпни кетма-кет отишади, снарядлар ёрилганда сўлақ-
мондай-сўлақмондай парчалари атрофга сочилар экан.
У менга қирра бўлиб кетган билакдай осколка парчаси-
ни кўрсатди. Метали баббитга ўхшарди.

— Булар унчалар кўп талафот етказишмайди,—
деди Жино,— лекин мен улардан қўрқаман. Овозидан
худди сенинг устингга келаётгандай бўлади. Аввал
зарбасини эшитасан, кейин ҳуштак овози чиқади, кейин
портлайди. Яраланмаганинг билан барибир қўрқиб ўлиб
бўласан.

У бизнинг қаршимизда кроат ва мадёрларниң полк-
лари турибди, деди. Қўшинларимиз ҳамон ҳужум тар-
тиботида турган экан. Агар австрислар ҳужум қилиб
қолсалар, чекингани жой йўқ. Ёйлотоғдан сал пастда
пастқам тоғлар бор, ўша ерларда зўр ҳимоя позиция-
лари қуриш мумкин эди, лекин бу ҳеч кимнинг эсига
келмайди. Айтмоқчи, Байнзица менда қандай таас-
сурот қолдирди?

Мен бу ер адирга ўхшаган бўлса керак, деб ўйла-
ган эдим. Мен бу ерни бунчалар ўр-тоғ ерлар деб бил-
магандим.

— Алто пиано,¹— деди Жино,— лекин пиано² эмас.

¹ Ясси тоғлар (итал).

² Ясси текислик (итал).

Биз у яшайдиган уйнинг ертўласига тушдик. Мен агар тизма тепаларнинг усти япасқи бўлиб, бир оз ўн-қир-чўнқирликлари ҳам бўлса, бундай ери ҳимоя қилиш паст тоғлар тизмасини ушлаб туришга қараганда осон бўлади, дедим. Тоғларда ҳужумга ўтиш текис ерда ҳужум қилишдан осонроқ эмас, деб уқтира бошладим.

— Қандай тоғ эканлигига қараб,— деди у.— Сан-Габриелени олинг.

— Ҳа,— дедим.— Тепаси ясси бўлган жойларда қийин бўлди. Лекин тепасигача анча осонлик билан борилганди.

— Унчалар осон бўлмади,— деди у.

— Тўғри,— дедим.— Лекин бу бошқачароқ ҳодиса, чунки бу ер тоғ эмас, қалъага ўхшайди. Австрислар уни кўп йиллар мустаҳкамлашган.

Мен ҳаракатдаги ҳарбий операцияларда тоғ тизмаларини фронт чизифи сифатида ушлаб туриш тактик жиҳатидан тўғри эмас, чунки тоғларни айланиб ўтиш осон, демоқчи эдим. Бунда қўшиналар ғоятда ҳаракатчан бўлишлари керак, тоғларда эса қўшинлар ҳаракатчанликдан маҳрум бўладилар. Бундан ташқари тепадан пастга отилганда доимо ўқ мўлжалдан ўтиб кетади. Қанотдаги қисмлар орқага чекинганларида ҳам, қўшинларнинг асосий, кучли қисми энг баланд тизмаларда қолади. Мен тоғлардаги урушларга унчалар ишонмайман. Мен бу ҳақда кўп ўйлаганман, дедим. Биз бир тоққа, улар эса бошқасига ўтириб оладилар. Ҳақиқий жанг қилиш учун эса, ҳар икки томон пастга тушишга мажбур.

— Чегара тоғлардан ўтгандан кейин шундан бошқа чора йўқ-да,— деди у.

Мен ҳали буни ўйлаб қўрмаган эканман, дедим ва биз кулишдик. Лекин, дедим мен, илгарилари доимо австрисларни Верон қалъаларининг тўрт бурчагида уришган. Уларни пастга олиб тушишарди-да, сўнг боллаб уришарди.

— Шундай,— деди Жино.— Лекин француэлар шундай қилган эдилар. Бошқа мамлакат ерларида жанг қилаётганингда стратегик масалаларни ҳал қилиш осонроқ бўлади.

— Шундай,— рози бўлдим мен.— Ўз ватанингда туриб буларни илмий суратда ечиш қийин.

— Руслар Наполеонни тузоққа тушириш учун шундай қилишган.

— Шундайку-я, лекин русларнинг ерлари кўп-да. Италияда Наполеонни тузоққа тушираман деб, чекиниб кўринг-чи, ўша заҳоти ўзингизни Бриндизида кўрасиз.

— Жуда ҳам расво шаҳар-да,— деди.— Сиз у ерда сира бўлганимисиз?

— Иўл-йўлакай бир кўрган эдим.

— Мен ватанпарварман,— деди Жино.— Лекин Бриндизи ёки Тарантони сира жиним ёқтирамайди.

— Байнзиццани-чи, уни яхши кўрасизми?— сўрадим мен.

— Бу муборак ер,— деди у.— Лекин мен у кўпроқ картошка етиштириб беришини истардим. Биласизми, бу ерга келганимизда биз австрислар эккан картошка далаларини кўрдик.

— Нима, бу ерда озиқ-овқатнинг шунаقا мазаси йўқми?— сўрадим мен.

— Мен бирон марта ҳам тўйиб овқат еганим йўқ, эҳтимол иштаҳам яхши бўлганидан шундай туюлгандир, лекин шунда ҳам оч қолган пайтимиз бўлмади. Офицерларнинг овқатлари яхши эмас. Олдинги позицияларда анча дуруст овқат беришади, лекин таъминловчи қисмларни ёмон боқишади. Қаердадир, нимадир халақит бермоқда. Озиқ-овқатнинг ўзи етарли бўлса керак.

— Олиб сотарлар четга сотиб юборишади.

— Олдинги позициялардаги батальонларга нима керак бўлса, беришади, орқароқда турган қисмлар эса анча қийналнишмоқда. Ҳозирча австрисларнинг ҳамма картошкаларини еб бўлдик, атроф дараҳтзорлардаги барча каштанлар ҳам еб бўлинди. Дурустроқ боқишича бўлмасмикин. Бу ерда ҳамманинг иштаҳаси карнай. Мен озиқ-овқатнинг етарли эканлигига ишонаман. Солдатга овқат етишмаганидан ёмони йўқ. Бу одамнинг фикрига қандай таъсир этишини биласизми?

— Ҳа,— дедим.— Бу ғалабага олиб бормайди, лекин мағлубиятга олиб бориши мумкин.

— Мағлубият ҳақида гапиришмаймиз. Бу ҳақдаги гаплар шусиз ҳам етиб ортади. Бу йил ёзида рўй берган нарсалар изсиз қолиб кетмас, ахир.

Мен индамадим. Мени «муборак», «шавкатли», «қурбон» деган сўзлар ва «рўй берган»га ўхшаш ибо-

ралар ғалати, ўнғайсиз аҳволга солади. Биз уларни баъзан ёмғирда туриб эшитганмиз, эшитганда ҳам шундай масофадан туриб эшитганмизки, бизгача фақат айрим сўзларгина етиб келган, биз уларни плакатларда ўқиганмиз, бу плакатлар шунга ўхшаш бошқа плакатлар устига ёпиширилаётганда ўқиганмиз. Лекин мен муқаддас ҳеч нарсани кўрганим йўқ. Шавкатли деб ҳисобланган нарсалар шавкатли эмасди. Қурбонлар ҳам Чикаго қушхоналарини эслатар, фарқи, гўшти бу ерда тупроққа кўмишарди. Одам эшитса қони қайнайдиган сўзлар кўпайиб борарди, бора-бора фақат жойларнинг номларигина бир нарса англатадиган бўлиб қолди. Баъзи бир рақамлар ва баъзи бир саналар ҳам ўз қимматларини сақлаб қолдилар, шуларни ва жойларнинг номларини бемалол ўз маъносида тилга олса бўларди. «Шуҳрат», «жасорат», «шавкат» ёки «муқаддас» сингари мавҳум сўзлар қишлоқларнинг аниқ номлари, йўлларнинг сон белгилари, дарёларнинг атамалари, полкларнинг рақамлари, кунларнинг олдида шармсиз сўзлар каби туюларди. Жино патриот эди, шунинг учун унинг айрим гаплари орамизга ғов соларди, лекин ўзи тузук йигитга ўхшар ва мен унинг патриотизмини тушунардим. У патриотизм билан биргаликда туғилган. У Горицияга жўнаш учун Педуцци билан машинага ўтирди.

Куни билан бўрон бўлиб турди. Шамол ёмғир селини олиб келар, ҳамма ёқ кўлмак ва балчиқ эди. Бузилган деворларнинг сувофи кул ранг ва намиққан эди. Кечки пайт ёмғир тинди, иккинчи постда туриб мен ёмғир савалаган яланғоч кузги далани, адирларда кезиб юрган булувларни, йўлдаги устидан сув оқиб турган сомон чайлаларни кўрдим. Офтоб ботмасдан бурун бир кўринди ва тоғ тизмалари ортидаги яланғоч ўрмонга ёғду сепалади. Шу тизмадаги ўрмонга жуда кўп австрис тўплари жойлашган эди, лекин улардан баъзиларигина ўт очмоқда эдилар. Мен баногоҳ, фронт яқинида жойлашган бузилиб кетган ферма устида шрапнель снарядининг бир парча тутуни пайдо бўлишига қараб турардим, паға дуд ўртасида сарғимтири оқ ёлқини бор. Олдин ёлқин кўринар, сўнг қарсиллаган овоз чиқар, кейин дуднинг думалоги шамолда чўзилар ва сийраклашиб кетарди. Вайроналар ичидаги пост турган уй олдидаги йўлнинг ҳамма ёғида шрапнель ўқ.

лари сочилиб ётар, лекин ҳозир постни үққа тутаётганилари йўқ эди. Биз икки машинага юқ ортиб, устига чайла қурилган йўлдан кетдик, чайлаларнинг ёруғларидан ботаётган офтобнинг сўнгги нурлари тушиб турарди. Биз очиқ йўлга чиққанимизда қуёш ботган эди. Биз очиқ йўлдан кетдик, бурилишдан ўтиб, йўлнияг яна хашак чайлалар билан беркитилган қисмига кирганимизда, ёмғир бошлаб берди.

Кечаси шамол кучайди, тонгги соат учда жала уриб турган бир пайтда отишма бошланди ва кроатлар төрдалалари ва ўрмонзорларидан тўғри бизнинг устимизга бостириб кела бошладилар. Улар ёмғирда, қоронғилик ичидаги жанг қилишар, кейин қўрқиб кетганларидан довюраклик билан душман устига ташланган иккинчи қатор хандақлардаги солдатларнинг қарши ҳужуми туфайли улоқтириб ташландилар. Снарядлар ёрилар, ёмғирда ракеталар учиб чиқар, бутун фронт бўйлаб пулемёт ва милтиқ отишмалари давом этарди. Улар ҳужумга бошқа журъат қилмадилар, теваракка жимлик чўқди, баъзан ёмғир ва шамол узоқ шимолдан тўп овозларини олиб келарди.

Постга яраланганлар кела бошлади: бировларни замбарларда келтиришар, бошқа бирлари ўзлари юриб келишар, учинчи бирларини майдондан қайтаётган ўртоқлари олиб келаётган эдилар. Улар шилти-шалаббо бўлиб кетишган, қўрқувдан ўзларини бисмасдилар. Биз иккита машинани постнинг ергўласида ётгани ярадорлар билан тўлдирдик, мен иккинчи машинанинг эшигини ёпиб, илгагини маҳкамлаганимда, юзимга қор зарралари урилди. Ёмғир аралаш оғир қор ёғарди.

Тонг отганда бўрон ҳамон давом этар, лекин қор тўхтаганди. Қор ҳўл ерда эрир, энди яна ёмғир ёғарди. Тонгда бизга яна ҳужум қилишди, лекин бирор натижажа чиқаришолмади. Биз яна ҳужум бўлишини кунп билан кутдик, лекин кун ботгунга қадар ҳамма ёқ сукунат ичидаги турди. Отишма жанубдан, австрисларнинг артиллерияси йигилган ўрмон билан қопланган узун төр тизмаси томонидан бошланди. Биз ҳам отишма бўлиб қолар деб кутган эдик, лекин кутганимизча чиқмади. Қоронғи қуюқлашиб борарди. Бизнинг тўпларимиз қишлоқнинг нариги томонидаги далада турарди, улардан отилган снарядларнинг ҳуштаги кишиз тасалли берарди.

Жанубдаги ҳужум мұваффақиятсиз чиққанини шитдик. Ұша кечаси ҳужум бошқа қайтарилемади, лекин біз шимолда фронт ёриб ўтилғанлыгини билиб қолдик. Тунда бізге чекинишга тайёргарлик күріш ҳақида хабар қилишди. Менга буни капитан айтди. У бригада штабидан маълумот олибди. Күп ўтмай, у телефонда гаплашиб келди-да, ҳаммаси ёлғон экан, деди. Штабға Баннзиццани нима бўлганда ҳам қўлда ушлаб туриш ҳақида буйруқ берилебди. Мен фронтни ёриб ўтишгани ҳақида сўрадим. У штабда австрислар йигирма еттинчи армия корпусининг фронтини Қапоретто томонда ёриб ўтганларини айтишди, деди. Шимолда кеча куни билан шиддатли жанглар бўлибди.

— Агар ярамаслар уларни ўтказиб юборишса, таомом бўламиз,— деди у.

— Немислар ҳужум қилишаётиди,— деди врачлардан бири. «Немис» сўзи юракка қўрқинч соларди. Биз сира ҳам немисларга дуч келишни истамасдик.

— У ерда ўн бешта немис дивизияси бор,— деди врач.— Улар ёриб ўтишган. Биз қуршовда қоламиз.

— Бригада штабида биз шу позицияларни ушлаб туришимиз кераклигини айтишялти. Упирлиш унчалар катта эмас экан, биз энди тоғлар оша Монте-Мажоредан бошлаб фронт чизигини ушлаб турар эканмиз.

— Улар бу маълумотларни қаердан олишибди?

— Дивизия штабидан.

— Чекиниш ҳақида ҳам дивизия штабидан хабар қилишганимиди?

— Дивизия штабидан.

— Чекинишга ҳозирлик кўриш ҳақида ҳам дивизия штабидан хабар беришганди.

— Бизнинг бошлиғимиз — армия штаби,— дедим мен.— Лекин бу ерда мени бошлиғим сиз бўласиз. Агар менга бор деб буюрсангиз, бораман. Лекин буйруқ қандай, аниқ билсангиз.

— Буйруқ шуки, биз шу ерда қолишимиз керак. Сиз ярадорларни тарқатиш пунктига етказиб берсангиз бўлгани.

— Баъзан тарқатиш пунктларидан ҳам дала госпиталларига ярадорларни олиб келамиз,— деди.— Айтинг-чи,— мен ҳеч қачон чекинишда бўлмаганман, агар чекиниш бошланса, ҳамма ярадорларни қай тартибда кўчиришади?

— Ҳаммани күчиришмайди. Имкон борича олиб, қоғанларини қолдириб кетишади.

— Мен машиналаримда нима олиб кетаман?

— Госпиталь асбобларини.

— Тушунарли,— дедим.

Эртасига кечаси чекиниң боцланди. Немислар ва австрислар шимолда фронтни ёриб ўтганлари ва төр дарапаридан Чивидале ҳамда Удинага томон келаёт. Ганнлари маълум бўлди. Ёмғир ёғар, тартиб билан ноҳуш ва жимгина чекинардик. Кечаси тиқилинч йўллардан секин юриб борар эканмиз, ёмғирда чекинаётган қўшилгарни, от, хачир қўшилган араваларни, тўпларни, юк машиналарини кўриб борардик, буларнинг бари фронтдан кетмоқдайди. Олга борилаётгай тартиб қандай бўлса, чекинилганда ҳам тартиб деярли ўшандай эди.

Уша кечаси биз ёйлотоғда бузилмай қолган госпиталларга ярадорларни кўчиришга кўмаклашдик, ярадорларни Плавага олиб бордик, эртасига эса, куни билан қуийб турган ёмғирда Плаванинг ўзидағи госпиталларни ва тарқатиш пунктларини кўчиришга ёрдамлашдик. Ёмғир тинимсиз челакдан қўйгандай ёриб турар ва Байнзицца армияси октябрнинг ёмғири остида тоғлардан тушиб келар ва шу йил баҳорда улуғ ғалабаларга эришилган ердан дарёни кечиб ўтишарди. Эртасига кун ўрталарида биз Горицияга етиб бордик. Ёмғир тинган, шаҳар деярли бўм-бўш эди. Қўчадан ўтиб кета туриб биз солдат исловатхонасидаги қизларни юк машиналарга чиқараётгандарини кўрдик. Қизлар еттита бўлиб, ҳаммалари шляпа ва пальто кийган, қўлларида кичкина чамадончалари бор эди. Қизлардан иккитаси кўз ёши қилишарди. Учинчиси бизга табасум қилди, тилини чиқариб, у ёқдан-бу ёққа айлантириди. Унинг лаблари дўрдоқ, кўзлари қоп-қора эди.

Мен машинани тўхтатиб, пастга тушдим-да, бека билан гаплашдим. Офицерлар уйидаги қизлар аzonда жўнатилган экан. Қаёққа кетяпсизлар, деб сўрадим. Копельянога, деди бека. Юк машинаси ўринидан қўзфалди. Лаблари дўрдайган қиз бизга яна тилини кўрсатди. Бекач қўлини силкиди. Иккала қиз эса ҳамон йиғлашарди. Бошқалари шаҳарни томоша қилиб боришаарди. Мен яна машинага ўтирдим.

— Қанн энди шулар билан кетсанг,— деди Бонелло.— Роса маза қиласардик-да!

— Шошманг, ҳамма маза ҳали олдинда,— дедим.

— Роса сарсон бўладиган бўлдик.

— Мен ҳам шундай демоқчиман,— дедим. Биз виллага олиб борадиган хиёбонга чиқдик.

— Бу дўндиқчалар жойлашиб олиб ишга тушиб кетадиган жойда бўлиб қолсанг қанийди.

— Сиз улар бора солиб дарров ишга тушиб кетадилар деб ўйлайсизми?

— Тушганда қандоқ! Иккинчи армияда ким уларниг бекачини билмайди.

Биз виллага етиб келгандик.

— Уни роҳиба она деб чақиришади,— деди Бонелло.— Ойимчалар янги экан, лекин бекачни ҳамма танийди. Уларни чекинмасдан сал бурунроқ келтиришган шекилли.

— Энди жонларини аямай тер тўкишади.

— Мен ҳам тер тўкишади деяпманда. Мут бўлсаю, улар билан кўнгил очишсанг. Жуда одамни шилиб силишади да. Давлат нуқул бизни алдгани-алдаган.

— Машинани олиб боринг, механик кўриб қўйисин,— дедим.— Мойини алмаштириинг, дифференциални текширинг. Заправка қилинг, кейин бирпас мизғиб олсангиз бўлади.

— Хўп бўлади.

Вилла бўм-бўш эди. Ринальди госпиталь билан бирга жўнабди. Майор штаб машинасида медицина ходимларини олиб кетибди. Деразада менга хат ёзиб қолдирилган экан, унда эшик олдига қўйилган асбобларни ортиб, Порденонега бориш буюрилганди. Механиклар кетиб бўлишибди. Мен гаражга қайтдим. Виллага бориб келгунимча қолган икки машина ҳам етиб келибди, шоферлар ҳовлида туришган экан. Яна ёмғир имирслай бошлади.

— Шунчалар уйқу босяптики, Плавадан келаётганимизда уч марта кўзим уйқуга кетиб қолибди,— деди Пиани.— Нима қиласидиган бўлдик, тенепе?

— Мойини алмаштирамиз, мойлаймиз, заправка қиласиз, бориб бизга қолдирган юкни ортамиз.

— Кейин йўлга тушамизми?

— Йўқ, икки-уч соат мизғиб оламиз.

— Жин урсин, ухлаш маза-да,— деди Бонелло.— Бўлмаса, мен рулда ухлаб қолган бўлардим.

— Машинангиз қалай, Аймо?— сўрадим.

- Жойида.
- Менга кўн пальтони беринг, сизга ёрдамлашаман.
- Ҳожати йўқ, *tenente*, — деди Аймо.— Иши унча кўп эмас. Сиз ўзингизнинг нарсаларингизни йиғиши-раверинг.
- Нарсаларим ҳаммаси йиғиширилган,— дедим.— Мен улар қолдирган нарсаларни бу ёққа олиб чиқайчи. Тузатиб бўлишингиз билан машиналарни олиб боринг.
- Улар машиналарни вилланинг катта дарвозаси ол-дига олиб келишди ва биз уларга госпиталнинг асбоб-ускуналарини ортдик. Кўп ўтмай ишни битирдик. Авто-мобиллар икки ёнига дараҳт экилган хиёбонда қатор тизилишди. Ёмғир тинмай уриб туради. Биз уйга кирдик.
- Ошхонада ўт ёқиб, кийимларингизни қуритиб олинг,— дедим.
- Падарига лаънат, ҳўл бўлсан нима қилибди,— деди Пиани.— Уйқум келяпти.
- Мен майорнинг каравотига ётаман,— деди Бонелло.— Чол қандай тушлар кўрганийкин, бир былай-чи.
- Менга қаерда ётсан ҳам барибир,— деди Пиани.
- Мана бу ерда иккита каравот бор,— дедим эшик-ни очиб.
- Мен бу хонага сира ҳам кирмаганман,— деди Бонелло.
- Бу қари қурбақанинг хонаси эди,— деди Пиани.
- Икковингиз шу ерда ётинг,— дедим.— Ўзим уйғо-таман.
- Агар сиз ҳам ухлаб қолсангиз, *tenente*, бизни австрислар уйғотишади,— деди Бонелло.
- Ухлаб қолмайман,— дедим.— Аймо қани?
- Ошхонага кетди.
- Ётиб ухланглар,— дедим.
- Мен ётаман,— деди Пиани.— Мен куни билан ўтириб ухлаб келдим. Манглайим кўзимга тушиб ке-тай деяпти.
- Этигинги еч,— деди Бонелло.— Бу қурбақанинг каравоти.
- Тупурдим қурбақангга!
- Пиани ифлос этиклари билан каравотга чўзилди, қўлларини бошининг тагига қўйди. Мен ошхонага кетдим. Аймо плитага олов ёқиб, устига котелокда сув қўйибди.

— Бирозгина спагетти қилиш керак,— деди у.—
Үйқудан турғанимизда қорин очади.

— Сиз ухламайсизми, Бартоломео?

— Үнчалик үйқум келмаяпты. Сув қайнаши билан кетаман. Олов ўзи ўчиб қолади.

— Сиз яхвиси ухлаб олинг,— дедим.— Пишлоқ билан консерва есак ҳам бўлаверади.

— Шундай қилсак, яхши бўлади,— деди у.— Бир тарелка иссиқ овқат анов анархистларга қувват бўлади. Сиз ётиб ухлайверинг.

— Майорнинг хонасида ўрин бор.

— У ерда ўзингиз ётаверинг.

— Йўқ, мен ўзимнинг эски хонамга бораман. Озги на ичасизми, Бартоломео?

— Йўлга тушаётганимизда, *тепенте*. Ҳозир ичгим йўқ.

— Агар уч соатдан кейин сиз уйғонсангизу, мен ухлаб ётған бўлсан, уйғотиб қўярсиз, хўпми?

— Менинг соатни йўқ.

— Майорнинг хонасида девор соат бор.

— Хўп.

Мен ошхона ва вестибюлдан ўтиб, мармар зинадан Ринальди билан турадиган хонамизга чиқдим. Ёмғир ёғиб турарди. Мен деразадан ташқарига қарадим. Босиб келаётган қоронфиликда, дарахтлар тагида қатор турган уч машинани кўрдим. Даражалардан сув оқиб тушмоқда эди. Ҳаво совуқ бўлганидан оқиб тушаётган томчилар новдаларда туриб қоларди. Мен Ринальдинг ўрнига ётдиму, шу заҳоти үйқуга кетдим.

Йўлга тушмасдан бурун ошхонада тамадди қилиб олдик. Аймо пиёс солиб спагетти қилган экан, гўшт консерваларнинг устига солиб берди. Биз столга ўтириб вилла ертўласида қолдирилган винолардан иккичишиласини ичдик. Бутунлай қоронги тушган, ёмғир эса ҳамон ёғиб турарди. Пиани столда ҳамон кўзлари тўла уйқу ўтиарди.

— Менга ҳужум қилгандан кўра чекинган кўпроқ ёқади,— деди Бонелло.— Чекинаётимизу, барбера ичаётимиз.

— Ҳозир ичяпмиз-да. Эртага ёмғирнинг сувини ичамиз,— деди Аймо.

— Эртага биз Удинада бўламиз. Шампан ичамиз.

Хамма тақасалтанглар ўша ерда яшайди. Құзияғни оч, Пиани! Эртага Удинада шампан ичамиз.

— Мен ухлаётганим йўқ,— деди Пиани. У ўз тарелкасига спагетти билан гўшт солди.— Томат бўлгандами, а, Барт?

— Қидириб ҳеч қаердан топмадим,— деди Аймо.

— Эртага Удинада шампан ичамиз,— деди Бонелло. У стаканини тиниқ қизил барбера билан тўлдирди.

— Удинага боргунча п... қимиз бошимизга чиқмасайди,— деди Пиани.

— Яна солиб берайми, *tепенте*?— сўради Аймо.

— Раҳмат, бўлдим. Менга шишани узатиб юборинг, Бартоломео.

— Менда ўзимиз билан олиб кетиш учун қиши бошига бир шишадан бор,— деди Аймо.

— Сиз ҳеч ухламадингизми?

— Кўп ухлашни ёмон кўраман. Озроқ ухладим.

— Эртага биз қиролларнинг тўшагига ётамиш,— деди Бонелло. Унинг кайфи анча чоғ эди.

— Эртага эҳтимол биз п... қимизнинг устида ётишга мажбур бўлармиз,— деди Пиани.

— Мен қиролича билан ётаман,— деди Бонелло. У ҳазилим қандай таъсир қилди экан деб менга қаради.

— Сен п... қ билан ухлайсан,— деди Пиани уйқули товуш билан.

— Бу давлатга хиёнат, *tепенте*, деди Бонелло.— Давлатнинг хиёнати, тўғрими?

— Овозингизни ўчиринг,— дедим.— Ичингизга жиндак кириб, дарров ўзингизни билмай қолдингиз.

Ёмғир тобора кучаярди. Мен соатга қарадим. Соат тўққиз ярим бўлганди.

— Йўлга тушайлик,— дедим ва ўрнимдан турдим.

— Сиз ким билан борасиз, *tепенте*?— сўради Бонелло.

— Аймо билан. Қейин сиз. Қейин Пиани. Кормонс йўлидан борамиз.

— Мен ухлаб қоламанни, деб қўрқиб турибман,— деди Пиани.

— Яхши. Мен сиз билан бораман. Қейин Бонелло. Қейин Аймо.

— Шуниси тузук,— деди Пиани.— Бўлмаса, кўзларим бир-бирига ёпишиб кетяпти.

— Машинани мен ҳайдайман, сиз бир оз мизғиб өласиз.

— Иўқ. Уйғотиб қўядиган одам бўлгандан кейин кўнглим тўқ, ўзим ҳайдайвераман.

— Сизни мен уйғотаман. Чироқни ўчиринг, Барто.

— Қўяверинг, ёнаверсин,— деди Бонелло.— Бошқа бу ерда турмаймиз-ку.

— Менинг хонамда сандиқчам бор,— дедим.— Сиз уни олиб чиқишига ёрдамлашиб юборинг, Пиани.

— Ҳозир олиб келамиз,— деди Пиани.— Юр, Альдо.

У Бонелло билан бирга чиқиб кетди. Менга уларнинг зинадан чиқиб бораётганлари эшитилиб турди.

— Яхши шаҳар эди,— деди Бартоломео Аймо. У ўзининг сафар халтасига икки шиша вино билан ярим бўлак пишлоқ солди.— Бунақа шаҳарни бошқа қидириб ҳам тополмаймиз. Қаерга чекиняпмиз, *tenente?*

— Тальяментонинг нарёғига дейишяпти. Госпиталь билан штаб Порденонеда бўларкан.

— Порденонедан шу ер яхши эди.

— Мен Порденонеда бўлмаганман,— дедим.— Иўл-йўлакай бир кўрганман.

— Мазаси йўқ шаҳарча,— деди Аймо.

Иигирма саккизинчи боб

Биз Горициядан чиқаётганимизда ёмғир ёғаётган шаҳар бўшаб қолган, катта кўчадан фақат қўшинларнинг колонналари ва тўплар ўтиб борарди. Булардан ташқари яна талай юк машиналари ва аравалар бошқа кўчалардан чиқиб катта йўлда асосий колоннага қўшиларди. Тери ошлайдиган корхоналардан ўтиб, катта йўлга чиқдик, бунда қўшинлар, юк машиналари, от қўшилган аравалар ва тўплар бир каттакон колонна бўлиб оҳиста олға жилиб борарди. Биз секин, лекин олға юрмоқда эдик, радиаторимиз устига юк ортилиб, брезент тортилган олдинги машинанинг орқа кузовига тегай-тегай деб кетмоқда эди. Бирдан юк машинаси тўхтади. Бутун колонна тўхтади. Кейин у яна ўрнидан қимирлади, биз яна бироз юриб яна тўхтадик. Машинадан тушиб олдинга юриб кетдим, юк машиналар, аравалар ва отларнинг ҳўл тумшуқлари тагидан ўтдим. Тиқилинч олдинда эди. Мен йўлдан четга чиқдим-да,

жар устига ташланган тахтачалардан ўтдим, жардан ўтилган заҳоти дала бошланар, шу дала бўйлаб кетдим. Йўлдан узоқлашаркаиман, кўзимни дараҳтлар орасида ёмғирда қимиrlамай турган колоннадан узмасдим. Мен бир чақиримча юриб бордим. Колонна жойида тураг, унинг орқасидан эса ҳамон қўшиклар келишарди. Мен машиналар олдига қайтдим. Тиқилинчнинг боши Удинада бўлиши ҳам мумкин эди. Пиани рулда ухлаб ётарди. Мен ҳам унинг ёнига ўтириб ухлаб қолибман. Бир неча соатдан сўнг олдинги машинанинг гийқиллаганини эшилдим. Мен Пианини уйғотдим ва биз тўхтаб-тўхтаб юра бошладик. Ёмғир ҳамон эзарди.

Кечаси колонна яна тўхтаб қолди ва анчагача ўрнидан қимиrlамади. Мен пастга тушиб, Бонелло билан Аймонн кўргани орқага бордим. Бонеллонинг машинасида инженер қисмларидан икки сержант ўтиришарди. Мени кўришлари билан дик туриб қотиб қолдилар.

— Уларни қандайдир кўприкни тузатгани қолдиришган экан,— деди Бонелло.— Улар ўз қисмларини йўқотиб қўйишибди, мен машинага тушишларига рози бўлдим.

— Агар жаноб лейтенант ижозат этсалар.

— Майли,— дедим.

— Бизнинг лейтенантимиз америкалик,— деди Бонелло.— Ким бўлмасин обориб қўяверади.

Сержантлардан бири кулимсиради. Бошқаси Бонеллодан мени шимолий америкалик италянларданми ёки жанубий америкалик италянларданми, деб сўради.

— У италян эмас. У шимолий америкалик инглиз.

Сержантлар одоб билан эшитишди-ю, лекин ишонишмади. Мен уларнинг олдидан Аймони кўргани кетдим. Аймонинг ёнида иккита қиз ўтирас, ўзи бурчакка қисилиб олиб чекарди.

— Барто, Барто!— дедим. У кулди.

— Улар билан гаплашиб кўрингтепенте,— деди у.— Мен уларнинг тилини тушунмайман. Ҳей!— У қизлардан бирининг белига қўлинни юбориб, уни дўстона қисиб қўйди. Қиз шол рўмолига қаттиқроқ ўралиб, унинг қўлинни итариб ташлади.— Ҳей!— деди у,— тепенте га исмларигизни ва бу ерда нима қилиб юрганларингизни айтинг.

Қиз менга еб қўйгудай бўлиб қаради. Иккинчи қиз

ер чимдіб ўтиради. Ҳалиги менга қараганы лаңжада бир нарса деди, лекин мен бир оғиз гапини ҳам тушунмадым. У қорачадан келган, күринишдан ўн олти ёшларда эди.

— Seorilla?¹ — сўрадим мен иккинчи қизни кўрсатиб.

У бошини силкиб тасдиқлади ва жилмайди.

— Хўш,— дедим мен ва унинг тиззасига шаппати-лаб қўйдим. Қўлим тегиши билан у қаттиқ сесканиб кетди. Синглиси ҳамон бошини ердан кўтармасди. У опасидан бир ёшлар чамаси кичикроқ эди. Аймо яна опасининг белига қўлини юборган эди, у яна силтаб ташлади. Аймо кулди.

— Яхши одам.— У ўзини кўрсатди.— Яхши одам.— У мени кўрсатди.— Қўрқиш керак эмас.

Қиз унга еб ташлагудай бўлиб қааради. Улар иккита ёввойи қушга ўхшардилар.

— Унга ёқмасам, нега мен билан бирга боради?— сўради Аймо.— Мен имламасданоқ, жон-жон деб машинага чиқиб олишди.— У қизга ўгирилди.— Қўрқма,— деди у.— Ҳеч ким сени...— У қўпол сўзни ишлатди.— Жойи эмас...— Мен қиз сўзни тушунганлигини кўрдим, лекин у шундан бошқа ҳеч нарсани англамади. Унинг йигитга қараб турган кўзларида даҳшатли қўрқув акс этарди. У рўмолига янада маҳкамроқ ўралиб олди.— Машина тўла юк,— деди Аймо.— Ҳеч ким сени... Жойи эмас...

У ҳар сафар шу сўзни оғзига оларкан, қиз жунжи-киб кетарди. Кейин қалт-қалт қилиб унга қаради-да, йиғлаб юборди. Мен унинг лаблари учганлигини, сўнг лўппидек юзларидан ёшлар оқа бошлаганини кўрдим. Синглиси кўзини кўтармасдан унинг қўлидан ушлаб олди, улар шу тариқа ўтирилар. Боя одамни еб қўяй деган опаси энди ўкириб йиғларди.

— Қўрқиб кетганга ўхшайди,— деди Аймо.— Мен уни қўрқитмоқчи эмасдим.

У халтасини олди-да, икки бўлан пишлоқ кесиб узатди.— Ма, ол,— деди у.— Йиғлама.

Опаси бошини чайқади, йиғлашдан тўхтамади, лекин кичиги пишлоқни олиб ея бошлади. Салдан кейин синглиси опасига пишлоқни берди ва улар индамай ов-

¹ Синглингми? (итал.).

қат егани тутиндилар. Оласи ҳамон ора-чора ҳиқиллаб құярди.

— Ҳечқиси йўқ, овуниб қолади,— деди Аймо.

Унинг калласнга бир фикр келди.

— Қизмисан?— сўради у ёнида ўтирганидан. Қизшоша-пиша бошини қимирлатиб тасдиқлади.— Үям қизми?— Синглисини кўрсатди у. Икковлари ҳам бошларини силкидилар. Қаттаси лаҳжада нимадир деб қўйди.

— Хўп, хўп, майли,— деди Бартоломео.— Майли.

Иккала қизга ҳам сал ранг киргандай бўлди.

Мен уларни кабина бурчагига суқилиб ўтирган Аймо билан қолдирдим-да. Пиани олдига қайтдим. Транспорт колоннаси қимирламай туар, лекин унинг ёнидан тинимсиз суратда қўшинлар ўтиб борарди. Ёмғир ҳамон чеълаклаб қуяр, мен баъзан колоннанинг ҳаракатсизлиги машиналарнинг проводкаси намиқиб қолишидан бўлишини ўйлардим. Ундан ҳам тўғрироғи, отлар ёки одамларнинг йўлда ухлаб қолишларидан ҳам тўхтаб қолиш ҳеч гапмас. Лекин йўлда ҳеч ким ухлаб қолмайдиган шаҳарларда ҳам тўхтаб қолишлар бўлиб туради-ку. Ҳамма бало автотранспорт билан уловнинг бир жойда бўлганлигига. Автомобиллар билан улов бир бўлдими иш расво деяверинг. Умуман, дехқонларнинг уловларидан наф кам. Бартонинг олдидағи қизлар ғалати қизлар экан. Чекинаётган армияда маҳпора қизлар нима қилиб юришибди ўзи. Иккита бокира қиз. Балки художўйдирлар. Уруш бўлмаганда ҳозир ҳаммамиз тўшакда ётган бўлардик. Яна ётаман ўз тўшагимга. Қэтрин ҳозир ўринда ётибди, бир чойшаб тагида, бир чойшаб устида. Қайси ёни билан ётганийкин? Балки у уйқуда эмасдир? Балки у ҳозир ётиб мени ўйлаётгандир. Уч, мағриб шамоли, уч. Мана у эсиб келди, майнин эмас қаттиқ жалани олиб келди у қора булут. Тун бўйи ёмғир. Шлкаси тўлиб кетган булут туни билан кўз ёши тўкиб чиқажагини сен билганмидинг. Қуишини кўр. Қанийди шу тобда севгилим ёнимда бўлса. Менинг севгилим Қэтрин. Қанийди севгилим сабо қанотида етиб келса. Менга Қэтринимни олиб кел, эй сабо. Биз тўрга илиндик. Ҳаммамиз олов селига тушдик, бу оловни майнин ёмғир ўчиролмайди.— Хайрли тун, Қэтрин,— дедим баланд овоз билан.— Тинч ухла. Агар ноқулай ётиб қолган бўлсанг, бошқа ёнингга ўгрил, жоним,— дедим мен.— Мен сенга муздек сув олиб

келаман. Тезда тонг отади ва сен анча енгил тортасан. Чақалоғинг сени бир оз безовта қилади, начора, майли. Құларнингни юм, жоним, ором ол.

Мен уйқуда әдім, деди у. Сен уйқингда гапирдинг. Тобинг йўқми?

Сен ростдан ҳам шу ердамисан?

Мен келдім, мен шу ердаман. Энди ҳеч қаёққа кетмайман. Буларнинг биз учун сира аҳамияти йўқ.

Сен шундай гўзал ва яхшисанки. Сен кечаси кетиб қолмайсанми? Мен доим ёнингдаман. Қачон чақирмагин, мен ёнингдаман.

— Эҳ, ана...! — деди Пиани. — Кетдик!

— Мудроқ босибди, — дедим. Мен соатга қарадим. Эрталабки уч эди. Мен барбера шишасини олиш учун суюнчиқ оша эгилдим.

— Сиз уйқингизда гапирдингиз, — деди Пиани.

— Инглизча туш кўрибман, — дедим.

Ёмғир тинай деб қолибди, биз йўлга тушдик. Тонг отмасдан илгари яна тўхтаб қолдик, ҳамма ёқ ёришиб кетгач, қарасак, биз унча баланд бўлмаган тепаликда турган эканмиз. Тепаликдан бутун чекиниладиган йўл кўриниб турар, йўл олдинга ниҳоятда чўзилиб кетган, унда ҳаракатсиз транспорт тиқилиб ётар, унинг орасидан эса, пиёдалар ўтиб боришарди. Биз яна йўлга тушдик, ҳаракатимиз шу қадар суст эдики, агар шу тарика қимирладиган бўлсак. Удинага сира ҳам етиб бўлмаслигини, у ерга қачондир етиб бориш нияти туғилгудек бўлса, йўлдан чиқиб тўғридан кетишимиз кераклигини англадим.

Кечаси билан колоннага қишлоқ йўлларидан кўп дехқонлар келиб қўшилишибди, энди колоннада кўчкўрон ортган арава-уловлар ҳам борарди. Қўзгулар тўшаклар орасига қўйилган, араваларнинг орқасига ғоз ва ўрдаклар боғланган эди. Бизнинг олдимизда бораётган аравада тикув машинаси шундоқ ёмғирда турарди. Ҳар ким нимаики қимматли нарсаси бўлса, шуни ортиб олган эди. Баъзи араваларда аёллар ёмғирдан рўмолларига ўралиб ўтиришар, бошқа бирлашри аравларнинг биқинига иложи борича яқин туриб боришарди. Колоннада итлар ҳам йўқ эмасди, улар араваларнинг тагида писибгина кетишарди. Йўлнинг балчиғи чиқиб кетган, ўралар сувга лиқ тўлган, дарахтларнинг нариги ёғидаги далалар шу қадар ботқоқ

бўлиб кўринардики, ундан тўғри йўл солишни ўйлаганда одамнинг юраги орқасига тортиб кетарди. Мен машинадан тушиб, бир оз олдинга юрдим, қишлоқ йўлига чиқиши мумкин бўлган қулайроқ жойни қидира бошладим. Қишлоқ йўллари кўп, лекин мен кети берк йўлга кириб кетишдан хавфсирадим. Мек машинада шосседан ўтган пайтимда уларнинг ҳаммасини кўргандим, лекин машина тез ўтиб кетганидан, уларнинг барни бир-бирига ўхшаш бўлганидан эсимда сақлаб қолмагандим. Манзилга етиб бориш-бормаслигимиз йўлнинг тўғри танланишига боғлиқ эди. Австрисларнинг ҳозир қаердалиги ва ишлар қайси аҳволдалиги маълум эмасди. Лекин мен ёмғир тиниб, осмонда австрисларнинг самолётлари пайдо бўлса, ҳаммаси хароб бўлажагини англаб турардим. Бир қанча машинами ё уч-тўртта отми қаровсиз қолса, ёки йўлда ўлса, ҳаракат тамомила тўхтаган бўларди.

Ёмғир шиддати сал пасайган, мен осмонга қараб, очилиб кетиши ҳам мумкин деб ўйладим. Яна бир оз олдинга юриб бордим. Иккала ёнида ниҳоллар ўсган, далани қоқ ёриб шимолга қараб кетган йўлга етдимда, шундан кетсак бўлади, деб, орқага, машиналарга шошилдим. Мен Пианига қаерда бурилиш кераклигини айтдиму Аймопи, Бонеллони ҳам хабардор қилиб қўйгани бордим.

— Агар у йўлдан ҳеч қаерга чиқиб бўлмаса, қайтиб яна колоннага қўшилиб олишимиз мумкин,— дедим.

— Мановларни нима қилай?— сўради Бонелло. Сержантлар ҳамон унинг ёнида ўтиришарди. Уларнинг соқоллари ўсиб кетган, лекин каллаи саҳарда ҳам улар ҳарбийча нуқсларини йўқотмагандилар.

— Машина ботиб қолса, ёрдамлари тегиб қолар,— дедим ва Аймо олдига бориб, йўлни тўғридан солишга ҳаракат қиласмиш, дедим.

— Бу палапон қизларни нима қилай?— сўради Аймо. Иккала қиз ҳам ухлаб ётишарди.

— Улардан фойда йўқ,— дедим.— Яххиси, машина ботиб қолса ёрдам берадиган одам олсангиз бўларди.

— Улар кузовга чиқиб олсалар ҳам бўлади,— деди Аймо.— Кузовда жой бор.

— Жуда кўнглингиз бўлмаётган бўлса, майли,— дедим.— Лекин ёрдамга бирон бақувват одамни олинг. Яриндор бўлсин.

— Версальер оламиз,— жилмайди Аймо.— Елкаси кенгларнинг зўрлари берсалъерларда бўлади. Уларнинг елкаларини ўлчаб кўришади. Узингиз тузукмисиз, *tenente*?

— Жуда яхши. Узингизчи?

— Жуда яхши. Фақат жуда очқадим.

— Манави йўлдан бирон манзилга чиқайлик, кейин тўхтаб, овқатланамиз.

— Оёгингиз оғримаяптими, *tenente*?

— Йўқ, яхши,— дедим.

Машина зинасида туриб олдинга қарап эканман, Пианининг машинаси колоннадан ажралиб чиқиб, тор йўлга бурилганини, йўл четидаги тўсиқлар орасидан лип-лип әтиб бораётганини кўрдим. Бонелло унинг кетидан шундай қилди, кейин Аймо ҳам шу йўлга буриди ва биз икки машина кетидан икки бетида қатор ниҳоллар ўсган тор йўлдан олға босдик. Йўл фермага олиб борди. Биз Пиани билан Бонелло машиналарининг ферма ҳовлисида турганлигини кўрдик. Қўрғон узунасига кетган, пастаккина қилиб қурилган эди, ичкарига кираверишда ишком кўтарилганди. Ҳовлида қудуқ бор экан, Пиани радиаторга ундан сув олаётган экан. Машиналар анча вақтдан бери секин юриб борганлигидан радиаторлардаги сув қайнаб кетганди. Фермада ҳеч зот йўқ эди. Мен йўлга қарадим. Ферма баландроқ ерда жойлашганлигидан, теварак-атроф кафтда тургандай кўринар, мен йўлни, йўл чеккаларидаги дараҳтларни, далалар ва четанларни, чекиниб бораётган қўшиниларни кўздан ўтказдим. Сержантлар уйни титиб юришарди. Қизлар уйғонишиб, уйни, қудуқни, уй олдидаги икки катта санитар машинасини ва уларнинг қудуқ олдида турган учта ҳайдовчисини кўздан кечириб туришарди. Сержантлардан бири қўлида осма соат кўтариб уйдан чиқиб келди.

— Жойига обориб қўйинг,— дедим мен. У менга бир қараб қўйди-да, уйга кириб соатни қўйиб чиқди.

— Уртоғингиз қани?— сўрадим.

— Езилгани кетди.— У машинанинг ўриндиғига чиқиб ўтирди. Бизни ташлаб кетади деб қўрқди.

— Нонушта қалай бўларкин, *tenente*?— сўради Бонелло.— Балки озроқ тамадди қилиб оларми? Кейин дарров турамиз.

— Анов ёққа кетган йўл бизни бирон ерга олиб чиқармикин, нима дейсиз?

— Олиб чиқмай қаерга борарди.

— Хўп. Келинглар, овқатланайлик.

Пиани ва Бонелло уйга киришди.

— Юринглар,— деди Аймо қизларга. Уларни тушириб қўйиш учун қўлини чўзди. Опаси бошини чайқади. Ташлаб кетилган уйга киришга уларнинг юраклари дов бермади. Улар бизнинг орқамиздан қараб қолишиди.

— Қайсарлар,— деди Аймо.

Ҳаммамиз бирғаликда уйга кирдик. Уйнинг ичи қоронғи, ҳувиллаб ётарди, одам яшамагалиги билиниб турарди. Бонелло ва Пиани ошхонада эдилар.

— Ейдиган тузукроқ нарса йўқ экан,— деди Пиани.— Ҳаммасини қуритиб кетишибди.

Бонелло ошхона столида каттакон пишлоқни кесиб турарди.

— Пишлоқни қаердан олдинглар?

— Ертўладан. Пиани вино билан олма ҳам топди.

— Ана, нонушта ҳам тайёр бўлиби ҳисоб.

Пиани похол билан ўралган каттакон шишанинг оғиздан ёғоч тиқинини олди. У шишани эгиб, мис ялоғини тўлдирди.

— Исини қаранг, исини,— деди у.— Биронта идиш топ, Барто.

Иккала сержант киришди.

— Пишлоқдан олинглар, сержантлар,— деди Бонелло.

— Йўлга тушсак бўларди да,— деди сержантлардан бири пишлоқни еб, винодан ичаркан.

— Ҳозир кетамиз. Ташибланманг,— деди Бонелло.

— Қўшиннинг оёғи — қорни,— дедим.

— Нима?— сўради сержант.

— Қоринни тўйдириш керак.

— Шундай. Лекин вақт кетяпти.

— Ярамаслар қоринларини аллақачон тўйдириб олганга ўхшайдилар. Сержантлар унга қарашибди. Уларнинг бизни кўргани кўзлари йўқ эди.

— Сиз йўлни биласизми?— деб сўради мендан уларнинг бири.

— Йўқ,— дедим мен. Улар бир-бирларига қарашибди.

— Ҳозироқ йўлга тушсак яхши бўларди,— деди бинчиси.

— Ҳозир тушамиз-да,— дедим.

Мен яна қизил винодан ичдим. Олма билан пишлоқ устидан у жуда ҳам ёқимли туюлди.

— Пишлоқни олволинг,— дедим мен ва ташқарига чиқдим. Бонелло орқамдан каттакон чирпитда вино кўтариб чиқди.

— Бу жуда ҳам қўйполлик қиласди,— дедим. У винога ачиниб қараб қўйди.

— Шундайга ўхшаб қолди,— деди у.— Менга флягаларни беринг-чи.

У флягаларни тўлатиб олди, озгина вино ерга тўкилди. Кейин у чирпитни кўтариб, эшикнинг тагига қўйди.

— Австрислар тағин вино қидириб эшикни бузиб юрмасинлар,— деди у.

— Қимирлаш керак,— дедим.— Биз Пиани билан олдинда борамиз.

Иккала сержант Бонеллонинг олдига чиқиб ўтириб олишганди. Қизлар олма билан пишлоқ еб ўтиришарди. Аймо чекарди. Биз тор йўл бўйлаб кетдик. Мен бошқа икки машинага ва фермернинг қўргонига қарадим. Бу яхши, пастак ва пишиқ қўргон эди, қудуқ атрофини чиройли темир панжаралар билан ўраб қўйилганди. Олдинда тор ва балчиқ йўл, йўлнинг иккала ёғи авжга кирган ниҳоллар билан ўралганди. Орқада кетма-кет бўлиб машиналаримиз келар эди.

Иигирма тўққизинчи боб

Пешинларга бориб, чамамиз бўйича Удинага ўн километрлар қолганда, лойга ботиб қолдик. Ёмғир эрталабоқ тинган, ҳозиргача уч марта самолётларнинг яқин учаётганларини эшифтандик, шундоқ устимиздан учеб ўтаётганларини қўргандик, улар сўл томонга қараб олис шўнғиганларини кузатган, катта йўл бомбардимон қилинаётгани қулоғимизга элас-элас чалинганди. Биз қишлоқ йўлларидан анча адашиб ҳам юрдик, адашганда ортга қайтиб тўғри йўлни ҳам топдик ва борган сари Удинага яқинлаша бордик. Лекин бир маҳал Аймонинг машинаси боши берк йўлдан чиқаётганда, бурила туриб, йўл чеккасида кўпчиб ётган лойга

ботиб қолди. Филдираклар айланган сари ерга чуқуроқ кириб борар, ниҳоят, дифференциали ҳам ерга бориб тиқилди. Энди олдинги филдиракларнинг тагини ковлаб, у ерга шоҳ-шабба ташлаш керак эди, кейин машина занжирлари ишга тушгач, то ўрнидан жилмагунча орқасидан итариш керак бўларди. Ҳаммамиз йўлда машинани ўраб турардик. Йккала сержант келиб машина филдиракларини кўришди. Кейин улар шарт орқаларига бурилиб индамай-нетмай йўлга равона бўлишди. Мен уларнинг орқасидан бордим.

— Ҳой, болалар! — чақирдим мен. — Шоҳ синдириб келинглар.

— Биз боришимиз керак, — деди бири.

— Тез бўлинглар, — дедим. — Шоҳ синдиринглар.

— Биз боришимиз керак, — деди бири. Иккинчиси миқ этмасди. Улар тезроқ кетишга шошилиб турардилар. Улар менга қаравшасди.

— Машинага қайтиб шоҳ синдиришни буюраман, — дедим. Биринчи сержант орқасига қаради.

— Биз боришимиз керак. Бир соатдан кейин сиз қуршовда қоласиз. Бизга буйруқ беришга ҳаққингиз йўқ. Сиз бизга бошлиқ эмассиз.

— Мен сизга шоҳ синдириб келишни буюраман, — дедим мен. Улар орқаларига бурилиб кета бердилар.

— Тўхта! — дедим мен. Улар ботқоқ йўлдан қулоқ солмай жўнаб боришарди. — Тўхта, деяпман! — қичқирдим мен. Улар қадамларини теззатишиди. Мен филофни ечиб тўппончани олдим-да, бояги маҳмадоналиқ қилаётганини мўлжалга олиб, тепкини босдим. Отган ўқим тегмади, улар қоча бошладилар. Мен яна уч марта отдим ва бирори йиқилди. Бошқаси тўсиқдан ўтиб, кўздан ғойиб бўлди. Мен унга дала бўйлаб қочаётганди, тўсиқ орқасидан туриб бўлса ҳам яна отдим. Тўппонча бу сафар отилмай қолди ва мен унга бошқатдан ўқ жойладим. Иккинчи сержант жуда ҳам узоқлашиб кетганлигини, унга отиш беҳуда эканлигини билдим. У даланинг нариги четига бориб қолган, бошини паст эгиб чопиб борарди. Мен бўшаган обоймага ўқ жойлай бошладим. Бонелло келди.

— Менга беринг, уни тугатиб келаман, — деди у. Мен унга пистолетни бердим ва у йўлда узала тушиб ётган инженер қисмлар сержантни томонга қараб кетди.

Бонелло энкайиб, тўллончанинг оғзини унинг калласига тиради-да, тепкини босди. Отилмади.

— Затворни орқага тортиш керак,— дедим. У затворни тортиб икки марта отди. У сержантни оёғидан судраб йўл четига олиб чиқди. Сержант энди четанларнинг тагида ётарди. У қайтиб келиб тўлпончани менга берди.

— Вой ифлос-ей!— деди у. У сержантга қараб турарди.— Уни қандай отиб ташлаганимни кўрдингизми, *тепенте*?

— Тезроқ шоҳ синдиришимиз керак,— дедим мен.— Нима, бошқасига тегизолмадимми?

— Тегмаган бўлса керак,— деди Аймо.— Тўлпончадан узоққа тегизиш қийин.

— Ҳайвон!— деди Пиани. Биз шоҳ-шабба синдираётган эдик. Машинадан юкларни бўшатдик. Бонелло олдинги филдираклар тагидан чуқур қазиди. Ҳаммаси тайёр бўлганда Аймо моторни олдириб, тезликка қўйди. Филдираклар яна лой ва шохларни отиб чирчир айланади. Бонелло икковимиз сукларимиз сирқираб кетгунча орқасидан итардик. Машина ўрндан жилмади.

— Сал жилдириб кўринг, Барто,— дедим.

У машинани орқага берди, кейин олдинга олди. Филдираклар борган сари ерга чуқурроқ кириб борарди. Кейин машина яна дифференциали билан тиравиб қолди, энди унинг филдираклари ўзи ўйган чуқурда айланади. Мен қаддимни кўтардим.

— Арқон солиб тортиб кўрамиз,— дедим.

— Менимча фойдаси бўлмайди, *тепенте*. Бу ерда бир қатор туриб бўлмайди.

— Тортиб кўриш керак,— дедим.— Бошқа иложи йўқ.

Пиани билан Бонеллонинг машиналари тор йўлда фақат орқама-орқа туришлари мумкин эди. Биз бир машинани иккинчисига бойлаб торта бошладик. Филдираклар изидан чиқмасдан айланарди.

— Бўлмайди,— дедим қичқириб.— Бўлди, қўйинглар.

Пиани ва Бонелло ўз машиналаридан чиқиб бизнинг олдимиэга келишди. Аймо машинасидан тушди. Қизлар биздан йигирма қадамча нарида, тош устида ўтиришарди.

— Энди нима қилдик, тененте? — сўради Бонелло.

— Яна бир шох солиб кўрамиз,— дедим.

Мен йўлга қараб туардим, айб менда эди. Уларни мен бу кўчага олиб кирдим. Офтоб булутлар орасидан чиқди. Сержантнинг жасади четан олдида ётарди.

— Унинг френчи билан плашини соламиз,— дедим. Бонелло уларни олиб келгани кетди. Мен шох синдиридим. Пиани билан Аймо филдираклар орасидан чуқур қазиши. Мен плашни қирқиб иккига бўлдим-да, филдиракнинг тагига тўшадим, кейин шох-шаббани солдим. Биз тайёрланиб, Аймо яна моторни юргизди. Филдираклар чириллаб айланар, биз жонимиз борича итаардик, лекин ҳеч нафи бўлмади.

— Ҳе, ўша!..— дедим.— Қўйинглар. Бирон керакли нарсангиз борми унда, Барто?

Аймо пишлоқ, икки шиша вино билан плашини олиб Бонеллонинг машинасига чиқди. Бонелло рулда ўтирганча, сержант френчининг чўнтақларини ковлади.

— Ташлаб юборинг бу френчни,— дедим.— Бартонинг палапонлари нима бўлади?

— Кузовга ўтириб олишсин,— деди Piани.— Бу ердан тез қутулиб кетолмасмизов.

Мен машинанинг орқа эшигини очдим.

— Қани,— дедим.— Үтиинглар.

Иккала қиз машина ичига кириб бурчакка ўтириб олишди. Улар ўқ овозини эшитмаганга ўхшардилар. Мен орқамга қарадим. Сержант йўлда енглари узун ифлос фуфайкада ётарди. Мен Piани билан ёнма-ён ўтиредим, биз йўлга тушдик. Биз далани кесиб ўтмоқчи эдик. Машиналар бурилиб далага кирганда мен машинадан тушиб олдинда бордим. Шу даладан ўтсак, йўлга чиқиб олган бўлардик. Лекин биз чиқолмадик. Ер ниҳоятда ивиб, ботқоқга айланаб кетганди. Машиналар филдиракларининг ярмидан лойга ботиб ҳеч юролмайдиган бўлиб қолганларидан кейин биз уларни дала ўртасига ташлаб, Удинага пиёда кетдик.

Катта йўлга олиб чиқадиган кўчага етганимизда, мен уни қизларга кўрсатдим.

— Шу ёқса боринглар,— дедим уларга.— У ерда одамлар бор.

Улар менга термилиб туришарди. Мен ҳамёнимни

олиб уларнинг ҳар икковларига ўн лирдан пул бердим.

— Боринглар шу ёққа,— дедим мен қўлим билан йўлни кўрсатиб.— Дўстларингиз, қариндошларингиз ўша ёқда!

Улар тушунишмади, лекин пулни қўлларида маҳкам қисимлаганча йўлга қараб кетишиди. Улар худди мен пулни тортиб оладигандай орқаларига қарай-қарай боришарди. Мен улар шол рўмолларига маҳкам ўралиб олганча бизга қўрқа-писа аланглаб кетаётганларига қараб қолдим. Учала шоғёр ҳам хаҳолаб кулишарди.

— Агар мен ҳам ўша ёққа кетсам, менга неча пул берасиз, тененте?— сўради Бонелло.

— Қўлга тушсалар ҳам, одамлар орасида бўлишади-ку, ҳар ҳолда ёлғиз қолмаслар.

— Менга икки юз лир беринг, мен орқага қайтиб тўғри Австрияга бораман,— деди Бонелло.

— У ерда пулларингни тортиб олишади,— деди Пиани.

— Балки уруш тамом бўлар,— деди Аймо. Биз йўлдан иложи борича жадал юриб борардик. Офтоб булатлар тагидан чиқди. Йўл бўйларида тут дараҳтлари ўсиб ётарди. Дараҳтлар орқасидан худди мебель ташийдиган катта фургонларга ўхшаб дала ўртасида қолган машиналаримиз қаққайиб турарди. Пиани ҳам орқасига қаради.

— Уларни даладан чиқариш учун маҳсус йўл қуриш керак бўлади,— деди у.

— Эҳ, шайтон, велосипедларимиз бўлгандами!— деди Бонелло.

— Америкада велосипедларда юришадими?— сўради Аймо.

— Олдин юришарди.

— Яхши нарса,— деди Аймо.— Ажойиб нарса велосипед.

— Эҳ, шайтон, велосипедларимиз бўлгандами!— деди Бонелло.— Мен пиёда юришга унча йўқман.

— Нима, отишма бўляптими?— сўрадим мен. Менга узоқдан отишма овозлари эшитилгандай бўлди.

— Билмадим,— деди Аймо. У қулоқ сола бошлиди.

— Отишаётганга ўхшайди,— дедим.

— Ҳаммадан олдин отлиқлар кўринади,— деди Пиани.

— Менимча уларнинг отлиқ аскарлари бўлмаса керак.

— Бўлмаса, янаям яхіци,— деди Бонелло.— Мен қаланғи-қасанғи бир отлиқнинг найзасидан ўлиб кетишни истамайман.

— Анов сержантни бопладингиз-да, *tenente*,— деди Пиани. Биз жадал қадамлар билан юриб бормоқда өдик.

— Мен уки отиб ташладим,— деди Бонелло.— Мен бу урушда ҳали ҳеч кимни отмагандим, мен бир умр сержантни отиб ташлашни орзу қилиб юрардим.

— Тухумда ўтирган товуқни отдинг сен,— деди Пиани.— Сен отганингда унча баланд учмайдиган бўлиб қолганди.

— Фарқи йўқ. Мен энди бир умр буни әслаб юраман. Уша ифлос сержантни мен ўлдирдим.

— Гуноҳларингни баён қилаётганингда нима дейсан?— сўради Аймо.

— Падарим, дуо қилинг, мен сержантни ўлдирдим, дейман.

Учовлари кулиб юборишиди.

— У анархист,— деди Пиани.— У черковга бормайди.

— Пиани ҳам анархист,— деди Бонелло.

— Чиндан ҳам анархистлармисиз?— сўрадим.

— Йўқ, *tenente*. Биз социалистлармиз. Ҳаммамиз Имолаликмиз.

— Сиз у ерда ҳеч бўлганмисиз?

— Йўқ.

— Эҳ, чатоқ! Жуда алламбало жой-да, *tenente*. Урушдан кейин биз томонларга боринг, томоша қилиб, қидириб келасиз.

— У ердагиларнинг ҳам бари социалистларми?

— Ҳаммаси.

— У яхши шаҳарми?

— Яхши ҳам гапми. Сиз бунақасини сира кўрмагансиз.

— Қандай қилиб социалист бўлиб қолдингиз?

— Биз ҳаммамиз социалистлармиз. У ерда каттадан кичик — ҳамма социалист. Биз ҳамма вақт социалист бўлганмиз.

— Бир боринг, tenente. Сизни ҳам социалист қилиб қўямиз.

Йўл олдинда чапга бурилиб тош девор билан уралган мевазор боф ёнидан ўтиб тепаликка кўтарилиди. Тепаликка кўтарилаётганимизда улар жим бўлиб қолишиди. Ҳаммамиз бир қатор бўлиб, жадаллаб борардик.

Ўттизинчи боб

Бирозлардан кейин дарёга олиб борадиган йўлга чиқдик. Ташлаб кетилган юқ машиналари билан аравалар то кўприккача чўзилиб ётарди. Одам зоти кўринмасди. Дарёда сув тўлиб оқар, кўприк қоқ белидан портлатилганди. Кўприкнинг тош қуббаси дарёга қулаб тушган, қўнғир сув унинг устидан оқиб ўтарди. Биз кечиб ўтгани жой ахтариб дарё ёқалаб кетдик. Мен сал нарироқда темир йўл кўприги борлигини билардим, шояд ўша ердан нариги қирғоқقا ўтиб олсак, деб ўйладим. Сўқмоқ йўл чилл-чилл лой эди. Одамлар кўринмас, ҳамма ёқда фақат ташлаб кетилган нарсалар ётарди. Қирғоқнинг ўзида ҳам ҳўл буталару, ботқоқ ердан бошқа ҳеч нарса йўқ эди. Қирғоқни ёқалаб бориб, ниҳоят темир йўл кўпригини кўрдик.

— Чиройлилигини қаранг,— деди Аймо. Бу одатда сув тагигача қуриб қоладиган дарё устига қурилган узун темир кўприк эди.

— Келинглар, тезроқ нариги томонга ўтиб олайлик, ҳали замон портлатиб юборишлари ҳам мумкин,— дедим.

— Ким портлатарди,— деди Пиани.— Ҳамма кетиб бўлибдию.

— У миналанган бўлиши мумкин,— деди Бонелло.— Сиз биринчи бўлиб юринг,

— Вой, манави анархистни томоша қилинглар, а?— деди Аймо.— Узинг бор биринчи бўлиб.

— Мен бораман,— дедим.— Минаси бўлсаям, битта одамнинг қадамидан портлагб кетмас, ахир.

— Кўрдингми,— деди Пиани.— Ақлли одам деган бундоқ бўлибди, бу сенга анархист-панархист эмас.

— Мен ақлим бўлганида бу ерларда юргмаган бўлардим,— деди Бонелло.

— Емои эмас, ёмои эмас, а, гали, *тепене*, — деди
Аймо

— Емои мас, — дедим. Биз күпприк олдига бориб
жолницик. Осмонин яна булут буркаб, ёмғир ивириси
бонлаганди. Күпприк жуда ҳам узун ҳамда бақув-
шыл бўлиб кўринарди. Биз темир йўл кўтармасига тир-
манин чиқдик.

Битта-биттадан бўлиб ўтамиз, — дедим ва кўп-
прикка қадам қўйдим. Мен темир йўл изларини, шпал-
ларни мина асоратлари йўқмикин деб қараб борардим,
шубҳали бирон нарса кўринмади. Пастда шпаллар
орасидан бўтана бўлиб оқаётган сершитоб дарё кўри-
ниб турарди. Олдинда бўккан далаларнинг нариги то-
монаида элас-элас Удина кўзга чалинарди. Кўпприкдан
ўтиб атрофга алангладим. Оқим бўйлаб сал юқорироқ-
да яна кўпприк бор экан. Мен қараб турган маҳалимда
ўша кўпприкдан ҳамма ёғига лой сачраган сариқ енгил
машина ўтиб кетди. Кўпприк панжараси жуда баланд
эди, шунинг учун машина кўпприкка чиқиши биланоқ
кўзга кўринмай қолди. Лекин мен шоферни, унинг ёни-
да ва орқада ўтирганларнинг бошларини кўрдим. Тўр-
товлари ҳам немис каскасида эдилар. Машина қирғоқ-
қа чиқди-да, дараҳтлар, ташлаб кетилган транспорт ор-
қасида кўринмай қолди. Мен орқадан ўтиб келаётган
Аймога, кейинда қолганларга тезроқ бўлинглар деб
ишора қилдим. Мен пастга тушиб темир йўл кўтарма-
сининг тагида ўтирдим. Аймо кетимдан тушиб келди.

— Сиз машинани кўрдингизми? — сўрадим.

— Йўқ. Биз сизга қараб тургаңдик.

— Юқори кўпприкдан немисларнинг штаб машина-
си ўтиб кетди.

— Штаб машинаси дейсиэми?

— Ха.

— Ё Биби Марям!

Бошқалар ҳам етиб келишди, ҳаммамиз кўтарма
тагида, лойда ўтирдик, кўтарма оша дараҳтлар, зовур
ва йўл кўриниб турарди.

— Биз қуршовда қолибмизми, *тепене*?

— Билмадим. Мен фақат немис штаб машинаси
йўлдан ўтганини кўрдим.

— Соглигингиз жойидами, *тепене*? Бошингиз ай-
ланмаяптими?

— Ҳазилни йиғиштиринг, Бонелло.

— Ичмаймизми, а?— сўради Пиани.— Қуршовда қолган бўлсак, ўлар дунёда ичиб қолайлик.— У флягасини камаридан бўшатиб олди-да, оғзини бураб очди.

— Қаранглар! Қаранглар!— деди Аймо йўлни кўрсатиб. Қўпракнинг темир панжараси тепасидан немис каскалари ўтиб борарди. Улар бир оз олдинга томон ёнкайган, худди сузиб кетаётгандай бир маромда шитоб билан ўтиб бормоқда эдилар. Каскалар қирғоққа етганда уларнинг эгаларини ҳам кўрдик. Бу велосипедчилар ротаси эди. Мен айниқса олдинда бораётган иккитасини яхши кўриб турардим. Улар чайир, бақувват йигитлар эди. Каскаларни бостириб кийишган, шунинг учун юзларининг бир ёғи кўринмасди. Карабинлари велосипедларининг рамасига тиркаб қўйилганди. Қўл гранаталарини дастасини пастга қилиб белларига осиб олишганди. Уларнинг каскалари билан кул ранг мундирлари нам босган, шошилмай юриб, теварак-атрофни кузатиб борардилар. Олдинда икки киши, кейин бир қатор бўлиб тўрт киши, ундан кейин бир йўла ўн ўн икки киши, кейин яна, ўн, кейинда битта одам алоҳида борарди. Улар гаплашмасдан кетишарди, лекин гаплашаётган тақдирларида ҳам барибир дарёнинг шовқинидан гапларини эшитмаган бўлардик. Улар йўлга чиқиб, кўздан ғойиб бўлдилар.

— Ё Биби Марям!— деди Аймо.

— Булар немислар,— деди Пиани.— Булар австрис эмас.

— Нега уларни бу ерда ҳеч ким тўхтатмайди?— дедим мен.— Нега бу кўприк портлатилмаган? Нега кўтармаларга пулемётлар ўрнатилмаган?

— Буни сиз бизга айтиб беринг, tenente,— деди Бонелло.

Азбаройи қоним қайнаб, ғазабдан ёниб кетдим.

— Ҳаммаси жинни бўлиб қолган. Пастда кичкина кўприкни портлатиб, катта йўлдаги кўприкни бутун қолдиришади. Қаерда улар ўзи? Буларни тўхтатадиган азаматлар борми ўзи?

— Буни сиздан эшитамиз, tenente,— деб такрорлади Бонелло.

Мен индамадим. Буларнинг менга алоқаси йўқ. Менга учта санитар машина билан Порденонега бориш топширилганди. Бу қўлимдан келмади. Энди мен шундоқ ўзим Порденонега етиб олишим керак: лекин, худо

шоҳид, мен бу аҳволда ҳатто Удинага ҳам етиб боролмайдиганга ўхшайман. Бўлар иш бўлди. Энди оғир бўлиш керак, ўққа учмаслик, асирга тушмасликниң чорасинн топиш керак.

— Сиз винони очгандингиз шекилли? — сўрадим мен Пианидан. У менга флягани узатди. Мен тўйиб ичдим.— Кетдик,— дедим мен.— Айтгандай, шошадиган жойимиз йўқ. Тамадди қилиб оласизларми?

— Бу ер тўхтаб турадиган ер эмас,— деди Бонелло.

— Майли, унда юринглар.

— Кўтарманинг тагидан юриб борамизми?

— Яхшиси тепадан юриш керак. Улар бу қўприқдан ҳам ўтишлари мумкин. Тепамизга келгаиларини кўрмай қолсак, чатоқ бўлади.

Биз темир йўлдан юриб кетдик. Иккала томонимиз бўккан дала. Даланинг нарёғида, олдинда тепалик бор, ундан нарида Удина. Тепаликдаги қалъа атрофидаги уйларнинг томлари кўринарди. Қўнғироқхона билан миқора соати кўзга ташланарди. Далаларда тут дарахтлари кўп эди. Бир жойда темир йўлни бузуб кетишибди. Шпалларни ковлаб олиб кўтарма тагига улоқтиришибди.

— Пастга, пастга! — деди Аймо.

Узимизни кўтарма тагига отдик. Йўлдан велосипед-чиларнинг янги бўлинмаси ўтиб борарди. Мен кўтарманинг четидан қараб уларнинг ўтиб кетганларини кўрдим.

— Улар бизни кўрсалар ҳам тўхтаганлари йўқ,— деди Аймо.

— Ҳаммамизни бу ерда битта-биттадан отиб ташлашади, *тепеңте*, — деди Аймо.

— Бизнинг уларга керагимиз йўқ,— дедим мен.— Улар бошқа бирорвнинг кетидан қувишишмоқда. Биз уларнинг оёқлари тагидан чиқиб қолсак, унда ёмон бўлади.

— Менга қолса, шу панароқ ердан юрган бўлардим,— деди Бонелло.

— Юраверинг. Биз тепадан борамиз.

— Ўтиб олишимизга ишонасизми? — сўради Аймо.

— Албатта. Улар ҳали кўп эмас. Қоронғи тушганда ўтиб кетамиз.

— Штаб машинаси бу ерда нима қилиб юрибди?

— Ким билади дейсиз? — дедим мен. Биз темир йўл

изидан борардик. Бонелло лойдан юриб чарчади шекилли, бизнинг ёнимизга чиқиб олди. Темир йўл бир оз жанубга қараб бурилгандан кейин биз йўлда нима бўлаётганини кўрмай қолдик. Канал кўприги портлатилган экан, биз қолган-қутган тўсинлардан бир амаллаб ўтиб олдик. Олдинда отишмалар эшитилмоқда эди.

Каналдан ўтгач, биз яна темир йўлга чиқиб олдик. Йўл далалардан ўтиб тўғри шаҳарга олиб борарди. Шимол томонда велосипедчилар ўтиб кетган йўл, жануброқда унча катта бўлмаган йўл иккига ажралиб қуюқ дараҳтлар ичига кириб кетарди. Мен жануброқдан кетганимиз маъқул, деган қарорга келдим. Шунда биз шаҳарни айланиб ўтиб, дала йўлдан Кампоформио ва Тальяменто йўлига чиқардик. Биз чекинаётган асосий йўллардан эмас, унинг биқинидаги йўллардан борсак бўларди. Мен водийдан жуда кўп дала йўллари ўтганини билардим. Кўтармадан туша бошладим.

— Юринглар,— дедим. Мен дала йўли орқали шаҳарни жанубдан айланиб ўтишга қарор қилдим. Қарши томондан, дала йўлидан бизга қаратса ўқ узилди. Ўқ кўтарманинг лойига кириб кетди.

— Орқага!— қичқирдим мен. Мен қияликдан лойда сирпаниб тепага югурдим. Шофферлар менинг олдимда чопиб боришаради. Кўтармага кучим етганча тез кўтарилидим. Қуюқ бутазор орасидан яна икки марта ўқ отишди. Шунда издан ўтаётган Аймо гандираклаб кетди, қоқилди ва юз тубан йиқилди. Уни нариги томонга олиб ўтиб чалқанча ағдардик.— Бошини юқорироқ қилиб қўйинглар,— дедим. Пиани уни суриб қўйди. У қияликда оёғини пастга осилтириб ётар, нафас олганда хирқираб қон отилиб чиқарди. Биз учовлон унинг атрофида тиззамиз билан ўтириб олгандик. Ёмғир ёғарди. Ўқ унинг энсасига тегиб, юқорига ўтиб, ўнг кўзининг тагидан чиқиб кетганди. Мен ўқ изларини беркитишга ҳаракат қилаётганимда у ўлди. Пиани Аймонинг бошини ерга қўйди, дала пакетидан бир парча дока олиб унинг юзини артди, кейин ўрнидан турди.

— Ифлослар!— деди у.

— Булар немис эмас,— дедим мен.— Бу ерда не-мисларнинг бўлиши мумкин эмас.

— Италянлар,— деди Пиани худди сўккандай қилиб,—

Бонелло миқ этмасди. У Аймоининг ёкида унга қарамай ўтиради. Пиани Аймонинг пастга тушнаб кетган кепкасини олди ва унинг юзини ёпиб қўйди. У ўзининг флягасини чиқарди.

— Ичасизми? — Пиани флягани узатди.

— Йўқ,— деди Бонелло. У менга ўгирилди.— Тепада юрганимизда ҳаммамиз ҳам шу аҳволга тушишимиз мумкин эди.

— Йўқ,— дедим мен.— Биз даладан кетмоқчи бўлганлигимиз учун шундай бўлди.

Бонелло бошини чайқади.— Аймо ҳалок бўлди,— деди у.— Энди кимнинг навбати, телепе? Энди қаерга бордик?

— Италянлар отишли,— дедим мен.— Булар немислар эмас.

— Немислар бу ерда бўлганда ҳаммамизни отиб ташлаган бўлардилар,— деди Бонелло.

— Италянлар бизга ҳозир немислардан ҳам хавфлироқ,— дедим.— Аръергард ҳамма нарсадан қўрқади. Немислар-ку, нима қилаётганларини билишади-я.

— Гапингиз жуда тўғри, *tenente*, — деди Бонелло.

— Энди қаёққа борамиз? — сўради Пиани.

— Яхиси, бирон ерда қоронғи тушгунча кутиб ётиш керак. Агар биз жанубга ўтиб олсак, ҳаммаси яхши бўлади.

— Улар биттамизни бекордан-бекорга ўлдирмаганларини исботлаш учун ҳаммамизни ўлдиришдан ҳам тоймайдилар,— деди Бонелло.— Мен таваккал қилишни хоҳламайман.

— Удинага яқинроқ бирон ерда кутиб ётамиз-да, қоронғи тушгандан кейин ўтиб кетамиз.

— Унда кетдик,— деди Бонелло.

Биз кўтарманинг шимолий қиялигидан пастга тушдик. Орқамга қарадим. Аймо темир йўлга ярим қия бўлиб ётарди. У жуда ҳам кичкина эди, қўллари ёнларига туширилган, лой бўлиб кетган оёқлари бирлаштириб қўйилган, юзига бош кийими ёпилганди. Унинг жасади ғоят аянчли кўринарди. Ёмғир қўйинб турарди. Мен ҳеч кимга Аймога қарагандай яхши муносабатда бўлган эмасман. Унинг қоғозларини чўнтағимга солиб олгандим, ҳали унинг оиласига бу ҳақда хабар беришимни билардим. Далаларнинг этагида ферма кўринди. Ферма атрофини дарахтлар қуршаган,

Құрғоннинг гир атрофига ёрдамчи үйлар тушган, болохонадан ташқарига түсінләр чиқарылып, устига синчли айвон солингаңди.

— Бир-бirimиздан узоқроқ масофада юрганимиз маъқул,— дедим уларга.— Олдинда мен бораман.

Мен фермага қараб юрдим. Даладан фермага сўқмоқ тушган эди.

Даладан ўтиб борарканман, құрғон атрофидаги дарахтлардан ёки құрғоннинг ўзидан туриб бизга қараб ўт очишлари мумкинлигига ичимда бир бор тан берип қўйгандим. Мен рўпарамда аниқ-таниқ кўриниб турган уйга томон бордим. Болохона айвони сомонхона билан туташган бўлиб, синчлар орасига хашак бостирилганди. Ҳовли саҳнига тош терилган, дарахтларнинг шохларидан ёмғир томчилари оқиб тушарди. Уртада шотиси осмонга кўтарилган икки фидиракли каттакон арава бўм-бўш ётарди. Ҳовлидан ўтиб, айвон тагида бирпас турдим. Эшик очиқ эди ,ичкарига кирдим. Бонелло билан Пиани кетма-кет етиб келишди. Уйнинг ичи қопкоронғи эди. Мен ошхонага ўтдим. Оғзи ланг очиқ ҳайҳотдай ўчоқнинг кули олинмаганди. Ўчоқ устида идишлар турар, лекин ҳаммаси бўш эди. Мен у ёқ-бу ёқни тимирскилаб чиқдим, лекин егулик бирон нарса топмадим.

— Сомонхонада қоронғи тушишини кутамиз,— дедим.— Пиани, агар егулик бирон нарса топсангиз, шу ерга олиб келарсиз.

— Қидириб қўрай-чи,— деди Пиани.

— Мен ҳам бораман,— деди Бонелло.

— Майли,— дедим.— Мен сомонхонани кўриб келай.

Мен оғилхонадан тепага олиб чиқадиган тош зинани қидириб топдим. Оғилхонадан қуруқ хашак ҳиди анқир, ёмғир ёғаётганда бу ҳид айниқса ёқимли туюлмоқда эди. Молларни ҳам ҳайдаб кетишган шекилли, молхона бўм-бўш турибди. Пичанхонанинг ярмига пичан бостирилганди. Болохонада иккита дарча бор эди, улардан бири михлаб ташланган, иккинчиси — шимол тарафда эди. Бурчакда хашакни пастга, оғилга ташлаш учун қилингай нов бор эди. Яна томда оғзи ҳовлига қараган туйнук ҳам бор эди, ўрим пайтида пичанни шу ердан болохонага узатишса керак. Туйнук устида синчлар бир-бирига қўшилган эди. Пичанхонада томга

ёгаётган ёмғирнинг шитирлаши эшитилар, пичан ҳиди анқирди, пастга тушганимда оғилхонадан қуригаң тезакнинг ҳиди димоққа ёқимли урилди. Жануб томондаги деразадан битта тахтасини олиб қўйилса, ҳовлини бемалол кузатиб ётса бўладиган. Бошқа дарча шимолга қараган бўлиб, ундан дала кўриниб турарди. Агар зинадан тушишга имконият бўлмай қолса, истаган дарчадан болохонага чиқиб, у ердан пастга тушса бўларди, пастга нов орқали ҳам сирпаниб тушиш ҳеч гап эмасди. Пичанхона кенг эди, одам шарпаси сезилиши биланоқ, ғарам ичига уриб кетиш мумкин эди. Ҳар ҳолда бу қўроңда яшириниб туриш имконияти йўқ эмасди. Агар ўқ отиб йўлимизни тўсишмаганда, биз жапубга ўтиб олишимизга ишончим комил эди. Бу ерда немисларнинг бўлиши мумкин эмас. Улар щимолдан ва Чивидале йўлидан келишмоқда. Уларнинг жануб томондан фронтни ёриб ўтишлари ақлга тўгри келмасди. Италянлар душмандан ҳам ёмон. Улар қўрқиб кетгандаридан дуч келган одамни отиб ташлайверадилар. Утгай кеча колониада шимолда чекинаётган армияда италян мундирини кийиб олган немислар кўп экан деган мишишларни эшитгандик. Мен бунга ишонмовдим. Бунақа гаплар урушда тез-тез бўлиб туради. Душман ҳамиша шундай гапларни тарқатади. Сиз ҳеч қачон кимдир немис мундирини кийиб герман армиясининг тўполонини чиқариби, деган гапни эшитмайсиз. Балки бундай воқеалар бўлиб турса керагу, лекин бу ҳақда ҳеч ким гапирмайди. Мен немислар бунақа гаплар билан шуғулланиб юрмайдилар деб ўйлардим. Бунинг уларга нима кераги бор. Чекинаётган армияда олашувур чиқаришдан улар нима наф кўрадилар. Мишишлар чиқишига қўшинларнинг кўплиги, йўлларнинг етишмаслиги сабаб бўлади. Бу ерда немисларсиз ҳам калаванинг учини топиб бўлмайди. Шунга қарамасдан бизни италянча кийиниб олган немис деб отиб ташлашлари ҳеч гап эмас. Аймони отиб ташлашди-ку. Пичан ёқимли ҳид таратади, пичанхонада ётганингда вақт туйғусини йўқотасан. Биз бир маҳаллар пичанхонада гаплашиб ётганимиз, болохона шифтидаги кичкина туйнукка қўнган чумчукларни пахтавон пилта милтиқдан отганларимиз хотирамдан лип этиб ўтади. Энди у пичанхоналар йўқ, бир йили қарагайзорни кесиб ташлашди, илгари ўрмон шовиллаб турган ерда ҳозир фақат

тұңгаклар, қақшаб ётган сұхта дарахт таналаригина қолған. Орқага қайтиб бўлмайди. Агар олдинга юрилмаса, нима бўлади? Миланга қайтиб бормайсан. Миланга борганингда нима қиласан? Шимолда Узинча томондан ўқ овозлари келарди. Пулемётнинг тариллагани эшитиларди. Нимагадир тўпларнинг овози чиқмасди. Шу ҳам катта гап. Афтидан, қўшиннинг бир қисмини йўлга ташлашган шекилли. Пастда фира-шира бўлиб ҳовлида, Пиани кўринди. У қўлтиғига узун колбаса билан қандайдир икки шиша вино қистириб олганди.

— Юқорига чиқинг,— дедим унга.— Ҳув анови ерда зина бор.

Кейин унга ёрдам бериш кераклигини ўйлаб пастга тушдим. Пичанда ётавериб, бошим айланиб қолибди. Мен худди мудроқ босган одамга ўхшардим.

— Бонелло қани?— сўрадим.

— Ҳозир айтаман,— деди Пиани. Биз зинадан кўтарилдик. Фарамга ўтириб, келтирган нарсаларимизни қўйдик. Пиани пармали пичоини олди-да, шишалардан бирини оча бошлиди.

— Мум билан маҳкамланган экан,— деди у.— Бир маза қиласидиган бўлдик.— У жилмайиб қўйди.

— Бонелло қани?— сўрадим ундан.

Пиани менга қаради.

— У кетди, *tenente*, деди у.— У асири тушаман деди.

Мен индамадим.

— Ӯзини ўлдириб қўйицларидан қўрқди.

Мен вино шишасини қўлимда тутганча индамасдим.

— Биласизми, *tenente*, биз умуман урушга тараффор эмасмиз.

— Нега сиз у билан бирга кетмадингиз?— сўрадим мен.

— Сизни ташлаб кетгим келмади.

— У қаерга кетди?

— Билмадим, *tenente*. Кетди-қолди.

— Яхши,— дедим.— Колбасани кесинг.

Пиани фира-ширада менга қаради.

— Мен гаплашиб ўтириб кесиб қўйган эдим,— деди у. Биз пичанда ўтириб колбаса едик, вино ичдик. Бу винони тўйга сақлаб қўйган бўлсалар керак. У эскилигидан тусини йўқотганди.

— Сиз манави дарчага қаранг, Луижи,— дедим.—
Мен бунисига қараң май.

Хар биримиз біттадан шишани олволдик, мен ўз шишам билан юқоригоқ сурىлдим-да, қорним билан ётиб олганча торгина дарчадан ёмғирда бўккан далага қарай бошладим. Нимани кўрмоқчи бўлганимни билмайман-у, лекин далалар, яланғоч тутлар ва ёмғирдан ўзга ҳеч нарсани кўрмадим. Вино руҳимни кўтармади. Уни узоқ сақлаганлари туфайли у ўз ранги билан ма-засини йўқотганди. Қоронғилик буркаб келмоқда. Жуда тез қоронғи тушмоқда. Зими斯顿 тун бўлади, чунки ёмғир ёғмоқда. Ҳамма ёқ бутунлай қоронғиликка чўм-гач, дарчага қарашнинг фойдаси бўлмай қолди. Пи-нининг ёнига ўтдим. У ухлаб ётарди, мен уни уйғотма-дим, жимгина ёнида ўтирдим. У азамат йигит эди, уйқуси мардона эди. Бир оз туриб мен уни уйғотдим ва биз йўлга тушдик.

Бу жуда ғалати тун эди. Билмадим, нимани кутган эдим — балки ўлимимни кутгандирман, отишмалар, қо-ронғида қувғинлар бўлади, деб ўйлагандирман, лекин ҳеч нарса бўлмади. Биз зовур орқасида немис баталь-они ўтиб бўлгунча қорнимизни лойга бериб ётдик-да, кейин у кўздан нари кетгач, йўлни кесиб ўтиб, шимол томонга қараб кетдик. Ёмғирда икки марта немислар-га яқин бориб қолдик, лекин улар бизни кўрмадилар. Биз биронта ҳам италянни учратмай шаҳарни шимол томондан айланиб ўтдик, кейин кўп ўтмай асосий че-киниш йўлига чиқиб олдик-да, туни билан Тальяменто-ни мўлжалга олиб йўл босдик. Мен аввал чекиниш бу қадар катта бўлади деб ўйламаган эканман. Бутун мамлакат армия билан бирга бораради. Кечаси билан транспортларни қувиб ўтиб юрдик. Оёғим зирқираб оғрир, ўзим чарчагандим, лекин биз жуда тез кетиб борарадик. Бонеллонинг асир тушмоқчи бўлгани бизга энди аҳмоқлик бўлиб туюла бошлади. Ҳеч қандай хавф-хатар йўқ эди. Биз икки армия ўртасидан омон-эсон ўтиб олдик. Аймонинг ҳалок бўлганлигини айтмаганда, гўё ҳеч қандай хатар бўлмагандай эди. Биз темир йўл-дан оппа-очиқ бораётганимизда ҳеч ким бизга тегмади. Ҳалокат кутилмаганда — бемаъни суратда оёқ остидан чиқди. Мен ҳозир Бонелло қаердалигини ўйлаб бора-дим.

— Аҳволингиз қалай, tenente?— сўради Пиани.

Биз транспорт ва қўшинлар билан тирбанд бўлиб кетган йўл чеккасидан кетаётган эдик.

— Яхши.

— Мен юриб чарчадим.

— Бизни энди юришдан бошқа ишимиз йўқ. **Лулнинг ёмони орқада қолди.**

— Бонелло бекор қилди-да.

— Ҳа, бекор қилди.

— Уни энди нима қилмоқчисиз, *tenente?*

— Билмадим.

— Уни асир олингандар қаторига қўшиб қўя олмайсизми?

— Билмадим.

— Агар уруш давом этадиган бўлса, унинг ота-онасини жавобгарликка тортишлари мумкин.

— Уруш давом этиши мумкин эмас,— деди қандайдир бир солдат.— Уруш тугади. Биз уйга кетяпмиз.

— Ҳамма уйга кетялти.

— Биз ҳаммамиз уйимизга кетяпмиз.

— Тезроқ юринг, *tenente*, — деди Пиани. У тезроқ уларнинг ёнларида ўтиб кетмоқчи эди.

— *Tenente?* Ким бу ерда *tenente?* *Abasso gli ufficiali!* Йўқолсин офицерлар!

Пиани мени қўлтиқлаб олди.

— Мен яхиси, сизни исмингизни айтиб чақираман,— деди у.— Яна бир кори ҳол бўлиб юрмасни. Офицерларни жазолашган пайтлари бўлган.

Биз қадамларимизни тезлатиб, улардан нарига ўтаб кетдик.

— Мен унинг ота-оналарини жавобгарликка тортишмайдиган бир йўлини қиласман,— дедим бояги гапни давом эттириб.

— Агар уруш тугаган бўлса, барибир,— деди Пиани.— Лекин мен унинг тамом бўлганлигига ишонмайман. Урушишдан тўхтаб, бўлди энди бу ёғига дорила-мон деб юборишмас сира.

— Бу тезда маълум бўлади,— дедим.

— Мен унинг тамом бўлганлигига ишонмайман. Ҳамма тамом бўлди, деб юрибди, лекин мен бунга ишонмайман.

— *Viva La Pace!*¹, — қичқирди қандайдыр солдат.—
Уйга кетяпмиз.

— Қайи эди ҳаммамиз уй-үйимизга кетсак,— деди
Пиани.— Сизнинг уйга кетгингиз келяптими?

— **Ха.**

— Уйга кетиб бўпмиз. Мен уруш тугаганлигига
ишонмайман.

— *Andiamo a casa!*² — қичқирди солдат.

— Улар милтиқларини улоқтиришяпти,— деди Пи-
ани.— Елкаларидан олиб отиб юборишияпти. Кейин қич-
киришияпти.

— Милтиқларини бекор ташлашяпти.

— **Милтиғимизн ташласак, урушдан озод қилиша-**
ди деб ўлашяпти шекилли.

Емғирда чеккадан юриб ўзимга йўл очиб бораркан-
ман, кўп солдатлар милтиқларини ташламаганларини
кўрдим. Милтиқлар елкалардан чиқиб турарди.

— Қайси бригададан?— сўради офицер.

— *Brigata di Pace!* — қичқирди кимдир.— Тинчлик
бригадасидан.

Офицер индамади.

— **Нима деяпти? Офицер нима деяпти?**

— **Иўқолсин офицер! Viva la Pace!**

— Тезроқ юринг,— деди Пиани.

Биз бошқа машиналар қаторида ташлаб кетилган
иikkita инглиз санитар автомобилини кўрдик.

— Горициядан,— деди Пиани.— Мен бу машиналар-
ни биламан.

— Улар биздан ўзиб кетишган экан-да.

— Улар йўлга биздан олдинроқ чиқишиган.

— **Қизиқ. Шоферлари қани?**

— Сяднироқда бўлса керак.

— Немислар Удинада қолишибди,— дедим.— Ҳам-
мамиз дарёдан ўтиб оламиз.

— **Ха.**— деди Пиани.— Шунинг учун ҳам уруш да-
вом этади деяпман-да.

— Немислар бундан ҳам ичкарироққа кириб келиш-
лари мумкин эди,— дедим.— Қизиқ, нега улар бирдан
тўхтаб қолишиди экан?

¹ Ашасин тинчлик (итал.).

Ҳамма уй-үйигал (итал.).

— Тушуниб бўлмайди. Бу урушга сира ҳам тушуниб бўлмай қолди.

— Улар кейинги қисмлар келишини кутишган шекилли.

— Ҳеч ақлим етмайди,— деди Пиани. У бир ўзи бўлганда анча бамаъни йигит экан. Бошқа шоферлар ичида бўлганда боягидай оғзи ёмон шалоқ бўлиб кетарди.

— Уйланганимисиз, Луижи?

— Уйланганимни биласиз-ку.

— Шунинг учун асирга тушишни истамадингизми?

— Қисман шунинг учун ҳам. Узингиз уйланганимисиз, тененте?

— Иўқ.

— Бонелло ҳам уйланмаган.

— Ҳамма нарсани уйланган, уйланмаганлигига қараб ҳал қилиш мумкин эмас. Лекин уйланган одам бола-чақасининг олдига қайтгиси келади.— Мен оила хақида суҳбатлашгим келиб турарди.

— Шундай.

— Оёғингиз тузукми?

— Оғрияпти.

Тонг оқариб келаётганда биз Тальяменто қирғоғига етдик, тўлиб оқаётган дарё бўйлаб юриб, кечик бораёғиан кўприкка яқинлашдик.

— Шу дарёда мустаҳкамланиб олсалар бўларди,— деди Пиани. Фира-ширада дарё жуда кўтарилиб қолгани га ўхшарди. Сув гирдоб бўлиб оқар, дарёнинг ўзани кенгайиб кетгандек эди. Тахта кўприкнинг узунилиги бир чақирим келар-келмас бўлиб, одатда кенг, тошлоқ ўзанининг тагидагина ирмоқ-ирмоқ бўлиб оқадиган дарёнинг суви ҳозир кўприкнинг тагига тегай-тегай деб турарди. Қирғоқдан бориб, тўдага қўшилдик-да, кўприкдан ўта бошладик. Ёмғирда оҳиста қадам ташлаб борарканман, одамлар орасида қисилиб, олдимдаги зарядлар яшигига афдарилиб кетай дея-дея, бир оёғимдан пичагина пастда оқаётган дарёга, бир теварак-атроф тумонатга назар ташлардим. Қадамимни бошқаларнинг оёқ олишига қараб қўярканман, ўзимни жуда қаттиқ ҳолдан тойғандай сездим. Қўприкдан ўтаётганларнинг ҳаммаси нимагадир ноxуш кўринарди. Мен агар кундуз куни бу ерга самолётдан бомба ташлангудек бўлса,

қандай қиёмат-қойим қўпиши мумкинлигини ўйлаб бирардим.

— Пиани! — деб чақирдим.

— Мен бу ердаман, *тепеңте*, — Одамлар уни менди сал илгарироққа суріб кетишганди. Бирон кимса миқ этиб оғзини очмасди. Ҳар ким тезроқ ўтиб олишни ўйлар, шундан бошқасини хаёлига келтирмасди. Биз ўтай деб қолгандик. Қўприкнинг нариги бошида, иккى томондан фонарли офицерлар билан карабинерлар туришарди. Улар ёришиб келаётган осмон фонида қорайиб кўринардилар. Мен яқинроқ борганимда бир офицер колоннадаги қандайдир бир одамни қўли билан кўрсатганини кўрдим. Карабинер ўша одамни елкасидан тутиб олиб чиқди. Йўлдан бир четга олиб борди. Биз офицерларга етай деб қолдик. Улар колоннада ўтаётган ҳар бир кишининг башарасига тикилиб қаравашар, баъзан бир-бирлари билан ғужиллашиб, олдинга ўтишарди-да, кимнингдир юзига фонар тутишарди. Биз улар билан бараварлашганда, яна бирорни олишди. Тутилган одам подполковник эди. Унга фонар тутишганда енгидаги юлдузларини кўрдим. Унинг соchlари оқариб кетган, миқтидан келган одам эди. Карабинерлар уни кўприкдан нарига судраб кетдилар. Биз офицерлар билан бараварлашганди, улар менга қараётганларини кўрдим. Кейин бирори мени кўрсатиб, карабинерга нимадир деди. Карабинер колоннани ёриб ўтиб мен томонга келаётганини кўрдим, кейин у менинг ёқамдан ушлаб олди.

— Нима гап? — дедим ва башарасига қараб урдим. Мен унинг шляпа бостирилган юзини, шопдай мўйловларини, юзидан оқиб тушаётган қонни кўриб турардим. Яна бири ўзини издиҳомга уриб биз томонга кела бошлиди.

— Нима гап? — сўрадим мен. У жавоб бермасди. Мени тутиб олишга пайт мўлжалларди. Мен тўппончами олиш учун қўлимни олиб бордим. — Нима, сен офицерга тегиши мумкин эмаслигини билмайсанми?

Иккинчиси келиб орқамдан ёпишди ва қўлимни шундай тортдики, азбаройи худо, қўлим чиқиб кетди, деб ўйладим. Мен унга ўгрилдим, шунда биринчиси бўйнимдан қисиб ушлаб олди. Мен уни оёқларим билан тепдим, чап тиззам билан хотига туширдим.

— Қаршилик кўрсатилса, отиб ташланг, — деган кимнингдир овозини эшитдим.

— Нима гап ўзи? — деб қичқирмоқчи бўлдим, лекин товушим ғўлдираб чиқди. Бу орада улар мени йўл чеккасига судраб чиқаришганди.

— Қаршилик кўрсатса, отиб ташланг,— деди офицер.— Олиб кетинг уни.

— Қимсизлар ўзи?

— Қейин биласиз.

— Қимсизлар ўзи?

— Дала жандармерияси,— деди бошқа офицер.

— Менга бу самолётларингизни қўйиб юбормасдан, чақирсангиз бўлмасмиди?

Улар жавоб беришмади. Жавоб беришга мажбур эмасдилар. Улар — дала жандармерияси эди.

— Уни обориб бошқаларга қўшиб қўйинг,— деди биринчи офицер.— Эшитяпсизми, у италянчани талаффуз билан гапиряпти.

— Талаффузим худди сеникидан фарқ қилмайди, ифлос,— дедим.

— Уни бошқаларнинг олдига обориб қўйинг,— деди биринчи офицер. Мени офицерларнинг ёнидан олиб ўтишиб, дарё бўйида бир тўда одамлар турган ялангликка келтиришди. Биз бораётганда у ердан ўқ овозлари эшилди. Мен милтиқларнинг оғзидан чиқсан ўтни кўрдим, ўқ товушини эшилдим. Биз у ерга бордик. Тўртта офицер ёнма-ён туришар, уларнинг олдиларида икки карабинернинг ўртасида қандайдир бир одам бор эди. Булардан сал нарироқда карабинерлар соқчилигига бир қанча одамлар сўроқни кутиб туришарди. Яна тўртта карабинер сўроқ қилаётган офицерларнинг олдида карабинларига суюниб турнишарди. Булар кенг айвонли шляпа кийган эдилар. Карабинерлар мени сўроқ бўлишини кутаётганлар ичига итариб юборишли. Мен сўроқ қилинаётган одамга қарадим. Бу боя колоннадан тортиб чиқарилган, соchlари оқариб кетган миқти подполковник эди. Офицерлар жiddий туриб, совуқконлик билан сўроқ олиб боришаарди, улар милтиқнинг оғзи ўзларига қаратилмаганлигига ишонч ҳосил қилгач, bemalol, қўркмай отадиган италянлардан эдилар.

— Қайси бригададан?

У айтди.

— Қайси полкдан?

У айтди.

— Нега полкнинг билан бирга эмассиз?

У айтди.

— Офицер доим ўз қисми билан бирга бўлиши кепаклиги сизга маълуммий?

Унга маълум экан.

Саволлар шу билан тугади. Гапни бошқа офицер олди.

— Сиз ва сизга ўхшаганлар туфайли варварлар ва-
танимизнинг муқаддас чегараларини бузиб ўтишди.

— Бемаъни гап,— деди подполковник.

— Сизга ўхшаган сотқинлар бизни ғалаба неъмат-
лиридан маҳрум қилишди.

— Сиз ўзингиз ҳеч чекиниб кўрганмисиз умрингиз-
да?— сўради подполковник.

— Италянлар чекинмасликлари керак.

Биз ёмғирда туриб шу гапларни эшитдик. Ҳаммамиз офицерлар қаршисида турар, сўроқ қилинаётган киши эса, биздан олдинда сал чеккароқда турарди.

— Агар мени отиб ташламоқчи бўлсангизлар,— деди подполковник,— ўтинаман, бошқа сўроқ қилиб ўти-
май отиб ташланг. Бу сўроқ жуда bemаъни.— У чўки-
ниб олди. Офицерлар бир-бирлари билан ғужиллашиб олишди. Биттаси блокнотга алланималарни ёзди.

— Ўз қисмини ташлаб кетгани учун отишга ҳукм қилинади,— деди у.

Икки карабинер подполковникни қирғоқча томон олиб кетишли. Чол бош яланг алфозда ёмғирда икки ка-
рабинер ўртасида борарди. Мен уни қандай отишганига қараганим йўқ, лекин милтиқ овозини эшитдим. Улар кейинги одамга ўтишганди. Бу ҳам қисмидан қолиб кет-
гани офицер эди. Унинг гапини ҳатто эшитиб ҳам ўтириш-
мади. У блокнот варағига ёзилган ҳукмни ўқиганларида йиглаб юборди, уни отишаётганда улар бошқа бир одам-
ни сўроқ қила бошлаган эдилар. Улар бирорни отишаёт-
ганда иккинчи кимсани сўроқ қилишга шошилишарди.
Улар бу ерда шундан бошқага қодир эмасликлари кў-
риниб турарди. Сўроқни кутайми ёки қочайми, билма-
дим. Мен италян мундирини кийиб олган немис бўлиб
чиқишим турган гап эди. Уларнинг қандай фикр қила-
ётганларини, агар умуман бир фикрлари бўлса ва фикр
қилишга қодир бўлсалар — билардим. Булар ҳаммаси
ёш йигитлар эди ва улар ватанга халоскорлик қилмоқда
эдилар. Иккинчи армия Тальяментода янгитдан ташкил
этимоқда эди, Улар ўз қисмларидан ажралиб қолгап

майор ва ундан юқори унвоили офицерларни отмоқда әдилар. Айни замонда улар италян мундириини кийиб олған немис ташвиқотчиларини ҳам отмоқда әдилар. Улар пұлат каскалар кийиб олгандилар. Бир қанча карабинерлар ҳам шундай каскада әдилар. Бошқалари айвони кенг шляпалар кийишганди. Самолётлар, деб аташарди уларни бизда. Биз ёмғирда туарар, бизни бирин-сирин сүроқ қылмоқда, отмоқда әдилар. Сүроқ қилингандардан биронтаси ҳам ҳозиргача отилмасдан омон қолгани йүқ. Сүроқ қилувчиларда ҳис деган нарсанинг асари күринмасди, улар үзларича темир қонунга риоя қылмоқда әдилар. Үз ҳаётлари ҳар қандай хавфдан холи бўлган бир вазиятда бошқаларнинг ҳаётини жадал ҳал қилиб ташламоқда әдилар. Улар шу тобда мунтазам қўшинлар полковнигини сүроқ қылмоқда әдилар. Ҳозиргина яна учта офицерни олиб келишиди.

— Полкингиз қаерда?

Мен карабинерларга қарадим. Улар янги қўлга олингандарга қараб туришарди. Бошқаларининг кўзи полковникда әди. Мен икки соқчи ўртасидан шўнғидим, бошим билан энкайганча дарё томонга қочдим. Қирғоққа етай деганимда қоқилиб, шиддат билан сувга отилиб тушдим. Сув жуда ҳам совуқ әди, жонимдан ўтиб кетмагунча сув юзига чиқмадим. Мени оқим олиб кетаётганини сезиб туардим, чўкиб кетишга кўзим етгандан кейингина сув юзига чиқдим. Бир зум ҳаво олиб турдим-да, сўнг яна сув тагига шўнғидим. Ҳарбий форма билан оғир пойафзал оёғингда бўлса, сув тагида туриш унчалар қийин бўлмас экан. Мен иккинчи марта сув тепасига сузиб чиққанимда, олдимда ғўла оқиб бораётганини кўрдим, унга етиб олдим-да, бир қўллаб қучоқлаб олдим. Мен бошимни унинг панасига олдиму мўралаб қарашга ҳам ботинмай, оқиб кетавердим. Қирғоқни кўрмасам, дердим. Мен қочиб кетаётганимда, биринчи марта сув юзига кўтарилганимда ўқ свозларини эшитдим. Бутовушларни сув тагига чуқур тушмай сузаётганимда ҳам эшитгандим. Энди ўқ овозлари келмай қўйди. Ғўла сувда чайқалиб борар, уни бир қўлим билан маҳкам ушлаб олгандим. Мен қирғоққа кўз ташладим. У жуда ҳам тез орқага кетаётганга ўхшаб кўринди. Дарёдан оқиб бораётган ёғочлар кўп әди. Сув жуда ҳам совуқ әди. Биз буталар ўсиб ётган оролчадан ўтиб кетдик. Мен ғўлага

икки құлым билан ёпишиб олдим ва оқим мени ўз күйига солиб олиб кетди. Қирғоқ энди күрінімасди.

Ұттыз бирикчи боб

Агар оқим зўр бўлса, дарёдан қанча сузиб бораётганнинг билолмайсан. Жуда узоқ вақтдан бери сузаётганга ўхшайсан, лекин аслида, эҳтимол унча кўп вақт ўтмаган бўлади. Сув муздек бўлиб, жуда ҳам юқорига кўтарилиб кетган, юзида тошқин пайтида қирғоқдан қўшилган турли-туман нарсалар оқиб келмоқда эди. Бахтимга ғўла одам суюнса кўтарадиган даражада оғир эди, шунинг учун энгагимни ғўланинг четига тираб, қўлларим билан уни иложи борича енгилроқ ушлашга ҳарақат қилиб, гавдамни муздек сувга эркин қўйиб бердим. Мен томирларим чангак бўлиб қолмасин деб қўрқмоқда эдим. Шунинг учун тезроқ қирғоққа чиқишини истардим. Дарё қўйи томонга илон изи бўлиб оқарди. Тонг отмоқда эди, дарё қирғоидаги буталар кўзга чалинадиган бўлиб қолди. Олдинда бутазор орол бўлиб, оқим бу ерда қирғоққа яқинлашиб борарди. Мен қирғоққа сузиб етиб олиш учун бошмоғим билан кийимларимни бир кўнглим ечиб ташламоқчи ҳам бўлдим-у, лекин яна бу фикримдан қайтдим. Мен қирғоққа бир амаллаб чиқиб олишимга шубҳа қилмас, агар яланг оёқ қолсам, ҳолим ёмон бўлишини билардим. Бир амаллаб Местрега етиш керак эди.

Қирғоқ яқинлашди, кейин орқага сапчиб кетди, кейин яна яқинлашди. Энди секинроқ юзиб бормоқда эдик. Соҳил қўл чўэса етгудай яқин қолганди. Толнинг энг майда новдаларигача кўзга ташланиб турарди. Ғўла оҳиста бурилди, соҳил орқамда қолди, мен гирдобга тушиб қолганимизни аингладим. Аста бир жойда айланана бошладик. Соҳил жуда ҳам яқиндан яна бир марта кўринганда, мен бир қўлим билан сузиб оёқларимни ишга солиб, қирғоққа интилдим, лекин ҳаракатим зое кетди. Мен яна дарёнинг ўртасига кетиб қоламизми, деб чўчигандим, шунинг учун бир қўлим билан ушлаб, оёқларимни шундай тортиб, гўлага тираб олдим-да, ўзимни қирғоқ томонга зарб билан отдим. Мен буталарни кўриб турар, бироқ шунча куч, ҳаракат сарф қилишимга қарамай, оқим мени четга олиб кетарди. Мен оёқ кийимим деб чўкиб кетишм мумкинлигин ўйлаб қўрқиб кетдим,

оёқларим зилдай бўлиб кетганига қарамасдан жоним борича ҳаракат қилиб, сув билан олишиб, бир маҳал қарасам, соҳил менга томон яқинлашиб келаётир, мен яна ҳам зўр бердим, ниҳоят, қирғоққа етиб олдим. Мен толнинг шохларига маҳкам ёпишдим, тепага кўтарилишга кучим қолмаган, осилиб турар, лекин энди чўкиб кетмаслигими билардим. Фўлада сувганимда хаёлимга бирон марта ҳам чўкиш фикри келмаганди. Зўриқиб ҳаракат қилганимдан кўнглим озиб бораради, толга осилганча кута бошладим. Кўнглим беҳузур бўлишдан бир оз тўхтагандан сўнг, мен салча олдинга жилдим, кейин дам олдим, шохларни қўлларим билан маҳкам ушлаб олгандим. Кейин мен сувдан чиқдим, толлар орасидан ўтиб, соҳилга қадам қўйдим. Тонг отай деб қолган, ҳеч ким кўринмасди. Мен ерга мук тушиб ётар, дарё ва ёмғир шовқинини тинглардим.

Бир оздан кейин ўрнимдан туриб, дарё бўйлаб кетдим. Мен Латизанагача биронта кўприк йўқлигини билардим. Мен ҳозир Сан-Вито қаршисида турган бўлсам керак, деб чамаладим. Нима қилишим кераклигини ўйлай бошладим. Олдинда дарёга қўйиладиган канал бор эди. Шу ёққа қараб юрдим. Атрофда одам қораси кўринмасди, мен канал ёқасида буталар тагига ўтиридим, оёғимни ечиб ичидан сувини тўкиб ташладим. Френчими ечиб, ён чўнтағимдан ицидаги ҳужжатлар ва пуллар ивиб кетган ҳамёнимни олиб, кейин френчни яхшилаб сиқиб ташладим. Шимимни ҳам ечиб сиқдим, кейин кўйлагим билан ички кийимларимни сиқиб қўйдим. Баданимни кафтларим билан шапатилаб, тоза ишқадим, яна кийимларимни кийиб олдим. Бош кийимимни йўқотиб қўйибман.

Френчи кийишдан илгари енгларидаги юлдузчаларни қўпориб олиб пуллар билан ён чўнтағимга солиб қўйдим. Пуллар ҳўл бўлиб кетган, лекин бус-бутун эди. Уларни санаб чиқдим. Уч минг лирдан сал кўпроқ экан. Бутун кийимларим ҳўл ва баданимга чип-чип ёпишиб қоларди, қон айланишини тезлатиш учун қўлларимни силкиб-силкиб борарадим. Ич кийимим жун газламадан бўлганлиги учун агар доим ҳаракатда бўлсам, шамолламайман, деб ўйладим. Пистолетимни йўлда тортиб олишганди, бўш филофни френчимнинг тагига беркитдим. Плашим бўлмаганидан ёмғирда совқота бошладим. Канал ёқалаб кетдим. Тонг отган, ҳамма ёқ ҳўл, сийқа

ва гарыб эди. Далалар яланғоч, ёмғирдан қорайиб күринарди; далаларнинг ҳутта бир чеккасида құнғироқхона күзга ташланарди. Мен йўлга чиқиб олдим. Олдинда, йўлда мен пиёдалар бўлинмасини кўрдим, улар қаршимдан келишарди. Чўлоқланиб, йўлнинг бир четидан судралиб борарадим, солдатлар менга эътибор бермай ёнимдан ўтиб кетишиди. Булар дарё томонга кетаётган нулемёт қисми эди. Йўлимда давом этдим.

Шу куни мен Венеция водийини кесиб ўтдим. Бу паст текислик ер бўлиб, ёмғирда у янада яссироқ бўлиб кўринарди. Денгиз томондан қумлоқлар ва сувлар билан тўсилгани учун бу ерда йўллар кам эди. Ҳамма йўллар дарёнинг қуйилиш жойлари бўйлаб денгизга томон боради, шу сабабдан водийни кесиб ўтиш учун каналлар ёқалаб сўқмоқлардан юриш керак бўлади. Мен водийни шимолдан жанубга қараб кесиб ўта бошладим, икки темир йўл ва бошқа яна аллақанча йўлларни босиб ўтдим ва ниҳоят бир сўқмоқдан бориб қум билан ўралган кўрфаз ёнидан ўтган темир йўл изидан чиқдим. Бу Триест-Венеция магистрали бўлиб, кўтармаси баланд ва мустаҳкам, кенг, қўш изли йўл эди. Бир оз нарироқда кичкинагина станцияча бор экан. У ерда, постда соқчилар турганлигини кўрдим. Станциянинг бошқа томонида кўрфазга қўйиладиган сой устидан кўприк ўтарди. Кўпrikда ҳам соқчи турганди. Мен ҳали даладан шимол томонга ўтаётганимда бу йўлдан поезд ўтганлигини кўргандим. Текис ерда у узоқлардан кўринганди, мен шояд Портогруародан келаётган поездга чиқиб олсан, деб умид қилгандим. Соқчилардан кўзимни узмай, шундоқ излар олдида биқииб ётдим. Менга бу ердан икки ёқ йўл ҳам кафтдай кўриниб турарди. Кўприкда турган соқчи из бўйлаб мен томонга қараб бир неча қадам ташлади, кейин бурилиб орқасига қараб кетди.

Мен оч ётиб поезд кутмоқда эдим. Ҳов аввал мен узоқдан туриб кўрган поезд шунаقا ҳам узун эдики, паровоз уни базур тортиб ўтган эди. Ӯшанда унга йўл-йўлакай сакраб чиқиб олишимга амин бўлган эдим. Мен ётавериб поезддан умидимни узганимда, яқинлаб келаётган поездни кўрдим. Паровоз тўғри мен томонга келар, боргани сари катталашиб бораради. Мен соқчига қарадим. У кўприкнинг мен ётган томонида, лекин йўлнинг нариги бетида юриб турарди. Поезд мен билан бараварлашганда мени соқидан тўсиб қолади. Мен яқинлашиб ке-

лаётган паровоздан күз узмасдим. У оғир ҳанспраб келарди. Вагонлар жуда күп эди. Мен поездда қўриқчилар борлигини билардим, лекин улар қаерда тургандарини кўролмадим, пайқаб қолмасинлар деб, тузукроқ қарагани чўцидим. Паровоз мен ётган ерга яқинлашиб келди. У менинг ёнимдан босинқи нафас олиб ўтгач, машинист мени кўрмаслигига амин бўлдим-да, ўрнимдан туриб, ўтиб бораётган вагонларга яқин бордим. Агар поезд соқчилари дарчалардан қараб турган бўлсалар, излар олдида очиқ турсам, унчалик шубҳа уйғотмаган бўлардим. Бир қанча ёпиқ товар вагонлари ўтиб кетди. Кейин мен усти очиқ паст бир вагон келаётганини кўрдим, бунақа вагонларни бу ерда гондола деб аташади, гондоланинг устига брезент тортиб қўйилганди. Мен уни ёнимдан деярли ўтказиб юбордим-да, кейин бир сакраб вагон биқинидаги тутқичлардан ушлаб олдим ва юқоринга кўтарилидим. Кейин орқада келаётган ёпиқ вагон билан гондоланинг ўртасидаги буферга сирпаниб тушдим. Мени ҳеч зот кўрмаганлигига амин эдим. Темир бандлардан ушлаб, оёғимни вагонлар уланган темирга тираб ўтирдим. Кўприкка яқинлашиб қолдик. Мен соқчини эсладим. Биз ўтиб кетаётганимизда, у менга қаради. У ҳали ўспирин бир бола экан, бошидаги каскаси катталик қилиб кўзини тўсиб турарди. Мен унга менсимаган киши бўлиб қарадим, шунда у юзини тескари буриб олди. У мени поезд бригадасидан бўлса керак деб ўйлади. Биз ўтиб кетдик. У ҳамон ўтаётган вагонларга безовта кўз билан қараб турарди. Мен брезент қандай маҳкамланганийкин деб қарадим. Брезентнинг четларида ҳалқачалар бўлиб, шу ҳалқачалардан чизимча ўтказиб маҳкамланганди. Мен пичогимни олиб чизимчани кесдим-да, қўлимни ичкарига тиқдим. Ёмирдан нам тортган брезент тагида аллақандай қаттиқ, ғўдир нарсалар қўлимга уринди. Бошимни кўтариб, олдимга қарадим. Олдинги вагоннинг майдончасида соқчи солдатлардан бири турарди, лекин унинг кўзи бошқа томонда эди. Мен ўзимни брезент тагига урдим. Шу заҳоти пешанам алланимагадир қаттиқ урилди, кўз ўнгим қоронғилашиб кетди, юзимга қон оқиб тушаётганини сездим, лекин мен яна ҳам ичкарироқ кириб, мук тушиб ётиб олдим. Кейин мен орқамга ўгирилиб, брезентни қайта маҳкамлаб қўйдим.

Мен брезент тагида замбараклар ичида ётардим. Улардан керосин ва мой ҳиди анқирди. Мен брезентга урилаётган ёмғир томчиларининг овозини, ғилдиракларининг тақа-туқини эшитиб ётардим. Ташқаридан ғирашира ёруғ кириб турар, мен тўпларни кўздан кечирдим. Уларга брезент ёпқичлар кийдирилганди. Булар учинчи армиядан жўнатилган бўлса керак деб ўйладим. Пешаизмдаги фурра шишиб чиқди, мен қон тўхтасин деб, қимирламай ётдим, қон қотиб қолгандан кейин уни оҳиста кўчириб ташладим, зарб теккан жойгагина тегмадим. Унчалик оғримади. Дастрўмолим йўқ эди, шунинг учун қолган-қутган қон юқларини брезентдан оқиб тушган ёмғир суви билан ювиб ташладим ва енгим билан тозалаб артдим. Кўринишими ҳеч кимда шубҳа туғдиришини истамасдим. Мен Местрега етмай туриб тушиб қолишим кераклигини билардим, бўлмаса келиб қуролларни текшириб кетишлиари турган гап эди. Қуроллар шунчалик оз эдик, уларни эсдан чиқаришлари мумкинлигига одам ишонмасди. Йц-этимни очлик кемириб борарди.

Ўттиз иккинчи боб

Мен платформа тахталарида, брезент тагида, қуроляроғлар ичида намиққан, очиққан, титраб-қалтираган бир алфозда ётардим. Чидаб бўлмагандан кейин қўлларимни бошимга қўйиб мук тушиб ётдим. Тиззам увишиб, жонсиз бўлиб қолган, лекин ундан шикоят қиласдиган жойим йўқ эди. Валентини ўз ишини моҳирлик билан адо этганди. Мен чекиниши йўлининг ярмини, Тальяментонинг бир қисмини унинг тиззаси билан кечдим. Бу чиндан унинг тиззаси эди. Бошқа тизза меники эди. Докторлар сизнинг танингизни ҳар оҳангга солиб кўришади, шундан кейин тана ўзингизники бўлмай қолади. Бош ўзимники, бутун қорнимдаги нарсалар ҳам ўзимники эди. Қорним бўм-бўш эди. У гўё ҳозир ағдарилиб тушадигандай эди. Бош ўзимники эди, лекин у ҳозир на ишлайди, на ўйлайди, фақат хотирлашга, хотирлаганда ҳам камроқ хотирлашга қодир эди.

. Кэтринни эслагим келарди, лекин мен у ҳақда ўйласам, жинни бўлиб қолажагимни билардим, уни кўришнасиб бўладими йўқми, билмасдим ва мен уни ўйламасликка тиришардим, фақат жиндек у ҳақда, фақат ғилдиракларнинг бир маромдаги тақ-туқи остида у ҳақда ўй-

лайман ,шунда ёруғлик брезентни зўрға-зўрға ёриб ўтади ва мен Қэтрин билан платформа тахталарида ётгандай бўламан. Тахталар қаттиқ ботади, кийимлар ҳўл, фикр йўқ, фақат ҳиссиётлар ҳукмрон, ҳижрон бунчалик узоқ бўлмаса, тахталар зириллаб боради, ичимни алам кемиради, фақат нам кийим этимга ёпишади ва хотин ўрнига қаттиқ тахталарни қучоқлаб бораман.

Товар платформасининг тахталарини ёки металл ва мой ҳиди анқиб турган, брезент жилдларга ўраб қўйилган тўп-аслаҳаларни, ёки ёмғир силқиб ўтадиган брезентни севиш мумкин эмас, гарчи брезент тагида замбараклар билан ётиш жуда ёқимли бўлса-да, барибир уни севиб бўлмайди, сенинг бутун севгинг — кимгадир бошқага, бу ерда тасаввур ҳам қилиб бўлмайдиган одамга қаратилган; энди ўз олдингга жуда ҳам совуқ, жуда ҳам равшан назар билан боқасан ,тўғрироғи, ҳатто совуқ ҳам эмас, равшан ва бўм-бўш назар билан боқасан. Мук тушиб ётасан-да, бўм-бўш назар билан тикиласан; бир армия чекинганда, иккинчиси босиб келаётганда шундай бўлади. Сен ўз машиналаринг ва одамларингни ҳалокатга гирифтор қилдинг, эҳтимол универсал магазиннинг хизматчиси ёнғии маҳалида шундай қилган бўларди. У молларини ёндириб қараб турган бўларди. Лекин моллар суғурта қилдирилмаган экан. Энди сен бу нарсалардан халос бўлдинг. Бўйнингда бошқа ҳеч қандай мажбуриятинг йўқ. Агар ёнғиндан кейин магазин хизматчиларини сенинг талаффузинг чатоқ деб отиб ташлай бошласалар, яна савдо бошланганда хизматчилар қайтиб келадилар, деб ҳеч кимса умид қилмаслиги керак. Агар бошқа бирон иш топилса ва агар полиция қўлига тушмай омон қолсалар — улар бошқа иш топишга ҳаракат қиладилар. Дарё ғазабни ҳам бурч туйғуси билан бирга қўшиб ювиб кетди. Айтгандай, бу туйғуни мен олдинроқ — карабинернинг қўли ёқамдан олган чоғдаёқ йўқотгандим. Мен масаланинг ташқи томонига эътибор бериб ўтирасдан, ўзимни мундирдан халос этмоқчи әдим. Мен юлдузчаларни суғуриб ташладим, лекин буни фақат қулайлик учунгина қилгандим. Бу номус масаласига кирмасди. Мен ҳеч кимга аччик қилаётганим йўқ. Умуман, мен бўлдим. Мен уларга омад тилаб қоламан. Уларнинг орасида оқ кўнгиллари ҳам, мардлари ҳам, ирода эгалари ҳам, оқил кишилар ҳам бор эди, уларга омад тиласанг ярашади. Лекин буларнинг эндиликда

менга дахли йўқ ва мен бу қуриб, жин юргур Местрега тезроқ етиб боришни истардим, ўшанда овқатланиб оламану, нурли-нурсиз нарсаларни ўйлаб юрмайман.

Пиани мени отилди деб айтади. Ўлар отилганларинг ҳамёнларини ковлаб, уларнинг ҳужжатларини олиб қўйишишади. Менинг ҳужжатларим уларга тегмайди. Балки мени чўкиб кетган деб ҳисоблашар. Қизиқ, Штатларга нима деб хабар қилишаркин. Яраланди ва бошқа баязи сабабларга биноан ўлди, дейишса керак. Шайтон, мунча қорним оч бўлмаса. Қизиқ, кашишга нима бўлдийкин. Ринальдига-чи. У Порденонеда бўлса керак. Балки унидан ҳам нарироққа чекиниб кетишгандир. Ҳа, энди мен уни бир умр кўрмайдиган бўлдим. Энди мен уларнинг ҳеч қайсиларини ҳеч қачон кўрмайман. У ҳаёт тугади. Унда захм бўлмаса керак, ҳар ҳолда вақтида олдини олсанг, унчалар хавфли эмас дейишади. Бироқ у жуда тинчини йўқотган. Мен ҳам тинчимни йўқотган бўлардим. Бошқалар ҳам индамай қараб ўтирасидилар, албатта.

Мен ўйлаш учун яратилмаганман. Мен дунёга овқат егани келганман. Нима ишингиз бор, шундай. Еб, ичиб, Кэтрин билан ётишга туғилганман. Эҳтимол, шу бугуноқ ётарман. Йўқ, бунинг иложи йўқ. Бугун бўлмаса, эртага. Эртага яхши таом ҳам, оппоқ чойшаблар ҳам бўлади, фақат энди ҳеч қачон ҳеч ерга кетмаслик керак. Бирга кетсанг, унда бир бошқа. Тезликда бирон ерга кетишга тўғри келса керак. У бирга боради. У мен билан кетишини биламан. Қачон кетамиз? Буни ҳар қанча ўйласанг арзиди. Қоронғи тушмоқда. Мен қаерга жўнашимизни ўйлаб ётибман. Дунё кенг эди.

ТҰРТИНЧИ ҚИТОБ

Үттіз үчинчи боб

Миланда поезддан сакраб тушиб қолдим. Поезд тонг қоронғисида станцияга яқинлаша туриб юрнини секинлатди. Шунда мен сакрадим. Темир йўлни кесиб ўтиб, қандайдир уйлардан ўтдим-да, кўчага тушдим. Емакхоналардан бири очиқ экан, мен қаҳва ичгани кирдим. Бу ерда ҳамма нарсада тонгнинг нуқси бор эди, супуриб-сирилган уй саҳнидан, қаҳва стаканларидағи қошиқчалардан ва кеча вино солинган стаканларнинг кўринишидан тонг нафаси келарди. Пештахта олдида емакхона хўжайини турган экан. Кичкина столда иккита солдат ўтиради. Мен пештахта олдига бориб, бир стакан қаҳва билан бир бурда нон едим. Қаҳва сут солинганидан рангизроқ эди, мен ноннинг мағзи билан унинг устидаги кўпигини сириб олдим. Хўжайин менга қараб қўйди.

- Бир стакан грappa берайми?
 - Йўқ, раҳмат.
 - Менинг ҳисобимдан,— деди у ва кичикроқ бир стаканга қуйиб олдимга суреб қўйди.— Фронтда шима янгиликлар?
 - Билмадим.
 - Улар маст,— деди у ўтирган солдатларни кўрсашиб. Бунга ишонса бўларди. Уларнинг маст эканлиги кўриниб турарди.
 - Гапириб беринг,— деди у.— Фронтда қандай янгиликлар бор?
 - Фронтдан ҳеч хабарим йўқ.
 - Мен сизнинг тушаётганингизни кўрдим. Сиз поезддан сакраб тушдингиз.
 - Чекиняпмиз.
 - Газет ўқиб турман. Янгисидан гапиринг. Тугай деб қолдими?
 - Унчаликмас.
- У қориндор шишадан стаканга яна грappa қўйди.—

Агар бирон нарсангиз чатоқ бўлса,— деди у,— мен сизни яшириб қўйишим мумкин.

— Ҳаммаси жойида.

— Бирон чатоқлик бўлса, шу ерда тураверинг.

— Қаерда — шу ерда?

— Менинг уйимда. Кўплар шу ерда яшаб туришибди. Бироқ чатоқлиги бўлганлар кўпинча шу ерда яшаб туришади.

— Ундейлар кўпми?

— Қандайлигига қараб. Сиз Жанубий Америкадан мисиз?

— Иўқ.

— Испанча гаплаша оласизми?

— Унча-мунча.

У пештахтани артиб қўйди.

— Ҳозир чегарадан ўтиш қийин, лекин ўтса бўлади.

— Мен ўтмоқчи эмасман.

— Сиз бу ерда хоҳлаганингизча туришингиз мумкин.

Менинг қандай одамлигимни ҳали билиб оласиз.

— Ҳозир мен боришим керак, лекин мен адресни эслаб қолиб қайтиб келаман.

У бошини чайқади.

— Шундай дейсизу, қайтиб келармидингиз. Мен чиндан ҳам бирон нарсангиз чатоқ бўлса керак деб ўйлабман.

— Ҳаммаси жойида. Лекин доимо дўст кишининг турар жойини билган яхши.

Мен қаҳва ҳақи деб пештахтага ўн лир қўйдим.

— Үзингиз ҳам ичинг гроппадан,— дедим.

— Шарт эмас.

— Ичинг.

У икки стакан қўйди.

— Эсингида бўлсин,— деди у.— Келинг. Бошқа ҳеч кимга ишонманг. Ҳаммасини тўғрилаймиз.

— Бунга ишончим комил.

— Ишончингиз комил?

— Ҳа.

У менга диққат билан қаради.

— Унда ижозат берсангиз сизга бир нарсани айтиб қўйсам. Манави кийимингизда кўп юрманг.

— Нега?

— Енгларида юлдузчаларнинг ўрни билиниб турибди.

Мен индамадим.

— Агар қоғозларингиз бўлмаса, қоғоз тўғрилаб бераман.

— Қандай қоғоз?

— Рухсат гувоҳномаси.

— Менга қоғозлар керакмас. Қоғозларим бор.

— Яхши,— деди у.— Агар сизга қоғоз керак бўлса, мен истаган нарсангизни тўғрилайман.

— Қанча туради ундаи қоғозлар?

— Қандай қоғозлигига қарайди. Унчалик қиммат эмас.

— Ҳозир менга ҳеч нарса керак эмас.

У елкасини учирди.

— Ҳаммаси жойида,— дедим.

Чиқиб кетаётсам, у деди:

— Сизнинг дўстингизман, унутманг.

— Унутмайман,— дедим.

— Кўришармиз яна.

— Албатта,— дедим.

Ташқарига чиқиб, ҳарбий полицияга дуч келиб ўтирамай деб, вокзалини айланиб ўтдим-да, кичкина паркнинг панжараси олдида экипажга ўтирдим. Кучерга госпиталь адресини бердим. Госпиталга келиб, қоровулнинг ҳужрасига кирдим. Унинг хотини мени ўпид қарши олди. Ўзи қўлимни қисди.

— Қайтиб келдингиз! Соғ-саломат!

— Ҳа.

— Нонушта қилдингизми?

— Ҳа.

— Соғлингингиз яхшими тененте? Соғлигингиз яхшими?— сўраб қўймасди хотини.

— Яхши.

— Балки биз билан нонушта қиласиз?

— Йўқ, раҳмат. Айтинг-чи, ҳозир мисс Баркли госпиталдами?

— Мисс Баркли?

— Инглиз ҳамшираси-чи?

— Унинг севгилисими,— деди хотини. У елкамга шаптилаб, жилмайиб қўйди.

— Йўқ,— деди қоровул.— У кетган.

Юрагим шув этиб кетди.

— Ростданми? Мен ёш инглиз қизни айтапман, баланд бўйли, оппоққина эди-ку, ўша.

- Рост. У Стрезага кетди.
- Қачон кетди?
- Икки кун бўлди. Бошқа инглиз ҳамшираси билан кетди.
- Хўп,— дедим мен.— Мен сиздан бир нарсани сўрамоқчи эдим. Мени кўрганлигингизни ҳеч кимсага айтманг. Бу жуда жиддий гап.
- Мен ҳеч кимга айтмайман,— деди қоровул.
- Мен унга ўн лир бердим, лекин у олмади.
- Мен сизга ҳеч кимга айтмайман, деб ваъда бердим-ку,— деди у.— Менга пул керак эмас.
- Сизга қўлимиздан келган ёрдамни аямаймиз, тененте,— деди унинг хотини.
- Ёрдамингиз шу бўлсин,— дедим.
- Биз сизни кўрмадик,— деди қоровул,— бирон нарса керак бўлиб қолса бизга хабар беринг.
- Яхши,— дедим,— яна кўришамиз. Хайр.
- Улар эшикда орқамдан қараганча қолишли.
- Мен экипажга ўтириб ашула айтишни ўрганаётган танишим Симмонснинг адресини бердим.
- Симмонс шаҳарнинг бошқа чеккасида Порта-Мажента яқинида турарди. Мен унинг олдига борганимда у ҳали ўрнида ётар, кўзларидан уйқуси ўмаганди.
- Жуда эрта турасиз-да, Генри,— деди у.
- Мен эрталабки поезд билан келдим.
- Чекиниши нимаси бу ўзи? Сиз фронтда бўлдингизми? Сигарета чекасизми? Ҳов столнинг яшигида турибди.
- Хона каттакон бўлиб, девор тагига каравот қўйилган, қарши томондаги бурчакда рояль, комод ва стол турарди. Мен каравотнинг олдига қўйилган стулга ўтиредим. Симмонс елкасидаги ёстиққа суюниб ўтирганча, чекарди.
- Ишларимнинг мазаси йўқ, Сим,— дедим мен.
- Менини ҳам шунаقا,— деди у.— Менинг ҳеч ишларим яхши бўлган эмас. Чекасизми?
- Йўқ,— дедим,— Швейцарияга қандай қилиб кетса бўлади?
- Сизми? Сизни италянлар чегарадан ўтказишмайди.
- Шундай. Буни биламан. Швейцарлар-чи? Швейцарлар қандай муносабатда бўлишади?
- Улар сизни ушлаб, озодликдан маҳрум этишади.

— Биламан. Лекин бу ишлар ҳаммаси қандай қилинади?

— Жуда осон. Сизни қамаб — қамашмайди. Сиз истасан жойингизга бораверасиз. Фақат вақт-вақти билан текширишдан ўтиб турасиз. Нима? Сизни полиция таъқиб қиляптими?

— Ҳозирча номаълум.

— Агар айтгингиз келмаса, айтманг. Одамниг өниятгиси келаётган бўлса ҳам майли. Бу ерда ҳеч қандай воқеалар бўлмайди. Мен Пъяченцада тоза шарманда бўлдим.

— Қўйинг-э!

— Рост, рост, расвойи маърака бўлди. Лекин яхши айтган эдим-да. Мен яна бир карра бу ерда «Лирико»да ўзимни синаб кўрмоқчиман.

— Мен эшитолмаслигимдан афсусланаман.

— Саломат бўлсинлар. Нима, ишларингизнинг ростдан жуда мазаси йўқми?

— Билмадим.

— Айтгингиз келмаса, айтманг. Нега сиз анов лаънати фронтда эмас, бу ерларда юрибсиз.

— Мен уришиб бўлдим.

— Яшанг. Мен доим сизни бамаъни йигит деб юрадим. Мендан нима хизмат лозим бўлса, тайёрман.

— Ўзингизнинг ишларингиз кўп.

— Бе, ишлар қаёқда, азизим, Генри. Вақтим бемалол. Бирон нарса билан машғул бўлсан қувониб юраман.

— Бўйимиз деярли сиз билан баравар. Менга кишилик костюм олиб келиб беролмайсизми? Менинг костюмларим бор-у, лекин ҳаммаси Римда.

— Айтгандай, сиз олдин у ерда тургансиз-ку. Бунаканги расво жойни билмайман! Қандай қилиб тургансиз у ерда?

— Мен архитектор бўлмоқчидим.

— Бунга энг нобоп ер ўша ер. Ҳеч нарса сотиб олманг. Мен сизга нима керак бўлса, ҳаммасини бераман. Сизни шундай кийинтириб қўяйки, кўрганларнинг оғзи очилиб қолсия. Боринг, ҳов анави ерда кийимлар туриби. Дидингизга нима ёқса, барини олаверинг. Азизим, ҳеч нарсани сотиб олишнинг кераги йўқ.

— Баривир, сотиб олсан, яхши бўларди-да.

— Азизим, бориб сотиб олиб бергандан кўра сизга

ўзимникини берганим менга осонроқ. Паспортнингиз борми? Паспортыз тирикчилик қилиб бўлмайди.

— Эски паспортим ёнимда.

— Унда кийининг, азизим, ва кўҳна, асл Гельвецийга томон олға.

— Булар ҳали ҳаммаси эмас. Мен ҳали Стрезага ҳам боришим керак.

— Бундан яхиси борми, азизим! У ердан қайнқа ўтирасизу, тўғри нариги томонга равона бўласиз. Агар ашулам бўлмаганда мен ҳам сизлар билан бирга борган бўлардим. Бораман ҳам.

— Сиз у ерда тирольча фальцетга ўтишингиз мумкин.

— Ўтганда қандоқ, азизим. Ашула айтишни билсан ҳам, ўтаман. Қизиги ҳам ўзи шунда-да.

— Бошим билан қасам ичаманки, сиз ашула айтишни биласиз.

У ўзини орқага ташлади-да, Яна Ҷитта сигарет чекди.

— Яхиси бошингизни тикманг. Мен ашула айтишни билсан ҳам ундаи қилманг. Кулгили кўринади-ю, лекин мен айтишни биламан. Мен ашула айтишни севаман. Қулоқ солинг.— У «Африканка» ни ола бошлади; унинг бўйни таранг тортилди, томирлари бўртиб чиқди.

— Мен ашула айтишни биламан,— деди у.— Қолганига билганларини қиلسиллар.

Мен деразага қарадим.

— Экипажни жўнатиб келай.

— Тезроқ қайтиб келинг, азизим, нонушта қилиб оламиз.

У ўрнидан турди, қаддини тиклади, ичига чуқур нафас олди-да, гимнастика машқларини бажара бошлади. Мен пастга тушиб кучернинг ҳақини бериб юбордим.

Ўттиз тўртинчи боб

. Кишилик кийимида ўзимни худди маскарадда юргандай сеза бошладим. Узоқ ҳарбий кийимда юрганлигимдан энди ўзимни жуда ўнғайсиз сезардим, эгним, шимим ҳадеб ҳалпиллаб кетаётгандай туюлаверади. Мен Миланда Стрезагача билет олдим. Янги шляпа сотиб

олдим. Симнинг шляпасини ҳеч киёлмадим. Лекин костюми яхши эди. Ундан тамаки ҳиди анқир, шунданмиккин, купеда ўтирганимда, нуқул шляпам жуда янги шляпа, костюмим эса жуда эски костюм бўлиб кўрина бошлади. Кайфиятим дераза ортидаги нам босган ломбард ерларидаи нохуш эди. Купеда қандайдир учувчилар ўтиришар, менга жуда паст назар билан қараашарди. Уларнинг менга қарагилари келмас, ёш бўла туриб ҳарбий хизматда бўлмаган одамга нафратларини яширмас эдилар. Мен ўзимни ҳақоратланган деб ҳис қилмасдим. Аввалги пайтларим бўлса, уларни ҳақоратлаган ва жанжал чиқарган бўлардим. Улар Галларатеда тушиб кетишиди, ёлғиз қолиб ўзимни эркин сездим. Газета олган эдим, лекин унга қарагим келмасди, уруш ҳақидаги хабарларни ўқигим йўқ эди. Мен урушни унтишига қарор қилдим. Ўз ҳолимга ўзим сулҳ туздим. Ўзимни жуда ҳам ёлғиз сездим, шунинг учун поезд Стрезага келганда енгил нафас олдим.

Вокзалда меҳмонхоналарнинг одамлари бордир, деб ўйлаган эдим, лекин биронтаси кўринмади. Мавсум аллақачон тугаган, шу сабабдан ҳеч ким поездни кутгани чиқмаганди. Мен вагондан чамадонимни кўтариб тушдим. У Симники эди, ичиди иккита кўйлакдан бошқа нарса бўлмаганидан қушдай енгил эди. Вагондан тушиб поезд жўнагунча ўрнимдан қимирамадим. Вокзал хизматчилиридан биридан, билмайсизми, ҳозир қайси меҳмонхоналар очиқ, деб сўрадим. «Гранд-отель», «Дезиль-Борроме» ва яна йил бўйи ишлайдиган бир қанча меҳмонхоналар очиқ экан. Ёмғирда қўлда чамадон билан «Дез иль-Борроме» га қараб йўл олдим. Қўчадан ўтиб обраётган экипажга қўлимни кўтардим. Экипажда борган маъқулроқ эди. Биз каттакон меҳмонхонанинг эшиги олдига бориб тўхтадик, портье соябон кўтариб пешвоз чиқди, яхши мулозамат кўрсатди.

Яхши бир хонани танладим. Хона каттакон ва ёруғ эди, деразаси кўл томонга очиларди. Кўл тепасида булутлар осилиб турар, лекин мен қуёш чиққан маҳалларда унинг жуда ҳам гўзал бўлишини билардим. Мен ўз хотинимни кутяпман, дедим. Хонада катта икки кишилик, *lettomatrimoniale*¹ атлас адёл тўшалган ҳолда турарди. Жуда ҳам бориб турган меҳмонхона экан. Мен

¹ Оила тўшаги (итал.).

узун йұлакдан ўтиб, кенг зина орқали барға тушдим. Бармен эски танишим әди, баланд курсида ўтириб шұр лапак билан қувроқ қоврилған картошка едим. Мартини муздақ ва таъми тоза әди.

— Бу ерда нима қилиб юрибсиз, *in borghese*?¹ менга иккінчи мартинини аралаштириб бераркан, сұради бармен.

— Мен отпускадаман. Соғлиғимни яхшилаш учун отпуска олдим.

— Бу ерда ҳозир ҳеч ким йўқ. Билмадим, нега меҳмохонани беркитишмаяпти.

— Балиқ ови қалай?

— Бир нечта зўр хонбалиқ ушладим. Йилнинг' бу фаслида хонбалиқларнинг зўрлари учраб туради.

— Сизга юборган тамакини олдингизми?

— Олдим. Сиз менинг откриткамни олмадингизми?

Қулиб юбордим. Мен у айтган тамакини тополмагандым. Үнга Американинг ўрама тамакисини ваъда қилгандим, лекин уйдан менга уни юбормай қўйишган, ё бўлмаса, уни қаердадир тутиб қолмоқда эдилар. Ҳар ҳолда келмай қўйганди.

— Мен сизга бирон ердан топиб бераман,— дедим.

— Айтинг-чи, сиз бу ерда икки ёш инглиз қизни учратмадингизми? Улар ўтган куни келишган.

— Меҳмонхонамизда бундайлар йўқ.

— Улар ҳарбий госпиталда ҳамшира бўлиб ишлашади.

— Иккита ҳамшира қизни кўргандим. Бирпас тўхтанг, мен уларнинг қаерда турганларини билиб келаман.

— Биттаси — менинг хотиним. Мен бу ерга у билан учрашгани келдим.

— Бошқаси — менинг хотиним.

— Мен ҳазиллашетганим йўқ.

— Аҳмоқона ҳазилимни маъзур кўринг,— деди у.— Фаҳмламабман.

У чиқиб кетди ва анчагача қайтмади. Мен маслинлар, шўр данак, қувроқ картошка еб ўтиридим, пештахта ортидаги ойнадан ўзимнинг кишилик кийимларимни томоша қилдим. Ниҳоят, бармен қайтиб келди.

¹ Кишиликда (итал.).

— Улар вокзал ёнидаги кичкина меҳмонхонада жойлашган эканлар,— деди у.

— Сизда сандвичлар борми?

— Ҳозир құнғироқ қиласман. Одам йүғидан бу ерга ҳеч нарса опкелишмайды.

— Нима, ҳеч ким йўқми?

— Битта-яримта бор, йўғамас.

Сандвичларни келтиришди ва мен учтасини еб олдим, яна мартини ичдим. Мен ҳеч қачон бунчалар муздак ва сара нарсани ичмаган эдим. Мартинининг таъми менин маданий одамлар оламига қайтарди. Қўп замонлардан бери еганим нон, пишлоқ, ичганим қизил вино, маза-матрасиз қаҳва бўлганди. Баланд курсида қизил оғочлар, бронзалар ва ойналар қуршовида ўтириб, ҳеч нарсани ўйламасдим. Бармен менга қандайдир бир савол берди.

— Уруш ҳақида гапирмайлик,— дедим мен.

Уруш қаердадир жуда узоқларда қолди. Эҳтимол, ҳеч қандай уруш бўлмагандир. Бу ерда уруш йўқ. Тўсиндан у мен учун тамом бўлганини англадим. Лекин менда у чицдан ҳам тамом бўлганига комил ишонч ҳисси йўқ эди. Дарсдан қочган бола мактабда ҳозир нима бўлаётганини ўйлаганидай, мен ҳам қочиб келган ерларимни ўйлардим.

Отелга борганимда Қэтрин Эллен Фергюсон билан овқатланишаётган экан. Йўлакдаёқ уларнинг стол атрофига ўтирганларини кўрдим. Қэтрин мен томонга орқа ўтирганидан, толалари туаш соchlарини, бир ёноғини ва оппоқ бўйни билан елкаларини кўриб бордим. Фергюсон ниманидир ҳикоя қилаётганди. Мен киришим билан жим бўлиб қолди.

— Вой, худо!— деди у.

— Салом!— дедим мен.

— Вой, сизми?— деди Қэтрин. Унинг юзи ёришиб кетди. У кўзларига ишонгиси келмасди. Мен уни ўпдим. Қэтрин қизариб кетди, мен уларнинг ёнига ўтирам.

— Буни қаранг-а!— деди Фергюсон.— Бу ерда нима қилиб юрибсиз? Сиз овқатландингизми?

— Йўқ.

Столга овқат ташиб турган қиз кирди, менга ҳам овқат олиб келишни айтдим. Қэтрин чараклаган кўзларини мендан узмасди.

— Нима муносабат билан сиз муфти¹ кийиб олдингиз? — сўради Фергюсон.

— Кабинет аъзоси бўлиб қолдим.

— Сиз бирон бўлмагур иш қилиб қўйгансиз.

— Сал қовоғингизни очинг, Фержи. Сал қовоғингизни очинг.

— Сиз ҳозир кулиб боқадиган аҳволда эмассиз. Манави қизни қай йўлларга бошлаганингизни биламан. Хурсанд бўладиган жойи йўқ.

Кэтрин менга қараб жилмайди ва стол тагидаи оёғи билан мени туртиб қўйди.

— Ҳеч ким мени ҳеч қандай кўйга солмади, Фержи. Мен ўзимни ўзим, шу кўйга солдим.

— Уни кўргани кўзим йўқ,— деди Фергюсон.— У ўзининг италянча қилиқлари билан сизни хароб қилди. Америкаликлар италянлардан ҳам бўлмағурроқ ҳалқ.

— Шотландлар эса — хушхулқ одамлар,— деди Кэтрин.

— Мен уни айтиётганим йўқ. Мен унинг италянча маккорлигини айтипман.

— Наҳотки, мен маккор бўлсам, Фержи?

— Ҳа. Сиз маккорнинг ҳам ёмонисиз. Сиз чинакам илонсиз. Италян мундири билан плашини кийиб олган илонсиз.

— Мен италян мундирини ечиб ташладим.

— Бу маккорлигингиизга яна бир далил бўла олади. Эзи билан қиз иккингиз ишқ-муҳаббатга берилиб, энди эса, жуфтакни ростлаб қолмоқчисиз.

Мен Кэтринга қараб жилмайдим, у ҳам менга табасум билан жавоб берди.

— Биз икковимиз жуфтакни ростлаб қолмоқчимиз,— деди у.

— Бирингизни олиб иккичингизга урадиган,— деди Фержи.— Сизнинг қилиғингиздан ер ёрилмади-ю, мен ерга кириб кетмадим, Кэтрин Баркли. На орият, на номус қолди сизда, сиз ҳам худди унга ўхшаган маккорсиз.

— Қўйинг, Фержи,— деди Кэтрин ва унинг қўлига шапатилаб қўйди.— Мени кўп уришаверманг. Бир-бири мизни севишимизни биласиз-ку.

¹ Муфти — Амандорлар ишдан кейин киядиган кийим (хинду).

— Олинг қўлингизни,— деди Фергюсон. Унинг бети қизариб кетганди.— Агар сиз уятингизни йўқотмаганингизда бошқа гап эди. Лекин сиз, худо билади, неча ойдан бери ҳомиладорсизу, буларнинг ҳаммасини ҳазил деб биласиз, ўзингизни йўлдан оздирган одамни кўришингиз биланоқ оғзингизни кулгидан йиғиштиrolмайсиз. На уят бор, на номус.

У йиғлаб юбордн. Кэтрин бориб уни бир қўли билан қучоқлаб олди. У Фергюсонни юпатиш учун ўрнидан турганда, унинг гавдасида ўзгариш сезмадим.

— Менга барибир,— деди Фергюсон.— Лекин буларнинг охири нима бўлади?

— Бўлди, бўлди, Фержи,— юпатарди уни Кэтрин.— Мен яхши қиз бўламан. Йигламанг, Фержи. Йигламанг, жоним, бўлди.

— Мен йигламайман,— дерди пиқ-пиқ қилиб Фергюсон.— Мен йигламайман. Лекин сизнинг аҳволингизни ўйласам.— У менга ўгирилди.— Сизни кўришга кўзим йўқ,— деди у.— Барибир ёмон кўраман сизни. Сиз қабиҳ, маккор американлик италянсиз.— Унинг бурни ва кўзлари йигидан қизариб кетганди.

Кэтрин менга жилмайди.

— Мени қучоқлаб турганингизда унга сира ҳам кулиб қараманг.

— Сиз ақлли қиз эдингиз-ку, Фержи.

— Биламан,— деди пиқиллаб Фержи.— Менга эътибор берманг. Жуда юрагим ёмон бўлиб кетди. Мен но маъқул қизман. Ўзим ҳам биламан. Мен ҳар икковола рингиз баҳтли бўлишингизни истайман.

— Биз ҳалиям баҳтлимиз,— деди Кэтрин.— Менинг маъқулгинам, Фержи.

Фергюсон яна йиғлаб юборди.— Мен сизларнинг бунақа бетайин баҳтли бўлишингизни истамайман. Нега сиз уйланмайсиз? Худо кўрсатмасин, у ўзи уйланмаган йигитмикин?

— Уйланмаганман,— дедим мен. Кэтрин кулиб турарди.

— Куладиган жойи йўқ,— деди Фергюсон.— Бунақа воқеалар тез-тез бўлиб туради.

— Биз турмуш қурамиз, Фержи,— деди Кэтрин,— сизни хурсанд қилиш учун турмуш қурамиз.

— Мени хурсанд қилиш учун эмас, албатта. Сиз ўзингиз буни ўйлашингиз керак.

- - Биз жуда ҳам банд әдик.
 - - Ҳа. Биламан. Бола қилиш билан банд әдинглар.
 Мен у яна йиғини бошлаб берса керак деб турган
 әдим, күтилмаганда у гинахонлик қила бошлади.
 — Энди сиз у билан кетиб қоласиз-да, а?
 — Ҳа,— деди Қэтрин.— Агар у истаса.
 — Мен-чи?
 — Сиз бу ерда бир үзингиз қолишдан құрқасизми?
 — Ҳа, құрқаман.
 — Үнда мен сиз билан қоламан.
 — Иўқ, у билан кетинг. Ҳозироқ у билан кетинг.
 Сизларни бошқа күришни истамайман.
 — Овқатланиб олайлык.
 — Иўқ, у билан кетинг. Ҳозироқ у билан кетинг.
 — Фержи, енгилтак бўлманг.
 — Ҳозироқ бу ердан кетинглар, деяпман. Икковинг
 ҳам кетинглар.
 — Майли, юр,— дедим мен. Фержи жонимга тегиб
 кетганди.
 — Кетинг деса жон-жон деб кетаверинглар. Овқатни
 ҳам энди бир үзим еярканман-да. Мен қачонлардан бе-
 ри италян кўлларига боришни орзиқиб кутгандим, мана
 оқибати нима бўлди. О! О!— У пиқиллаб инглай бош-
 лади, кейин Қэтринга қаради-да, қалқиб кетди.
 — Биз тушлик тугагунча қоламиз,— деди Қэтрин.—
 Агар мен билан қол, дейдиган бўлсангиз, сизни ёлғиз
 қолдирмайман. Мен сизни ёлғиз қолдирмайман, Фержи.
 — Иўқ, иўқ. Кетаверинглар. Кетаверинглар.— У кўз
 ёшларини артди.— Мен жуда енгилтакман. Қўйинглар,
 менга эътибор берманглар.
 Овқат пайтида хизмат қилиб турган қиз бу кўз ёш-
 лардан қаттиқ таъсирланди. Кейинги таомни олиб келиб
 ҳаммаси тинчиганлигини кўргач, енгил нафас олди.
 Меҳмонхонада ўз хонамиздамиз. Тун. Эшикнинг нар-
 ёси узун кимласиз йўлак, оёқ кийимларимиз эшикнинг
 тагида, хонага қалин гилам тўшалган, ташқарида ёмғир,
 хона чароғон, шинам, кўзларда эса қувонч, кейин қо-
 ронфилик, майин чойшаблар ҳамда тўшакнинг фароғати,
 гўё уйингга қайтиб келгандайсан, ёлғиз эмассан, тунда
 уйғониб кетсан, ёнингда жуфти ҳалолингни кўрасану,
 ҳеч қаерга кетиб қолмаган, сенга шулардан ўзга ҳеч
 нарса керак эмас, сен учун дунёда бошқа ҳеч нарса йўқ
 ҳозир. Биз толиб, ухлаб қолар, уйронсак, икков баро-

бар уйғонар, шунда одам ўзини ёлғиз ҳис қилмасди. Баъзан эркак киши ёлғиз қолгиси келади, хотин кишининг ҳам ёлғиз қолгиси келади, агар улар бир-бирларини севсалар бундан ранжийдилар. Бизда ҳеч қачон бундай бўлмаганди. Биз бирга бўлган пайтимизда, ўзимизни ёлғиз, бутун олам қаршисида ёлғиз деб ҳис қила олардик. Менда биринчи марта бирга бўлганимизда шундай туйфу туғилганди. Мен кўп аёлларни билардим, лекин улар билан бўлганимда ўзимни ёлғиз сезардим, бу ёлғизликлар ичидаги энг ёмонроғи эди. Лекин биз бирга бўлганимизда ҳеч қачон ўзимни ёлғиз сезмас, бирга бўлган пайтларимизда ҳеч нарсадан қўрқмасдик. Мен биламан, туннинг кундан фарқи бор, тунда ҳамма нарса бошқача бўлиб кўринади ва тунда бўлган гапларни кундузи тушунтириб бериб бўлмайди, у онлар ўтадикетади, лекин агар одам ўзини ёлғиз сезган бўлса, унда тундаги ёлғизлик яна ҳам даҳшатлироқ бўлади. Бироқ Кэтрин билан тунимиз кундузимиздан фарқ қилмас, эҳтимолки, кечалари бир оз яхшироқ ҳам эди. Одамлар бу дунёга шунча жасорат олиб келганларидан сўнг, дунё уларни синдириш учун ҳалок қилиши керак бўлади, шу боисдан уларни ўлдиради. Дунё ҳаммани букиб қўяди, лекин кўплар букилганда яна ҳам қаттиқроқ, чидамлироқ бўлиб қолади. Лекин эгилишни истамаганларни у ўлдиради. У энг шафқатли, энг нозик ва энг мард одамларни суриштирмай ўлдираверади. Агар сен униси ҳам, буниси ҳам борингки, учинчиси ҳам бўлмасанг, амин бўлгилки, сени ҳам ўлдиражаклар, фақат кўпам шошмасдан ўлдирадилар.

Мен эрталаб уйғонганимни эслайман. Кэтрин ҳали ухлаб ётар, қуёш нури деразадан тушиб турарди. Ёмғир тинганди, ўрнимдан туриб, ойна олдига келдим. Пастда боғлар чўзилиб кетган, улар ҳозир яланғоч бўлиб қолган, лекин боғларнинг адл шакллари гўзал кўринарди, майдага қум тош тўшалган йўлкалар, дараҳтлар, кўл бўйидаги тош панжара ва офтоб нурида ётган кўл, кўлнинг нариги томонидаги тоғлар ғоятда гўзал эди. Деразадан томоша қилиб туриб орқамга ўғирилдим, ўғирилиб, Кэтрин уйғонганини, менга тикилиб турганини кўрдим.

— Дарров турдингми, жоним? — деди у. — Қандай яхши кун!

— Қалай, ўзинг тузукмисан?

— Жуда ҳам яхши. Кечаси бирам яхши бүлдики.

— Қорнинг очдими?

Унинг қорни очибди. Мен ҳам очқагандим, деразадан ноябрь қуёши тушиб турарди, биз тарелкалар қўйилган шаттисни тиззамизга қўйиб овқатландик.

— Сен газета ўқиши истамайсанми? Госпиталда доим газета ўқирдинг.

— Йўқ,— дедим.— Энди истамайман.

— Газеталардан ҳам ихлосинг қайтиб кетдими?

— Қарагиси ҳам келмайди одамнинг.

— Сен билан бирга бўлганимда ҳаммасини ўз кўзим билан кўрган бўлардим.

— Бир куни сал миям тиниқлашгандан кейин ўзим ганириб бераман.

— Сени ҳарбий кийимда эмаслигингни кўриб қолишса, қамаб қўйишмайдими?

— Мени отиб ташлашса керак.

— Унда бу ерда турншимиз мумкин эмас, чет элга кетайлик.

— Мен ҳам шуни ўйлагандим.

— Кетамиз. Жоним, бекорга жонингни хавф остига қўйма. Менга айт, Местредан Миланга қандай қилиб келиб қолдинг?

— Поезд билан келдим. Унда ҳали ҳарбий кийимимни ечмагандим.

— Бу хавфлимиди?

— Унчаликмас. Эски литерим бор эди. Местреда чисолосини ўзгартириб олдим.

— Жоним, бу ерда сени ҳар бир дақиқада қўлга олишлари мумкин. Мен истамайман. Бу тентаклик. Агар сени қамоққа олишса, бизнинг ҳолимиз нима кечади?

— Буни ўйламайлик. Буни ўйлайвериб миям говлаб кетди.

— Сени қамоққа оламиз деб келишса, нима қиласан?

— Отиб ташлайман.

— Кўрдингми, қандай тентаксан. Биз бу ердан кетмагунимизча, мен сени меҳмонхонадан чиқармайман.

— Хўп, қаерга борамиз?

— Қўй, унақа бўлма, жоним. Қаерга десанг, ўша ерга борамиз. Лекин шундай жойни топгинки, ҳозирнинг ўзидаёқ жўнаб кетиш мумкин бўлсин.

— Кўлнинг нарёғи Швейцария, ўша ерга бориш мумкин.

— Ана — қандай соз.

Яна буулутлар тўпланди ва кўл юзи қорайди.

— Қани энди ҳар доим жиноятчи бўлмай яшасанг,— дедим мен.

— Жоним, унақа бўлма. Қачондан бери жиноятчи бўлиб қолибсан? Биз ҳеч қачон жиноятчи бўлмаймиз. Бизнинг ҳаётимиз жуда ҳам яхши бўлади.

— Мен ўзимни жиноят қилиб қўйгандай сезялман. Мен армиядан қочдим.

— Жоним, қўй, ақлли бола бўл. Сен армиядан қочганинг йўқ. Бу италянларнинг армияси-ку.

Мен кулиб юбордим.

— Ҳўп доносан-да. Қе, яна бирпас ётамиз. Тўшакда ётсам, дунё кўзимга жаннат бўлиб кўринади.

Салдан сўнг Қэтрин деди:

— Энди ўзингни жиноятчи деб ҳис қилмаяпсан, тўғрими?

— Йўқ,— дедим мен.— Сен билан бирга бўлганимда — йўқ.

— Сен жуда тентак боласан,— деди у.— Лекин мен шалвираб қолишингга йўл қўймайман. Жоним, бир ўйлаб кўргин-а, ҳозир эрталаблари кўнглим айнимаяпти, қандай яхши.

— Зўр.

— Қандай зўр хотининг бор, қадрига ҳам етмайсан. Лекин менга барибир. Мен сени қамаб қўйишмайдиган бирон ерга олиб кетаман. Биз жуда ҳам яхши ҳаёт кецира бошлаймиз.

— Ҳозироқ кетганимиз бўлсин.

— Бош устига, жоним. Қаерга десанг, қачон десанг, сенинг ихтиёрингдаман.

— Қе, ҳеч нарсани ўйламаймиз.

— Қе.

Ўттиз бешинчи боб

Қэтрин қирғоқ билан кичик меҳмонхонага Фергюсонни кузатгани кетди, мен бўлсам, барда газета ўқиб ўтирдим. Барда ўтиришга қулай бўлган креслолар қўйилган, мен то бармен келгунча улардан бирида газета ўқиб ўтирдим. Армия Тальяментода тўхтамабди. У яна

ҳам нарироққа, Пъявага чекинибди. Пъява эсимда эди. Темир йўл фронтга кетаверишда уни Сан-Дон яқинида кесиб ўтарди. Дарё бу ерда жуда ҳам чуқур ҳамда тор ердан тинч оқиб ўтарди. Оқимнинг қуни қисмида ботқоқ ерлар, каналлар бор эди. Бир қанча чиройли виллалар бўларди. Бир куни урушдан илгари Кортина-д, Ампеццога бора туриб мен бир неча соат Пъява устидаги тоғ йўлидан юрган эдим. Тспадан қараганда у хонбалиқлар ғужрои ўшаган сойга ўхшаб кўринганди, қояларнинг сояларида саёз ва чўнқир жойлари бор эди. Кадорега борганда у четга бурилиб кетарди. Мен қўшинларга Пъявадан тушиш осон бўлмайди, деб ўйладим. Бармен кирди.

— Граф Греффи сизни сўради,— деди у.

— Ким?

— Граф Греффи. Эсингиздами, ўтган сафар келганингизда бу ерда бўлган чол-чи?

— У шу ердами?

— Ҳа, жияни билан. Мен унга сизнинг шу ердалигинизни айтдим. У сиз билан бильярд ўйнамоқчи.

— Қаерда у?

— Айлангани кетди.

— Үзи қалай?

— Борган сари яшаряпти. Кечаки тушлик олдидан шампан билан учта коктейль ичди.

— Бильярдни қалай ўйнаяпти?

— Яхши. Мени ютади. Унга сизнинг шу ерда эканлигингизни айтсам, у жуда суюнди. У билан ўйнайдиган одам йўқ.

Граф Греффи тўқсон тўртга кирганди. Соч-соқолларни оқариб кетган, ниҳоятда хушфеъл бу чол. Меттернихишинг замондоши эди. У ҳам Австрия, ҳам Италия дипломатиясининг хизматида бўлган, унинг туғилган куни Милан киборлари ҳаётидаги бир воқеа каби ўтказилган эди. У юзга киришни орзу қилас, бильярдни ўзига ишониб ёнгил ўйнар, тўқсон тўртга кирган одам учун бу жуда ғаройиб кўринарди. Мен у билан бир пайтлар мавсум тугаган маҳалда Стрезага келиб қолганимда танишган, у билан бильярд ўйнаб шампан ичгандик. Менга бу жуда хуш ёқиб кетганди, у ўшанда менга олдиндан ўн беш очко бериб ютиб олганди.

— Унинг бу ерда эканлигини нега менга айтмадигиз?

- Ёдимдан күтарилибди.
- Бу ерда яна ким бор?
- Бошқаларни сиз билмайсиз. Бутун мәхмонхонада фақат олти киши бор.
- Ҳозир нима қылапсыз?
- Ҳеч нарса.
- Юриңг, балиқ овлагани борамиз.
- Бирон соатга бұлса, майли.
- Юриңг. Қармоқни олинг.

Бармен пальтосини кийиб олди ва биз йұлға тушдик. Қирғоққа тushiб қайиқ олдик-да, мен әшкак әшдим, бармен қуйруққа ўтири, қармоқни ташлади. Қармоғи күл хонбалиғини овлайдиган учида оғир чўки ва спиннери бұлган қармоқ эди. Биз қирғоқ ёқалаб кета бошладик, бармен вақт-вақти билан ипни тортиб қўярди. Кўлнинг ичидан Стреза жуда ҳам ҳувиллаб кўринарди. Барглари тўкилиб, қуруқ оғочи қолган дараҳтларнинг чўзилиб кетган қаторлари, каттакон мәхмонхоналар ва қулфлаб кетилган виллалар кўринарди. Мен Изола-Белла томонга бурилдим-да қайиқни қирғоқ бўйлаб олиб кета бошладим. Бу ердан қояларнинг күл тагига чуқур кириб кетгани тиниқ сувда кўриниб туради. Бир оз юргач, балиқчилар оролига томон бурилдим. Қуёш булуллар орасига кириб кетди, сув қоронфи, тиниқ ва жуда ҳам совуқ эди. Балиқ бир неча бор олдимизда айланиб юрди-ю, икки қармоғимиз бирон марта ҳам қимирламади.

Мен қирғогига қайиқлар чиқариб қўйилган, балиқчилар тўр тузатишаётган оролга томон әшкак әшдим.

- Юриңг, бирон нарса ичайлик.
- Юриңг.

Мен қайиқни тош қирғоқда тўхтатдим. Бармен қармоқни сувдан чиқарди, уни қайиқ тагида ўради-да, спиннерни бортнинг четига қистириб қўйди. Мен тushiб қайиқни боғлаб қўйдим. Биз кичкина бир қаҳвахонага кириб, тахта столга ўтиридик, вермут сўрадик.

- Чарчадингизми?
- Иўқ.
- Қайтишда әшкакни мен оламан,— деди у.
- Мен әшкак эшишни яхши кўраман.
- Балки қармоқни сиз ташласангиз омадимиз келар.
- Майли.

- Айтинг-чи, урушда аҳвол қандай?
- Емон.
- Мен боролмайман. Мен худди граф Греффидай қариб қолганман.
- Балки ҳали сизга ҳам боришга түғри келиб қолар.
- Келаси йили мендайларни чақиришади. Аммо мен бормайман.
- Бормай нима қиласиз?
- Чет әлга кетаман. Мен урушга боришни истамайман. Мен бир марта урушда бўлганман, Абиссинияда. Етар. Нега сиз бордингиз?
- Билмайман. Аҳмоқлик.
- Яна ичамизми?
- Майли.

Қайтишда қайиқни бармен ҳайдади. Биз кўлдан Стрезанинг орқасига айланиб ўтдик, кейин орқага қайтдик, қирғоқ доим кўз ўнгимиизда турди. Мен қармоқни ушлаб, айланётган спиннернинг секин-секин қимирлашига қулоқ соларканман, ноябрь ойининг қорайиб қолган сувларига, кимсасиз соҳилга боқардим. Бармен кенг қулоч отиб эшкак эшар, қайиқ олға сапчиганда қармоқ таранг тортилди ва орқага силтади, мен торта боиладим, хонбалиқнинг оғирлигини сезиб турардим, кейин қармоқ яна тортилди. Хонбалиқ тушиб кетди.

- Оғирмиди?
- Анча оғир эди.
- Бир марта бир ўзим овлаётган эдим, қармоқни тишим билан ушлаб ўтиргандим, биттаси шундоғам тортиб қолса бўладими, нақ жағимни сууриб олай деди.
- Энг яхшиси, оёққа боғлаб олиш керак,— дедим мен.— Унда тортганини ҳам биласиз, тишларингиз ҳам омон қолади.

Мен қўлимни сувга тиқиб кўрдим. Сув жуда ҳам соvuқ эди. Биз меҳмонхона қаршисига бориб қолгандик.

- Мен боришим керак,— деди бармен,— мен ўн бирга етиб боришим керак. L'heure du cocktail.¹
- Яхши.

Мен қармоқни чиқариб, уни икки учи кертиб қўйилган таёққа ўрадим. Бармен қайиқни тош деворнинг кичкина ўйиғига ўрнаштириди-да занжир солиб қулфлаб қўйди.

¹ Коктейль вақти (франц.).

— Яна түшгингиз келса,— деди у,— сизга калытни беріб тураман.

— Раҳмат.

Мәхмөнхонага күтарилиб барға кирдик. Эрталабдан туриб бошқа ичким келмади-да, ўз хонамга чиқып кетдім. Оқсоч қызы эндигина йиғишириб бұлған экай, Кэтрин эса, ҳали қайтмабди. Мен ўринга ётдім, калладан ҳар хил фикрларни қувишга ҳаракат қылдым.

Кэтрин қайтиб келгандан кейин яна ҳамма нарса ўз ўрнига тушди. Фергюсон пастида турибди, деди у. У біз билан нонушта қыларкан.

— Сен йўқ демаслигингни билардим,— деди Кэтрин.

— Майли,— дедім.

— Нима қылди, жоним?

— Билмадым.

— Мен биламан. Нима қилишиңгни билмагансая. Сенинг мендан ўзга ҳеч кимніг йўқ, мен бұлса, кетіб қолдым.

— Сен ҳақсан.

— Кечир мени, жоним. Бирдан атрофингда ҳеч ким қолмаса, жуда ҳам ёмон бұлади, биламан.

— Доим шовқин-суронда, одамлар ичида яшаб келганды,— дедім.— Энди ёнимда сен бўлмасанг, ҳамма ёқ ҳувиллаб қолади.

— Мен доим ёнингдаман, жоним. Мен фақат икки соаттагина кетгандым. Бирон иш билан машғул бўлсанг-микин?

— Мен бармен билан балиқ овлагани боргандым.

— Яхши бўлдими?

— Ҳа.

— Мен йўқлигимда мени ўйлама.

— Фронтда юрганимда шундай қылардим. Лекин у ерда қиласидиган ишинг бошингдан ошиб ётади.

— Истеъфога чиққан Отелло,— деди у ҳазиломуз.

— Отелло ҳабаш эди,— дедім мен.— Бундан ташқары мен рашқчи эмасман. Фақат мени сени шундай севаманки, дунёда сендан бошқа ҳеч нарса кўзимга кўрикмайди.

— Хўп, энди яхши бола бўлиб, Фергюсон билан хушмуомалада бўлгин.

— Мен доим Фергюсонга хушмуомалада бўлиб келганды, фақат ўзи гапни қарғашдан бошламаса бўлғани,

Жаши муюмала қил. Үйлаб күр, биэ қўп нарсага
шамни унинг эса, ҳеч нарсаси йўқ.

— У биздай бўлишига ишонмайман.

Сен, жоним, ҳеч нарсани билмайсан, яна ақлли
біласан.

— Унга ёмон гапирмайман.

— Шундай бўлсин, жоним. Қандай яхшисан.

— Лекин кейин у қолмайди, а?

— Йўқ. Мен уни жўнатиб юбораман.

— Яна шу ерга қайтиб келамиз, а?

— Албатта. Бўлмасам-чи?

Биз Фергюсон билан нонушта қилгани пастга туш-
ик. Унга меҳмонхона билан ҳашаматли ресторон қат-
иқ таъсири қилди. Биз яхшилаб нонушта қилдик, икки
шиша капри ичдик. Ресторонга граф Греффи кириб
келди, у бизга бош эгиб қўйди, ёнида жияни бор эди,
қўринишдан менинг бувимга ўхшаб кетарди. Мен у ҳақ-
да Кэтрин билан Фергюсонга ҳикоя қилиб бердим, Фер-
гюсон қаттиқ таъсиrlанди. Меҳмонхона каттакон, ҳа-
шамдор, кимсасиз бўлса ҳам, лекин овқатлари тотли,
виноси ёқимли эди, охирида ҳаммамизнинг кайфиятимиз
бир қадар кўтарилиди. Кэтриннинг вақти чоғ эди. У баҳ-
тиёр эди. Фергюсон жуда очилиб кетди. Узимнинг ҳам
руҳим кўтарилиди. Нонуштадан кейин Фергюсон ўз меҳ-
монхонасига қайти. Мен нонуштадан кейин бир оз дам
олмоқчиман, деди у.

Кечкуруш кимдир эшигимизни тақиллатди.

— Ким у?

— Граф Греффи бильярд ўйнамасмикинлар деб сў-
раяптилар.

Мен соатга қарадим; уни қўлимдан олиб, ёстиқнинг
тагига тиқиб қўйган эди.

— Бориш шартми, жоним? — шивирлади Кэт-
рин.

— Бормасам бўлмайдиганга ўхшайди.— Соат тўрт-
дан ўн беш минут ўтганди. Мен баланд овоз билан де-
дим: — Граф Грефfigа айтингки, мен бильярдхонада
соат бешда бўламан.

Ун бешта кам бешда Кэтринни ўпдим-да, кийингани
ваннага ўтдим. Галстугимни тақиб ойнага қаарарканман,
ўзимни кишилик кийимда яна ғалати сездим. Яна кўй-
лак билан пайпоқ олмасам бўлмас экан деб қўйдим.

— Качон келасан?— сўради Кэтрин. У тўшакда

жуда ҳам чиройли эди.—Менга тароқ билан чүткани олиб бер-чи.

У бошини бир томонга қийшайтириб соchlарини тараркан, бутун соchlари бир томонга сочилиб тушди. Ташқарига қоронғи тушиб келмоқда эди, тұшакнинг бош томонидаги чироқнинг нури унинг соchlарига, бүйніга, елкаларига тұқиларди. Мен бориб унинг тароқли құлнини четга қайирдим, шунда унинг боши ёстиққа тегди, уни ўпдим. Унинг бүйнилари, елкаларидан ўпдим. Уни шундай қаттық севардимки, бошим айланмоқда эди.

- Боргим келмаяпти.
- Мен ҳам боришиңгни истамайман.
- Үнда бормайман.
- Иүқ. Бор. Ұзоқ кетмайсан-ку. Кейин қайтиб келасан.
- Биз шу ерда овқатланамыз.
- Бор, тезроқ қайтиб кел.

Граф Греффи бильярдхонада экан. У турли зарбларни синааб күрар, бильярд тепасига тушиб турган чироқ шуъласида ўзи увоққина бўлиб кўринарди. Сал нарироқда, қоронғи бурчакдаги столчада ичига муз солинган кумуш пақирча бўлиб, ундан иккى шиша шампаннинг бўйни чиқиб туради. Киришим билан граф Греффи қаддини тиклади ва менга пешвоз юрди. У менга қўлинни узатди.

— Сизни бу ерда кўрганимдан жуда хурсандман. Илтифот қилиб мен билан ўйнагани келибсиз.

— Мени ўйнуга таклиф қилиб илтифот кўрсатганингиздан бошим осмонга етди.

— Соғлигингиз қалай? Сиз Изонцода яраланибсиз деб эшитгандим. Бутунлай шифо топиб кетдингизми?

- Соғлигим яхши. Ўзингиз тузукмисиз?
- О, мен доим соғман. Лекин қариб қоляпман. Қариллик аломатларини сезяпман.
- Бунга одамнинг ишонгиси келмайди.
- Ҳа. Мана сизга бир мисол. Менга ҳозир бошқа тилда гапиришдан кўра италян тилида сўзлаш осонроқ. Мен ўзимни мажбур қиласман, лекин толиққан маҳалларимда менга барибир италянча гапириш енгилроқ кўринади. Шунга қараганда қариб қолаётиман шекили.

Италянча гаплашаверамиз. Мен ҳам бир оз чар-
чилиман.

О, агар чарчаган бўлсангиз, сизга инглизча гапи-
рини қулайроқ бўлади.

Америка тилида.

Ҳа. Америка тилида. Марҳамат, Америка тилида
Ганираверинг. У шундай бир жозибали тилки...

Мен ҳозир америкаликлар билан деярли кўриш-
сий қўйганман.

— Сиз афтидан уларсиз жуда зериксангиз керак.
Ватандошларинг бўлмаса, жуда зерикларли бўлади ва
айниқса, ватандош қизлар бўлмаса. Мен буни ўз таж-
рибамдан биламан. Ҳўп, ўйнаймизми ёки қаттиқ чар-
чаганмисиз?

— Мен чарчаганим йўқ. Мен буни ҳазиллашиб айт-
дим. Менга олдиндан қанча очко берасиз?

— Сиз кўп ўйнаб турдингизми?

— Ҳеч ўйнаганим йўқ.

— Сиз жуда яхши ўйнайсиз. Ун очко?

— Сиз мени мақтаб юборяпсиз.

— Ун беш?

— Бу жуда ҳам антиқа бўларди-ю, лекин сиз мени
барибир ютасиз.

— Пул тикиб ўйнаймизми? Сиз доим пул тикиб ўй-
нашни маъқул кўрадингиз.

— Маъқул.

— Балли. Мен сизга ўн саккиз очко бераман ҳар
очкога бир франкдан тикиб ўйнаймиз.

У партияни жуда ҳам чиройли бошлади, менга ол-
диндан шунча очко берганига қарамасдан ўйин ярим-
лаб қолгандагина тўрт очкога ошиб улгурган эдим.
Граф Греффи қўнғироқ чалиб барменни чақирди.

— Марҳамат қилиб бизга бир шишани очиб берсан-
гиз,— деди у. Кейин менга деди:— Кўнгил ҳушига бир
стакандан ичайлик.

Вино муздеккина экан, жуда қуруқ ва яхши эди.

— Италянча гаплашамиз. Сиз қарши эмасмисиз?
Мен унга жуда ўрганиб қолдим.

Биз соққаларни ҳайдаб вино ичар, италянчада суҳ-
батлашардик, лекин умуман олганда, ўйинга кўпроқ
чалғиб, гапга камроқ аҳамият берардик. Граф Греффи
юз очко урди, мен фақат тўқсон тўрт очко ололдим,
холос. У кулимсираб, елкамга қоқиб қўйди.

— Энди икинчи шишани очамиз ва сиз менгә уруш ҳақида гапириб берасиз.— У менинг ўтиришимни күтди.

— Башқа бирон нарса ҳақида гаплашсак бўлмайдими?— дедим.

— Сиз бу ҳақда гапиришни истамайсизми? Яхши. Кейинги пайтларда нималарни ўқидингиз?

— Ҳеч нарса,— дедим.— Кейинги пайтларда ўтмаслашиб қолдимми деб қўрқаман.

— Йўқ. Лекин ўқишингиз керак.

— Уруш даврида нималар чиқди?

— Биз французнинг, Барбюснинг «Le feu¹» деган китоби чиқди. Яна «Мистер Бритлинг ҳаммасини кўради» чиқди.

— Бу ёлғон.

— Нима ёлғон?

— У ҳаммасини кўрмайди. Бу китоблар бизнинг госпиталимизда бор эди.

— Ўқиган эканисиз-ку, ўқимадим дейсиз.

— Яхши нарса ўқимадим.

— Менинча «Мистер Бритлинг»да инглиз буржуазиясининг қалби жуда яхши кўрсатиб берилган.

— Мен қалб нималигини билмайман.

— Бечора. Ҳеч ким билмайди қалб нима деганини. Сиз — сгоуап²мисиз?

— Фақат кечаси.

Граф Греффи кулимсиради ва стаканини қўлида айлантириди.

— Мен ёшнм қайтгач, художўй бўлиб қоламан, деб ўйлагандим, лекин нима учундир бундай бўлмади,— деди у.— Афсус.

— Сиз ўлгандан кейин қолишини истармидингиз?— дедим ва шу заҳоти ўлимдан гапирганим учун тилимни тишлиб қолдим. Лекин у бу сўздан ранжигани йўқ.

— Гап қандай қолишда. Бу ҳаёт жуда ширин. Мен асрларча яшашни истардим.— Ў жилмайди.— Бунга эришай деб қолдим.

Биз чуқур чарм креслоларда ўтирас, ўртамизда қадаҳлар ва кумуш пақирчада шампан қўйилган столча турарди.

¹ Ўт (франц.)

² Диндормисиз? (франц.)

- Агар менинг ёшимга етсангиз, дунёдаги күп нарсалар сизга ғалати бўлиб кўринади.
- Сиз қариганга ўҳшамайсиз.
- Тан қарияпти. Баъзан бармоқларим бўрнинг бир учи учиб тушгандай, учиб кетадиганга ўҳшайди. Руҳим эса қаримайди, ақлим ҳам кўпаяётгани йўқ.
- Сиз доносиз.
- Қарилар доно бўлади деган гап — янгиш гап. Қарилар доно эмас. Улар эҳтиёткор бўлишади, холос.
- Эҳтимол, шунинг ўзи донолик бўлса керак.
- Бу анчайин ёқимсиэ донолик. Сиз ҳаммадан кўра нимани қадрлайсиз?
- Суюкли аёлни.
- Мана мен ҳам шундай. Бу — донолик эмас. Ҳаётни қадрлайсизми?
- Ҳа.
- Мен ҳам. Чунки менинг шундан бошқа нарсам йўқ. Яна туғилган кунларимни сийлайман,— кулди у.
- Сиз мендан кўра донороқ бўлсангиз керак. Сиз ўз туғилган кунингизни байрам қилмайсиз.
- Сиз уруш ҳақида аслида қандай фикрдасиз?— сўрадим мен.
- У жуда беҳуда нарса, деб ўйлайман.
- Қим уни ютиб чиқади?
- Италянлар.
- Нега?
- Улар анча навқирон миллат.
- Урушда навқирон миллатлар ғалаба қилишадими?
- Маълум бир даврда улар бунга қодир бўладилар.
- Кейин улар қари миллатга айланадилар.
- Сиз яна доно эмасман, деб ўтирибсиз.
- Жон болам, бу — донолик эмас. Бу — беписандлик.
- Менга қолса, бу зўр донолик.
- Унчалик эмас. Сизга бунинг аксини исботлайдиган мисоллар келтиришим мумкин эди. Лекин у ёмон айтилмаган. Биз ҳамма шампанни ичиб қўйдикми?
- Деярли.
- Балки яна ичармиз? Кейин мен қайта кийингани бораман.
- Бошқа ичмай қўя қолайлик.

— Сиз чиндан ҳам истамайсизми?

— Ҳа.

У турди.

— Сизга кўп баҳт, кўп омад, кўп сиҳат-саломатлик тилайман.

— Ташаккур. Мен эса, сизга бир аср умр тилайман.

— Ташаккур. Шунга интиляпман. Агар бирон сабаб билан буни художўй бўлиб қолсангиз, мен ўлганимда икки оғиз фотиҳа ўқиб қўйинг. Мен бир қанча дўстларимдан шуни илтимос қилдим. Ўзим художўй бўламан девдим, қўлимдан келмади.

Менга у маъюс жилмайгандай туюлди, лекин аниқ қўрганим йўқ. У ғоятда қари эди, юзларини ажинлар босган, кулганида шунчалик кўп ажинлари иштирок этардики, маъносини англаб етиш қийин эди.

— Мен эҳтимол, жуда художўй бўлиб қолсам керак,— дедим мен.— Нима бўлганда ҳам мен сиз учун ибодат қиласман.

— Мен ҳар доим художўй бўлсам керак деб кутгандим. Менинг оиласманда кўпчилик художўй бўлиб, сўнг ўларди. Лекин нимагадир бундай бўлмади.

— Ҳали жуда ҳам эрта.

— Балки жуда кеч бўлгандир. Балки, мен диндор бўлиш ҳиссиётини йўқотиб қўйгандирман.

— Менда у фақат кечаси пайдо бўлади.

— Лекин сиз яхши кўрасиз. Бу ҳам диний туйғу эканлигини унутманг.

— Ростданми?

— Албатта.— У бильярдга томон бир қадам ташлади.— Мен билан ўйнаб катта илтифот кўрсатдингиз.

— Менинг ҳам бундан бошим осмонга етди.

— Юринг, тепага бирға чиқамиз.

Ўттиз олтинчи боб

Кечаси момақалдироқ бўлди, мен ёмғир дераза ойналарига шатирлатиб ураётганини эшилдим. Очик дезадан сув оқиб тушмоқда эди. Кимдир эшикни тақиллатди. Мен Қэтринни уйғотиб юбормаслик учун эшикка оҳиста бордим. Эшикни очдим. Бармен экан. У пальто кийиб олган, қўлида ҳўл шляпасини ушлаб турарди.

— Сиз билан гаплашишим керак, *тепенте*.

— Нима гап?

— Жуда жиддий иш.

Мен орқамга қарадим. Хона ичи қоронғи эди. Дераза тагида ёмғир суви кўлмак бўлиб қолганини кўрдим.—Киринг,—дедим мен. Қўлидан ушлаб ваннахонага олиб кирдим-да, эшикни ёпиб чироқни ёқдим. Мен ваннанинг четига ўтирдим.

— Нима гап, Эмилио? Бошингизга бирон иш тушдими?

— Йўқ. Гап сизнинг ҳақингизда, *тепеңе*

— Шундай денг?

— Эрталаб сизни қамагани келишади.

— Шундай денг?

— Мен сизга айтгани келдим. Мен шаҳарда бўлган эдим, қаҳвахонада эшишиб қолдим.

— Тушунарли.

У қаршимда ҳўл пальтода, қўлида ҳўл шляпасини ушлаб туради. Жим бўлиб қолди.

— Мени нимага қамашмоқчи экан?

— Уруш билан боғлиққа ўхшайди.

— Нималигини биласизми?

— Йўқ. Лекин мен аввал сизни бу ерда офицер кийимида кўргандим, энди эса, сиз кишилик кийим кийиб келдингиз. Анов чекинишдан кейин улар дуч келган одамни қамашга ҳам тайёрдар.

Бир дақиқа ўйланиб қолдим.

— Соат нечада келишмоқчи экан?

— Эрталаб. Соатини аниқ билмайман.

— Сиз қандай маслаҳат берасиз?

У шляпасини раковина ичига қўйди. Шляпа ҳўл бўлганидан суви муттасил полга оқиб тушаётган эди.

— Агар ўзингизга ишонсангиз, қўрқадиган жойи йўқ. Лекин қамоққа тушиш кимга ёқади дейсиз. Айниқса, ҳозир.

— Мен қамоққа тушишин истамайман.

— Унда Швейцарияга кетинг.

— Қандай қилиб?

— Менинг қайифимда.

— Кўлда бўрон бўляпти,— дедим.

— Бўрон ўтиб кетди. Тўлқин бор, лекин сиз эплай-сиз.

— Қачон кетишимиз керак?

— Ҳозир. Улар эрта саҳарда келишлари мумкин.

— Нарсаларимизни нима қиласман?

— Иғишириш. Хонимингиз ҳам кийинсилар. Юкларин мен түгрилайман.

— Сиз қаерда бўласиз?

— Шу ерда кутаман. Мени коридорда кўрсалар, бўлмайди.

Эшикни очдим, кейин ёпиб ётоқقا кирдим. Қэтрин уйғонган эди.

— Нима гап, жоним?

— Ҳеч нарса. Қэт,— дедим мен.— Ҳозир кийиниб, қайнқда Швейцарияга кетишни истайсанми?

— Сен истайсанми?

— Йўқ,— дедим мен.— Мен яна ўринга ётишни истайман.

— Нима бўлди?

— Барменнинг айтишича, эрталаб мени қамоқقا олгани келишармиш.

— Барменнинг ақли жойидами?

— Ҳа.

— Унда тезроқ бўла қол, жоним, кийин, ҳозироқ кетамиз.— У тўшакнинг четига ўтирди. Унинг ҳали уйқуси қочмаганди.— Ваннадаги ўша барменми?

— Ҳа.

— Унда мен юваниб ўтирмайман. Жоним, менга қарамай тур, дарров кийиниб оламан.

У тунги кўйлагини ечаётганда унинг оппоқ елкасини кўрдим, кейин у қарама дегани учун орқамни ўгириб турдим. У энди тўлиша бошлаган, шунинг учун унга қарашимни истамасди. Мен ташқарида ёмғирнинг шовқинини эшишиб кийиндим. Юкларимиз деярли йўқ эди.

— Агар керак бўлса, менинг чамадонимда ҳали жойкўп, Қэт.

— Ҳаммасини жойлаб бўлдим,— деди Қэт.— Жоним, мен жуда ҳам тентакман, лекин нега бармен ваннада ўтирибди?

— Чишиш, у юкларимизни пастга олиб тушгани кутиб ўтирибди.

— Мунча яхши!

— У менинг эски оғайним,— дедим мен.— Бир марта унга ўралган тамаки юборишимга сал қолган.

Деразадан зимишонлиққа қарадим. Кўл кўринмас, зимишон тун ва ёмғир, лекин шамол тўхтаганди.

— Мен бўлдим, жоним,— деди Қэтрин.

— Яхши.— Мен ваннанинг эшиги тагига келдим.—

Мана чамадонлар, Эмилио,— дедим. Бармен иккала чамадонни олди.

— Бизга ёрдам бермоқчи бўлибсиз, ҳимматли экан-сан,— деди Қэтрин.

— Арзимайди, леди,— деди бармен.— Мен сизларга ёрдам беряётганимдан хурсандман, лекин бошим ғавғо-ға қолмаса деб қўрқаман. Менга қаранг,— деди у мен-га, мен орқа зинадан юкларни тўғри қайиқ олдига олиб бораман. Сизлар худди айлангани чиққандай бе-малол чиқиб боринглар.

— Сайр қилса арзийдиган туи,— деди Қэтрин.

— Бевош кеча, нимасини айтасиз.

— Яхшиям зонтигим бор экан-а — деди Қэтрин.

Биз йўлакдан ўтиб, пояндоz тўшалган кенг зинадан пастга тушдик. Пастда, ўзининг эшик олдидаги ҳужра-сида портье ўтирган экан.

Бизни кўриб жуда ҳайрон бўлди.

— Сиз эшикка чиқмоқчимисиз, сэр? — сўради у.

— Ҳа,— дедим. — Биз шамолда кўлни кўрмоқчимиз.

— Сизнинг зонтигиз йўқми, сэр?

— Йўқ,— дедим.— Менинг пальтомдан сув ўтмайди.

У гапимга ишонмай қаради.— Мен сизга зонт бера-ман, сэр,— деди у. У бориб каттакон зонт олиб келди.— Бир оз каттароқ, сэр,— деди у. Мен унга ўн лир бер-дим.— О, жуда сахий экансиз, сэр. Минг раҳмат,— деди у.

У бизга эшикларни очиб берди ва биз ёмғирга чиқ-дик. У Қэтринга жилмайди, Қэтрин ҳам унга жилмайди.— Ташқарида, шамолда узоқ қолиб кетманглар,— деди у.— Ивиб кетасиз, сэр ва леди.— У кичик портье эди, шунинг учун инглизча гапирганда ҳали мактаб бо-лаларига ўхшаб гапиради.

— Биз тезда қайтамиз,— дедим.

Биз каттакон зонт остида йўлкадан бордик, кейин шалаббо, қоп-қоронғи боф билан йўлга чиқдик, йўлдан четларига буталар экилган қирғоқ бўйи хиёбонга ўт-дик. Энди шамол қирғоқ томондан эсади. Бу рутубат-ли, совуқ шамол эди, мен тоғларда қор ёғаётганини билардим. Биз қирғоқча боғлаб қўйилган қайиқлар ол-дидан ўтиб, барменнинг қайиғи турган ерга келдик. Сув қояндан ҳам қорароқ эди. Бармен дарахтлар орқасидан чиқиб келди.

— Чамадонлар қайиқда,— деди у.

— Мен сизга қайиқнинг пулини бермоқчи эдим,—
дедим.

— Қончи пулнингиз бор?

— Унча кўп эмас.

— Пулни менга кейин юборасиз. Шундай қилсак,
яхши бўлади.

— Қанча?

— Ўзингиз биласиз.

— Менга қанчалигини аниқ айтинг.

— Агар яхши етиб борсангиз, менга беш юз франк
юборинг. Агар омон-эсон етиб борсангиз, бу сизга унча
оғир тушмайди.

— Яхши.

— Манави сандвичлар.— У менга тутунча узатди.—
Барда бори шу экан. Манави эса бир шиша конъяк билан
бир шиша вино.

Мен буларни ўз чамадонимга солиб олдим.— Ҳеч бўлмаса, шуларнинг ҳақини олинг мендан.

— Яхши, менга эллик лир беринг.

Унга пулни бердим.— Яхши конъяк,— деди у.— Бемалол хонимга ҳам берсангиз бўлади. У киши қайиққа ўтириб олсинлар энди.

У тош қирғоқда дам кўтарилиб, дам тушиб турган қайиқни ушлаб турди, мен Қэтринни қайиққа ўтқиздим. У қўйруққа ўтириди-да, плашига ўралиб олди.

— Сиз қаерга боришни биласизми?

— Доим шимолга қараб юриш керак.

— Қандай боришни-чи?

— Луинога.

— Луинога, Коннеро, Каннобио, Трансанога, Брисагога боргандা Швейцарияда бўласиз. Сиз Монте-Тамарадан ўтишингиз керак.

— Ҳозир соат неча?— сўради Қэтрин.

— Энди ўн бир бўлди,— дедим.

— Агар тинмай юрсангиз, эрталаб соат еттиларда у ерда бўласиз.

— Шунча узоқми?

— Қирқ икки чақирим.

— Адашмасак бўлгани. Бунақа ҳавода компас керак.

— Йўқ. Изола-Беллага юринг. Сўнг Изола-Мадредан ўтганингиздан кейин шамол эсган томонга боринг.

Шамол сизни Палланцага олиб боради. Сиз чироқларни күрасиз. Қейин қирғоқ бўйлаб ҳайданг.

— Шамол ўзгариб қолиши мумкин.

— Йўқ,— деди у.— Бу шамол уч кун эсиб туради. У тўғри Маттаронедан эсяпти. Анави ерда сувни сепиб ташлаш учун тунуқа бор.

— Қайиғингизнинг жуда бўлмаса бир озроқ ҳақини олинг.

— Йўқ, мен таваккал қилмоқчиман. Агар етиб борсангиз, менга тўла баҳосини тўлайсиз.

— Майли ундан бўлса.

— Шояд чўкмасдан етиб борсангиз.

— Шояд.

— Шамолга қараб бораверинг.

— Хўп.— Мен қайиққа сакрадим.

— Сиз номернинг пулинни қолдиригизми?

— Ҳа. Стол устида, конвертда.

— Яхши қилибсиз. Оқ йўл.

— Хайр энди. Катта раҳмат.

— Агар чўкиб кетсангиз, ҳаммаси арзимайди.

— Нима деяпти?— сўради Кэтрин.

— Яхши етиб олинглар деяпти.

— Ўзингиз ҳам яхши қолинг,— деди Кэтрин.— Катта, катта раҳмат сизга.

— Бўлдингизларми?

— Ҳа.

У эгилиб қайиқни қирғоқдан итариб юборди. Мен эшкакни сувга ботирдим, кейин унга қўлимни силкидим. Жавоб ўрнига у эҳтиёт бўлинглар деган ишорани қилди. Мен меҳмонхона чироқларини кўрдим ва у кўздан йўқолгунча тўғрига эшкак солиб боравердим. Кўл денгиздай ғалаёни эди, лекин биз шамолга қараб борардик.

Ўттиз еттинчи боб

Мен қоронғида эшкакни шамол доим юзимга урилиб турадиган қилиб эшиб бордим. Ёмғир тинган, фақат онда-сонда шамол билан одамнинг афти башарасига бир селпиб, сепалаб ўтарди. Мен қўйруқда ўтирган Кэтрини кўриб турардим, лекин эшкак тушаётганда сувни кўрмасдим. Эшкаклар жуда узун эди, лекин тасма билан маҳкамлаб қўйилмаганди. Мен эшкакларни сувга ботирар, уларни олд томонга олиб борар, сувдан чиқа-

пар, яна сувга олиб борар, яна ботираар, иложи борича енгил бошқаришга ҳаракат қиласадим. Эшкакларни шамол бизга қараб эсаётганидан сувга ётироқ қилиб ботиришга интилардим. Құлларим қавариб кетажагини билар, лекин қаварса ҳам сал кейинроқ бориб қаварышни истардим. Қайиқ енгил эди, әшкакка яхши бүйсонарди. Тим қора сувдан уни олға суріб кетмоқда әдим. Ҳеч нарсаны күриб бўлмас, лекин мен тез орада Палланцага етиб қолармиз деб умид қиласадим.

Барибир Палланцани кўролмадик. Шамол жанубдан эсар ва биз қоронғида Палланца бурнидан ўтиб унинг чироқларини кўрмай қолибмиз. Ниҳоят, йироқларда — деярли қирғоқнинг нақ ўзида қандайдир чироқлар кўринди, бу Интра эди. Аммо биз анчагача ҳеч қандай чироқларни, қирғоқни кўрмадик, қоронғида шитоб билан тўлқинларда сирпаниб олға босавердик. Баъзан тўлқин қайигимизни баландга кўтариб юборар, мен әшкакларни ҳавода силкитардим. Қўл ҳамон тўпалон қиласар, лекин мен әшкак уришдан тўхтамасдим, бир маҳал қирғоқдан туртиб чиқсан қояга урилиб чил-парчин бўлиб кетишимизга оз қолди; тўлқинлар қояга урилиб юксакка сапчиб кўтарилаар, сўнг пастга шалдираб тушарди. Мен ўнг қўлимдаги әшкакка қаттиқ зўр бердим, айни чоқда чап әшкак билан орқага тисарилдим ва омон-эсон соҳилдан йироқлашиб кетдик; қоя кўздан йўқолди, биз яна кўлдан сузиб кетдик.

- Биз у томонга ўтиб олдик,— дедим Кэтринга.
- Биз ҳали Палланцани кўришимиз керак эди-ку?
- У Палланца бурнининг ортида қолди.
- Узинг чарчамадингми, жоним?
- Унчамас.
- Бирпасга ўрин алмаша қолайлик.
- Нега? Қеракмас.
- Бечора Фергюсон! — деди Кэтрин.— Эрталаб меҳмонхонага келса, биз йўқмиз.
- Бунинг ташвиш қиласиган жойи йўқ,— дедим.— Божхона қўриқчилари кўрмасдан, қоронғида Швейцарияга етиб олсак, бўлгани.
- Узоқми ҳали?
- Ўттиз километрча.

Туни билан қўлим әшкакдан бўшамади. Кафтларим шу қадар шилиниб кетдики, әшкакни базўр ушлаб бо-

түрдим. Бир неча марта соҳилга урилиб кетай дедик. Мен адашиб кетмай, вақт ўтмасин деб соҳил яқинидан кетаётгандим. Баъзан биз қирғоққа шунчалар яқин борар эдикки, соҳил ёқалаб кетган йўлни, йўл бўйядаги дарахтларни ва орқадаги тоғларни кўрардик. Ёмғир тинди ва шамол булувларни ҳайдаб юборган эди, ой чиқди, мен айланиб қараб, қорайиб турган узунчоқ Кастаньола бурнини, оқ ёлли кўлни, ой нурида ётган узоқ қорли тоғ чўққиларини кўрдим. Кейин осмонни яна булуут буркаб олди, кўл ҳам, тоғлар ҳам ғойиб бўлди, лекин энди илгаригига қараганда анча ёруғроқ эди, қирғоқ ҳам кўриниб турарди. Кўринганда ҳам жуда равшан кўринар, шунинг учун Палланца йўлида агар божхона соқчилари юрган бўлса, кўриб қолмасинлар деб, қайиқни нарироққа олиб кетдим. Ой яна бир марта чиққанда биз соҳил томонда тоғ ён бағирларидағи виллаларни ва дарахтлар оралаб чўзилиб кетган оппоқ йўлни кўрдик. Мен тинмай эшкак эшиб бормоқда эдим.

Кўл кенгайиб кетгандай бўлди ва кўлнинг нариги бетида чироқлар кўринди, бу эҳтимол Луино эди. Мен тоғлар орасида хашжардек тилинган дарани кўриб, Луино шу бўлса керак деб ўйладим. Уизоқ бўлса, биз анча тез юриб бораётгани бўламиз. Мен эшкакларни қайиққа тортиб олдим-да, елкам билан узала тушиб ётдим. Мен жуда, жуда чарчадим. Қўлларим, куракларим, елкала-ларим зирқираб оғрир, кафтларим шилиниб кетганди.

— Агар зонти очсак, қандоқ бўларкин? — деди Қэтрин.— Шамол унга тегиб, қайиқни тез ҳайдаб кетган бўларди.

— Ушлаб турса олармиқансан?

— Ҳаракат қиласман.

— Манави эшкакни қўлтиғингга олгин, уни бортга қисиб туриб бошқариб бор. Мен зонти ушлаб кетаман.

Қўйруққа ўтиб эшкакни қандай ушлаш кераклигини унга кўрсатдим. Мен қайиқнинг бурнига рўбарў ўтириб, портье берган каттакон зонти олиб, оддим. У шарақлаб очилди. Мен унинг бандига ўтириб олганча, икки чеккасидан ушлаб олдим. Шамол унга қараб қаттиқ урила бошлиди, унинг четига маҳкам ёпишиб олган ҳолда қайиқни учириб олиб кетаётганини сезиб турдим. Зонт қўлимдан чиқиб кетай-чиқиб кетай дерди. Қайиқ фоятда тез елиб бормоқдайди.

— Учиб кетяпмиз,— деди Қэтрин. Мен зонтиниг сим-

паридви бошқа нарсани күрмасдим. Зонт қаттиқ тортқылаб, қылқынап, мен у билан бирга олға бораётганимизин ҳисе қылғыб турардым. Оёқларимни қаттиқ тираб олдим, унғи янида қаттиқроқ ёпишиб олдим, кейин бир парен чаренеллаб кетди; симлардан бири манглайимга келиб урылғанди, мен зонтнинг шамолда букилиб кетаётган тепасини ушлаб олмоқчи эдим, шу маҳал ҳаммаси шарақ этиб тескари бўлиб кетган ва ҳозиргина шамол тўлиб турган елкан ўрнида шалвираган латта-путталару, мен ушлаб ўтирган бандигина қолди. Бандининг илмоғини қайиқ ўринидигидан ажратиб олдим-да, зонтни қайиқнинг тагига қўйиб, эшкакни олиш учун Қэтриннинг ёнига сурилдим. У хахолаб куларди. У менинг қўлимдан ушлаб олди-да, хахолашда давом этди.

— Сенга нима бўлди? — Унинг қўлидан эшкакни олдим.

— Сен анави нарса билан шундоғам кулгили қўриндингки.

— Қизиқ бўлдими?

— Жаҳлинг чиқмасин, жоним. Бирам кулгили бўлди. Сен жуда ҳам кенгайиб кетгандай бўлдинг, яна зонт четларини шунақаям жоинингни бериб қисиб олдингки... — Кулавериб унинг нафаси ичига тушиб кетди.

— Қани йўлга тушайлик бўлмаса.

— Дамингни ол, конъяк ичиб ол. Шунақанги ажойиб кечада бўляптики, анча йўлни босиб ҳам қўйдик.

— Қайиқни тўлқинга кўндаланг қилиб қўйиш керак.

— Мен шишани олиб бераман. Кейин сен бир оз дамингни ол.

Мен эшкакни кўтардим ва биз тўлқинларда чайқала бошлидик. Қэтрин чамадонни очди. У конъяк шишасини узатди. Мен пакким билан тиқинини чиқардим-да, қониб ичдим. Жуда ўтқир конъяк экан, бутун баданимга ўт югурди, қизидим ва кайфиятим кўтарилиди.

— Яхши конъяк,— дедим. Ой яна булутлар орасига яширинди, бироқ қирғоқ кўриниб турарди. Олдинда кўл ичига анча кириб келган стрелка бор эди.

— Совқотмадингми, Қэт?

— Йўқ, яхшиман. Фақат оёқларим бир оз увишиб қолди.

— Қайиқнинг тагидаги сувларни сепиб ташла, кейин оёғингни узатиб ўтирасан.

Мен яна қайиқни ҳайдаб кетдим, эшкакнинг ғирчиллагани, тунука идишнинг қайиқ тагига тегиб тақирлагани эшитилди.

— Кўлингдагини менга бериб тур,— дедим.— Сув ичтим келяпти.

— У жудаям ифлос.

— Ҳечқиси йўқ. Чайиб ташлайман.

Мен Кэтрин идишни сувда чайқаётганини эшитдим. Кейин у менга сув тўлдириб узатди. Конъяқдан кейин томоғим қақраб кетганди, сув шу қадар муздай эдик, тишларим сирқираб кетди. Мен соҳилга қарадим. Биз стрелкага яқинлашиб бормоқда эдик. Олдинда, кўрфаз томонда чироқлар кўринди.

— Раҳмат,— дедим ва унга идишни қайтариб бердим.

— Марҳамат қилсинлар,— деди Кэтрин.— Таъблари яна хоҳламайдими?

— Сен бирон нарса еб олсанг бўларди.

— Йўқ. Ҳали очқаганим йўқ. Овқатни қорин энг очадиган пайтга сақлаб қўямиз.

— Майли.

Узоқдан стрелка бўлиб кўринган нарса узунчоқ қояли бурун экан. Мен уни айланаб ўтиш учун қайиқни кўлнинг ўртасига бурдим. Кўл бу ерда анча тор эди. Яна ой чиқди, агар, *guardia di Finanza*¹ соҳилдан кузатиб турган бўлса, улар сувда қорайиб турган бизнинг қайнимизни кўрган бўлардилар.

— Қалайсан, Кэт?

— Жуда яхши. Қаерга келдик?

— Етишимизга саккиз чақиrimcha қолган бўлса керак.

— Бечорагинам. Ҳали яна шунча ҳайдайсанми. Тирикмисан ўзинг?

— Тирикдай. Дурустман фақат кафтларим шилиниб кетди.

Биз ҳамма вақт шимолга қараб юрдик. Үнг соҳилдаги тоғ тизмалари тугади, нишаблик қўйига, паст қирғоқ бўйига олиб тушарди, бу ерда менинг ҳисобимча Каннобио бўлиши керак эди. Мен энди қирғоқдан *хийза* узоқда юрмоқда эдим, чунки бу ерларда *guardia* билан учрашиб қолиш хавфи кўпроқ эди. Олдинда, бошқа қир-

¹ Божхона соқчилари (итал.).

ғоқда гүмбазга ўхшаш баланд төр турарди. Мен چарчадим. Яна озгина қолганди, лекин кучинг қолмаганды озгина масофа ҳам йироқ бўлиб кўринади. Шу тоғдан ўтиб, камида яна беш чақирим кўлни босиб ўтсак, Швейцария сувларига етган бўлардик. Ой яна бота бошлиди, у ботмасдан олдин осмонни қуюқ булут ўраб олди ва жуда ҳам қоронғи бўлиб кетди. Мен қирғоқдан узоқроққа кетиб вақт-вақти билан эшкакни шамол урадиган қилиб кўтариб нафас ростлардим.

— Менга бер, озгина ҳайдаб борай,— деди Кэтрин.

— Сенга мумкин эмасдир дейман.

— Бўлмаган гап. Бу менга ҳатто фойдали ҳам. Оёқларимнинг чигали ҳам ёзилади.

— Мумкин эмасдир, дейман, Кэт.

— Бўлмаган гап. Ҳомиладор ёш хонимлар оз-оздан эшкак эшиш билан шуғуллансалар, соғлиқларнiga анча фойда бўлади.

— Майли, бўлди, ўтири, кучанмасдан ҳайда. Мен сенинг ўрнингга ўтаман, кейин сен менинг ўрнимга ўт. Утаётганингда бортни ушлаб ол.

Мен қўйруқда пальтомнинг ёқасини кўтариб ўтирас, Кэтриннинг эшкак эшишига қараб турардим. У яхши эшкак урар, лекин эшкаклар узун бўлганларидан унга бир оз ноқулай эди. Мен чамадонни очиб иккита сандвич еб, конъяк ичдим. Анча енгил тортгандай бўлдим ва яна ичдим.

— Чарчаганингда менга айт,— дедим мен. Кейин бир оз ўтгач:— Кўзингга қара, яна қорнингга эшкакни тикиб олмагин,— дедим.

— Үндай бўлганда ҳаёт анча осонлашарди,— деди Кэтрин эшкакни сувга ташларкан.

Мен яна конъяк ичдим.

— Қалай?

— Яхши.

— Жонингга тегса, айт.

— Хўп.

Мен яна конъяк ичиб, кейин қайиқнинг четини ушлаб ўртасига бордим.

— Қеракмас. Чарчаганим йўқ.

— Иўқ. Жойингга бор. Мен яхшилаб дам овлодим.

Конъяқдан кейин алламаҳалгача анча яхши бошқаруб бордим. Кейин яна эшкак қўлнимдан чиқиб кета бошлиди ва мен уни сувга қисқа-қисқа ура бошладим,

коңыяқ ичгач, қаттық ҳаракат қылғанымдан оғзимда аң-
тиқ бир нарсанинг таъмини ҳис қилдим.

— Менга бир қултум сув берсанг-чи,— дедим.

— Бир чөлак десанг ҳам топилади.

Тонг олдидан яна ёмғир имирсилай бошлади. Шамол түхтади, балки күлнинг бурилган жойидан ўраб олган тоғлар паноҳида турғанлигимиз учун шундай бўлаётгандир. Тонг отаётганини қўргач, ўриндиққа қулагироқ ўтириб олдим-да, эўр бериб эшкак эша бошладим. Мен қасарда турғанлигимизни билмас, тезроқ кўлнинг Швейцария қисмига ўтиб олишни истардим. Тонг ёриша бошлаганда биз соҳилга анча яқин бориб қолгандик. Дараҳтлар ва кўл бўйидаги тошлоқлар шундоқ кўриниб туради.

— Нима бу?— деди Қэтрин. Мен эшкакларни кўта-
риб қулоқ солдим. Моторли қайиқнинг овози келмоқда
эди. Биз соҳилга бориб тўхтаб турдик. Мотор овози
яқинлашди; кейин қайиғимиздан сал нарида ёмғирда
кетаётган моторли қайиқни кўрдик. Қайиқнинг қўйруғи-
ла тўрта duardia de Finapza ўтиришар, бошларига тоғ ўқ-
чилари киядиган шляпа бостирилган, ёқалари кўта-
рилган, елкаларида карабинлари бор эди; тўртовлари
ҳам бу азоп чогида уйқусираган кўринардилар. Мен
уларнинг ёқаларидаги сариқ белгиларни кўрдим. Шля-
паларида ҳам қандайдир сариқ ишоралари борга ўх-
шиади. Қайиқ моторини тириллатиб ўтиб кетди. Ёмғир-
да кўздан ғойиб бўлди.

Мен кўлнинг ўртасига йўл олдим. Афтидан, чегара
жуда яқин эди ва мен бизни соқчи чақириб қолишини
истамасдим. Қайиқ қирғоқдан кўринмайдиган масофага
стгач, яна чоракам бир соатча қайиқни бошқариб бор-
дим. Бир марта биз яна мотор овозини эшитдик ва мен
овоз тингунича нариги қирғоқда кутиб турдим.

— Биз Швейцарияга етиб келганга ўхшаймиз, Қэт.

— Ростданми?

— Швейцария армиясини кўрмагунча бир парса
дейиш қийин.

— Еки Швейцария флотини.

— Сен Швейцария флоти билан ҳазиллашма. Ҳор-
зиргина ўтган моторли қайиқ Швейцария флотидан
бўлса керак.

— Агарда Швейцарияга келган бўлсак, маза қилиб
нонушта қилиб оламиз. Швейцариянинг кулчалари,

сариқ мойлари, мурабболари шуидорам татли бўладики.

Кун ёришиб кетган, ивир-шивир ёмғир ёғарди. Шамол ҳамон жанубдан эсар, кўл юзида тўлқиннинг оқ ёллари чопиб бораради. Швейцарияда эканлигимизга энди шубҳа қилмасдим. Соҳилдан, дараҳтлар орасидан уйлар кўринар, яна ҳам нарироқда, қирғоқнинг нақ ўзида тош уйлар, тепаликларда виллалари, черкови билан қишлоқ жойлашганди. Мен қирғоқ ёқалаб кетган йўлда соқчилар кўриниб қолармикин десам, йўқ, ҳеч зотнинг қораси кўринмади. Кейин йўл қирғоқка жуда ҳам яқинлашиб келди ва йўл бўйидаги қаҳвахонадан чиқаётган солдатни кўрдим. Унинг формаси оч қўкимтири, бошида немисларникига ўхшаган каска бор эди. Унинг юзлари қип-қизил, ингичка мўйлов қўйганди. У бизга қаради.

— Унга қўлингни силкитиб қўй,— дедим Кэтринга. У қўлини силкиди ва солдат истар-истамай жилмайди ва у ҳам қўлини силкиб қўйди.

— Швейцарияга келганимизга анча бўлган шекили,— дедим.

— Аниқ билганимиз тузук, жоним. Яна чегарага келганимизда орқамизга қайтариб юришмасин.

— Чегара узоқда қолиб кетди. Бу божхона пунктига ўхшайди. Менимча бу Бриссагонинг худди ўзи.

— Бу ерда италянлар йўқмикин ишқилиб? Божконаларда доим қўшни мамлакат одамлари кўп бўлади.

— Уруш бўлмаган пайтларда шундай бўлади. Ҳозир италянларни чегарадан ўтказишмаса керак.

Шаҳарча кўркамгина экан. Пристанда балиқчиларнинг жуда кўп қайиқлари тураг, ёғоч айриларга тўрлар илиб қўйилганди. Ноябрнинг эринчиқ ёмғири ёғиб тураг, лекин бу ерда ёмғир ҳам тоза ва қувончли эди.

— Унда ке, тўхтаймиз-да, нонушта қилгани борамиз.
— Ке.

Мен чап эшкак билан ишлаб қирғоққа бордим, кейин пристанинг ўзида қайиқни тўғрилаб, ёним билан бориб тўхтадим. Мен эшкакларни чиқардим, темир ҳалқадан ушлаб олдим, оёғимни ҳўл тошга қўйдим ва Швейцарияга қадам босдим. Мен қайиқни боғлаб қўлимни Кэтринга узатдим.

— Туш, Кэт. Жуда ажойиб.
— Чамадонлар-чи?

— Қайиқда тураверсин.

Кэтрин тушди ва биз бирга Швейцарияга оёқ қўйдик.

— Қандай гўзал мамлакат,— деди у.

— Ростданам гўзал, а?

— Юр тезроқ, нонушта қиламиш.

— Йўқ, ростданам ажойиб мамлакат, а? Қадам ташласанг, жонинг роҳат қиласди.

— Менинг оёқларим шу қадар жонсиз бўлиб қолибдики, ҳеч нарсани сизмайди. Лекин роҳатликка роҳатдир-а. Жоним, тушунсанг-чи, биз бу ердамиш, биз қуриб кеткур Италиясидан омон-эсон қутулиб чиқдик.

— Ҳа. Оғзингга шакар, ҳа. Мен ҳеч қачон ҳеч нарсани бу қадар яхши тушуммаган эдим.

— Манави уйларга боқ. Қандай ажойиб майдон!

Хов анови ерда нонушта қилиш мумкин.

— Ёмғирни айт, ёмғирни! Италияда ҳеч қачон бунака ёмғир ёғмайди. Бу гаштли ёмғир.

— Дунёда шундоқ ерлар ҳам бор экан-ку, жоним. Тушун, биз шу ердамиш, шу ердамиш. Билдингми?

Биз қаҳвахонага кириб озодагина тахта столга ўтиридик. Биз худди маст одамларга ўхшардик. Одига этак тутиб олган бир ажойиб покиза хотин чиқиб келди ва биздан нима келтирай, деб сўради.

— Кулчалар, мураббо ва қаҳва,— деди Кэтрин.

— Қецирингиз, ҳозир кулчалар йўқ, уруш вақти.

— Унда нон беринг.

— Ё нонни ёққа қовуриб берайми?

— Майли.

— Тухум беринг.

— Жаҳобга нечта тухум пиширсам маъқул бўлади?

— Учта.

— Яхшиси тўртта, жоним.

— Тўртта тухум.

Хотин кетди. Мен Кэтринни ўпниб, қўлинни қаттиқ қисиб қўйдим. Биз бир-бирамизга термилишар, атрофга назар солардик.

— Жоним, айт-чи, ажойиб эмасми, а?

— Бекиёс,— дедим.

— Кулча нон бўлмаса бўлмас,— деди Кэтрин.— Мен уларни кечаси билан ўйлаб чиқсан эдим. Майли, ҳечқиси йўқ. Ҳеч нарса қилмайди.

— Бизни афтидан тез орада қўлга олишса керак.

— Буни ўйлаб бошингни қотирма, жоним. Биз олдия нонушта қилиб олишимиз керак. Нонуштадан кейин қамашса, одамга унча алам қилмайди. Бундан ташқари улар бизни нима ҳам қилолардилар? Мен Британия фуқаросиман, сен эса Американинг. Ҳамма нарсамиз жойида.

— Сенинг паспортинг борми?

— Албатта. Ах, қўй, буни гаплашиб ўтирмайлик Ке, шодлигимизни бузмайлик.

— Ҳалниам қувончимдан жоним ичимга сиғмай турибди,— дедим. Семиз бир кулранг мушук думини бураб келиб, хонани айланди-да, менинг оёғимга ўралнуб олиб ҳур-ҳур қилиб ишқалана бошлади. Мен энгашиб мушукни силаб қўйдим. Қэтрин менга шодон жилмайди.— Ана қаҳва,— деди у.

Бизни нонуштадан кейин қўлга олишди. Биз шарчани бирпас айланаб юрдик, кейин чамадонларимизни олгани пристанга тушдик. Қайиқ олдидা солдат қоровуллик қилиб турган экан.

— Бу сизнинг қайиғингизми?

— Ҳа.

— Қаердан келдингизлар?

— Қўлнинг нариги томонндан.

— Мен билан юришга тўғри келади.

— Чамадонлар-чи?

— Олишингиз мумкин.

Мен чамадонларни олдим, Қэтрин ёнимда борди, солдат эса орқамиздан .Биз божхона жойлашган эски бир уйга келдик. Бунда бизни жуда ориқ, кўринишдан жангари бир лейтенант сўроқ қила бошлади.

— Миллатингиз?

— Америкалик ва инглиз.

— Паспортларингизни кўрсатинг.

Мен ўзимникини бердим, Қэтрин сумкачасидан ўзимникини олди. У узоқ текширди.

— Нега сиз Швейцарияга қайиқда келдингиз?

— Мен спортчиман,— дедим.— Қайиқда сузиш— менинг энг севикли машғулотим. Имконият туғилиши билан эшкак эшсам дейман.

— Нега бу ерга келдингиз?

— Қишки спорт билан шуғуллангани. Биз туристлармиз, қишки спортта жуда қизиқамиз.

- Бу ер қишки спорт билан шуғулланадыган жой эмас.
- Биламиз. Биз қишки спорт билан шуғулланиш мүмкін бўлган жойга бормоқчимиз.
- Италияда нима қилиб юрувдингиз?
- Мен архитектурани ўрганаётгандим. Жаяним санъат тарихини.
- Нега сиз у ердан кетиб қолдингиз?
- Биз қишки спорт билан шуғулланмоқчимиз. Уруш лайтида архитектурани ўрганиш қийин.
- Шу ерда ўтириб туринглар,— деди лейтенант. У паспортларимизни олиб ичкари хонага ўтиб кетди.
- Жоним, бирам бопладинг-е,— деди Кэтрин,— шу гапда туравер. Сен қишки спорт билан шуғулланмоқчисан.
- Санъатдан бир оз хабаринг борми?
- Рубенс,— деди Кэтрин.
- Гўшти кўп.
- Тициан,— деди Кэтрин.
- Тициан мўйлари,— дедим мен.— Хўш, Мантењиши?
- Сен қииниларини сўрамагин-да,— деди Кэтрин.— Лекин мен биламан, у жуда ҳам даҳшатли рассом.
- Жуда ҳам,— дедим.— Мих қоқилган жароҳатларни кўрсатади.
- Кўрдингми, қандай ажойиб хотининг бор,— деди Кэтрин.— Мен санъат ҳақида сенинг буюртмачиларинг билан баҳслаша оламан.
- Ана, у келяти,— дедим.
- Ориқ лейтенант божхонанинг ичкарисидан паспортларимизни кўтариб қайтиб келди.
- Сизларни Локарнога жўнатишга мажбурман,— деди у.— Экипаж олсангиз, сиз билан бирга солдат боради.
- Майли, марҳамат,— дедим.— Қайиқ-чи?
- Қайиқ мусодара қилинади. Чамадонларингизда шима бор?
- У ҳар иккала чамадонни очиб кўрди ва конъяк шишаини чиқарди.
- Балки бирга улфатчилик қиласиз,— дедим мен.
- Иўқ, раҳмат.— У қаддини ростлади.— Қанча пулларингиз бор?
- Икки ярим минг лир.

— Жияннингизда-чи?

Қэтринда бир минг икки юз лирдан кўпроқ бор экан. Лейтенант мамнун бўлди. Бизга муомаласи илиди ҳисоб.

— Агар сизни қишики спорт қизиқтирса,— деди у,— бунинг энг зўр жойи — Венген. Венгенда отамнинг жуда яхши меҳмонхонаси бор. Иш бўйи очиқ.

— Кўп хурсандман,— дедим мен.— Адресларини беролмайсизми?

— Мен сизга карточкага ёзиб бераман.— У менга карточкасини тавозе билан узатди.— Солдат сизни Локарногача кузатиб қўяди. Паспортларингиз унда туради. Афсус, лекин бошқа иложимиз йўқ. Мен Локарнода виза билан полициядан руҳсат оларсиз деб умид қиламан.

У иккала паспортни солдатга берди ва биз чамадонларимизни кўтариб, экипаж ёллагани шаҳарчага кетдик.

— Ҳей!— чақирди лейтенант солдатни. У ўз лаҳжасида бир нарсалар деди. Солдат милтиғини елкасидан ошириб олди-да, чамадонларимизни кўтариб кетди.

— Ажойиб мамлакат,— дедим мен Қэтринга.

— Ўз ишига пишиқ мамлакат ҳар ҳолда.

— Сиздан жуда миннатдормиз,— дедим мен лейтенантга. У бизга қўлини силкиб қолди.

— Хизматингизга тайёрмиз,— деди у. Биз ўз соқчимизнинг ортидан тепага кўтарила бошладик.

Локарнога экипажда кетдик, солдат олдинги ўриндиқقا, кучернинг ёнига ўтириб олди. Локарнода ишимиз ўнгидан келди. Бизни сўроқ қилишди, лекин паспортларимиз, пулларимиз бор бўлгани учун мулозаматдан четга чиқишмади. Улар менинг бир оғиз гапимга ҳам ишонишмаган бўлса керак, ўзимча ҳам буларни фирт аҳмоқона гаплар деб ўйлардим, лекин бошқа иложи йўқ эди, бу судга ўхшаш бир нарса эди. Бунда ақлга тўғри келадиган ҳеч қандай гапнинг кераги йўқ эди, узоқ тушунтириб ўтирилмайдиган бирон сабаб кўрсатилса, шунинг ўзи етарли бўларди. Бизнинг паспортларимиз бор эди, пул сарфламоқчи бўлиб тургандик. Шунинг учун бизга муваққат виза беришди. Бу визаларни истаган пайтларида бекор қилишлари мумкин эди. Биз қаерга бормайлик, албатта полицияга бориб учрашишимиз керак эди.

Қаерга борсак ҳам майлими? Ҳа. Қаерга бормоқчи
жакимиз?

— Сен қаерга бормоқчисан, Қэт?

— Монтрега.

— Жуда яхши шаҳар,— деди амалдор.— У шаҳар
сизларга маъқул бўлади деб ўйлайман.

— Локарно ҳам яхши шаҳар,— деди бошқа амал-
дор.— Мен Локарно сизларга гоятда маъқул бўлади
деб ўйлайман. Бу жуда чиройли шаҳар.

— Бизга қишки спорт билан шуғулланиш мумкин
бўлган жой ёқади.

— Монтреда қишки спорт билан шуғулланишмайди.

— Маъзур тутасиз,— деди биринчи амалдор.— Мен
ўзим монреликман. Монтре-Оберленд-Берн темир йўли-
да, шубҳасиз, қишки спорт учун шароит бор. Буни ин-
кор қилиш сизнинг тарафингиздан инсофдан эмас.

— Мен инкор қилаётганим йўқ. Мен фақат Монтре-
да қишки спорт билан шуғулланишмайди, дедим.

— Мен бунга қўшилмайман,— деди биринчи амал-
дор.— Мен бу фикрга қўшилмайман.

— Мен ўз фикримда қоламан.

— Мен сизни фикрингизга қўшилмайман. Монтре
кўчаларида ўзим luge¹ да учганман. Бир марта эмас,
кўплаб учганман. Ҳеч шубҳасиз у қишки спортиниг тур-
ларидан бири ҳисобланади.

Иккинчи амалдор менга қаради.

— Сиз қишки спорт деганда luge ни назарда тут-
гани эдингизми, сэр? Сизни ишонтириб айта оламанки,
Локарпода жуда ором олиб яшайсиз. Соғлом иқлим
дэйсизми, гўзал жойлар дэйсизми, ҳаммаси топилади.
Сизга бу ер жуда манзур бўлади.

— Жаиоб ўзлари Монтрега бориш иштиёқини бил-
дирилдилар.

— luge нима дегани?— сўрадим мен.

— Кўряпсизми, у luge нималигини ҳам билмас экан.

Бу нарса иккинчи амалдорга жуда хуш ёқиб кет-
ди. У ғолиб чиққанди.

— luge,— деди биринчи амалдор,— тобогганиниг
худди ўзида.

— Мен қўшилолмайман,— бошини чайқади иккинчи
амалдор.— Бунга мен сира қўшилолмайман. Тобогган

¹ Кичикроқ швейцар чаналари (франц.)

Juge дан жуда катта фарқ қиласди. Тобогган Қанадада юпқа тахталардан қилинади. Juge — оддий құшқоракли чана. Ҳамма нарса аниқ бұлғани маңқул.

— Биз тобогганда учсак ҳам мумкин,— деди биринчи амалдор.— Тобогганда бемалол учиш мумкин. Монтре-да сифатли канада тобогганлари сотилади. Ақа-ука Окслар тобогган билан савдо қилкшади. Улар тобоггани үзлари олиб келишади.

Иккинчи амалдор бошини тескари бурди.

— Тобогганда учиш учун,— деди у,— махсус *piste*¹ керак. Монтре күчаларыда тобогганда учеб бўлмайди-ку. Сиз қаерда тўхтадингиз?

— Ҳали ўзимиз билмаймиз,— дедим.— Биз Брисса-годан эндиғина келиб турибмиз. Экипаж кўчада кутиб турибди.

— Монтрега борсангиз фақат хурсанд бўласиз,— деди биринчи амалдор.— У ернинг иқлами ниҳоятда майин. Қишки спорт билан шуғулланмоқчи бўлсангиз ҳам узоқларга бориб овора бўлиб ўтирамайсиз.

— Агар сизни чиндан ҳам қишки спорт қизиқтири-са,— деди иккинчи амалдор,— Энгадин ёки Мюренга боринг. Сизга қишки спорт учун Монтрега бориш керак дейнлган маслаҳатга норозилик билдиришга мажбур-ман.

— Монтре тепасидаги Лез-Аванда ҳар қандай қишки спорт учун энг яхши шароитлар мавжуд.— Монтреңинг мухлиси ўз касбдошига еб қўйгудай бўлиб ўқрайди.

— Жаноблар,— дедим мен.— Биз боришимиз керак. Жияним жуда ҳам чарчаган. Биз таваккал қилиб Мон-трега бора қоламиз.

— Мана бу ўғил бола гап.— Биринчи амалдор қў-лимни қисиб қўйди.

— Сиз Локарнодан кетиб афсус қиласиз, деб ҳи-соблайман,— деди иккинчи амалдор.— Ҳар ҳолда Мон-треда полицияга учрашиб қўйишларингга тўғри келади.

— Полиция томонидан ҳеч қандай англашилмовчи-ликлар бўлмайди,— деб мени ишонтирди биринчи амал-дор.— Аҳоли ҳам сизни қулоқ очиб қарши олади.

— Сизларга катта раҳмат,— дедим.— Сизларнинг маслаҳатларингиз бизга ёрдам беради.

— Хайр,— деди Кэтрин.

¹ Йўл (франц.).

— Раҳмат сизларга.

Улар бизни тавозе билан эшиккача кузатиб чиқишиди,
Токаринонинг мухлиси бир оз совуқроқ хайрлашди. Биз
нишадан түшиб, экипажга ўтиридик.

— О, худойим, жоним! — деди Кэтрин. — Наҳотки у
ердан олдинроқ чиқиб кетишининг иложи бўлмади? —
Мен кучерга амалдорларнинг бири айтган меҳмонхона-
нинг адресини бердим. Кучер жиловни бўшатди.

— Сен армияни эсингдан чиқарибсан, — деди Кэт-
рин. Солдат ҳамон экипаж олдида турарди. Мен унга
нишадир бердим.

— Менда ҳали швейцар пуллари йўқ, — дедим. У
миннатдорчилик билдириб, қўлини чаккасига олиб бор-
ди-да, жўнаб кетди. Экипаж меҳмонхонага қараб йўл
олди.

— Монтре қаердан хаёлингга кела қолди? — сўрадим
мен Кэтриндан. — Сен чиндан ҳам у ерга боришини ис-
тайсанми?

— Оғизимга келганини айтдим-қўйдим-да, — деди у. —
У ер ёмон жой эмас. Биз бирон ерда, тоғларда туриши-
миз мумкин.

— Уйқунг келяптими?

— Қўзимни очолмаётнибман.

— Тўйиб ухлаб хумордан чиқамиз. Сен шўрликкина
қийналиб кетдинг! Кечаси бўларингча бўлдинг.

— Вақтимиз хуш ўтди, — деди Кэтрин. — Айниқса,
сен соябонни миниб олганингда қизиқ бўлди.

— Швейцарияга келдик, а, билипсанми?

— Йўқ, менга ҳалиям кўзимни очсан, бошқа жой
бўлиб қоладигандай.

— Менгаям.

— Лекин ростми, жоним? Мен Милан вокзалига
сени кузатгани кетаётганим йўғ-а?

— Нафасингни ел учирсин-е.

— Ундей дема. Мен қўрқаман. Кутимаганда шун-
дай бўлиб қолса-я.

— Мен худди маст одамга ўхшаб ҳеч нарсани тушу-
нолмаяпман, — дедим.

— Қўлларингни кўрсат.

— Мен унга иккала қўлимни узатдим. Кафтларимнинг
териси шилиниб, қип-қизил гўшти чиқиб қолганди.

— Фақат ёнимдагина яра йўқ, — дедим.

— Шаккоклик қилма.

Қаттиқ чарчагандим, бошим айланиб кетмоқда эди.
Хушиудлигим йўқолди. Экипаж йўлдан кетиб борарди.

— Вой-бў, бечора қўллар-al— деди Қэтрин.

— Тегма,— дедим.— Нима бало бўлди, қаердалиги-
мизни ҳеч билолмаяпман. Биз қаерга кетяпмиз, кучер?
Кучер отни тўхтатди.

— «Метрополь»га. Ўзингиз айтмовдингизми?

— Ҳа, ҳа,— дедим.— Ҳаммаси жойида, Қэт.

— Ҳаммаси жойида, жоним. Тинчлан. Бир хумордан
чиқиб ухлаб оламизу кейин эртага сен худди мастига ўх-
шаб юрмайсан.

— Мен бутунлай бошимни йўқотиб қўйдим,— дедим
мен.— Бугунги кун бари опереттага ўхшайди. Балки
очиққандирман.

— Сен чарчагансан, холос, жоним. Утиб кетади.

Экипаж меҳмонхона олдига бориб тўхтади. Чамадон-
ларимизни олгани бир бола чиқди.

— Утиб кета бошлади,— дедим мен. Биз кўчани ке-
сиб меҳмонхонага қараб бормоқда эдик.

— Утиб кетишини билардим. Сен чарчадинг, холос.
Тўйиб ухлаб олишинг керак.

— Ҳар ҳолда биз Швейцариядамиз-ку.

— Ҳа, биз чинданам Швейцариядамиз.

Чамадонларимизни кўтариб олган боланинг изндан
меҳмонхонага кирдик.

БЕШИНЧИ КИТОБ

Үттиз саккизинчи боб

Уша кузак қор жуда кеч тушди. Биз тоғ ён бағрида, қарағайзорда жойлашган ёғоч кулбада яшардик, тунлары аёзли бұлар, әрталаб иккита күзачада ювинишга құйылған сувнинг бети юпқа музлаб қоларди. Madawе Гуттинген деразаларни ёпиш учун каллаи саҳарлаб хонага кирап, баланд кошиндор печга үт қаларди. Қарағай үтінлар чарсиллаб ёна кетар, пекда олов гувиллай бошлар ва madawе Гуттинген печга ёқиши палёнлар билан күзада иссиқ сув күтариб иккинчи марта хонага киради. Уй исигандан кейин, нонушта олиб келарди. Үринде нонушта қилиб ётиб биз күлни, күлнинг у бетидеги, француз қирғоғидаги тоғларни томоша қилардик. Тоғ чўққиларида қор ётарди, кўл пўлатдай тиниқ кўкимтири туслаганда кирганди.

Ташқаридан шундоқ уйнинг тагидан йўл үтарди. Со вуқдан арава излари тошдай қотиб қолган, йўл дараҳтзордан ўтиб борган сари тик кўтаришлар, кейин тоғ беллига камардай чирмашиб, ўтлоқлар ва саройларга, нақ водий узра осилиб турган ўрмон чеккасидағи ўтлоқлардаги кулбаларга чиқиб борарди. Сойлик жуда ҳам пастда эди, унинг ўргасидан кўлга қуйиладиган анхор оқиб үтарди, шамол сойлик томондан эсган чоғларда тошдан тошга урилиб оқаётган сувнинг шовиллаши эши биларди.

Баъзан биз йўлдан бурилиб, сўқмоққа тушиб, қарағайзордан ўтиб борардик. Дараҳтзордаги ер юмшоқ бўларди: у ҳалиги йўлга ўхшаб совуқдан қотиб қолмаганди. Лекин биз йўлнинг қаттиқлигидан унчалик озурда әмасдик, чунки этикларимизнинг тагига, товонига мих қоқилган, михлар қатқалоққа санчилиб кирап, юриш қандайдир ёқимли ва одамни бардам қиларди. Лекин дараҳтзор ичидан юриш ҳам ғоятда гаштли эди.

Биз турган уйдан кўл бўйидаги чоғроқ бир водийга тик қиялик тушиб борар, қуёшли кунларда биз айвонда

Үтириб, төг ён бағридан буралиб кетган йұлни томоша қиласынан, бу ердан бошқа бир тоғнинг ёнбағырлари ва қишиң келганидан қуруқ қовдалари қолган пояса-поя түшгандар, тошлар билан үралған далалар ва узумзорлардан қүйироқдаги күл бүйіда, тор водийда жойлашған шаҳар уйлари күриниб турады. Күлда бир оролча бўлиб, унда балиқчилар қайиғининг қўш елканига ўхшаш иккита дараҳт ўсганди. Кўлпинг нариги бетидаги тоғлар тик ва найзадор тоғлар эди, кўлпинг жанубий чеккасида икки тоғ тизмаси орасида Рона водийси чўкиб ётар, унинг энг орқа томонида эса, водийни тоғлар кесиб ўтган ерда Дан-дю-Миди жойлашганди. У жуда баланд қорли тоғ эди, бутун ён атрофда ундан кўра зўрроқ чўққи йўқ, лекин у шунчалар йироқда эди-ки, биз томонларга соя ташламасди.

Офтоб чарақлаган кунларда биз айвонда ўтириб овқатланар, лекин бошқа пайтларда биз тепада, таҳта деворли бурчагига каттакон пеъ қўйилған мўъжаз бир хонада тамадди қиласынан. Биз шаҳардан жуда кўп китоб ва журнallар сотиб олдик, икки киши ўйнайдиган анча-мунча қарта ўйинларини ўргандик. Печлик кичкина уй биз учун ҳам меҳмонхона, ҳам смахона эди. Бу ерда иккита қулай кресло, китоб-журнал қўйиладиган столча бўлиб, қартани идиш-товоқларни йиғишириб олишгача, овқат столида ўйнардик. Monsieur va pas à : Гуттинген пастки қаватда яшашар, кечалари баъзан уларнинг гап-сўзларини эшишиб қолардик, улар ҳам биздек бир-бирлари билан тотув яшардилар. У бир маҳаллар обер-кельнер бўлиб ишлаган, хотин эса ўша меҳмонхонанинг ўзида хизматчилик қилған, кейин пул йигишиб мана шу уйни сотиб олишган экан. Уларпинг ёлғиз бир ўғиллари бўлиб, у обер-кельнер бўлишга тайёргарлик кўрарди. У Цюрихдаги меҳмонхонада хизмат қиласкан. Пастда яна бир хона бўлиб, унда вино ва пиво билан савдо қилишар ва гоҳо қош қорайған кезлари йўлда аравалар келиб тўхтаганини, одамлар унча-мунча отгани кирганларини эшишиб қолардик.

Иўлакда, хонамизнинг олдида бир ящикда ўтилар туради, мен ундан палён олиб печга ташлардим. Лекин биз кечаси узоқ ўтирасидик. Бизнинг хосхонамиз катта эди, биз чироқни ёқиб ўтирасдан ётиб олардик, мен ечингач, деразаларни очиб юборардим, тунга, совуқ юлдузларга, дераза тагларидаги қарағайларга бир на-

жас тикилиб турар, кейин ўринга шүнғирдим. Ҳаво бүндай совуқ ва соф бўлган тунлари кўрпада ётиш маза бўлади. Биз донг қотиб ухлаб қолардик, кечаси мабодо ўйғониб кетсам, Қэтринни уйғотиб юбормаслик учун оҳиста пар тўшакни четга сурис қўяр, кейин устим енгиллашгач, яна осуда уйқуга чўмардим. Уруш ўзга мактабдаги футбол ўйини каби йироқда эди. Лекин газеталардан тоғларда ҳамон уруш бораётганлигини билардим, бунга сабаб у ерларда ҳали қор тушмаганлиги эди.

Гоҳида тоғ ёнбағридан Монтрега тушиб бораардик. Ўйнимизнинг шундоқ ўзидан пастга тушадиган сўқмоқ бор эди, лекин у шу қадарли тикка эдики, одатда биз йўлдан юардик, кенг, совуқда қотиб қолган йўлдан далалар, узумзорларнинг тош деворлари, йўл бўйидаги қишлоқ уйларини оралаб ўтиб бораардик. Қишлоқлар учта эди: Шернэ, Фонтаниван ва яна бири, номи эсимда қолмаган. Кейин яна шу йўл билан тоғ тумшуғидаги мустаҳкам тош chatean дан ўтиб, узумзор ишкомларга кириб бориларди, ток занглари бари бойлаб қўйилганди, занглар қуруқ, қўнғир тусга кирганди, пастда эса, чуқурликда ойнадай текис, пўлатдай кўкимтири товланиб кўл ётарди. Chatean дан йўл пастга қиялаб тушиб кетарди, кейин ўнг томонга бурилиб, шу ердан Монтрегача тош ётқизилган тик нишаб йўл бошланарди.

Монтреда ҳеч қандай таниш-билишларимиз йўқ эди. Биз кўл бўйидан бораётганимизда оққушларни, сон-саноқсиз оқ ҷарлоқларни ва яқинроқ борган ҳамонинг кўкка кўтарилиб, пастга, сувга қараб зорлапиб қичқирадиган бўрон қушларини томоша қилардик. Соҳилдан ичкарироқда жимитгина қорамтири гагара тўдалари сувда из қолдириб учиб юришарди. Шаҳарга боргач, биз катта кўчадан магазинларни ё г витриналарини томоша қилиб бордик. Бу ерда ҳозир ёпиқ катта меҳмонхоналар кўп эди, лекин магазинларнинг деярли ҳаммаси очиқ ва ҳаммалари бизни очиқ чеҳра билан қарши олишарди. Яхши бир сартарошхона бор экан, Қэтрин у ерга сочини тузатган кирди. Сартарошхонанинг бекаси уни жуда хушнудлик билан қаршилади. Монтредаги бизнинг бирдан-бир танишимиз шу киши эди. Қэтрин сочини тузатар экан, мен пивохонада ўтириб Мюнхеннинг барқут пивосидан ичиб, газета кўрар эдим. Мен «Курьере делла сера»ни ҳамда Париждан олиб келинган Америка ва инглиз газеталарини ўқир эдим. Барча эълонлар босма-

хона бүёғи билан чаплаб ташланганди, душман улардан алоқа сифатида фойдаланмасин дейишарди шекилли. Газеталарни ўқиб одамнинг дили сиёҳ бўларди. Ҳамма ерда ишларнинг мазаси йўқ. Бир кружка барқут пиво олиб, pretzels¹ нинг қофоз қутисини очардим, pretzels нинг шўртак таъми менга жуда ёқар, ундан пивонинг мазаси ўткирлашгандай туюларди ва мен мағлубият ҳақидаги хабарларни ўқирдим. Мен Кэтрин шу ерга келса керак деб ўтираверибман, лекин у ҳадеганда келавермагач, газеталарни ўз жойига қўйиб, пиво пулини тўладим-да, уни қидириб кетдим. Қун совуқ, бадқовоқ эди, ҳатто деворлардан ҳам қишининг совуқ нафаси келарди. Кэтрин ҳали ҳамон сартарошхонада ўтирган экан. Бека унинг соchlарини жингала қиласарди. Мен кичкина бир хоначада қараб ўтиредим. Бу мени тўлқинлантариб юборди, Кэтрин майин табассум билан менга гапириб ўтирас, менинг овозим эса, ҳаяжонимдан бирмунча ўзгашиб, хириллаб чиқмоқда эди. Қисқичлар ёқимли шиқирлаб турагар, Кэтриннинг соchlари учта ойнадан бара-вар кўринар, хона шинам ва иссиққина эди. Кейин бека Кэтриннинг соchlарини ётқизиб тўғрилади ва Кэтрин ойнага қараб туриб тўғнағиҷлари билан бироз бошқача қилиб олди; кейин ўрнидан турди.

— Жудаям кўп куттириб қўйдим-ку.

— Monsieur — зерикканлари йўқ. Шундай эмасми, monsieur? — жилмайди бека.

— Ҳа,— дедим мен.

Биз эшикка чиқиб кўчадан юриб кетдик. Ҳаво совуқ, хафагазак эди, шамол эсиб турарди.

— Сени қанчалар севганимни билсанг эдинг,— дедим мен.

— Энди яхши бўляпти-а, тўғрими? — деди Кэтрин.— Биласанми нима? Қе, бирон ерга кирамиз-да, чой ўрнига пиво ичамиз. Кичкина Кэтринга пиво жуда ҳам фойдали. Бола қаттиқ ўсиб кетмайди.

— Кичкина Кэтрин,— дедим мен.— Вой эринчоғ!

— У ақлли,— деди Кэтрин.— Унинг тарбияси жуда ҳам яхши. Доктор менга пиво фойдали деб айтди, тез ўсиб кетмас экан.

— Сен ҳақиқатан унинг ўсиб кетишига йўл қўйма, агар у ўғил бола бўлса, чавандоз бўлади.

¹ Шўртак печенье (нем.).

— Агар бола туғиладиган бўлса биз ростданам ни-
коҳ ўқитишимизга тўрғи келади,— деди Кэтрин. Биз ли-
вохонада бурчакдаги столда ўтиргандик. Ташқариди
қош қорайиб бормоқда эди. Ҳали эрта бўлса ҳам, ҳаво-
нинг турқи бузуқ, шунинг учун қоропчилик тез тушган-
ди.

— Қе энди уйланамиз,— дедим мен.

— Йўқ,— деди Кэтрин.— Энди ўнгайсиз бўлади. Жу-
да ҳам билиниб қолди. Мен шу аҳволда мэрияга бор-
майман.

— Олдинроқ шу ишни қилмаганимизни қара.

— Унда ҳар ҳолда ёмон бўлмасди-я. Лекин бунга
вақтимиз бўлдими, жоним?

— Билмадим.

— Мен эса биламан. Мэрияга бунақа она хотин бў-
либ бормайман.

— Она хотининг нимаси?

— Чинакам она хотин, жоним. Сартарош хотин бу
биринчисими, деб сўради. Мен унга иккита ўғил, иккита
қиз боламиз бор дедим.

— Қачон тўйимизни қиласми?

— Яна озишим биланоқ тўй қиласми. Тўйимиз жула
ҳам зўр бўлишини, ҳамма кўрганлар қандай чиройлик,
муносиб эр-хотинлар дейишини истайман.

— Кўнглинг хижил бўлмайдими?

— Нега энди хижил бўлсин жоним? Кўнглим бир
марта Миландалигимизда хижил бўлганди, унда мен
ўзимни саёқ қиз деб ҳис қилгандим, кейин беш дақиқа-
лардан сўнг ўтиб кетганди. Хонанинг кўриниши менга
ёмон таъсир қилганди. Наҳотки мен ёмон хотин бўлсан!

— Сен топилмас хотинсан.

— Ундей бўлса, қофозбозликни ўйлаб ўтирма, жо-
ним. Мен асл ҳолимга қайтишим билан тўй қиласми.

— Хўп.

— Мен яна пиво ичсам бўлармикин, нима дейсан?
Доктор менинг тосимни торроқ деяпти, шунинг учун кич-
кина Кэтринни қаттиқ ўстириб юбормаганимиз тузук.

— У яна нима деди?— Юрагим ҳаприқиб кетди.

— Ҳеч нима. Менинг қон босимим жуда ҳам яхши
әкан. У менинг қон босимимга ҳайрон қолди.

— Тосингнинг торлиги хусусида яна нима деди?

— Ҳеч нима. Ҳеч нима дегани йўқ. У менга чангила
юриш мумкин эмас, деди.

— Тұғри.

— Агар шу пайтгача юрмаган бұлсанғиз, энді юриш-
га кең бўлди, деди. У чанғида юриш умуман мумкин-у,
лекин йиқилиш мумкинмас, деди.

— Ҳазилкаш одам экан сенинг докторинг.

— Йўқ, у ростданам яхши киши. Қичкинамиз туғи-
ладиган маҳалда уни чақирамиз.

— Сен ундан турмуш қурсак майлими, деб сўрама-
дингми?

— Йўқ. Мен унга турмуш қурғанимизга тўрт йил
бўлди, дедим. Биласанми, жоним, агар мен сенга тегсам,
мен америкалик бўлиб қоламан. Америка қоннуларига
кўра эса, қачон туғилганидан қатъи назар бола қопуний
ҳисобланади.

— Қаердан ўқий қолдинг буни?

— Кутубхонада Нью-Йоркда чиқадиган «Уорлд ал-
манак» бор экан.

— Қандоқ яххисан.

— Мен америкалик бўлишимдан жуда хурсандман.
Биз Америкага борамиз-а, жоним? Мен Ниагара шовва-
сии кўрмоқчиман.

— Якка-ю ягонам.

— Мен яна ниманидир томоша қилмоқчи бўлиб
юрадим, лекин нималиги эсимдан чиқиб қолди.

— Қушхопаларними?

— Йўқ. Эсимдан чиқди.

— Вулворт минорасиними?

— Йўқ.

— Катта Дараними?

— Йўқ. Лекин буни ҳам кўрмоқчи эдим.

— Унда нима бўлмасам?

— Олтин дарвоза! Мен ана ўшани кўрмоқчидим.
Олтин дарвоза қаерда?

— Сан-Францискода.

— Унда ўша ерга борамиз. Мен умуман Сан-Фран-
цискони кўрмоқчиман.

— Жуда соз. Ўша ерга борамиз.

— Энде ке, тогнинг тепасига чиқамиз. Майлими?

— Соат бешдан неча минут ўтгандаям поезд келади.

— Ана ўшанда борамиз.

— Хўп. Мен фақат яна пиво ичиб олай.

Биз кўчага чиқиб, зиналардан станцияга кўтарила-
ётганимизда жуда ҳам совуқ эди. Совуқ шамол Рона

воздайсидан эсмоқда эди. Магазинларнинг витриналарида чироқлар ёқилган, ёруғ эди, биз тик тош пиллапоядан юқори кўчага, кейин бошқа пиллапоядан станцияга кўтарилидик. Бунда чароғон ёритилган электр поезд турарди. Каттакон циферблатда поезднинг кетадиган вақти кўрсатиб қўйилганди. Поезд бешдан ўн дақиқа ўтганда юрар экан. Мен станция соатига қарадим. Бешдан беш дақиқа ўтган. Биз вагонга ўтираётганимизда мен вагон ҳайдовчи билан кондуктор буфетдан чиққаларини кўрдим. Биз ўтиридик, дарчани очдик. Вагонни электр печлар иситар, шунинг учун ичи дим, лекин дарчадан совуқ тоза ҳаво кирмоқда эди.

- Чарчадингми, Кэт? — сўрадим мен.
- Йўқ. Ўзимни жуда ҳам яхши сезяпман.
- Салдан кейин тушамиз.
- Яхши кетяпман,— деди у.— Кўп мендан чўчийверма. Ўзимни яхши сезяпман.

Ҳайитга уч кун қолганда қор ёғди. Бир куни эрталаб уйғонсак, қор ёғаётган экан. Печкада олов гуриллаб ёпар, биз тўшакда қор ёғишини томоша қилиб ётардик. *Madame Gutttingen* нонуштадан кейин идиш-товоқларни йиғиштириб олди ва печкага яна ўтин ташлади. Чинакам қор бўрони бўлаётганди. *Madame Gutttingen* қор ярим кечалардан ёғишига бошлади, деди. Деразага бориб қаровдим, олдимиздаги йўлдан бошқа ҳеч нарса кўринмади. Шамол ҳар томондан айланниб учар, қор тўзонини кўтараарди. Мен яна ўринга кирдим, биз анчагача гаплашиб ётдик.

- Қани энди чангиде учсанг,— деди Кэтрин.— Чангиде учолмаслигим тоза ҳафсаламни пир қилди-да.
- Чана оламиз-да, пастга кетаётгандан ўтириб оламиз. Автомобилда юргандай бўласан.

- Силкитиб ташламайдими?
- Бир учиб кўрайлик-чи.
- Силкитмаса, яхши бўларди-я.
- Бирпасдан кейин қорда айлангани чиқиш мумкин.
- Тушликдан олдин,— деди Кэтрин,— иштаҳа учун.
- Усиз ҳам доим қорним очга ўхшайди.
- Менинг ҳам.

Биз уриб турган бўронга чиқдик. Лекин ҳамма ёқни қор уюмлари тутиб кетганидан олис юриб бўлмасди. Мен қорни топтаб олдинда кетдим, лекин станциягача

узоқ юриб боришга тұғри келди. Қор башарага уриб күзни очиргани қўймасди. Биз станция яқинидаги кичкина қовоқхонага кирдик, супрутки билан қорларимизни супуриб ташладик, ёғоч курсига ўтириб, вермут сўрадик.

- Бугун қаттиқ бўрон бўляпти,— деди кельнер хотин.
- Ҳа.
- Бу йил қор анча кеч ёғди.
- Ҳа.

— Мен бир плитка шоколад есам нима қилади?— сўради Кэтрин.— Ёки нонуштагача сабр қиламиزمий? Мен доим очман.

- Бир дона есанг бўлади,— дедим мен.
- Мен ёнгоқ солинганидан оламан,— деди Кэтрин.
- Ёнгоқ солингани жуда ҳам мазали,— деди кельнер қиз.— Мен ҳаммадан ҳам ёнгоқ солингланарини яхши кўраман.
- Мен яна вермут ичаман,— дедим мен.

Уйга кетайлик деб эшикка чиққанимизда, бояги изларимизни қор босиб кетганди. Фақат оёқ излари ўрнида билинг-билинмас ботиқлик қолганди. Қор одамнинг башарасига урар, кўз очиргани қўймасди. Биз қорларимизни тозалаб нонушта қилгани ўтирдик. Нонуштамизга madame Гуттингенниң ўзи қараб турди.

— Эртага чангидা учса бўлади,— деди у.— Чангиди учинши биласизми, мистер Генри?

- Йўқ. Лекин ўрганмоқчи эдим.
- Сиз тез ўрганиб оласиз. Ўғлим ҳайитга келмоқчи, у сизга ўргатиб қўяди.
- Қойил. Қачон келиши керак эди?
- Эртага кечқурун.

Тушликтан кейин кичкина хонада, печка олдида қор ўғишига қараб ўтирган эдик, Кэтрин гап бошлаб қолди:

— Жоним, бир ўзинг бирон ерларга бориб келсанг, эркаклар ўртасида бўлсанг, чангиларда учсанг бўлмасмикки?

- Нима кераги бор?
- Наҳотки бошқаларни сира кўргинг келмаса?
- Сен бошқаларни кўргинг келяптими?
- Йўқ.
- Мен ҳам.
- Биламан. Лекин сен бошқа гап. Мен ҳомилалиман, шунинг учун мен ҳеч нарса қилмасам ҳам бўлаве-

ради. Мен жуда ҳам тентак бўлиб кетаётганимни, маҳмадона бўлиб қолаётганимни биламан, шунинг учун сен бирон ерга бориб келсанг, яхши бўлади, бўлмаса, жудаям жонингга тегиб кетаман.

— Сен мени кетишимни истайсанми?

— Йўқ, ённида бўлишингни истайман.

— Унда ҳеч ерга кетишимнинг кераги йўқ.

— Бери кел,— деди у.— Мен бошнингдаги фуррангни кўрмоқчиман. Қаттагина экан.— У шишини бармоқлари билан сийпалаб кўрди.— Жоним, соқол қўйсанг нима қиласкин?

— Соқол қўяйми?

— Шунчаки әрмакка. Соқол билан қандай бўларкинсан, кўрмоқчийдим.

— Майли, соқол қўяман. Ҳозирнинг ўзиданоқ соқол қўя бошлайман. Буни ғоя деса бўлади. Энди менинг ўзимга яраша машғулотим бўлади.

— Қиласкин ишинг бўлмаганидан хафамисан?

— Йўқ. Мен жуда мамнунман. Ўзимни яхши сезяпман. Сен-чи?

— Жуда ҳам яхши. Лекин мен бунаقا пайтимда сени зериктириб юборармикинман, деб қўрққаним қўрқан.

— Оҳ, Қэт! Сени қанчалар севишимни билсайдинг.

— Ҳозир ҳамми?

— Ҳозир ҳам, бундан кейин ҳам. Мен ўзимни баҳтли деб биламан. Нима, биз бу ерда ёмон яшаяпмизми?

— Жуда ҳам яхши. Лекин менга нуқул сен қандайдир безовта бўлиб қолганга ўхшаб кўринасан.

— Йўқ. Мен баъзи пайларда фронтни ва турли-туман одамларни эслаб кетаман, лекин бунинг ташвишланағидан ери йўқ. Мен ҳеч нарсани узоқ ўйлаб ўтирумайман.

— Кимларни эслайсан?

— Ринальдини, кашишни ва бошқа турли одамларни. Лекин мен буларни узоқ ўйламайман. Уруш ҳақида ўйлашни истамайман. У билан ҳисоб-китобларимиз битган.

— Ҳозир нимани ўйлаяпсан?

— Ҳеч нимани.

— Йўқ, сен бир нарсани ўйлаётган эдинг. Айт.

— Мен Ринальди ростданам захм бўлиб қолганмикан, деб ўйлаётгандим.

- Бор-йүғи шуми?
- Ҳа.
- Ү захмга йўлиққанми?
- Билмайман.
- Мен сенда бўлмаганидан хурсандман. Сенда бу-наҳа нарсалар бўлмаганими?
- Мен сўзак бўлганмач.
- Бўлди, қўй. Жонинг жуда оғриганими, жо-ним?
- Жуда.
- Менда ҳам бўлишини истардим.
- Бекорларни айтибсан.
- Йўқ, ростдан. Мен худди сендай бўлишни истар-дим. Мен сен билган ҳамма хотинларни билишни, сўнг уларни сенинг олдингда майна қилишни истардим.
- Мана бу чиройли гап.
- Нима, сенда сўзак бўлганда чиройли бўлган-ми?
- Йўқ. Қорнинг ёғишини қара.
- Мен яхвиси сенга қараб ўтираман. Жоним, соч-ларингни ўстириб юборсанг, нима қиларкин?
- У нима деганинг?
- Сал узунроқ қилиб ўстирсанг деялман-да.
- Ҳозир ҳам узун-ку.
- Йўқ, бир оз ўстиргин, мен бўлсам, бир оз қирқти-раман, кейин икковимиз бир хил бўлиб қоламиз. Фақат биттамиз қорароқ, биттамиз оқишироқ бўламиз.
- Мен сочингни қирқтиришингни истамайман.
- Балки бу жуда антиқа бўлармиди. Сочим жоним-га тегиб кетди. Кечаси ётганда жуда ҳам халақит беради.
- Менга шундоқ тургани ёқади.
- Қалта қилдирсам, ёқмасмиди?
- Эҳтимол. Менга ҳозиргиси ёқади.
- Балки қалта бўлса, маъқул бўлармиди. Иккови-миз бир хилда бўлардик. Жоним, сени шу қадар яхши кўраманки, сендай бўлиб қолсам дейман.
- Үзи ҳам шундай. Битта одаммиз.
- Биламан. Қечасилари.
- Кечалари ҳамма нарса бошқача бўлади.
- Мен сен қаерда-ю, мен қаерда, ҳечам билиб бўл-майдиган бўлиб қолса дейман. Сен ҳеч ерга кетмайсан. Мен боя жўрттага айтгандим. Агар кетгинг келса, кета-

нег. Лекин тезроқ қайтиб кел. Жоним, сенсиз менга
шарт йўқ, ахир.

— Мен ҳеч қачон кетмайман,— дедим мен.— Сен
бўлмасанг, мен соядай бўлиб қоламан. Сенсиз мен жон-
им жисмман.

— Мен ҳаётинг яхши бўлишини истайман. Ҳаётинг
жуда ҳам яхши бўлишини истайман. Лекин бу бизнинг
иккокимизнинг ҳаётимиз бўлади, тўғрими?

— Хўш, қалай, соқол қўйишни бошлайми ёки тўхта-
тайми?

— Усаверсин. Соқол қўй. Бу жудаем қизиқ бўлади.
Балки у янги йилгача ўсиб кетар.

— Истайсанми, шахмат ўйнаймиз!

— Яхиси, бошқа ўйин ўйнайлик.

— Йўқ. Шахмат ўйнаймиз.

— Кейин бошқа ўйин қиласиз, а?

Ҳа.

— Хўп, яхши.

Мен шахмат олиб келиб доналарни тикдим. Ташқа-
рида ҳамон қор гупиллаб ёғмоқда эди.

Бир куни мен кечаси ўйғониб кетдим, қарасам, Кэт-
рин ҳам ўйғоқ экан. Ой деразага тушиб турар, дераза
ромларининг сояси ўринга тушиб турганди.

— Ўйқунг келмаяптими, жоним?

— Йўқ. Сен ухломаяпсанми?

— Мен ҳозиргина ўйғониб кетдим, биринчи марта
учрашганимизда қанчалар телба эканлигимни ўйлаб
ётибман. Эсингдами?

— Сен салгина девона эдинг.

— Энди ҳеч ундан бўлмаяпман. Энди ҳаммаси яхши-
га ўхшайди. Ажойиб. Сен бу сўзни ғалати қилиб айтасан. «Ажойиб» дегин.

— Ажойиб.

— Сен жонимсан. Мен ҳам энди девона эмасман.
Фақат мен жуда, жуда баҳтлиман.

— Майли, ухла,— дедим.

— Майли. Қе, иккаламиз баравар ухлаб қоламиз.

— Майли.

Лекин биз дарҳол ухлаб қолмадик. Мен яна ҳар тур-
ли нарсаларни ўйлаб Кэтринга, унинг бўйнинг тушиб
турган ой нурига қараб анчагина ўйгоқ ётдим. Сўнг мен
ҳам ухлаб қолибман.

Үттиз түккүзинчи боб

Январнинг ўрталарига бориб соқолим ўсиб қолди, чинакам қишиш бўлиб кетди, кунлар совуқ ва кўзни қамаштирадиган, тунлари аёзли, қаҳратон совуқ бўларди. Япа йўлларда қатнов бошланди. Чаналарнинг қўшқораклари ва тоғдан судраб келишадиган ёғочлардан йўллардаги қор қотиб силлиқ бўлиб қолди. Тўрт томон қор, Монтрегача қор эди. Кўлнинг нариги ёғидаги тоғлар оқариб қолганди, Рона водийсини ҳам қор босди. Биз тоғнинг бошқа ёнбағридан Бэн-де-л Альязгача узоқ сайд қилиб юрардик. Қэтрин тагига мих қоқилган оёқ кийим, плаш кийиб олар, қўлида учи пўлат найзалик асо билан юрарди. Плаш кийганда унинг тўлалиги билинмас ва биз ўртача қадамлар билан юриб борар, баъзан тўхтаб йўллардаги хариларга ўтириб дам олволовардик.

Бэн-де-л Альязда дарахтлар тагида ўрмон кесувчиларнинг қовоқхоналари бўлиб, биз ҳам шу ерга кириб ширийликлар ва лимонлар билан қайноқ қизил вино ичардик. Уни Glühwein деб аташади, баданингни бироз қизитиб олмоқчи бўлсанг, ёки бироннинг соғлиғига қадаҳ кўтаргинг келса, ундан ҳам созроғи йўқ. Қовоқхона ним қоронғи, тутун босган бўларди, кейин биз эшикка чиққанимизда одамнинг ўпкасига муздек ҳаво тегар, нафас олганда бурнингни учи қотиб қоларди. Биз ҳамма дарчаларидан ёруғ тушиб турган қовоқхонага бир зум қараб туардик, чиқаверишда ўрмон кесувчиларнинг отлари совқотиб қолмаслик учун депсиниб туришар, бошларини силкиб-силкиб ташлашарди. Тумшуқларидаги мўйлари қиров билан қопланган, нафас олганда оғизларидан чиққан пар ҳавода яхлаб қоларди. Қайта ётганимизда йўл силлиқ ва тийғончиқ бўлар ва то муюлишига боргунча от сийдикларидан сарғимтири туслага киради, бурилишга борганде чет томонга ёғоч олиб тушиладиган сўқмоқ айрилиб кетарди. Йўлнинг бу ёғи ўрмон ичидан ўтиб борар, унинг устидаги қор топтала-вериб қотиб қолганди, кечқурун уйга қайтарканмиз, икки марта тулки кўрдик.

Бу ниҳоятда гаштли юрт эди, биз айлангани чиққанимизда доим қувноқ бўлардик.

— Соқолинг жуда ажойиб бўлди,— деди Қэтрин.—

Худи ўрмончиларнига ўхшайди. Сен ҳалиги олтин узук таққанни кўрдингми?

— У тоғ кийикларини овлайди,— дедим мен.— Улар ични эшитиш учун узук тақишиади.

— Наҳотки? Ундаи эмасдир. Ҳамма бизнинг тоғ кийикларини овловчилар эканимизни кўрсинг деб, узук тақиб юришиади. Бу ерда тоғ кийиклари борми?

— Ҳа, Дан-де-Жаманинг нарёғида.

— Тулкими кўрганимиз қизиқ бўлди, а?

— Тулки ухлагандага думини танасига ўраб ётади, совқотмайди.

— Жуда маза бўлса керак, а?

— Мен доим қани энди шунаقا думим бўлса деб юрардим. Тулкинига ўшаган думларимиз бўлса нима бўларди?

— Унда қандай қилиб кийинардик?

— Махсус кийимлар тикириш мумкин бўларди, ёки бунга аҳамият бериб ўтирумайдиган мамлакатларга кетиш мумкин эди.

— Биз ҳалиям ҳеч нарсанинг аҳамияти бўлмаган мамлакатда турибмиз. Ҳеч кимни кўрмай шу ерда яшаб турганимизнинг ўзи ажойиб эмасми? Сен чиндан ҳам ҳеч кимни кўргинг келаётгани йўқ, тўғрими, жоним?

— Ҳа.

— Қе, бирпас ўтирамиз. Мен сал ҷарчадим.

Хари устида бир-биримизнинг пинжимизга суқилиб ўтиридик. Олдинда йўл ўрмонга кириб кетарди.

— Қичкинтой бизга ортиқча юк бўлмасмикин, нима дайсан?

— Йўқ. Бунга йўл қўймаймиз.

— Пулимиз ҳали борми?

— Бир дунё. Мен кейинги чекни ҳам олдим.

— Қариндош-уругларинг сенинг Ҳвейцарияда эканлигингни билишади-ку.

— Бўлиши мумкин. Мен уларга хат ёзиб юбораман.

— Ҳали ёзганинг йўқми?

— Йўқ. Фақат чекни қўл қўйишга юборгандим.

— Худога шукурки, сенга қариндош эмасман.

— Мен уларга телеграмма бераман.

— Наҳотки сен уларни яхши кўрмасанг?

— Олдинлари севардим, кейин шунчалар кўп жанжаллашдикки, ҳозир кўкрагимда ҳеч нарса қолмаган.

— Менимча улар менга ёқишиган бўларди. Эҳтийомл, улар менга жуда ҳам ёқиб қолишган бўларди.

— Ке, улар ҳақида гаплашмайлик, бўлмаса, одам уларнинг ташвишларини чекиб юради.— Бир оздан сўнг дедим:— Дам олган бўлсанг, кетайлик.

— Дам олиб бўлдим.

Биз йўлимизда давом этдик. Қош қорайиб қолган, қадам ташлаганимизда қор ғарч-фурҷ қиласарди. Осмон тип-тиниқ, қора совуқ ҳоким эди.

— Соқолинг менга жуда ёқади,— деди Кэтрин.— Бирарм чиройли. Кўринишдан қаттиқ, тикаандай, аслида эса, майин ва ёқимли.

— Сенингча соқолсиз юргандан шу яхшими?

— Яхшига ўхшайди. Биласанми, жоним, мен кичкина Кэтрин туғилгунча сочимни олдирмайман. Мен ҳозир семириб, катта хотинларга ўхшаб қолганман. Лекин у туғилгандан кейин яна озаман, ўшанда сочимни бошқатдан тузаттираман, шунда сенга яна янгидаи бўлиб қоламан. Сен билан бирга бориб сочимни олдирараман ёки битта ўзим бориб, кейин келиб сени ҳайрон қолдираман.

Мен индамасдим.

— Сен йўқ демайсан, тўғрими?

— Иўқ. Балки менга ёқиб ҳам қолар.

— Қандай яхшисан! Мен яна озгин бўлиб қолсам, яна кўҳжиккина бўлиб кўринисам, тўсатдан яна мени яхши кўриб қолсанг-а.

— О, қурмағур!— дедим мен.— Халиям сендан жонимни аямайман. Яна нима керак сенга? Бутунлай мажнун бўлиб юрсам, тузукми?

— Ҳа. Мен мажнун бўлиб қолишингни истайман.

— Майли унда,— дедим.— Ўзим ҳам шуни хоҳлайман.

Қирқинчи боб

Жуда ҳам баҳтиёр яшардик. Январь ҳам, февраль ҳам ўтди, қиши соз эди, биз жуда баҳтиёр эдик. Ўқтин-ўқтин илиқ шамоллар эсиб кела бошлади, шунда қор юмшоқ бўлиб қолар, баҳор келаётганга ўхшарди, лекин яна ҳаво тиниқлашиб, совуқ зўраяр, яна қиши қайтиб келарди. Март ойида қиши илк бор чинакам чекинди. Кечаси ёмғир ёғди. Ёмғир эрталабгача тинмади, қор пилчиллаб кетди ва тоғ ёнбағри маъюсликка чўмди.

Күл ва водий узра булутлар йиғилди. Тоғларда ёмғир ёға бошлади. Қэтрин чуқур калиш кийиб олди, мен тадеме.

Гуттингенниң резина этигини олдым ва биз музи эриётган йўлдан қор, лой кечиб станциядаги қовоқхонага нонушта олдидан вермут ичгани бордик. Ташқаридан ёмғир ёғаётгани деразадан эшитилиб туради.

— Шаҳарга кетсак, нима дейсан?

— Ўзинг қандай фикрдасан? — сўради Қэтрин.

— Агар қиши тугаб ёғингарчилик бошланниб кетган бўлса, бу ерда яшаб бўлмайди. Қичкина Қэтринга қанча қолди?

— Бир ойча. Балки кўпроқдир.

— Пастга тушиб Монтреда турсак ҳам бўлади.

— Лозаннага бормаймизми? Қасалхона ўша ерда-ку.

— Лозаннага борсак ҳам бўлади. Мен фақат у шаҳар бизга катталик қилмасмик ин девдим.

— Биз катта шаҳарда ҳам ёлғиз ўзимиз бўламиз.

Лозанна яхши шаҳар бўлса керак.

— Қачон кетамиз?

— Менга барибир. Қачон десанг, ўшандо, жоним.

Агар кетишни истамасанг, қолаверсак ҳам бўлади.

— Ҳавони кўрайлик-чи.

Ёмғир уч кунгача ёғиб турди. Станция пастидаги тор бағрида сира ҳам қор қолмади. Лойгарчилик, эрувгарчилик бошланди. Уйдан ташқарига чиқиб бўлмай қолди. Ёмғирнинг учинчи куни эрталаб биз шаҳарга кетишга қарор қилдик.

— Кўйинг, ташвиш чекманг, monsieur Генри,— деди Гуттинген.— Ҳеч қандай огоҳлантиришинг кераги йўқ. Ҳаво айнигандан кейин бу ерда қолмасалар керак деб юрувдим ўзим ҳам.

— Madamie бонисдан биз қасалхонага яқинроқ бўлишимиз керак.

— Албатта,— деди у.— Балки яна кичкинтойлар билан бирга келарсизлар.

— Агар сизда жой топилса.

— Баҳорда бу ерлар жуда очилиб кетади, келинглар, сизларга маъқул бўлади. Қичкинани энагаси билан катта уйга жойлаштирамиз, ўзингиз тадоме билан яна олдинги кўлга қараган хонангизни оласиз.

— Мен сизга олдиндан ёзиб юбораман,— дедим мен.

Биз йиғишириб, тушдан кейинги биринчи поезд би-

лан кетдик. Monsieur ва madame Гуттинген бизни станцияга кузатиб қўйиши, эри нарсаларимизни лойда ҷана-да элтиб берди. Уларнинг икковлари ҳам станцияда ёмғирда туриб, хайрлашиб қўлларини силкиб қолишиди.

— Жуда ҳам яхши одамлар экан,— деди Қэтрин.

— Улар бизга кўп меҳрибонлик қилишиди.

Монтрега бориб Лозанна поездига ўтиридик. Вагондан биз яшаган жойлардаги тоғлар кўринимас экан, уларни булувлар тўсиб олганди. Поезд Веведа тўхтадида, кейин йўлда давом этди. Йўлнинг бир томонида кўл, иккинчи томонида ёмғирда бўккан қўнғир далалар, намиқиб кетган ўрмон ва ивиган уйлар бор эди. Лозаннага келгач, кичикроқ бир меҳмонхонага жойлашдик. Биз кўчалардан ўтиб, меҳмонхонага бурилган пайтимизда ҳам ҳали ёмғир тинмаганди. Тугмасининг тешигидан мис калитлар осилган занжир ўтказиб олган портье, лифт, полга тўшалган пояндоzlар, ялтираб, оппоқ бўлиб турган умивальниклар, сим каравот ва каттакон шинам ётоқ — буларнинг бари Гуттингенлардан сўнг кўзимизга жуда ҳашаматли бўлиб кўринди. Хонанинг деразалари тепасига темир тўр тортилган девор билан ўраб олинган боқقا очиларди. Нишаби тик кўчанинг бошқа томонида яна меҳмонхона, деворлар бор эди. Мен боғдаги ҳовузга ёмғир томчиларининг тушишини томоша қиласдим.

Қэтрин барча чироқларни ёқиб, нарсаларни саранжом қила бошлади. Мен содали виски сўрадим, каравотга ётиб, вокзалда сотиб олган газетани қўлимга олдим. 1918 йилнинг март ойи эди, немислар Францияда ҳужум қилмоқда эдилар. Мен Қэтрин ишларини битириб бўлгунча содали виски ичиб, ўқиб ётдим.

— Биласанми, жоним, мен нималарни тайёрлаб қўйишим керак экан,— деди у.

— Нималарни?

— Чақалоқнинг нарсаларини. Одатда бунақа пайтгача ҳамма майдо-чуйдаларни тахт қилиб қўйишиади.

— Сотиб олсак ҳам бўлади-ку.

— Биласан, Эртагаёқ олгани бораман. Фақат нима кераклигини билсан экан.

— Билишинг керак экан. Ҳамшира бўлгансан-ку.

— Шундоғу, лекин госпиталда солдатлар ҳар куни бола қилиб турганлари йўқ эканда.

— Мен-чи?

- У менга ёстиқ отди, виским чайқалиб түкилди.
- Мен ҳозир сенга бошқасини олдириб келаман,— деди у.— Мени кечир.
- Үзи озгинағина қолғанди. Ке, ёнимга ке.
- Иўқ. Мен бу хонани сал эпақага келтирмоқчимаң.
- Эпақанг нимаси?
- Үз уйимизга ўхшаб турсин.
- Антантанинг байроқларини осиб қўй.
- Бемаза бўлма.
- Қани яна бир қайтар-чи.
- Бемаза.
- Буни шундоқ мулойим айтдингки,— дедим мен,— худди бирорни хафа қилиб қўймай дегандай.
- Ҳеч-да.
- Унда ке ёнимга.
- Майли.— У келиб каравотга ўтирди.— Сени зериктириб қўяётганимни биламан, жоним. Мен пиво бочкасига ўхшаб қолдим.
- Бекор гап. Сен чиройлисан, жуда ҳам ёқимлисан.
- Менга сен эҳтиётсизлик қилиб уйланиб қўйгансан, мен шундай бир бадбашара одамман.
- Бекор гап. Сен кундан-кунга очилиб боряпсан.
- Лекин, жоним, ҳали яна асл ҳолимга қайтаман.
- Сен ҳозир ҳам чиройлисан.
- Сен ичиб олгансан.
- Бир стакан содали виски ичдим, холос.
- Ҳозир яна виски беришади,— деди у.— Балки тушликни ҳам шу ерга бериша қолсамикин?
- Жудаям соз бўларди.
- Унда бугун ҳеч қаерга чиқмаймиз, майлими? Оқшомни уйда ўтказа қоламиз.
- Ўйнаймиз,— дедим мен.
- Мен вино ичаман,— деди Қэтрин.— Менга ҳеч нарса қилмайди. Балки бу ерда бизнинг оқ капримиз бордир.
- Бўлса керак,— дедим.— Бунаقا меҳмонхоналарда доим италян винолари бўлади.
- Кельнер эшикни қоқди. У муз солинган стаканда виски олиб келди, унинг патнисида содали сувнинг кичкина шишаси ҳам бор эди.
- Раҳмат,— дедим мен.— Бу ерга қўйинг. Барака топинг, шу ерга икки кишилик тушки овқат билан икки шиша қуруқ оқ капридан берсангиз.

- Биринчисига шўрва буюрадиларми?
- Шўрва ичсанми, Кэт?
- Ха, бемалол.
- Битта шўрва.
- Бажону дил, сэр.

У чиқди, эшикни ёпди. Мен газеталаримни яна қайта қўлга олиб газетадаги урушларни ўқишга тушдим, со-дали сувни муз солинган вискининг стаканига аста қўйиб турдим. Вискига муз солманглар десам бўларкан. Музни алоҳида қилиб олиб келишарди. Ўшанда стакан-да қанча виски қолганига қараб содали сув қўшиларди, бўлмаса, вискининг қуввати сусайиб кетмоқда. Бир ши-ша виски сотиб олиб факат муз билан содали сув сў-ралса тузук бўларкан. Яхши виски — яхши нарса-да. Ҳаётнинг энг гўзал нарсаларидан бири деса ҳам бўлади.

- Нималарни ўйлаб ётибсан, жоним?
- Вискини.
- Вискининг нимасини?
- Вискининг жуда татти нарса эканлигини. Қэтрин афтини буриштириди.
- Бўпти,— деди у.

Биз бу меҳмонхонада уч ҳафта яшадик. Бу ер унча-лик ёмон эмасди: ресторанда кўпинча ҳеч ким бўлмас ва биз кўп маҳаллар овқатни ўз хонамиизда ердик. Ша-ҳарни айланардик, трамвай билан Ушига борардик, кўл тепасида ўйнаб келардик. Қунлар илиб қолган, худ-ди баҳор келганига ўҳшарди. Биз тоғлардаги чайламиздан кетганимизга афсуслашар, лекин илиқ қунлар тезда совуқ рутубат билан алмашарди.

Қэтрин чақалоққа керакли ҳамма нарсаларни сотиб олмоқда эди. Мен сал ҳаракатланай деб гимнастика за-лига бокс тушгани борардим. Одатда у ерга мен эрта-лаб ҳали Қэтрин кўрпода ётганда кетардим. Эрта кўк-лам чоғларида боксдан ва душдан сўнг одам ўзини бар-дам сезар, баҳор ҳавосини шимириб кўчадан юриш, қаҳ-вахонага кириб ўтириб, одамларни кўриш, газета ўқиш, вермут ичиш жуда гаштли эди. Қейин меҳмонхонага қайтиб Қэтрин билан маза қилиб нонушта қиласардик. Гимнастика залидаги бокс муаллими мўйлов қўйган одам эди, унинг ҳаракатлари аниқ ва қисқа бўларди, унга ҳужум қила бошласанг, у жуда қўрқиб кетарди. Лескин гимнастика залида машқ қилиш одамга ҳузур бағишлиарди. Бу ернинг ичи ёруғ, тоза бўлгани учун мен

истойдил машқ қилар, арқондан сакрат, бокснинг турли усулларини синааб күрар, деразадан тушган қуёш нурларига ётиб олиб қорин мушакларини мустаҳкамловчи машқларни бажаардим, баъзан муаллим билан бокс туша туриб уни қўрқитиб юборардим. Аввалига узун камбар ойна олдида туриб машқ қилишга қўниколмадим, чунки серсоқол боксчи ойнада жуда ғалати кўринарди.

Лекин бора-бора бу менинг кулгимни қистатадиган бўлди. Мен бокс билан шуғуллана бошлагач, соқолимни қирдириб ташламоқчи эдим, лекин Кэтрин йўл қўймади.

Баъзан биз теварак-атрофларни экипажга тушиб айланиб келардик. Ҳаво яхши кунларда экипажда юриш мароқли эди, бундан ташқари биз бориб овқатланса бўладиган иккита хушманзара ерни топгандик. Кэтрин энди кўп юролмайдиган бўлиб қолганди ва у билан дала йўлларида от қўшилган аравада сайд қилардим.

Агар ҳаво мусаффо бўлса, биз вақтимизни жуда мароқли ўтказардик, умуман эса, бизнинг ёмон ўтган вақтимизни эслолмайман. Биз боланинг ой-кунлари тўлиб бораётганини билар ва бундан худди бирор бизни қувиб келаётгандек, бир-биrimиздан ажралишни истамас, бирон соат ҳам вақтимизни зое кеткизгимиз йўқ эди.

Қирқ биринчи боб

Бир куни мен аzon маҳали соат учларда уйғониб кетдим, қарасам, Кэтрин тўшакда тўлғаниб ётиди.

— Тобинг йўқми, Кэт?

— Дард туваётганга ўхшайди, жоним.

— Тез-тезми?

— Унчаликмас.

— Агар тез-тез бўлса, касалхонага бориш керак.

Жуда ҳам уйқум келаётган эди, яна ухлаб қолибман. Кўп ўтмай яна уйғондим.

— Докторга қўнғироқ қилсангмикиш, а,— деди Кэтрин.— Балки бошланаётидими?

Мен телефонга бориб докторга қўнғироқ қилдим.

— Тез-тез тўлғоқ тутяптими?— сўради у.

— Тез-тезми, Кэт?

— Деярли ҳар ўн беш минутда бир марта.

— Үнда касалхонага келинглар,— деди доктор.— Мен ҳам ҳозир кийиниб у ерга бораман.

Мен трубкани қўйдим, кейин такси чақириш учун вокзал олдидағи гаражга қўйифироқ қилдим. Телефонга анчагача ҳеч ким келмади. Ниҳоят, бир одамга тушдим, у ҳозироқ машина юборишга ваъда қилди. Қэтрин кийинмоқда эди. Унинг чамадонига касалхона учун ҳамма керакли нарсалар билан чақалоқнинг майдачўйдлари солинганди. Биз коридорга чиқдик, мен лифтчини чақирдим. Жавоб бўлмади. Пастга тушдим. Пастда тунги қоровулдан бўлак ҳеч ким йўқ эди. Лифтда ўзим кўтарилидим, кабинага чамадонни киритдим, Қэтрин кирди ва биз пастга тушдик. Тунги қоровул бизга эшикни очиб берди ва биз эшик олдидағи тош устига ўтириб такси келишини кута бошладик. Ҳаво очиқ эди, осмонда юлдузлар бодраб ётарди. Қэтрин қагтиқ ҳаяжонда эди.

— Бошланди, алоҳал бошланди-я,— деди у.— Энди ҳаммаси тезда ўтиб кетади.

— Сен азамат хотин экансан.

— Мен қўрқмайман. Фақат такси кела қолсайди. Биз кўчада машина шовқинини эшитдик, чироқлар кўринди. Такси олдимизга келиб тўхтади, мен Қэтринни машинага ўтқаздим, шофер эса, чамадонни олд ўриндиққа қўйди.

— Касалхонага,— дедим.

Биз тош йўлга чиқиб тепаликка кўтарила бошладик. Касалхонага келганимизда чамадонни кўтариб олдим, ичкарига кирдик. Пастда конторка орқасида бир хотин ўтирган экан, Қэгриннинг фамилиясини, отини, ёшини, адресини, ота-онасини, динини сўраб ёзиб олди. Қэтрин динга алоқам йўқ, деди, шунда хотин дини дейилган жойга чизиқ чизиб қўйди. Қэтрин фамилиям Генри деди.

— Сизни палатага олиб бораман,— деди хотин.

Биз лифтда кўтарилидик. Хотин лифтни тўхтатди, биз чиқиб коридорда унинг орқасидан кетдик. Қэтрин менинг қўлимдан маҳкам ушлаб олганди.

— Мана шу сизнинг палатангиз,— деди хотин.— Марҳамат қилинг, ечиниб ётинг. Мана сизга тунги кўйлак.

— Менинг тунги кўйлагим бор,— деди Қэтрин.

— Сизга мана бунда қулайроқ бўлади,— деди хотин. Мен чиқиб кетдим. Йўлакдаги стулга ўтирдим.

— Энди кирсангиз бўлади,— деди ҳамшира эшик олдиди туриб.

Кэтрин худди бўздан тикилганга ўхшайдиган, ёқаси чор қирра қилиб қийилган тунги кўйлак кийиб энсизгина каравотда ётарди. У менга жилмайиб қўйди.

— Энди росмана дард тута бошлади,— деди у.

Ҳамшира унинг қўлини ушлаб турар, соатига қараб тўлғоқ тутишига қулоқ соларди.

— Мана ҳозир қаттиқроқ бўлди,— деди Кэтрин. Қаттиқроқ бўлгани унинг юзидан ҳам кўриниб турарди.

— Доктор келмадими?— сўрадим мен унинг ҳамширасидаи.

— Келди, пастда ухлаб ётибди. Керак бўлган пайтда бу ерга чиқади. Мен тадамега бир оз қарашим керак,— деди ҳамшира.— Барака топинг, бирпас чиқиб туринг.

Мен йўлакка чиқдим. Йўлакнинг атиги иккита деразаси бор эди, иккала томондаги қатор кетган эшиклар берк эди. Йўлакдан касалхонанинг ҳиди анқирди. Мен стулда ўтириб, ерга тикилганча худодан Кэтрин омонэсон қутулишини ёлвориб сўрадим.

— Киришингиз мумкин,— деди ҳамшира. Мен кирдим.

— Сенмисан, жоним?— деди Кэтрин.

— Тузукмиссан?

— Энди роса оляпти.

Унинг юзи ўзгариб кетди. Кейин у жилмайди.

— Мана буниси чинакам бўлди. Ҳамширахон, қўлингизни яна курагимга қўйиб турсангиз.

— Сизга шундай қулай бўляптими?— сўради ҳамшира.

— Сен энди кетавер, жоним,— деди Кэтрин.— Бориб бирон нарса еб ол. Ҳамширахон бу ҳали анчагача чўзилиши мумкин деяпти.

— Биринчи марта кўзи ёриётганда бир оз чўзилади, — деди ҳамшира.

— Бор, бирон нарса тамадди қилиб ол,— деди Кэтрин.— Мен ўзимни анча дуруст ҳис қиляпман, ростдан.

— Мен яна бирпас бўламан,— дедим.

Тўлғоқ дам-бадам тутиб турарди, кейин камайиб қолди. Кэтрин қаттиқ ҳаяжонда эди. Жуда ҳам жони оғриб кетган кезларда у яхши деб қўярди. Дард тутиш сусайиб қолганда у норози бўлиб хижолат чекарди.

— Сен кета қол, жоним,— деди у.— Сенинг олдингда

мен ўзимин эркин тутолмаяпман.— Унинг чеҳраси яна ўзгариб кетди.— Ана. Буниси дурустроқ бўлди. Мен яхши хотин бўлишни шу қадар истайманки, ҳеч бир найранг-пайранг қилмасдан туғишини истайман. Барака топ, бор, овқатланиб кел, жоним. Сенсиз зернишиб қолмайман. Ҳамширахон бирам яхши эканларки.

— Ҳали бемалол нонушта қилиб олсангиз бўлади,— деди ҳамшира.

— Яхши, мен кетдим. Кўришгунча, азиҳим.

— Кўришгунча,— деди Қэтрин.— Яхшилаб нонушта қил, менинг ўрнимга ҳам.

— Бу ерда қаерда нонушта қилиш мумкин?— сўрадим мен ҳамширадан.

— Бизнинг кўчамизда шундоқ майдон олдида қаҳвахона бор,— деди у.— Ҳозир очилган бўлса керак.

Тоңг оқарига келмоқда эди. Мен кимсасиз кўчадан қаҳвахонага бордим. Ойналар ёруғ эди. Мен рухлаб қўйилган буфет олдига бордим, буфетчи чол менга бир стакан оқ вино билан бриошъ берди. Бриошъ кечаги экан. Мен уни винога ботириб едим, кейин яна қаҳва ичдим.

— Қаллаи саҳарлаб бу ерда нима қилиб юрибсиз?— сўради чол.

— Хотиним касалхонада кўзи ёримоқда.

— Шундай денг! Ҳўп, омон-эсон қутулсин.

— Менга яна бир стакан вино беринг.

У шишани азотроқ кўтариб қуиди, стакан тўлиб бир ози тўқилди. Мен ичиб, ҳақини тўлаб ташқарига чиқдим. Кўчада, ҳамма уйларнинг олдида ахлатчини кутиб ахлат идишлари туради. Бир чеҳакни ишқаб кўрмоқдайди.

— Сенга нима керак?— сўрадим мен ва унга бирон нарса йўқмикин деб энгашиб чеҳакни қарадим; чеҳакнинг устида қаҳва қўйқаси, ахлат ва қуриган гуллардан бошқа ҳеч нарса йўқ эди.

— Ҳеч вақо йўқ, ит,— дедим мен. Ит кўчанинг нариги томонига ўтиб кетди. Касалхонага келиб Қэтрин ёғган қаватга кўтарилдим ва йўлакдан унинг эшигигача бордим. Тақиллатдим. Ҳеч ким жавоб бермади. Эшикни очдим; фақат Қэтриннинг чамадони стулда турад, унинг халати илгакка осиб қўйилганди. Йўлакка чиқиб бирор кўриниб қолармикин деб, қарай бошладим. Мен бошқа ҳамширани кўриб қолдим.

— Madame Генри қани?

— Ҳозиргина бир хонимни туғруқхонага олиб киришиди.

— Қаерда?

— Юринг сизга кўрсатаман.

У мени йўлакнинг нарига бошига олиб борди. Туғруқхонанинг эшиги қия очиқ турарди. Мен Кэтринни столда ётган, устига чойшаб ёпилган ҳолда кўрдим. Столнинг олдида ҳамшира туарар, доктор эса нариги томонда, қандайдир цилиндрлар олдида эди. Доктор қўлида най қувурга уланган резина ниқоб ушлаб олганди.

— Мен сизга халат бераман, кейин киришингиз мумкин,— деди ҳамшира.— Марҳамат, бу ёққа келинг.

У менга оқ халат кийдириб, орқамдан тўғнағич билан қадаб қўйди.— Энди кирсангиз бўлади,— деди у. Мен хонага кирдим.

— Келдингми, жоним?— деди Кэтрин қандайдир ўзгариб кетган овоз билан.— Ишларимиз нимагадир юришмаяпти.

— Meul'sour Гепри сиз бўласизми?— сўради доктор.

— Ҳа. Узларингиз қалайсиз, доктор?

— Ҳаммаси яхши кетяпти,— деди доктор.— Ўлғоқ пайтида газ бериш мумкин бўлсин деб бу хонага ўтдик.

— Беринг,— деди Кэтрин.

Доктор уннинг юзига резина ниқоб кийгизди ва қандайдир дискни буради. Кэтрин тез-тез чуқур нафас ола бошлиганини кўрдим. Кейин у ниқобни олиб ташлади, доктор аппаратни ўчирди.

— Унча қаттиқ бўлмади. Яқинда жуда қаттиқ бўлганди. Доктор мени худди йўқдай қилиб қўйди. Тўғрими, доктор?— Уннинг овози ғалати эди. «Доктор» сўзини айтганда бир оз баландроқ чиқди. Доктор жилмайди.

— Беринг,— деди Кэтрин. У ниқобни юзига тез тутиб, тез нафас ола бошлади.

Уннинг секин инграётганини эшилдим. Кейин у ниқобни суриб қўйди-да, жилмайди.

— Буниси қаттиқроқ бўлди,— деди у.— Бу жуда ҳам қаттиқ бўлди. Сен ташвишланма, жоним. Бор. Яна бир марта нонушта қилиб ол.

— Мен шу ерда бўламан,— дедим мен.

Биз касалхонага соат учларда келгандик. Туш бўлди, лекин ҳамон Кэтриннинг кўзи ёргани йўқ. Тўлғоқ

яна сусайиб қолди. Унинг қаттиқ уринганлиги, азоб чекканлиги кўриниб турарди. Лекин у ўзини тетик тушига ҳаракат қиласади.

— Кўлимдан ҳеч нарса келмаяпти, жоним,— деди у.— Хўрлигим келяпти. Мен ҳаммаси оппа-осон ўтиб кетади, деб ўйлагандим. Энди бўлса, мана — яна...— У қўлини ниқобга чўзди, ниқобни юзига босди. Доктор дискни бураб, Кэтринга тикилиб турди. Дард яна дарров босилди.

— Бир нави,— деди Кэтрин. У жилмайиб қўйди.— Бу газ менга жудаям ёкиб қолди. Ажойиб нарса.

— Уйга ҳам озгинасини олиб кетамиз,— дедим мен.

— Ҳозир яна тутади,— деди Кэтрин шоша-пиша. Доктор дискни буриб соатига қаради.

— Тўлғоқ тутиши қандай боряпти?— сўрадим мен.

— Ораси бир минут.

— Сиз овқатланмайсизми?

— Мен ҳозир ионушта қилгани бораман,— деди у.

— Сиз албатта овқатланиб олишингиз керак, доктор,— деди Кэтрин.— Мунча имилламасам, одамга бирарал аlam қиласади. Балки эрим унгача менга газ бериб турар?

— Таъблари,— деди доктор.— Икки рақамигача бурасиз.

— Тушунарли,— дедим мен. Дискнинг тили бўлиб, у айлантириб туриласади.

— Беринг,— деди Кэтрин. У ниқобни юзига қаттиқ босиб олди. Мен дискни икки рақамигача бурдим. Кэтрин ниқобни юзидан олганда орқасига бураб қўйдим. Доктор менга иш топиб берганидан ғоятда хурсанд әдим.

— Газни сен берганмидинг жоним?— сўради Кэтрин. У менинг қўлимни силаб қўйди.

— Мен.

— Қандай яхвисан!

Газдан бир оз унинг боши айланисиб қолганди.

— Мен қўшни хонада овқатланаман,— деди доктор.— Бирор гап бўлса, дарров чақиравсиз.

Мен у қандай овқатланаётганига қараб турардим, кейин бир оз ўтгач, унинг ёнбошлаганини, чекаётганини кўрдим. Вақт ўтиб бораради. Кэтрин тез-тез чарчай бошлиди.

— Нима дейсан, мен ўзи туға олармикинман? — сұради у.

— Албатта туға оласан.

— Құлимдан келганча ҳаракат қиляпман. Мен итласам, у яна орқага кетади. Ҳозир тутади. Бер тезроқ.

Соат иккіда мен овқатлангани кетдім. Қаҳвахонада бир қанча одамлар бор эди, столчада қаҳва билан киршвассер солинган қадаҳлар турарди. Мен столга ўтирдім.

— Ниманғиз бор? — сұрадым мен кельнердан.

— Иккінчи нонушта тамом бўлди.

— Тузукроқ ҳеч нарса йўқми?

— chouicroué¹ тайёрлаш мумкин.

— chouicroué билан пиво беринг.

— Тўлами, яrimми?

— Яrim, очидан.

Кельнер устига чўчқа гўшти қўйилган, винога омихта қилинган қайноққина карамага сосиска ботирилган Sauerkraut² олиб келди. Карам еб пивони ичдім. Жуда ҳам очқагандым. Қаҳвахонада ўтирганларга бир-бир кўз югуртириб чиқдім. Бир столда қарта ўйнамоқда эдилар. Ёнимдаги столда иккі киши гаплашиб, чекишиб ўтиради. Қаҳвахона тутун бўлиб кетганди. Эрталаб нонушта қилган жойимда энди уч киши турибди: чол, кассада ўтириб столларга нима берилаёттанига қараб турган қора кўйлакли семиз хотин ва этак тутган бола. Мен бу хотиннинг болалари қанчайкин ва уларни қандай қилиб туққанийкин, деб ўйлаб ўтирадім.

Овқатланиб бўлиб, орқамга, касалхонага қайдім. Кўча энди ялаб қўйилгандай топ-тоза эди. Ахлат челаклар олиб кетилганди. Ҳавода булутлар кезиб юар, лекин гоҳи офтоб кўринай-кўринай деб қўярди. Лифтда юқорига чиқиб, йўлакдан Кэтриннинг хонасига бордим, халатим шу ерда эди. Мен уни кийиб олиб, гарданимга тўғнағич қадаб олдим. Ойнага қарадим, ичимда худди серсоқол лўттибозга ўхшайман, деб қўйдим. Йўлакдан Кэтрин ётган жойга бордим. Эшик ёпиқ эди, тақиллатдим. Ҳеч ким жавоб бермади; мен эшикни очиб ичкарига кирдім. Доктор Кэтриннинг олдидә ўтиради. Ҳамшира хонанинг бир бошида нимадир қилмоқда эди.

— Ана сизнинг эрингиз,— деди доктор.

^{1, 2} Нордон карэм (франц., немис.).

— Ох, жоним, доктор бирам ажойибларки! — деди Кэтрин жуда ғалати товуш билан. — У менга қизиқ бир латифа айтиб берди, жуда ҳам жоним оғриб кетганды шундай қылдик, мен яна ўзимни билмай қолдым. У антиқа. Сиз антиқа одамсиз, доктор.

— Маст бўлиб қолибсан,— дедим мен.

— Биламан,— деди Кэтрин.— Фақат буни галириб ўтирумайлик.— Сўнг:— *Беринг тезроқ*. Тезроқ беринг.

У ниқобга жонҳолатда ёпишиб олиб, энтикиб узуқ-юлуқ пафас ола бошлади. Кейин чуқур хўрсингандай нафасини чиқарди. Шунда доктор чап қўли билан ниқобни олди.

— Буниси жуда кучли бўлди,— деди Кэтрин. Унинг овози жуда ғалати эди.— Энди мен ўлмайман, жоним. Мен ўлиб қолай дедим, лекин ўтиб кетди. Сен хурсанд-мисан?

— Энди у ёқقا қайтиб бормагин.

— Бормайман. Бироқ ундан қўрқмайман ҳам. Мен ўлмайман, жоним.

— Сиз бундай тентакликни қилманг,— деди доктор.— Сиз ўлмайсиз ва эрингизни ёлғиз қолдириб кетмайсиз.

— Йўқ, йўқ. Мен ўлмайман. Мен ўлишни истамайман. Улим — тентаклик. Мана яна. *Беринг тезроқ*.

Бир оздан сўнг доктор деди:

— Сиз, мистер Генри, бирпастга чиқиб туринг, мен хотинингизни текшириб кўраман.

— У ишнинг қандай бораётганини кўрмоқчи,— деди Кэтрин.— Сен кейин кирасан. Майлими, доктор?

— Ҳа,— деди доктор.— Мен ўзим чақирираман.

Бу ердан чиқиб бола туғйлгандан кейин Кэтринни олиб келишлари керак бўлган палатага кетдим. Мен стулга ўтириб атрофга қарадим. Чўнтағимда овқатлангани боргандада сотиб олган газета бор эди, чиқариб ўқишига тушдим. Қоронғи тушиб қолгани учун чироқни ёқдим. Салча фурсатдан сўнг ўқишидан тўхтаб, чироқни ўчирдим ва ташқарида қоронғи қуюқлашиб бораётганини томоша қилиб турдим. Қизиқ, нега доктор чақирирмаляпти. Балки мен кетганим яхши бўлгандир. Афтидан, менинг у ерда турмаслигимни хоҳлагандир. Соатга қарадим. Яна ўн минутгача ҳеч ким келмаса, ўзим бора-ман.

Шүрлик, шүрлик Қэт. Бирга ётганнинг оқибати мана шундоқ бўлар экан-да. Мана энди қолқон отилди. Севишганларга мукофот мана шу. Яхшиямки, газ бор экан. Оғриқни пасайтирадиган нарсалар бўлмаган кезларда нима қилишган экан? Тўлғоқ тута бошласа, худди тегирмонга тушгандай бўласан. Қэтрин бутун ҳомиладорлик пайтини яхши кечирди. Ўнчалар ёмон бўлгани йўқ. Ҳатто кўнгли ҳам деярли айнигани йўқ. Охирги кунларгача увой деб айтмади. Лекин алоҳал барибир тутилди. Алқасосул миналҳақ. Бўлмаган гап! Биз эллик марта уйланган тақдиримизда ҳам яна шундай бўлган бўларди. Агар у ўлиб қолса-я? У ўлмайди. Ҳозир ҳеч ким түғаётгандага ўлмайди. Ҳамма эрлар шундай деб ўйлашади. Шундай, лекин у ўлиб қолса-я? У ўлмайди. Фақат у жуда қийналиб кетди. Кейин биз: қандай қийин бўлган эди-я, деб гаплашиб юрамиз, ўшанда Қэтрин: унча эмас, дейди. Тўсиндан у ўлиб қолса-я? У ўлмаслиги керак. Ҳа, баногоҳ, ўлиб қолса-я? Бундай бўлиши мумкин эмас, деялман сенга. Аҳмоқ бўлма. Фақат у қийналиб кетди, холос. Фақат табиатнинг ўзи шундай қийналадиган қилиб қўйган, холос. Биринчи туғишида қийналиб туғади. Ҳа, лекин у ўлиб қолса-я? Унинг ўлиши мўмкин эмас. Нега энди у ўлар экан? Ўлишига қандай сабаблар бўлиши мумкин? Милан кечаларида тугилган мева туғилиши керак, холос. Барча қийинчилклар у туфайли бўляпти, кейин у туғилади-ю, айланиб, ўргила бошлайсан, кўрмасанг туролмайдиган бўлиб қоласан. Хатарли ҳеч нарса йўқ. Яна у ўлиб қолса-я? У ўлиши мумкин эмас. Тўсатдан ўлиб қолса-я?

Доктор хонага кирди.

— Ҳеч.

— Нима демоқчисиз?

— Нима дердим. Мен уни ҳозиргина қараб чиқдим...— У батафсил тушунтириб берди.— Кейин мен яна кутдим. Лекин иш олдга силжимаяпти.

— Нима маслаҳат берасиз?

— Икки йўл бор: қисқич ишлатиш мумкин, лекин бу аёл учун жуда хавфли. Болани бир ёққа қўйиб тураверинг. Қорнини кесиш ҳам мумкин.

— Қорнини кесиш жуда ҳам хавфлими?

Яна у ўлиб қолса-я?

— Туғишига қараганда хавфли эмас.

- Буни ўзингиз қилоласизми?
- Ҳа. Менга ҳаммасини тайёрлаш ва керакли одамларни олиб келиш учун бир соат вақт керак бўлади. Балки, бир соатга ҳам бормас?
- Сизнингча қайси осонроқ?
- Мен кесиб олишни айтган бўлардим. Агар бу менинг хотиним бўлганда мен уни кесиб олардим.
- Оқибати нима бўлади?
- Ҳеч қандай оқибати йўқ. Фақат чандиқ қолади.
- Ҳеч қандай асорати бўлмайдими?
- Қисқич билан олганда шундай бўлиши мумкин.
- Ҳеч нарса қилмай, кутсак-чи?
- Эртами-кеч бирон нарса қилиш керак бўлади. Madame Генри ҳалиям кўп куч йўқотдилар. Қанча тез операция қилсак, шунча яхши.
- Унда тезроқ бошланг,— дедим мен.
- Ҳозир бориб айтаман.
- Кэтриннинг олдига бордим. Кэтрин столда устига чойшаб ёпилганча ётар, жуда оқариб, бўздай бўлиб қолган, ҳорғин эди. Ҳамшира унинг ёнида туради.
- Сен рози бўлдингми?— сўради у.
- Ҳа.
- Яхши бўлибди. Энди бир соатдан кейин ҳаммаси тамом бўлади. Бошқа кучим қолмади, жоним. Энди кучим етмайди. *Бер, бер тезроқ.* Фойдаси бўлмади. *Е худо, фойдаси бўлмаяпти.*
- Чуқурроқ нафас ол.
- Оляпман. Е худо, ёрдам бермаяпти. Ёрдам бермаяпти.
- Бошқа цилиндр беринг,— дедим ҳамширага.
- Шу янги цилиндр.
- Жоним, мен шундай тентакманки,— деди Кэтрин.— Лекин ростданам ҳеч ёрдам бермаяпти.— У бирдан йиглаб юборди.— Мен чақалоқ туғишни шунчалик орзу қилгандим, ҳеч кимга оғирим тушмасин девдим, мана энди кучим ҳам қолмади, ҳеч нарса қилолмаяпман, мана, газ ҳам ёрдам бермай қўйди. Жоним, ҳеч ёрдам бермай қўйди. Үлсам ҳам майли эди, фақат тезроқ тамом бўла қолса. О, жоним, жоним, бирон нарса қил, ҳаммаси тугасин. Ана яна. О-о, о-о, о-о!— У пиқиллаб йиглаганча ниқоб билан нафас олмоқда эди.— Ёрдам бермаяпти. Ёрдам бермаяпти. Ёрдам бермаяпти. Кечир мени, жоним. Йиглама. Кечир мени. Бошқа қи-

'олмайман. Шўрлигим! Сени меп шундай севамакки, ҳали яна бир уриниб кўраман. Мана ҳозир бир уриниб кўраман. Бошқа ҳеч нарса беришнинг иложи йўқми? Қанийди менга яна бир нарса беришса!

— Мен газ таъсир этадиган қиласман. Охиригача бурдим.

— Мана энди бер.

Мен дискани охиригача бурдим, у босиқ ва чуқур нафас ола бошлиши билан пиқобини ушлаб турган қўллари шилқ этиб тушди. Мен аппаратни ўчириб, юзидан ниқобни олдим. У қайтиб келмайдиган ердан қайтиб келгандай бўлди.

— Қандоқ яхши, жоним. Сен қандоқ меҳрибонсан.

— Бирпас чида сен жуда юраклисан-ку. Мен ҳадеб бундай қилолмайман. Бу сени ўлдириб қўйинши мумкин.

— Менда энди юрак қолдими, жоним. Мен тамом бўлдим. Мени тамом қилишди. Мен энди биламан.

— Ҳаммада бўлади бундай.

— Лекин бу жуда ҳам ёмон бўляпти. Одамни тамом қилмагунча қийнашади.

— Яна бир соатдан кейин қутуласан.

— Мунча яхши! Жоним, мен ўлмайман-а, тўғрими?

— Тўғри. Сен ҳеч қачон ўлмайсан.

— Менинг ҳеч ўлгим йўқ, сени ёлғиз ташлаб кетолмайман, лекин бирим мадорим қолмади-ей, ўлиб қоламан, деб қўрқяпман.

— Бекор гап. Ҳамма шундай деб ўйлайди.

— Гоҳида мен шундай бўлишини сезиб турибман.

— Үндай бўлмайди. Үндай бўлиши мумкин эмас.

— Мабодо?

— Мен бунга йўл қўймайман.

— Бер менга тезроқ. *Бер, бер, менга.*

Кейин яна:

— Мен ўлмайман. Мен ўзим бунга йўл қўймайман.

— Албатта сен ўлмайсан.

— Сен шу ерда бўласанми?

— Ҳа, фақат қарамасдан турман.

— Яхши. Фақат кетиб қолма.

— Йўқ, йўқ. Мен ҳеч қаерга кетмайман.

— Бирим яхвисанки. Мана, яна бер. Бер яна. *Ердам бермаяпти.*

Дискани уч рақамигача, кейин тўртгача бурдим.

Доктор тезроқ кела қолса-чи, дердим. Мен иккидан сүнг келадиган рақамлардан қўрқардим.

Ниҳоят, бошқа бир доктор билан иккита ҳамшира келишди, улар Кэтринни ғилдиракли замбилга солинди-да, йўлакдан юриб кетдик. Йўлакдан зудлик билан ўтиб лифтга чиқдик, лифтда замбилга жой бериш учун ҳаммамиз деворга қисилишиб турдик; кейин тепага чиқилди, эшик ланг очилди, майдончага чиқилди, йўлакдан резина ғилдиракларда операцияхонагача борилди. Доктор ниқоб тутиб, қалпоқча кийиб олган экан, танимабман. Бу ерда яна бир доктор билан яна ҳамширалар бор эди.

— Менга бирон нарса беришсин,— деди Кэтрин.— Менга бирон нарса беришсин. Доктор, менга таъсир қиладиган қилиб беринг.

Докторлардан бирни унинг юзига ниқоб тутди, мен эшикка қараб, ёп-ёруғ операция саҳнини кўрдим.

— Сиз ҳув авави эшикдан кириб, ўша ерда ўтиришингиз мумкин,— деди ҳамшира.

Тўсиқнинг бу томонида ўтирадиган жойлар бор экан, бу ердан оқ стол билан чироқлар кўринниб турарди. Мен Кэтринга қарадим. Унинг юзига ниқоб тутиб қўйилган, қимирламай ётарди. Замбилни олдинга олиб ўтишиди. Мен йўлакдан орқамга қараб кетдим. Икки ҳамшира галерея томонга шоша-ниша ўтиб боришарди.

— Қоринни кесишармиш,— деди бпри.— Ҳозир қоринни кесиб олишармиш.

Иккинчиси кулди.— Етиб келганимизни қара. Омадимиз бор экан!— Улар галерияга олиб борадиган эшикка кириб кетишди.

Яна бир ҳамшира келди. У ҳам шошиб турарди.

— Нимага турибсиз, киринг. Кирсангиз-чи,— деди у.

— Мен шу ерда кутаман.

У ҳовлиқсанча кириб кетди. Мен йўлакда у ёқдан-бу ёққа юра бошладим. Киришга қўрқардим. Деразага қарадим. Қоронги эди, лекин деразанинг шуъласида ёмғир ёғаётгани кўринди. Йўлак охиридаги бир хонага кирдим-да, ойнаванд жавонда турган шишаларнинг ёзувларига қараб чиқдим. Кейин чиқиб бўм-бўш йўлакда туриб операция хонасининг эшикларига қараб қолдим.

Иккинчи доктор, ундан кейин ҳамшира чиқди. Доктор иккала қўли билан териси ҳозиргина шилиб олин-

ган қүёнга ўхшаш бир нарсани күтариб олганди. У йўлакдан тез ўтиб бошқа бир эшикка кириб кетди. Мен у кириб кетган хонанинг эшигидан келиб қарадим, улар чақалоқни нимадир қилаётгандарини кўрдим. Доктор менга кўрсатиш учун уни кўтарди. У чақалоқнинг оёғидан күтариб шапатилаб қўйди.

— Аҳволи дурустми?

— Зўр йигитча. Беш килолар келади.

Уни кўрганда юрагим жиз этмади. Худди менга унинг алоқаси йўқдай. Юрагимда унга нисбатан оталик меҳрини тўймадим.

— Наҳотки сиз ўз ўғлингиз билан фахрланмасангиз? — сўради ҳамшира. Улар чақалоқни ювишиб нималаргадир ўраб қўйишмоқда эди. Мен унинг кичкина қорамтири юзини, қорамтири қўлчаларини кўрдим, лекин на қимирилаганини, на инг деб овоз чиқарганини эшигидим. Доктор уни яна алланималар қила бошлади. У ташвишли кўринарди.

— Йўқ,— дедим.— У онасини ўлдириб қўяй деди.

— Бунга бечора чақалоқ гуноҳкор эмас. Сиз ўғил бўлишини истамовдингизми?

— Йўқ,— дедим. Доктор ҳамон у билан овора эди. Уни яна оёғидан күтариб шапатилади. Мен бунга қараб ўтирамадим. Йўлақка чиқдим. Энди кириб кўришим мумкин эди. Галереяга олиб чиқадиган эшикдан кириб, бир неча зина пастга тушдим. Тўсиқ олдида ўтирган ҳамширалар менга пастга тушинг деган ишорани қилишди. Мен бош чайқадим. Шу ердан ҳам бемалол кўриниб турарди.

Мен Кэтрин ўлган бўлса керак деб ўйлардим. У ўлганга ўхшаб ётарди. Унинг менга кўриниб турган юзи кўкариб кетганди. Пастда эса чироқ тагида доктор кенг, узун очилган, четларни бўртиб турган пинцетлар билан тортилган ярани тикмоқда эди. Бошқа, юзига ниқоб тутиб олган доктор наркоз берарди. Икки юзларини бойлаб олган ҳамшира ускуналарни узатиб туришарди. Бу инквизиция пайти тасвирланган суратга ўхшарди. Мен у ерда туриб ҳаммасини ўз кўзим билан кўришим мумкин эди, лекин шундай қилмаганимдан ҳозир хурсанд эдим. Эҳтимол, мен кесишларига чираб туролмаган бўлардим, лекин энди мен доктор косиблардай чаққонлик билан чок тикаётганига бемалол қараб турардим.

У охиригача тикиб бўлгандан сўнг йўлакка чиқиб кетдим ва яна уёқдан-буёқقا юра бошладим. Кўп ўтмай доктор чиқди.

— Қалай, у тузукми?

— Тузук. Сиз қараб турувдингизми?

Унинг кўриниши ҳорғин эди.

— Мен сизнинг тикаётганингизни кўрдим. Жуда ҳам катта кесибсизларми дейман?

— Сизга шундоқ туюлгандир.

— Ҳа. Чандиги кейин текис бўлиб кетадими?

— Албатта.

Салдан кейин замбилни олиб чиқишида, йўлакдан зудлик билан лифтга олиб кетишиди. Мен ёнида бордим. Қэтрин инграб ётарди. Пастда палатада уни ўрнига ётқизишиди. Мен каравотнинг оёғидаги стулга ўтирдим. Палата қоронғи эди. Қэтрин қўлини узатди.

— Шу ердамисан, жоним? — деди у. Унинг овози заиф ва ҳорғин эди.

— Шу ердаман, азизам.

— Бола қанақа?

— Ш-ш, гаплашманг, — деди ҳамшира.

— Үғил. Қаттакон, семиз, қорача.

— Үзи тузукми?

— Ҳа, — дедим. — Зўр бола.

Ҳамшира менга ғалати қараб қўйғанлигини кўрдим.

— Жонимда жон қолмади, — деди Қэтрин. — Ҳамма-ефим оғриб кетяпти. Узинг тузукмисан, жоним?

— Жуда яхши. Гапирма.

— Сен бирам яхвисанки. О жоним, билсайдинг қандай оғриётганини! У кимга ўхшайди?

— У териси шилинган қуёнга ўхшайди, башараси қаримсиқ.

— Сиз яхвиси чиқиб кетинг, — деди ҳамшира. — Madame Генри гапиришлари мумкинмас.

— Мен йўлакда бўламан, — дедим.

— Бор, бирон нарса еб кел.

— Йўқ. Мен йўлакда бўламан.

Мен Қэтринни ўпиди қўйдим. Унинг юзи паға бўлиб кетган, қаттиқ азоб тортгани кўриниб турарди.

— Сизни бир минутга мумкинми, — дедим мен ҳамширага. У мен билан йўлакка чиқди. Мен эшикдан нарироққа юрдим.

— Болага нима бўлган?

- Ҳали ўзингиз билмайсизми?
- Иўқ.
- Бола тирик эмасди.
- У ўлни миди?
- Уни нафас олдиролмадик. Қиндиғи бўйнига ўзалиб қолган экан.
- Демак, у ўлганими?
- Ҳа. Бирам ачинарлиг-ей. Паҳлавондай бола эди-я. Мен сиз билсангиз керак девдим.
- Иўқ,— дедим мен.— Боринг, *madame* олдила-рига киринг.

Мен ҳамшираларни симга қадалган ҳисоботлари турган стол олдиндаги стулга ўтиридим ва деразага ҳара-дим. Қўзимга зими斯顿 туп билан ойна ёруғида ёғаёт-ган ёмғирдан бўлак ҳеч нарса кўринмади. Мана гап қаерда экан! Бола ўлк туғилибди. Доктор нега мунча ҳорғин десам, шунга экан-да. Нега бўлмаса, хонада унинг оёқларидан кўтариб орқаларига шапати уриб юришибди? Афтидан, уни тирилтиришмоқчи бўлган бўл-салар керак. Мен диндор эмасдим, лекин уни чўқинти-риш кераклигини англаб турардим. У бирон марта ҳам нафас олмаган бўлса-я? Шундайликка шундай-я. У бир соңия ҳам яшамаган. Фақат она қурсоғидагина тирик бўлган. Мен неча мартараб унинг қимирлаганини сез-ганман. Қейинги пайтларда эса, билинмай қолган эди-я. Балки у ўшандаёқ бўғилиб қолгандир. Бечора чақалоқ! Нега ҳам мен ундаи бўлиб бўғилиб ўлмадим. Афсус. Иўқ, афсус эмас. Эҳтимол ўлиб кетганимда яна бунча ўлимларни бошимдан кечирмаган бўлардим. Энди Қэт-рин ўлади. Мана, ҳаммасининг оқибати нима бўлар экан. Улим. Буларнинг ҳаммасининг нима кераги бор, ҳатто билмайсан ҳам. Билиб улгуролмайсан.

Бир куни ўрмонда ҳордиқ чиқаргани ўтиридим. Гул-ханга чумолилар уймалашиб ётган тўнкани қалаб қўй-дим. Тўнка ёна бошлагач, чумолилар ташқарига ўрмалаб чиқиши ва аввал олов ёнаётган ўрталнқча қараб юришибди, кейин тўнканинг тепасига қараб қочишибди. Бу ерда чумолилар кўпайишиб кетгандан кейин бирин-си-рин оловга қулаб туша бошлиши. Баъзи бирлари амал-тақал қилиб ўтдан чиқиб олишибди, куйган, эзилган ҳолда ўзлари ҳам қаергалигини билмай тирқираб қочишибди. Лекин уларнинг кўпчилиги оловга яқинлашиб сўнг яна ортга қайтишар, бир ерга тўпланишиб олар ва

яна ўт ичига қулар әдилар. Эсимда, ўшанды буни дүшегинг охирига ўхшатган, түнкани олиб отиб юбориб масиҳодай халоскорлик қилмоқчи бўлгандим, унда чумолилар қутулиб кетган бўлардилар. Лекин бунинг ўрнига мен қалай кружкадаги сувни тўнкага сепиб юбордим, кружкага виски солиб кейин устидан сув қуйиб аралаштироқчи бўлган әдим. Ёниб турган тўнкага тушган сув эҳтимолки, чумолиларни баттарроқ куйдирган бўлса.

Мен йўлакда ўтириб Кэтриннинг соғлиги ҳақида ҳабар беришларини кутар әдим. Ҳамшифадан ҳамон дарак бўлмагани учун бир оздан сўнг ўрнимдан туриб, бориб секин эшикни қиялаб очиб ичкарига назар ташладим. Йўлак ёп-ёруғ, палата ичи қоронғи бўлгани учун аввал ҳеч нарсани кўролмадим. Кейин каравот олдида ўтирган ҳамширани, ёстиқдаги Кэтриннинг бошини, чойшабдан билинар-билинмас кўтарилиб турган гавдасини кўрдим. Ҳамшира қўлини лабига босди-да, кейин ўрнидан туриб, эшик олдига келди.

— Аҳвол қалай? — сўрадим мен.

— Тузук, ҳаммаси жойида, — деди ҳамшира. — Сиз овқатланиб келаверинг; кейин яна келарсиз.

Йўлакдан бориб зинадан пастга тушдим, касалхонанинг эшигидан чиқдим-да, ёмғирда қаҳвахонага қараб кетдим. Қаҳвахона чароғони, ҳамма столлар банд әди. Жой излаб тополмадим, шунда кельнер олдимга келиб ҳўл пальтом билан шляпамни олиб, менга бўш стул кўрсади, столнинг бир ёғида қандайдир кексароқ бир одам пиво ичиниб кечки газетани ўқиб ўтиради. Мен кельнердан бугун қандай *plat du jour*¹ борлигини сўрадим.

— Бузоқ гўшти бор әди, лекин тугади.

— Кечки овқатга нималарингиз бор?

— Чўчқа гўшти билан тухум, пишлоқ солинган қуймоқ ёки

— *Choucroute*ни эрталаб еган әдим, — дедим мен.

— Рост, — деди у. — Рост. Сиз бугун эрталаб овқат еган эдингиз.

Ўрта ёшли бу одам ўзининг тепакали устига сийрак соchlарини силлиқ қилиб тараб қўйган әди. Юзига қарангуда яхши одамга ўхшарди.

¹ Тасъёр таом (франц.).

— Нима келтирай? Гүшт билан тухумми ёки қыймоқми?

— Гүшт билан тухум,— дедим,— пиво.

— Demi-blonde?

— Ҳа,— дедим.

— Кўрдингизми, эсимда турибди,— деди у.— Сиз эрталаб ҳам demi-blonde буюрган эдингиз.

Мен овқатни еб, пивони ичиб олдим. Овқатни ичи чўнқир идишда беришди, идишнинг ичидаги гүшт, устига тухум қўйилганди. У жуда ҳам иссиқ экан, бир қошиқ оғзимга олиб боргандим, кўйдираб юборай деди. Пиво билан қўшиб ичдим, мен жуда оч эдим, яна овқат сўрадим. Бир неча стакан пиво ичдим. Мен ҳеч нарсанн ўйламасдим, қўшиним ўқиётган газетани ўқий бошладим. Унда инглиз фронтида юз берган ўпирилиш ҳақида ёзилганди. Қўшним унинг газегини ўқиётганимни кўриб бошқа бетига ағдариб олди. Мен кельнердан газета сўрамоқчи эдим, лекин сира хаёлимни бир ерга йиголмадим. Қаҳвахонанинг ичи иссиқ ва ҳавоси бўғиқ эди. Ўтирганларнинг кўплари бир-бирларини танир эдилар. Бир неча столларда қарта ўйнашмоқда эди. Кельнерлар столлар орасидан ичимликлар ташиб юришарди. Йкки киши кириб ўрин топишолмади. Улар менинг қаршимга келиб тўхташди. Мен яна пиво сўрадим. Ҳозир кетганим билан қаерга ҳам бораман, касалхонага боринига ҳали эрта эди. Мен ҳеч нарсанн ўйламаслика, оғир бўлишга ҳаракат қиласдим. Киргандар яна бирпас туришди, лекин ҳеч кимининг ўрни бўшамагач, чиқиб кетишиди. Яна пиво ичдим. Олдимда, стол устида анча идишлар йигилиб қолганди. Қаршимда ўтирган одам кўзойнагини олди, уни филофига солиб қўйди, газетани буклаб чўнтағига тиқди-да, қўлидаги ликёр солинган қадаҳни ўйнааб атрофга аланглай бошлади. Тўсиндан бормасам бўлмаслигини сездим. Мен кельнерни чақирдим, пулни тўладим, пальтони кийдим, шляпани олиб кўчага чиқдим. Касалхонага қайтдим, ёмғир ёғиб турарди.

Тепада, йўлакда ҳамириага дуч келдим.

— Мен ҳозиргиша сизга, меҳмонхонага ҳўнғироқ қиласдим,— деди у.

Ичимда бир нарса узилиб кетгандай бўлдъ

— Тинчликми?

— Madame Генридан қон кетяпти.

— Кирсам бўладими?

- Йўқ, ҳозир мумкинмас. Доктор бор.
- Хавфлими?
- Жуда ҳам хавфли.

Ҳамшира ичкарига кириб орқасидан эшикни зичлаб ёпди. Мен йўлакда, эшик олдида ўтиридим. Ичим ўпирилиб тушгандай эди. Мен ўйламасдим. Миямга ҳеч нарса кирмасди. Мен унинг ўлишини билардим ва худодан унинг ўлмаслигини илтижо қиласдим. Илоҳо, у ўлмасин. Ёраб, ёраб, у ўлмасин. Нимани буюрсанг, шуни адо этаман, фақат у ўлмасин. Йўқ, йўқ, йўқ, у ўлмасин. Жоним худо; у ўлмасин. Йўқ, йўқ, йўқ, у ўлмасин. Парвардигорим, уни ўз паноҳингда асра. Нима дессанг, шуни адо этаман, у ўлмасин. Сен болани олдинг, энди уни ўз паноҳингда асра. Уни олдинг, майли, лекин энди буни ўз паноҳингда асра. Худо, жоним худо, уни ўз паноҳингда асра.

Ҳамшира эшикни қия қилиб очди, менга киришга ишора қилди. Унинг орқасидан палатага кирдим. Кирганимда Қэтрин ўгирилиб қарамади. Мен ўрин олдига келдим. Доктор тўшакнинг нариги томонида турган эди. Қэтрин менга қараб жилмайди. Мен тўшакка энгашиб йиғлаб юбордим.

— Шўрлигим,— деди Қэтрин жуда ҳам хаста овозда. Унинг юзи паға бўлиб кетганди.

— Ҳаммаси жойида, Қэт,— дедим мен.— Тезда ҳаммаси яхши бўлиб кетади.

— Мен тезда ўламан,— деди у. Қейин бир зум сукут қилиб турди-да, деди:— Мен эса хоҳламайман.

Мен унинг қўлини тутдим.

— Ушлама мени,— деди у. Унинг қўлини қўйиб юбордим. У жилмайди.— Шўрликкинам! Ушлайвер истаганингча.

— Ҳаммаси яхши бўлади, Қэт. Мен биламан, ҳаммаси яхши бўлади.

— Мен бир нарса бўлиб қолса деб, сенга хат ёзиб қолдирмоқчи эдим, ёзилмаёқ қолди.

— Мен кашишними, бирон одамни чақираими?

— Үзинг борсан, етади,— деди у. Қейин анчадан сўнг:— Мен қўрқмайман. Фақат мен хоҳламайман.

— Сизга кўп гапириш мумкин эмас,— деди доктор.

— Яхши, гапирмайман,— деди Қэтрин.

— Нима қиласай, Қэт? Сенга бирон нарса керакми?

Қэтрин жилмайди.— Йўқ.— Бир қанча вақт ўт-

гач:— Сен бошқа қиз билан мен билан бўлгандаи бўлмайсанми? Бизнинг сўзларимизни гапирмайсанми? Айт.

— Ҳеч қачон.

— Мен сенинг яна қизларинг бўлишини истайман.

— Улар менга керакмас.

— Сизга кўп гапириш мумкин эмас,— деди доктор.

Mansieur Генри чиқиб турмаса бўлмайди. Кейинроқ яна киради. Сиз ўлмайсиз. Бўлмағур гапларни гапирманг.

— Хўп,— деди Қэтрин.— Мен сенинг олдингга тунлари келаман,— деди у. У зўр-базўр гапирмоқда эди.

— Марҳамат, палатадан чиқинг,— деди доктор.— Унинг гапириши мумкинмас.

Қэтрин менга имо қилиб қўйди; унинг юзи ҳўкариб кетмоқда эди.

— Майли, мен йўлакда тураман,— дедим.

— Ҳафа бўлма, жоним,— деди Қэтрин.— Мен зиғирча ҳам қўрқмайман. Фақат бу жуда бўлмағур нарса.

— Сен менинг жонажонимсан, сен жуда юракли хотинсан.

Мен йўлакда, эшик орқасида турдим. Узоқ турдим. Ҳамшира палатадан чиқиб, ёнимга келди.

— Мақаме Генрининг ҳоли жуда ёмон,— деди у.— Мен қўрқяпман.

— У ўлдими?

— Йўқ, у ҳушсиз ётибди.

Афтидан қон тўхтамай кетмоқда эди. Қонни сира тўхтатиб бўлмади. Мен палатага кирдим, то жон бергунча Қэтриннинг олдида бўлдим. У бошқа ўзига келмади, кўп ўтмай ҳаммаси тугади.

Йўлакда мен докторга дедим:

— Бугун яна қилинадиган ишлар борми?

— Йўқ. Ҳеч нарса қилиш керак эмас. Сизни меҳмонхонага кузатиб қўяйликми?

— Йўқ. раҳмат. Мен яна бир оз шу ерда бўламан.

— Биламан, нима ҳам дердим. Ифода қилолмағман...

— Ҳа,— дедим,— нима ҳам дейиш мумкин

— Хайрли тун,— деди у.— Балки ҳар ҳолда кузатиб қўйсам бўлармиди?

— Йўқ, раҳмат.

— Бошқа ҳеч нарса қилиб бўлмади,— деди у.—
Операция кўрсатдики...

— Мен бу ҳақда гапиришни истамайман,— дедим.
— Сизни меҳмонхонага кузатиб қўйсам девдим.
— Йўқ, раҳмат.

У йўлакдан юриб кетди. Мен палатанинг эшигига келдим.

— Ҳозир мумкинмас,— деди ҳамширалардан бири.
— Мумкин,— дедим.
— Йўқ, ҳали мумкинмас.

— Кетинглар бу ердан,— дедим мен.— У ҳам кетсин.
Бироқ уларни ҳайдаб юбориб эшикни ёпнб чироқни ўчирганимда, бунга энди ҳожат қолмаганлигини англа-дим. Бу ҳайкал билан хайрлашувдай эди. Кўп ўтмай мен чикиб зинадан тушдим-да, ёмғирда меҳмонхонага йўл олдим. Ёмғир тинмай ёғарди.

